

Selections from Hindi Literature

BOOK III

TULSÍDÁS

Compiled by

LALA SITA RAM, B A , Sahityaratna .

**Member of the Royal Asiatic Society of Great Britain
and Ireland, etc , etc**

Published by the

University of Calcutta

1923

CONTENTS

	Pages
TULSIDAS (<i>English</i>) 	1—xix
<i>Rámáyán Tulskrit—</i>	
Bál Kánd 	1—93
Ajodhyá Kánd 	94—161
Uttar Kánd... 	162—176
<i>Gítávalí—</i>	
Bál Kánd 	177—187
Ajodhyá Kánd 	187—191
Sundar Kánd 	191—193
Lanká Kánd 	193—201
<i>Kavitávalí—</i>	
Bál Kánd 	201—204
Ajodhyá Kánd 	204—207
Sundar Kánd 	207—213
Lanká Kánd 	213—216
Uttar Kánd 	216—225
<i>V. naṇapatriká</i>	226—263
<i>Dohávalí</i>	263—272

Book III



TULSÍDÁS

The great orientalist and lover of our country's literature, Sir George Grierson, has, nearly in the course of half a century so carefully studied the works of Tulsídás and embodying the result of his researches, written so much and so accurately about the poet and his poetry that, with my imperfect knowledge of English, any remarks from me would hardly convey to the general reader a better idea of the great man to whom "must go forth the gratitude of endless generations of Hindi-speaking peoples for his wise decision to sing in Hindi, for otherwise the *Rámáyan*—the solace of millions of hearts in northern India—would have remained a sealed book to the inhabitants of village and hamlet, to the ignorant and the illiterate; its manifold beauties lost on the library of the learned or the curious collector, in age-worn almirahs or in the dust laden shelves."*

Sir George with his unfailing kindness permitted me not only to take extracts from his writings but to publish two of them. In this introductory note, therefore, extracts from his paper on "Tulsídás, poet and religious reformer", his article on Tulsídás in the *Encyclopædia of Religion and Ethics*, as also

* The significance of Bhakti Schools in India by Sri Prakash, M A , LL B (Cantab) Bar-at law

from his Notes published in the "Indian Antiquary" have been freely given and will in my opinion form a fitting introduction to the study of the selections.

TULSIDAS, the greatest star in the firmament of mediæval Indian poetry flourished in the sixteenth century of the Christian era. Various theories have been propounded about the date and place of his birth, but according to the latest researches he was born of a Brahman family in Tári on the south bank of the Jumná about 15 miles east of Rájápur in Bánda district in 1589 V. E. (1532). He was left an orphan at a very early age and seems to have subsisted on the charity of the people of Rájápur which was then the nearest town of some importance. On coming to age, he was married to Ratnáwalí, daughter of Dínabandhu Páthak of Mahevá on the other side of the river. His only son seems to have died in his infancy. He was passionately attached to his wife. The story runs that one day Ratnáwalí went over to her father's house in his absence and without his consent. Tulsídás returned home rather late in the night and was sorely distressed. To quote Príyadís, "He forgot all about himself and hastened there too. She was greatly ashamed and went away in anger saying 'if you had as much love for Rájá as you have for my body, a frame-work of skin and bones, you would attain eternal beatitude'. This rebuke, says the biographer, was sufficient to effect the greatest revolution recorded in the annals of psychology. The mortal love was at once transformed into an intense devotion to the feet of the Lord and secured for Tulsídás a place unapproached and unapproachable in the galaxy of saints.

“If you attach your heart to the Lord as you have done to my skin and bones I would consider you wise.”*

Bilwamangal was immediately converted and became one of the greatest votaries of the Lord.

I would only note here that the rebuke administered to Tulsī by his wife was precisely in the same words —

अस्थिचर्ममय देह यह तासों जैसी प्रीति ।
तैसी जो श्रीराम महं होत न तौ भवभीति ॥

* Another part of this story has been planted on Surdas and some books have lately been published in which Bilwamangal has been identified with Surdas. The story runs that Bilwamangal with a view to punish his eye for yielding to temptation, blinded himself by poking needles and was travelling in that condition towards Brindaban when the sun set. The Lord in His mercy took him by the hand and seated him under a tree. The devotee found out at once that his hand was held by no other than the Lord Krishna and when therefore He wanted to release Himself Bilwa held Him firmly. The votary however was no match for the Lord and when the Lord at last got out of his hold, Bilwa cried in the words of Nabhaji,

कहा भयो कर छुटै बंदों जो हियते जाई ।

“What matters it if the hand is released, I shall bet anything if thou canst tear thyself from my heart”

The legend concerning Surdas is given at page 24 of the *Modern Vernacular Literature of Hindustan* and I reproduce it in Sir George Grierson's own words

Subsequently to his becoming blind, during the absence of his amanuensis, Krishna came himself and wrote down for him the words which welled forth from the unsuspecting poet's mouth. At length Surdas perceived that the writer was outstripping his tongue, and was writing down his thoughts before he had uttered them. Recognising the *Antaryami* God by this, Surdas seized him by the hand, but Krishna thrust him away and disappeared. Surdas then uttered the following verse —

कर छुटकाये जात हो निबल जानी मोहि ।
हिःदय से जो जाइगे मरद बखानौ तोहि ॥

“Thou thrustest away my hand and departest, knowing that I am weak. But not till Thou depart from my heart, will I confess Thee to be brave”

This in the words of Sir George Grierson is the poet's highest flight, “the leading idea of which is that though a mortal might thrust him away, no one but God could tear himself from the poet's heart”

It is a significant fact that two *bhaktas* of the Lord should receive their inspiration in the same way but we have no doubt about Tulsídás, though the prostitute Chintámaní has excelled Ratnāwalí. When the majesty of love dawned upon her, her heart was affected and illuminated first as she cried,

मैं तो भये भोर भनौं युगुनकिशोर अब,
तेरी तुही जानै चाहौ करौ मतमानिकै ॥

‘As soon as the morning dawns, I shall devote myself to the Lord (lit the Holy Couple), you may do as you may like.’

Tulsidas is said to have gone over at once to Benares. To me it appears that he joined a company of Sádhus and went over to Síkarkhet or the Varahakshetra at the confluence of Sarju and Ghogra in Gonda district, and not Soron in Etah district as Mr. Growse thinks. Here he was initiated in the principles of Vaishnavá religion by Narhari Das who told him the story of the *Rámáyan*. We can not believe that in his childhood he was picked up by an itinerant sádhu and taken to Paska and staying there for some time went back to Rájápur to be married. The excessive attachment to his wife and the sudden change are all indicative of an impulsive prime of youth and it is on this assumption that we can get a reasonable explanation of the statement in *Bal Kand doha* 37.

सो मैं निज गुरु से सुनी कथा सुसुकरखेत ।
समुक्त नहीं तब बालपन तब अति रह्यो अचेत ॥

“As for myself, I heard the story from my master at Sukar-khet, not understanding it, when I was quite a child and had no sense.” (*Growse's translation*)

He next went over to Ajodhya and fixed his residence in the place since known to posterity as Tulsí Chaura and it was here that on the Ram Navami of 1631 V.E. which according to Sir George Grierson's calculations fell on Tuesday, the 30th March, 1674, he published his *Rāma Charita Mānasa*.

He had travelled far and wide and some account of his journeys is given in the *Tulsídās kā Jwan Charita* by Baijnath appended to the Khadga Bilās Press edition of the *Rāmāyan* as also to the *Rāmāyan* with the commentary of Rām Charan Das as published by the Newal Kishore Press, Lucknow*. His longest stay appears to have been in Malihabad in Lucknow district where a temple of Rama consecrated by him is still in existence. Nearer home he seems to have spent some years in Chitrakút. In his old age according to the popular belief that Kashi is the *Smashāna Bhūmí*, (the cemetery) of Ajodhya, he retired to Benares and settled at the confluence of Asi and Ganges where his house is still shown, in which he breathed his last on the 7th day of the bright half of Sawan, 1680 V.E. corresponding to Thursday, July 24th, 1623.

The following works are attributed to him in *Misra Bandhu Vinod* —

1. *Rāmacharita-mānasa*.
2. *Kavitāwalí Rāmāyan*.
3. *Gītāwalí Rāmāyan*.
4. *Chhandāwalí Rāmāyan*.
5. *Barwai Rāmāyan*.

* For a fuller account of the life and teachings of Tulsidas the reader is referred to *Sri Goswami Tulsidas ka Jwan Charita* by the late B. Sheonandan Sahai of Arrah.

6. *Padawali Rámáyan.*
7. *Kundaliyá Rámáyan.*
8. *Chhappa Rámáyan.*
9. *Karkhá Rámáyan*
10. *Rolá Rámáyan.*
11. *Jhúlná Rámáyan.*
12. *An'áwali.*
13. *Dhruva Prashn íwalí.*
14. *Ram Lalá Nahachchhu*
15. *Jánki Mangal.*
16. *Párbati Mangal*
17. *Krishna Gítáwali.*
18. *Hanúmánbahuk.*
19. *Sankalmochan*
20. *Hanúmán Chálísá.*
21. *Rám Salaká.*
22. *Rám Satsat.*
23. *Barragya Sandípaní.*
24. *Vinaya Patriká.*
25. *Tulsidás kí bání.*
26. *Kalidharmadharmanirúpan.*
27. *Doháwali*
28. *Gyán ko parikaran.*
29. *Mangal Rámáyan*
30. *Gítá Bháshá.*
31. *Súrya Purán*
32. *Rám Mukhtíwali.*
33. *Gyán Dípiká.*

Hindi scholars doubt the claims of some of these to be the compositions of Tulsidás. There is, however, no doubt about the genuineness of most of them and a short account of the principal works is therefore given below :—

Before proceeding to describe his works it may be noted that there are three ways of looking at Rama; we may look at the tender side of his character (*mādhurya*), its majestic side (*aīsvarya*) and its complex side (*misrita*), in which tenderness and majesty are combined. There are four ways of singing his praises, as a *māgadha* or panegyrist, as a *vandin* or bard, as a *sūta* or *pauranika*, i. e. historical poet, and as an *arthin* or suppliant.

A work in which the complex view of Rama's character, together with his glory and his power, is celebrated, is called a *charita* and is sung by a *sūta*. His tenderness should be sung by a *māgadha* and his majesty by a *vandin* while entreaties addressed to him should be sung by an *arthin*.

1. We shall begin with the most important work.

The *Ramacharita-manasa* commonly known as the *Tulsikrit Rāmāyan*. "Its name shows that it is a *charita*. The poet writes in the character of a *sūta* and deals with the complex side of his hero's character." It is the poet's greatest work and was commenced in V.E 1631 (1574). It has been described as the Bible of ninety millions of people, and is "more popular and more honoured by the people of the North Western Provinces than the Bible is by the corresponding classes in England." "There is not a Hindu of Hindustan proper, whether prince or cottar, who does not know, its most famous verses and whose common talk is not coloured by it. Its similes have entered even into the language of Indian Muslims, some of whose most ordinary idioms, though they

know it not, made their first appearance in this work."

"The life of Rámchandra, considered as an incarnation of the Supreme, is here dealt with in a formal epic. The subject is the same as that of the celebrated Sanskrit *Rámáyan* of Válmiki, but the epic of Tulsí Dás is in no way a translation of that work. We have an independent story, built on the same foundation, but differing from it in the treatment of episodes and in important details. The author himself states that he has taken his account from many different sources, and it has been shown that the principal of these besides Válmiki's work, were the *Adhyátma Rámáyan* (a section of the *Brahmánda Purána*), the *Bhusundi Rámáyan*, the *Vasishtha Samhitá* and *Prasanna rághava* attributed to Jayadeva."*

In my article referred to in the footnote to the last extract I have shown that Tulsí Dás himself acknowledges his debt to the authors of some of these books by saluting them in the introductory Sanskrit verses. I have not yet been able to trace the *Bhusundi Rámáyan*. The *Anand Rámáyan* also appears to have been requisitioned for some of the scenes.

The *Rámcharita-mánasa* is one of the great epics. "Its style varies with the subject. There is the infinite pathos of the passage describing Ráma's farewell to his mother, the rugged language describing the horrors of the battlefield, and, when occasion

* See L P Tessitori, K *Ramacharitamánasa e il Ramayan*, reprinted from *Giornale della Società Asiatica Italiana*, xxiv (1911) reviewed by G A Grierson, in *JRAS*, 1912 p 794 ff and Sita Ram, in *JRAS*, 1914, P 419 ff — *Encyclopædia of Religion and Ethics* p 472

requires it, a sententious, aphoristic method of dealing with narrative, which teems with similes drawn, not from the traditions of the schools, but from nature himself, and better than Kalidása at his best. His characters, too, live and move with all the dignity of a heroic age. They are not colourless phantoms which he clothes with beautiful imagery, but are real beings each with his well-defined personality. Ráma, perhaps too perfect to enlist all our sympathies; his impetuous and loving brother Lakshmana; the tender, constant Bharata; Sítá, the ideal of an Indian wife and mother; Rávan, destined to failure, and fighting with all his demon force against his fate—all these are characters as lifelike and distinct as any in Occidental literature."

It is, however, not as a great poet that Tulsídás is so famous. "He towers above others not merely by reason of the majesty and sweetness of his poetry but because he thought of high things and clothed his thoughts in fitting language"* He is the great religious reformer of Upper India. "He was a follower of Rámánand but he developed the doctrines of his master in a way peculiarly his own. His great claim to attention is that while other Indian reformers have taught elevated doctrines, he not only taught them but succeeded in getting his teaching accepted by the nationalities which he addressed. We judge of a prophet by his fruits, and I give much less than the usual estimate when I say that fully ninety millions of people base their theories of moral and religious conduct upon his writings. If we take the

*JRAS January, 1923, page 147.

influence exercised by him at the present time as our test, he is one of the three or four great writers of Asia."

There is, however, one peculiarity in this extraordinary work which has made it acceptable even to those Hindus who claim to be "protestants". The Muhammadan bigotry had only attempted to make forcible conversions and to destroy Hindu temples. The substratum of our religion was however, left undisturbed and there was nothing in the teachings of Islám which could sap the foundations of our *Dharma* edifice like the modern university education. In the reign of Akbar there were three religions prevalent in this country :

1. The Adwaitaváda of Sankaráchárya, with Siva as the tutelary deity.
2. The Vishishtadwaitváda of Rámánujáchárya, commonly known as the Shri Vaishnava.
3. The Smárta Vaishnava sect of Rámánand which, in spite of the agitation set up within the last three years in Ajodhya, I hold is a branch of the Shri Vaishnava sect considerably modified to meet the needs of the time.

A close study of the *Rámcharita-mánasa* will show that Siva in the book represents Sankara, Lakshmana is Rámánuja and Bharata is a personification of Rámánand. It is not possible to give in the short space of introduction a full account of the teachings of each sect as reflected in this book but this fact has escaped the notice of the most careful readers of Tulsídás and a knowledge of this is abso-

lutely necessary to explain some of the knottiest points in the *Rámcharita mánasa*. Tulsidas has seldom expressed his own religious views. He always puts religious dogmas in the mouth of some important speaker. It is only at the end of Ajodhyakánd that he impliedly says that he is follower of Rámánand. Growse's translation of this stanza is given below :—

“If Bharat had never been born, full of the ambrosia of devotion to Ráma and Sítá, who would have practised such self-restraint and penance, such composure, patience and rigorous fasting, transcending every imagination of the saints ? Who in legendary disguise would have removed our burning sorrows and poverty, our arrogance and sin ? What poor wretch like Tulsi now in this iron age would have ventured to set Ráma before you ?”

The last line should have been more accurately rendered as follows : “And who in this iron age should have perforce compelled wretches like Tulsi to appear before Ráma”. This evidently means that it was Bharat (Rámánand) whose teachings inspired him with love and devotion to Lord Ráma.

2. *Kavittáwali*—“Here the poet in the character of a *vandin* or a bard tells of the glory of Rama so as to encourage the faithful with a picture of the Deity's power.” The language is Awadhí mixed with Braja Bhákhá. No work of Tulsídás shows the extraordinary mastery of vocabulary so well as this. His subject is heroic and without any needless recourse to Sanskrit he writes in a heroic style. In the battle-field the words themselves by their very

sounds echo the clash of arms and the cries of the combatants.

The account of the burning of Rávana's city, Lanká is remarkably vivid in its descriptive power. We hear the crackling of the flames, the shouts of the citizens, and the cries of the helpless women as they call for water. This is one of his verses:—

“Fire ; Fire ; Fire ,” They flee, they run hither and thither for their lives. Mother knows not her own daughter. Father helps not his son. Girls, with their hair dishevelled, nay, their garments torn open, blind in the darkness, children, old men, cry and cry again and again for ‘water, water.’ The horses neigh, the elephants trumpet as they break forth from their stalls. In the vast mob, men shove and trample, one crushing the other as he falls beneath his feet. Calling each other's names, children shriek, lamenting distraught, crying, ‘My father, my father, I am being scorched, I am being burnt alive in the flames.’ (*Kavittavali* V. 15 Venkateshwar Press edition, page 58.)

The narrative closes with the sixth book. The seventh, which is nearly half of the whole, consists of a number of short poems in the *kavitta* metre written at different times and here collected by their author. They have no direct connexion with the preceding books and being full of personal allusions form a valuable source of information as to the poet's times and experiences. It is here that we learn about his birth and parentage and about the persecutions to which he was subjected, and from one

verse* we gather that the date of the compilation was some where between A.D. 1612 and 1614.†

3. *Gitavali*—Tulsí Dás here appears in a new character, that of a *mágadha*, or panegyrist. It is a book of songs intended to increase in his readers their love for a tender, loving God. Again, as elsewhere, the love which he teaches is that of a child to his father. For the songs he has used the Braja Bhákhá dialect as the traditional vehicle of expression, and the dominant tone is not, as in the *Vinaya-pattriká*, passion, but sweetness and charm. In this he gives the whole history of Rámchandra in a delightful style, quite different from that of his formal epic. There is no verse in the book which is not a complete little picture, and most attractive of all are these in the first book, in which he tells of the baby life of his hero and his brothers. It is a true gospel of the infant Ráma.

Here is one of his pretty pictures :

“Full of happiness Kausalyá caresses her little darling. She lets him cling to her finger as she teaches him to walk in the fair courtyard of the palace, *Runu jhunu, runu jhunu*, sweetly tinkles the bell-girdle on his waist, sweetly tinkle the anklet-bells on his feet, as she helps him along.....His bonny face is a picture, with two little teeth peeping out behind his dawn-rosy lips, and stealing away the hearts of all.....His bright eyes, henna-darkened, put to shame the glancing silver-fish.....As he hears

* एक तो कराल कलिकाल सुलभूल तामें
कोट में की खानु सी सनीचरी है मीनकी ।

† For detailed explanation vide Notes p 23. Newul Kishor Press Edition.

his mother snap her fingers, he crows and springs with delight, and anon he fills her with dismay when he lets her finger go. He tumbles down and pulls himself up upon his knees, and babbles with joy to his brothers when his mother shows him a piece of cake, and she, as she looks at his pretty baby ways, is drowned in love and cannot bear her happiness.....
 Saith Tulsī Dās, the man that loveth not this sweetness, hath no soul, and his life in this world is in vain.” (*Gītavali* 1.32)

The *Vinaya-pattrika* (Petition) is one of the most important works of the poet, in which his most intimate feelings towards the Deity and that Deity's relations to the human soul are displayed with a freedom from reticence and poetic fervour that have rarely been equalled.

An interesting legend accounts for its origin. Tulsī, harassed and terrified by persecution, writes this petition to Rāmachandra the loving, almighty, God, appealing for His protection. The whole forms a series of prayers, addressed, one by one, to the various minor gods as door-keepers and courtiers of the Supreme and then, in an outburst of passionate entreaty and self-humiliation, to the Deity Himself. The final verse tells how, as in the case of an earthly monarch, the petition was granted under Rama's own signature.

“The *Vinaya-pattrika* is one of the most admired works of the poet but the difficulties of its language have discouraged many readers. In spite of the occasional use of highflown words and phrases, this ad-

mirable work deserves the closest study from any one who would become acquainted with the religious history of India. We have here a man whose influence for good over generations of Indians cannot be exaggerated, lying bare the inmost recesses of his heart, and openly proclaiming that at which other writers with the same experience have only dared to hint. It is a book of confessions, but the confessions of a pure and faithful soul."

Here is one of his prayers to Ráma in the *Vinaya Pattriká*.

"Look, look thou upon me,—naught can I do of myself. Wither can I go ? To whom but thee can I tell my sorrow ?.....Oft have I turned my face from thee and grasped the things of this world ; but thou the fount of mercy, turn not thou thy face from me.....When I looked away from thee, I had no eyes of faith to see thee where thou art ; but thou art all-seeing.....I am but an offering cast before thee ; what prayer can the reflection on the mirror make to him who lives and is reflected in it ? First look upon thyself and remember thy mercy and thy might ; then cast thine eyes upon me and claim me as thy slave, thy very own. For the name of the Lord is a sure refuge, and he who taketh it is saved. Lord, thy ways ever give joy unto my heart ; Tulsí is thine alone, and, O God of mercy, do unto him as seemeth good unto thee." (*Vinaya Pattrika*-149).

Barwaí Rámáyan—A history of Ráma in *barwaí* metre in an extremely condensed and often enigmatic form.

Rám-lalá-Nahachhú—A short poem describing the nailparing ceremony of Lord Ráma previous to his marriage. This ceremony is still observed on such occasions among all classes of Hindus and the metre employed is therefore the *sokar* metre.

Vairágya-Sandípini—It as its name implies, advocates *vairágya* and the perfect peace resulting from absolute self-surrender to the Deity. The book is divided into three *prakáshas* or lectures with an introductory invocation, as detailed below :

Prakasa I., Invocation, 1—7. Sant-swabháva-barnan., an account of the true nature of a holy man. I., 8—33 Metre dohá, sorathá and chaupái.

Prakasa II., Sant-mahimá-barnan, an account of the true greatness of a holy man. II., 1—9. Metre, as above.

Prakasa III., Sánti-barnan, an account of the true Peace. III., 1—20. Metre, as above.

The whole book has been translated by Sir George Grierson and appears at pages 46-54 of the Notes.

Jánki-Mangal—The marriage-song of Sítá. The poem describes the journey of Ráma with Vishwámitra from Ajodhyá to Mithlá, the breaking of Siva's bow and Ráma's marriage to Sítá.

Párvati-Mangal—The marriage-song of Párvatí. Describes the marriage of Párvatí to Siva. It is a favourite subject with Tulsídás who makes skilful use of the contrast between the snowy purity and grace of the daughter of Himálaya and the terrifying horrors of Siva's appearance.

Rámajná—A collection of verses in seven adhyáyas of seven saptakas each containing 7 pairs of dohás. Each adhyáya forms a sort of running commentary or summary of the corresponding kánda of the *Rámáyana*. Each verse or pair of dohás is used as a means of foretelling the success or otherwise of anything undertaken. It is a kind of Sortes Virgilianæ. The inquirer takes three handfuls of lotus seed. He counts the first handful out by sevens, and whatever number remains over, is called the number of the adhyáya. Again he counts out the second handful in the same way, and whatever is over is the number of the saptaka; and similarly, whatever number is over from the third handful is the number of the dohá. Thus if there are 53 seeds in the first heap, the number of the adhyáya is 4, *i.e.* $53 = 7 \times 7 + 4$. If there are 108 in the second heap the number of the saptaka is 3 ($15 \times 7 + 3 = 108$), and if there are 15 in the third heap the number of the dohá is one. In this case the verse which is to be accepted as an omen is the first verse of the third septad of the fourth lecture. If the number of any handful is exactly divisible by seven, then the remainder is considered to be seven.

Krishna-gitáwalí—A collection of songs in honour of Krishna. The first portion deals with Krishna's babyhood and boyish pranks in Gokula and the latter portion with the lamentations of the herdmaidens during his visit to Muttra. It is one of the least read of the poet's works, but well-repays perusal, as it contains many beautiful passages. He has entirely avoided debasing religion by the associ-

ation with eroticism which spoils so much of the literature devoted to Krishna.

Dohāvalī—A collection of verses in the dohā metre. Out of a total of 572 verses 258 have been identified as occurring in the *Rām-charita-mānasa*, the *Rāmāyana* and *Rām Satsaī* which though it contains a number of verses of Tulsidās's composition, is generally believed to be the compilation of another Tulsidās. It is also surmised that Tulsidās composed *Rām Satsaī* on the lines of Sūrdās's *Drishtakūt*, a class of composition much in request in those days.

It is unnecessary to describe the other works of the great poet. They are fully described in Sir G. Grierson's *Notes on Tulsidās* published in the Indian Antiquary for 1893, reprinted by the Newal Kishore Press, Lucknow, from which, as already remarked, most of the above extracts have been taken.

In the accompanying selections, the extracts from the *Rāmāyan* have been taken from what I believe to be authoritative texts such as the Khadga Vilās Press edition of the *Rām-charita-manas*, my own edition of the Rājāpur manuscript of the Ajodhyākānd and the Newal Kishore Press edition with the commentaries of Rām Charan Dās and Baijrat. The *Vinaya Patrikā*, the *Gitāvalī* and the *Kavīṭāvalī* are based on the texts printed in Benares sixty years ago.

रामायण तुलसीकृत

बालकाण्ड

बंदना

सोरठा

जेहि सुमिरत सिधि होइ गननायक कखिरवदन ।
करौ अनुग्रह सोइ बुद्धिराशि शुभगुनसदन ॥
मूक होइ बाचाल पंगु चढ़ै गिरिवर गहन ।
जासु कृपा सो दयाल द्रवौ सकलकलिमलदहन ॥
नीलसरोरुहश्याम तरुनअरुन वारिजनयन ।
करौ सो मम उर धाम सदा छीरसागरशयन ॥
कुन्द इन्दु सम देह उमारमन करुनाअयन ।
जाहि दीन पर नेह करौ कृपा मर्दनमयन ॥
बंदउं गुरपदकंज कृपासिंधु नररूप हरि ।
महामोहतमपुंज जासु वचन रविकरनिकर ॥

चौपाई

बंदउँ गुरुपद-पदुम परागा । सुरुचि सुवास सरस अनुरागा ॥
अमिअं मूरि-मय चूरनु चारू । समन सकल भवरुजपरिवारू ॥
सुकृतसंभुतन विमल विभूती । मंजुल मंगलमोदप्रसूती ॥
जनमनमंजुमुकुर मलहरनी । किये तिलक गुनगन बसकरनी ॥
श्रीगुरुपदनष मनिगनजोती । सुमिरत दिव्य दृष्टि हियँ होती ॥

दलन मोहतम सो सुप्रकासू । बड़े भाग उर आवइ जासू ॥
 उग्रहिं विमल विलोचन हीके । मिटहिं दोष दुष भवरजनीके ॥
 सूझहिं रामचरित मनिमानिक । गुप्त प्रकट जहँ जो जेहि षानिक ॥

दोहा

जया सुअंजन अंजि दग साग्रक सिद्ध सुजान ।
 कौतुक देषहिं सैलवन भूतल भूरिनिधान ॥

चौपाई

गुरूपद्वज मृदु मंजुल अंजन । नयनअमिय दगदोष विभंजन ॥
 तेहि करि विमलविवेक विलोचन । वरनउँ रामचरित भवमोचन ॥
 बंदउं प्रथम महीसुरचरना । मोहजनित संसय सब हरना ॥
 सुजनसमाज सकल गुनषानी । करौं प्रनाम सप्रेम सुबानी ॥
 साधुचरित सुभ सरिस कपासू । निरस विसद गुनमय फल जासू ॥
 जो सहि दुषु परछिद्र दुरावा । वंदनीय जेइ जग जसु पावा ॥
 मुदमंगलमय सन्तसमाजू । जो जग जंगम तीरथराजू ॥
 रामभगति जहँ सुरसरिधारा । सरसइ ब्रह्मविचारप्रचारा ॥
 विधिनिषेधमय कलिमलहरनी । करमकथा रविनन्दिनिवरनी ॥
 हरिहरकथा विराजति बेनी । सुनत सकल मुदमंगलदेनी ॥
 वटु विस्वासु अचल निज धरमा । तीरथराजसमाज सुकरमा ॥
 सबहिं सुलभ सब दिन सब देसा । सेवत सादर समनकलेसा ॥
 अकथ अलौकिक तीरथराऊ । देइ सद्य फल प्रगट प्रभाऊ ॥

दोहा

सुनि समुझहिं जन मुदितमन मज्झहिं अति अनुराग ।
 लहहिं चारि फल अद्भुततनु साधुसमाजप्रयाग ॥

चौपाई

सुनि आचरजु करै जनि कोई । सतसंगतिमहिमा नहिं गोई ॥
 बालमीकि नारद घटयोनी । निज निज मुषनि कही निजहोनी ॥
 मज्जनफल पेविअ ततकाला । काक होहिं पिक वकउ मराला ॥
 जलचर थलचर नभचर नाना । जे जड चेतन जीव जहाना ॥

मति कीरति गति भूति भलाई । जब जेहि जतन जहाँ जेहिँ पाई ॥
 सो जानब सतसंग प्रभाऊ । लोकहु वेद न आन उपाऊ ॥
 बिनु सतसंग विवेक न होई । रामरूपा बिनु सुलभ न सोई ॥
 सतसंगति भुदमंगलमूला । सोइ फलसिधि सब साधनफूला ॥
 सठ सुधरहिँ सतसंगति पाई । पारस परसि कुशातु सुहार्ई ॥
 विधिवस सुजन कुसंगति परही । फनिमनि सम निज गुन अनुसरही ॥
 चिधि हरि हर कविकोविदबानी । कहत साधुमहिमा सकुचानी ॥
 सो मो सन कहि जात न कैसे । साकवनिक मनिगनगुन जैसे ॥

दोहा

बंदउं सन्त समानचित हित अनहित नहिँ कोइ ।
 अंजुलिगतसुभसुमन जिमि सम सुगन्ध कर दोइ ॥
 सन्त सरलचित जगत हित जानि सुभाव सनेहु ।
 बालविनय सुनि करि कृपा रामचरनरति देहु ॥

चौपाई

बहुरि बंदि पलगन सतिभायें । जे बिनु काज दाहिनहु बायें ॥
 परहितहानि लाभ जिन करे । उजरे हरष विषाद बसेरे ॥
 हरिहरजसराकेस राहु से । परअकाज भट सहसबाहु से ॥
 जे परदोष लषहिँ सहसांषी । परहितघृत जिनके मन माषी ॥
 तेज कसानु रोष महिसेसा । अघ अवगुनघन धनी धनेसा ॥
 उदयकेतु सम हित सबही के । कुम्भकरन सम सेवत नीके ॥
 परअकाज लागि तनु परिहरहीं । जिमि हिमउपल कृषीदल गरहीं ॥
 बंदउं पल जस सेष सरोषा । सहसवदन बरनइ परदोषा ॥
 पुनि प्रनवौं पृथुराज समाना । परअघ सुनइ सहसदश काना ॥
 बहुरि सक्र सम विनवौं तेही । सन्तत सुरानीक हित जेही ॥
 बचनबज्र जेहि सदा पिआरा । सहसनयन परदोष निहारा ॥

दोहा

उदासीन अरि मीत हित सुनत जरहिँ पलरीति ।
 जन्नुपानियुष जोरि जस विनती कइ सप्रीति ॥

चौपाई

मैं अपनी दिसि कीन निहोरा । तिन्ह निज ओर न लाउब भोरा ॥
 वायस पलिअहिं अति अनुरागा । होहि निरामिष कबहुँ कि कागा ॥
 बंदउं सन्त असज्जन चरना । दुखप्रद उभय बीच कछु बरना ॥
 बिछुरत एक प्राण हरि लेई । मिलत एक दारुन दुषु देई ॥
 उपजहिं एक संग जग माहीं । जलज जौक जिमि गुन बिलगाहीं ॥
 सुधा सुरा सम साधु असाधू । जनक एक जग जलधि अगाधू ॥
 भल अनभल निज निज करतूती । लहत सुजसु अपलोक विभूती ॥
 सुधा सुधाकर सुरसरि साधू । गरल अनल कलिमल सरि व्याधू ॥
 गुन अवगुन जानत सब कोई । जो जेहि भाव नीक तेहि सोई ॥

दोहा

भलो भलाइहि पै लहै लहै निचाई नीचु ।
 सुधा सराहिय अमरता गरल सराहिअ मीचु ॥

चौपाई

षलअघ अगुन साधुगुनगाहा । उभय अपार उदधि अवगाहा ॥
 तेहि ते कछु गुन दोष बषाने । संग्रह त्याग न बिनु पहिचाने ॥
 भलेउ पोच सब बिधि उपजाये । गनि गुन दोष वेद बिलगाये ॥
 कहहिं वेद इतिहास पुराना । विधिप्रपंच गुन अवगुनसाना ॥
 दुष सुष पाप पुण्य दिनराती । साधु असाधु सुजाति कुजाती ॥
 दानव देव ऊंच अरु नीचू । अमिअ सजीवनु माहुरु मीचू ॥
 माया ब्रह्म जीव जगदीसा । लछि अलछि रंक अघनीसा ॥
 कासी मग सुरसरि कविनासा । मरु मालव महिदेव गवासा ॥
 सरग नरक अनुराग विरागा । निगमअगम गुनदोष विभागा ॥

दोहा

जड़ चेतन गुनदोषमय विस्व कीन करतार ।
 सन्त हंस गुन गहहिं पय परिहरि वारि विकार ॥

चौपाई

अस विवेक जब देख विधाता । तब तजि दोष गुनहिं मनु राता ॥

काल सुभाव करम बरिआई । भलेउ प्रवृत्तिवस चुकइ भलाई ॥
 सो सुधारि हरिजन जिमि लेहीं । दलि दुख दोष विमल जस देहीं ॥
 षलउ करहिं भल पाइ सुसंगू । मिटइ न मलिनसुभाव अभंगू ॥
 लषि सुवेष जगवंचक जेऊ । वेष प्रताप पूजिअहि तेऊ ॥
 उघरहिं अन्त न होइ निवाहू । कालनेमि जिमि रावन राहू ॥
 किएहु कुवेष साधु सनमानू । जिमि जग जामवन्त हनुमानू ॥
 हानि कुसंग सुसंगति लाहू । लोकहु वेद विदित सब काहू ॥
 गगन चढ़ै रज पवनप्रसंगा । कीचहि मिलइ नीच जल संग्गा ॥
 साधुअसाधु सदन सुक सारी । सुमिरहिं राम देहि गनि गारी ॥
 धूम कुसंगति कारिष होई । लिषिअ पुराण मंजु मसि सोई ॥
 सोइ जल अनल अनिल संघाता । होइ जलद जगजीवनदाता ॥

दोहा

ग्रह भेषज जल पवन पट पाइ कुयोग सुयोग ।
 होइ कुवस्तु सुवस्तु जग लषहिं सुलच्छन लोग ॥
 समप्रकाश तम पाष दुहुँ नामभेद विधि कीन्ह ।
 शशि पोषक शोषक समुक्ति जग जन्म अयजस दीन्ह ॥
 जड़ चेतन जग जीव जत सकल राममय जानि ।
 बंदउं सबके पदकमल सदा जोरि जुग पानि ॥
 देव दनुज नर नाग षग प्रेत पितर गन्धर्व ।
 बंदउं किन्नर रजनिचर कृपा करहु अब सर्व ॥

चौपाई

आकर चारि लाष चौरासी । जाति जीव जल थल नभ वासी ॥
 सीयराममय सब जग जानी । करौं प्रनाम जोरि जुग पानी ॥
 जानि कृपा करि किंकर मोहू । सब मिलि करहु छांडि छल छोहू ॥
 निज बलबुधि भरोस मोहिं नाही । ताते विनय करौं सब पाहीं ॥
 करन चहौं रघुपतिगुनगाहा । लघु मति मोरि चरित अवगाहा ॥
 सूझ न एकउ अंग उपाऊ । मन मतिरंक मनोरथ राऊ ॥
 मति अति नीच ऊंच रुचि आछी । चाहिय अमिय जग जुरै न छाछी ॥

छमिहहिं सज्जन मोरि ठिठाई । सुनिहिं बालवचन मन लाई ॥
 जो बालक कह तोतरि बाता । सुनहि मुदित मन पितु अरु माता ॥
 हँसिहहिं कूर कुटिल कुविचारी । जे परदूषन भूषनधारी ॥
 निज कवित्त केहि लाग न नीका । सरस होउ अथवा अति फीका ॥
 जे परमनित सुनत हरषाहीं । ते वर पुरुष बहुत जग नाही ॥
 जग बहु नर सुखसिख भई । जे निज बाढ़ि बढ़हिं जल पाई ॥
 सज्जन सुकृतसिन्धु सम कोई । देषि पूर विधु बाढ़इ जोई ॥

दोहा

भाग छोट अभिलाष बड़ करौं एक विस्वास ।

पैहहिं सुख सुनि सुजन जन फल करिहैं उपहास ॥

चौपाई

फलपरिहास होइ हित मोरा । काक कहहिं कलकण्ठ कठोरा ॥
 हँसहि बक दादुर चातकही । हँसहि मलिन फल विमल बतकही ॥
 कवित रसिक न रामपदनेह । तिनकहँ सुषद हासरस एह ॥
 भाषा भनित मोरि मति मोरी । हँसिबे जोग हँसे नहिं खोरी ॥
 प्रभुपदप्रीति न सामुझि नीकी । तिनहिं कथा सुनि लागिहि फीकी ॥
 हरिहरपदरति मति न कुतरकी । तिनकहँ मधुर कथा रघुवर की ॥
 रामभक्तिभूषित जिय जानी । सुनिहहिं सुजन सराहि सुबानी ॥
 कवि न होउ नहिं बचनप्रवीनू । सकल कला सब विद्याहीनू ॥
 आपर अरथ अलंकृत नाना । छन्द प्रबन्ध अनेक विधाना ॥
 भाव भेद रस भेद अपारा । कवित दोष गुन विविध प्रकारा ॥
 कवितविवेक एक नहिं मोरे । सत्य कहौं लिषि कागद कोरे ॥

दोहा

भनित मोरि सब गुन रहित विश्वविदित गुण एक ।

सो विचारि सुनिहहिं सुमति जिनके विमल विवेक ॥

चौपाई

इहि महुं रघुपति नाम उदारा । अतिपावन पुरानश्रुतिसारा ॥
 मंगलभवन अमंगलहारी । उमा सहित जेहि जपत पुरारी ॥

भनित विचित्र सुकवि कृत जोऊ । राम नाम बिनु सोह न सोऊ ॥
 विधुवदनी सब भाँति सँवारो । सोह न बसन बिना बरनारी ॥
 सब गुनरहित कुकविकृत बानी । रामनामजनु अंकित जानी ॥
 सादर कहहिं सुनहिं बुध ताही । मधुहर सरिस सन्त गुनग्राही ॥
 यदपि कवित रस एकउ नाहीं । रामप्रताप प्रकट इहि माहीं ॥
 सोइ भरोस मोरे मन आवा । केहि न सुसंग बड़प्पन पावा ॥
 धूमउ तजै सहज करवाई । अगर प्रसङ्ग सुगन्ध बसाई ॥
 भनित भदेस वस्तु भलि वरनी । रामकथा जगमङ्गल करनी ॥

छंद

मंगलकरनि कलिमलहरनि तुलसी कथा रघुनाथकी ।
 गति कूरकविता सरित की ज्यों सहित पावन पाथकी ॥
 प्रभुसुजससंगतिभनितभलि होइहि सुजनमन भावनी ।
 भवअंग भूति मसानकी सुमिरत सुहावनि पावनी ॥

दोहा

प्रिय लागिहि अति सबहिं मम भनित रामयश संग ।
 दारुविचार कि करइ कोउ बन्दिष मलयप्रसंग ॥
 श्यामसुरभिपय विशदअति गुनद कहिं सब पान ।
 गिराग्राम सियरामजस गावहिं सुनहिं सुजान ॥

चौपाई

मनि मानिक मुक्ताछबि जैसी । अहि गिरि गजशिर सोह न तैसी ॥
 नृपकिरीट तरुनीतनु पाई । लहहिं सकलशोभा अधिकारि ॥
 तैसेहि सुकवि कवित बुध कहहीं । उपजहिं अनत अनत छबि लहहीं ॥
 भक्तहेतु विधि भवन विहाई । सुमिरत शारद आवत धाई ॥
 रामचरितसर बिनु अन्हवाये । सो श्रम जाइ न कोटि उपाये ॥
 कवि कोविद अस हृदय बिचारी । गावहिं हरिजस कलिमलहारी ॥
 कीन्हे प्राकृत जनगुनगाना । शिर धुनि गिरा लगत पछिताना ॥
 हृदयसिन्धु मति सीप समाना । खाती शारद कहहिं सुजाना ॥
 जो वरवै वरवारि विचारु । होहिं कवितमुकतामणि चारु ॥

दोहा

जुगति बेधि पुनि पोहिये रामचरितवरताग ।
पहिरहिं सज्जन विमल उर शोभा अति अनुराग ॥

चौपाई

जे जनमे कलिकाल कराला । करतब बायस वेष मराला ॥
चलत कुपन्थ वेदमग छाँड़े । कपट कलेवर कलिमल भाँड़े ॥
बंचक भक्त कहाइ राम के । किंकर कंचन कोह काम के ॥
तिन महुँ प्रथम रेष जग मोरी । धिग धर्मध्वज धंधरक धोरी ॥
जो अपने अवगुन सब कहऊँ । बाढै कथा पार नहिं लहऊँ ॥
ताते मैं अति अलप बषाने । थोरे महुँ जानिहिं सयाने ॥
समुझि विविधबिधि बिनती मोरी । कोउ न कथा सुनि देखि षोरी ॥
एतेहु पर करिहिं जे शंका । मोहिं ते अधिक ते जड़ मतिरंका ॥
कवि न होउँ नहिं चतुर कहाऊँ । मति अनुरूप रामगुन गाऊँ ॥
कहुँ रघुपति के चरित अपारा । कहुँ मति मोरि निरत संसारा ॥
जेहि मारुत गिरि मेरु उड़ाहीं । कहहु तूल केहि लेषे माहीं ॥
समुझत अमित राम प्रभुताई । करत कथा मन अति कदराई ॥

दोहा

शारद शेष महेस विधि आगम निगम पुरान ।
नेतिनेति कहि जासु गुन करहिं निरन्तर गान ॥

चौपाई

सब जानत प्रभु प्रभुता सोई । तदपि कहेबिनु रहा न कोई ॥
तहां वेद अस कारण राषा । भजनप्रभाव भांति बहु भाषा ॥
एक अनीह अरूप अनामा । अज सच्चिदानन्द परधामा ॥
व्यापक । विश्वरूप भगवाना । तेइ धरि देह चरित कृत नाना ॥
सो केवल भक्तन हित लागी । परम कृपालु प्रनतअनुरागी ॥
जेहि जन पर ममता अरु छोडू । जेहि करुना करि कीन्ह न कोडू ॥
गई बहोरि गरीबनिवाजू । सरल सबल साहिब रघुराजू ॥
बुध बरनहिं हरिजस अस जानी । करहिं पुनीत सुफल निज बानी ॥

तेहि बल मैं रघुपतिगुनगाथा । करिहँउ नाइ रामपद माथा ॥
मुनिन प्रथम हरिकीरति गाई । तेहि मग चलत सुगम मोहिं भाई ॥

दोहा

अति अपार जे सरितवर जो नृप सेतु कराहि ।
चढ़ि पिपीलिकउ परम लघु बिनु भ्रम पारहि जाहि ॥

चौपाई

बहि प्रकार बल मनहिं देखाई । करिहौं रघुपतिकथा सुहाई ॥
व्यास आदि कविपुंगव नाना । जिन सादर हरिसुजस बषाना ॥
चरनकमल बंदउं तिनकेरे । पुत्रहु सकल मनोरथ मेरे ॥
कलि के कविन करउं परनामा । जिन वरने रघुपतिगुनग्रामा ॥
जो प्राकृत कवि परम सयाने । भाषा जिन हरिचरित बषाने ॥
भये जे हहिं होइहैं जे आगे । प्रनवउं सबहिं कपट सब त्यागे ॥
होउ प्रसन्न देहु बरदानू । साधुसमाज भनितसनमानू ॥
जो प्रबन्ध बुध नहिं आदरहीं । सो भ्रम बादि बालकवि करहीं ॥
कीरति भनित भूति भलि सोई । सुरसरिसम सब कहँ हित होई ॥
रामसुकीरति भनित भदेशा । असमझस अस मोहिं अँदेशा ॥
तुम्हरी कृपा सुलभ सोउ मोरे । सियनि सुहावनि टाट पटोरे ॥
करहु अनुग्रह अस जिय जानो । विमल जसहि अनुहरहि सुबानी ॥

दोहा

सरल कवित कीरति विमल सोइ आदरहिं सुजान ।
सहज बैर विसराइ रिपु जो मुनि करहिं बषान ॥
सो न होइ बिनु विमलमति मोहिं मतिबल अति थोरि ।
करहु कृपा हरिजस कहौं पुनिपुनि करहुँ निहोरि ॥
कवि कोविद रघुवरचरितमानस मंजु मराल ।
बाल विनय मुनि सुरुचि लपि मो पर होहु कृपाल ॥

सोरठा

बंदउं मुनिपदकंजु रामायन जेइ निर्मयउ ।
सषर सकोमल मंजु दोष रहित दूषनसहित ॥

बंदुं चारिउ वेद भवचारिधि वोहित सरिस ।
 जिन्हहिं न सपनेहुँ षेद वरनत रघुवरविसदजस ॥
 बंदुं विधिपदरेनु भवसागर जैहि कीन्ह जहं ।
 सन्त सुधा ससि धेनु प्रकटे षल विष वारुनी ॥

दोहा

विवुधविप्रबुधग्रहचरन बंदि कहाँ कर जोर ।
 होइ प्रसन्न पुरवहु सकल मंजु मनोरथ मोर ॥

चौपाई

पुनि बंदुं सारद सुरसरिता । जुगल पुनीत मनोहरचरिता ॥
 मज्जन पान पाप हर एका । कहत सुनत एक हर अविवेका ॥
 गुर पितु मातु महेस भवानी । प्रनवउं दीनबन्धु दिनदानी ॥
 सेवक स्वामि सषा सियपीकें । हितनिरुषधि सब विधि तुलसीके ॥
 कलि विलोकि जगहित हरगिरिजा । सावरमन्त्रजाल जिन सिरिजा ॥
 अनमिल आषर अर्थ न जापू । प्रकट प्रभाउ महेसप्रतापू ॥
 सोउ महेस मोहिं पर अनुकूल । करहि कथा मुदमंगलमूला ॥
 सुमिरि सिवासिवपाइपसाऊ । वरनउं रामचरित चित चाऊ ॥
 भनित मोरि सिवकृपा विभाती । ससिसमाज मिलि मनहुँ सुराती ॥
 जो एहि कथहि सनेह समेता । कहिहंहिं सुनिहंहिं समुक्ति सचेता ॥
 होइहंहिं रामचरनअनुरागी । कलिमलरहित सुमंगलभागी ॥

दोहा

सपनेहुँ सांचहु मोहिं पर जो हरगौरिपसाउ ।
 तौ फुर होउ जो कहेउं सब भाषाभनित प्रभाउ ॥

चौपाई

बंदुं अवधपुरी अति पावनि । सरजूसरि कलिकलुषनशावनि ॥
 प्रनवौ पुरनरनारि बहोरी । ममता जिन्हपर प्रभुहिं न थोरी ॥
 सियनिन्दकअघबोध नसाए । लोक विसोक बनाइ बसाए ॥
 बंदुं कौशल्या दिशि प्राची । कीरित जासु सकल जग माची ॥
 प्रकटेउ जहँ रघुपति ससि चारू । विखसुषद षलकमलतुषारू ॥

इसरथराउ सहित सब रानी । सुकृत सुमंगलमूरति मानी ॥
 करौ प्रनाम कर्म मन बानी । करहु कृपा सुतसेवक जानी ॥
 जिनहि विरचि बड़ भयउ विधाता । महिमाअवधि रामपितुमाता ॥

सोरठा

बंदउं अवधभुआल सत्य प्रेम जेहि रामपद ।
 बिछुरत दीनदयाल प्रिय तन तुन इव परिहरेउ ॥

चौपाई

प्रनवौं परिजन सहित विदेह । जेहि रामपद गूढ़ सनेह ॥
 जोग भोग महँ राखेउ गोई । राम बिलोकत प्रगटेउ सोई ॥
 प्रनवौं प्रथम भरत के चरना । जासु नेम व्रत जाइ न बरना ॥
 रामचरनपंकज मन जासु । लुबुध मधुप इव तजै न पासु ॥
 बंदउं लल्लिमनपदजलजाता । सोतल सुभग भगतसुषदाता ॥
 रघुपतिकीरति विमल पताका । दण्ड समान भयउ जस जाका ॥
 सेष सहस्र-सीस जग कारन । जो अवतरेउ भूमिभयटारन ॥
 सदा सो सोनुकूल रह मोपर । कृपासिन्धु सौमित्रि गुनाकर ॥
 रिपुसुदनपदकमल नमामी । शूर सुखील भरतअनुगामी ॥
 महावीर बिनवौं हनुमाना । राम जासु जस आपु बषाना ॥

सोरठा

प्रनवौं पवनकुमार पलवनपावक ग्यानधन ।
 जासु हृदयआगार बसहि राम सरचापधर ॥

चौपाई

कपिपति रीछ निसाचरराजा । अंगदादि जे कीससमाजा ॥
 बंदउं सबके चरन सुहाये । अधम सरीर राम जिन्ह पाये ॥
 रघुपतिचरनउपासक जेते । षग मृग सुर नर असुर समेते ॥
 बंदउं पदसरोज सब केरे । जे विनु काम रामके चेरे ॥
 सुक सनकादि भगत मुनि नारद । जे मुनिवर विग्यान विसारद ॥
 प्रनवौं सबहि धरनि धरि सीसा । करहु कृपा जन जानि मुनीसा ॥
 जनकमुता जगजननि जानकी । अतिसयप्रिय करुनानिवान की ॥

ताके जुग पदकमल मनावौ । जासु कृपा निर्मल मति पावौ ॥
 पुनि मन वचन कर्म रघुनायक । चरनकमल बंदउं सब लायक ॥
 राजिवनयन धरे धनुसायक । भगत बिपतिभंजन सुषदायक ॥

दोहा

गिरा अर्थ जल बीचि सम कहिअत भिन्न न भिन्न ।
 बंदउं सोतारामपद जिन्हहिं परमप्रिय पिन्न ॥

चौपाई

बंदउं नाम राम रघुवर को । हेतु कृसानु भातु हिमकर को ॥
 विधि हरिहरमय वेद प्रानसे । अगुन अनूपम गुननिधान सो ॥
 महामंत्र जोई जपत महेसू । कासी मुक्तिहेतु उपदेसू ॥
 महिमा जासु जान गनराऊ । प्रथम पूजिअत नाम अभाऊ ॥
 जान आदिकवि नाम प्रतापू । भयउ सुद्ध करि उलटा जापू ॥
 सहसनाम सम सुनि सिवबानी । जपि जेई पिय संग भवानो ॥
 हर्षे हेतु हेरि हरहीको । किय भूषन तियभूषन तीक्ष्णो ॥
 नाम प्रभाव जान सिव नीके । कालकूट फल दीन अमीको ॥

दोहा

वरषा रितु रघुपतिभगति तुलसी सालि सुदास ।
 रामनामवर वरनजुग सावन भादवं मास ॥

चौपाई

आषर मधुर मनोहर दोऊ । वरनविलोचन जन जिय जोऊ ॥
 सुमिरत सुलभ सुषद सब काहू । लोक लाहु परलोकनिबाहू ॥
 कहत सुनत सुमिरत सुठि नीके । रामलषन सम प्रिय तुलसी के ॥
 घरनत वरन प्रीति बिलगाती । ब्रह्म जीव सम सहज सँघाती ॥
 नर नारायण सरिस सुभ्राता । जगपालक विसेष जनत्राता ॥
 भगति सुतिश्रकलकरनविभूषन । जगहितहेतु विमल विधु पूषन ॥
 खादतोष सम सुगति सुधा के । कमठ सेष सम धर वसुधा के ॥
 जन मन मंजु कंज मधुकर से । जीह जसोमति हरि हलधर से ॥

दोहा

एक छत्र इक मुकुटमनि सब वरनन पर जोउ ।

तुलसी रघुवरनाम के वरन विराजत दोउ ॥

चौपाई

समुझत सरस नाम अरु नामी । प्रीति परस्पर प्रभु अनुगामी ॥
नाम रूप दोउ ईसउपाधी । अकथ अनादि सुसाम्भ साधी ॥
को बड़ छोड कहत अपराधू । सुनि गुनभेद समुझिहहि साधू ॥
देखिअहि रूप नामआधीना । रूप ज्ञान नहि नाम बिहीना ॥
रूप विसेष नाम बिनु जाने । करतलगत न परहि पहुँचाने ॥
सुमिरिअ नाम रूप बिनु देषे । आवत हृदय सनेह विसेषे ॥
नाम रूप गति अकथ कहानी । समुझत सुषद न परति बषानी ॥
अगुन सगुन बिच नामसुसाषी । उभयप्रबोधक चतुर दुभाषी ॥

दोहा

रामनाम मनिदीप धरु जीह देहरी द्वार ।

तुलसी भीतर बाहिरहु जो चाहसि उजियार ॥

चौपाई

नाम जीह जपि जागहि योगी । विरति विरंविप्रपंचवियोगी ॥
ब्रह्मसुषहि अनुभवहि अनूपा । अकथ अनामय नाम न रूपा ॥
जानी चहहि गूढ़गति जेऊ । नाम जीह जपि जानहुं तेऊ ॥
साधक नाम जपहि लय लाये । होहि सिद्ध अनिमादिक पाये ॥
जपहि नाम जन आरत भारो । मिटहि कुसंकट होहि सुषारी ॥
रामभगत जग चारि प्रकारा । सुकृती चारिउ अनघ उदारा ॥
चहुँ चतुरन कहँ नाम अधारा । ग्यानी प्रभुहि विसेष पियारा ॥
चहुँयुग चहुँश्रुति नामप्रभाऊ । कलि विसेषि नहि आन उपाऊ ॥

दोहा

सकल कामनाहीन जे रामभगति रसलीन ।

नाम सुप्रेम पियूष हृद तिन्हहुँ किये मनमीन ॥

चौपाई

अगुन सगुन दुइ ब्रह्मस्वरूपा । अकथ अगाथ अनादि अनूपा ॥
 मोरे मत बड़ नाम दुहू ते । किय जेहि जुग निजवस निज बूते ॥
 प्रौढ़ सुजनजन जानहि जनकी । कहहुँ प्रतीति प्रीति रुचि मनकी ॥
 एक दारु गत देषिअ एकू । पावक सम जुग ब्रह्म विवेकू ॥
 उभय अगम युग सुगम नामते । कहेउ नाम बड़ ब्रह्म रामते ॥
 व्यापक एकु ब्रह्म अविनासी । सतचेतनधन आनँदरासी ॥
 अस प्रभु हृदय अछुत अविकारी । सकल जीव जन दीन दुषारी ॥
 नाम निरूपन नाम जतन ते । सोउ प्रकटत जिमि मोल रतन ते ॥

दोहा

निर्गुनते इहि भाँति बड़ नाम प्रभाउ अपार ।
 कहउँ नामु बड़ राम ते निज विचार अनसार ॥

चौपाई

राम भगतहित नरतनु धारी । सहि संकट किय साधु सुषारी ॥
 नाम सस्त्रेम जपत अनयासा । भगत होहिँ मुद मंगलवासा ॥
 राम एक तापसतिय तारी । नाम कोटि षलकुमति सुषारी ॥
 अषिहित राम सुकेतुसुताकी । सहितसेन सुत कीन्ह विवाकी ॥
 सहित दोष दुष दासदुरासा । दलै नाम जिमि रवि निसिनासा ॥
 भंजेउ राम आपु भवचापू । भवभयभंजन नामप्रतापू ॥
 दंडकवन प्रभु कीन्ह सुहावन । जनमन अमित नाम किय पावन ॥
 निसिचरनिकर दले रघुनंदन । नाम सकलकलिकलुषनिकंदन ॥

दोहा

सवरी गीध सुसेवकनि सुगति दीन्ह रघुनाथ ।
 नाम उधारे अमित षल वेदविदित गुनगाथ ॥

चौपाई

राम सुकंठ विभीषन दोऊ । राषे सरन जान सब कोऊ ॥
 नाम गरीब अनेक निवाजे । लोक वेद वर बिरद बिराजे ॥
 राम भालु कपि कटकु बटोरा । सेतु हेतु श्रम कीन्ह न थोरा ॥

नाम लेत भवसिन्धु सुषाहीं । करहु विचार सुजन मन माहीं ॥
 राम सकुल रन रावन मारा । सीय सहित निजपुर पगु धारा ॥
 राजा राम श्रवध रजधानी । गावत गुन सुर मुनि वरबानी ॥
 सेवक सुमिरत नाम सप्रीती । बिनु श्रम प्रबल मोहदलु जीती ॥
 फिरत सनेह मगन सुधु अपने । नाम प्रताप सोच नहिँ सपने ॥

दोहा

ब्रह्म रामते नाम बड़ वरदायक वरदानि ।

रामचरित सत कोटि महुँ लिय महेस जिय जानि ॥

चौपाई

नाम प्रसाद शम्भु अविनासी । साज अमंगल मंगलरासी ॥
 सुकसनकादि सिद्ध मुनि योगी । नाम प्रसाद ब्रह्मसुष भोगी ॥
 नारद जानेउ नाम प्रतापू । जगप्रिय हरि हरिहरप्रिय आपू ॥
 नाम जपत प्रभु कीन्ह प्रसादू । भगतशिरोमनि भे प्रह्लादू ॥
 ध्रुव सगलानि जप्यो हरिनाऊं । पायउ अचल अनूपम ठाऊं ॥
 सुमिरि पवनसुत पावन नामू । अपने वस करि राखे रामू ॥
 अपर अजामिल गज गनिकाऊ । भये मुकुत हरि नाम प्रभाऊ ॥
 कहउँ कहां लगि नाम बड़ाई । रामु न सकहिँ नामगुन गाई ॥

दोहा

नाम !राम को कल्पतरु कलिकल्यान निवासु ।

जो सुमिरे भयो भांग ते तुलसी तुलसीदासु ॥

चौपाई

चहुंयुग तीनिकाल तिहुं लोका । भये नाम जपि जीव विसोका ॥
 वेद पुरान सन्त मत येहू । सकल सुकृत फल राम सनेहू ॥
 ध्यानु प्रथम जुग मष जुग दूजे । द्वापर परितोषत प्रभु पूजे ॥
 कलि केवल मलमूल मलीना । पाप पयोनिधि जनमनमीना ॥
 नाम कामतरु काल कराला । सुमिरत समन सकल जगजाला ॥
 रामनाम कलि अभिमतदाता । हित परलोक लोक पितु माता ॥
 नहिँ कलि करम न भगति विवेकू । राम नाम अवलम्बन एकू ॥

कालनेमि कलि कपटनिधानू । नाम सुमति समरथ हनुमानू ॥

दोहा

राम नाम नरकेसरी कनक कसिपु कलिकाल ।

आपक जन प्रह्लाद जिमि पालहिं दलि सुरसाल ॥

चौपाई

भाय कुभाय अनघ आलसहू । नाम जपत मंगल दिसि दसहू ॥
 सुमिरि सो नाम राम गुनगाथा । करौं नाइ रघुनाथहि माथा ॥
 मोरि सुधारहिं सो सब भांतो । जासु कृपा नहिं कृपा अघातो ॥
 राम सुखामि कुसेवक मोसो । निज दिसि देषि दयानिधि पोसो ॥
 लोकहुं वेद सुसाहिव रीतो । विनय सुनत पहिंचानत प्रीती ॥
 गनी गरीब ग्रामनर नागर । परिडत मूढ़ मलीन उजागर ॥
 सुकवि कुकवि निजमति अनुसारी । नृपहिं सराहत सब नरनारी ॥
 साधु सुजान सुसोल नृपाला । ईसअंसभव परम कृपाला ॥
 सुनि सनमानहिं सबहिं सुवानी । भनित भगति नति गति पहिंचानी ॥
 यह प्राकृत महिपाल सुभाऊ । जानिसिरोमनि कोसलराऊ ॥
 रीकृत राम सनेह निसोते । को जग मंद मलिन मति मो ते ॥

दोहा

शठ सेवक की प्रीति रुचि रषिहिं राम कृपालु ।

उपलकिये जल जान जिन सचिव सुमति कपि भालु ॥

महुं कहावत सब कहत राम सहत उपहास ।

साहिब सीतानाथ से सेवक तुलसीदास ॥

चौपाई

अति बड़ि मोरि ढिठाई खोरी । सुनि अघ नरकहु नाक सिकोरी ॥
 समुक्ति सहमि मोहिं अपडर अपने । सो सुधि राम कीन्ह नहिं सपने ॥
 सुनि अवलोकि सुचित चषु चाही । भक्ति मोरि मति स्वामिसराही ॥
 कहत नशाइ होइ अति नीकी । रीकृत राम जानि जन जीकी ॥
 रहत न प्रभुचित चूक कियेकी । करत सुरति सौ बार हियेकी ॥
 जैहि अघ बधेउ व्याध जिमि बाली । फिरि सुकंठ सोइ कीन्ह कुचाली ॥

सोइ करतूति विभीषन केरी । सपनेउ सो न राम हियँ हेरी ॥
ते भरतहि भेंटत सनमानें । राजसभा रघुराज बषानें ॥

दोहा

प्रभु तरु तर कपि डार पर ते किय आपु समान ।
तुलसी कहूँ न राम से साहिब सीलनिधान ॥
राम निकाई रावरी है सबही को नीक ।
जो यह सांची है सदा तौ नीको तुलसी क ॥
यहि विधि निज गुन दोष कहि सबहिँ बहुरि सिरु नाय ।
बरनउं रघुवर विशदजसु सुनि कलिकलुष नसाय ॥

चौपाई

यागवल्क्य जो कथा सुहाई । भरद्वाज मुनिवरहिँ सुनाई ॥
कहिहौँ सोइ संवाद बषानी । सुनहु सकल सज्जन सुषु मानी ॥
संभु कीन्ह यह चरित सुहावा । बहुरि कृपा करि उमहिँ सुनावा ॥
सो शिव कागभुशुण्डिहि दीन्हा । रामभगति-अधिकारी चीन्हा ॥
तेहि सन यागवल्क्य मुनि पावा । तिन पुनि भरद्वाज प्रति गावा ॥
ते बकता श्रोताबकता सम शीला । समदरशी जानहिँ हरिलीला ॥
जानहि तीनिफाल निज ग्याना । करतलगत आमलक समाना ॥
औरौ जे हरिभगत सुजाना । कहहिँ सुनहिँसमुझहिँ विधिनाना ॥

दोहा

मैं पुनि निज गुरु सन सुनी कथा सु सुकरषेत ।
समुझी नहिँ तसि बालपन तब अति रहेउँ अचेत ॥
स्रोता बकता ग्याननिधि कथा, राम कै गूढ़ ।
किमि समुझै यह जीव जड़ कलिमलप्रसित विमूढ़ ॥

चौपाई

तदपि कही गुरु बारहिँ बारा । समुझि परी कछु मति अनुसारा ॥
भाषावद्ध करब मैं सोई । मोरे मन प्रबोध जेहि होई ॥
जस कछु बुधि विवेक बल मेरे । तस कहिहौँ हियँ हरिके प्रेरे ॥
निज संदेह मोह भ्रम हरनी । करौँ कथा भवसरितातरनी ॥

बुध विश्राम सकलजनरंजनि । रामकथा कलिकुषविभंजनि ॥
 रामकथा कलिपन्नगभरणी । पुनि विवेकपावक कहूँ अरनी ॥
 राम कथा कलिकामद गाई । सुजन सर्जावनिमूरि सुहाई ॥
 सोई वसुधातल सुधातरंगिनि । भयभंजनि भ्रमभेकभुञ्जनि ॥
 असुरसेन सम नरकनिकुंदिनि । साधु विबुध कुलहित गिरिनंदिनि ॥
 सन्तसमाजपयोधि रमा सी । विश्वभारभर अचल छमा सी ॥
 जगमनमुहंमसि जग जमुनासी । जीवनमुकुति हेतु जनु कासी ॥
 रामहिं प्रिय पावनि तुलसी सी । तुलसिदास-हित हिय डुलसी सी ॥
 शवप्रिय मेकलसैलसुतासी । सकल सिद्धि सुषसम्पतिरासी ॥
 सदगुन सुरगन श्रव अदिति सी । रघुवरभगत प्रेमपरमिति सी ॥

दोहा

रामकथा मंदाकिनी चित्रकूट चित चारु ।
 तुलसी सुभग सनेहवन सियरघुवोरविहार ॥

चौपाई

रामचरित चिंतामनि चारु । संतसुमति तिस्र सुभग सिंगारु ॥
 जग मंगल गुन आम राम के । दान मुकुति धन धरम धाम के ॥
 सदगुर ग्यान विराग जोग के । विबुध बैद भवभीमरोग के ॥
 जननि जनक सियरामपेम के । बीज सकल व्रत धरम नेम के ॥
 समन पाप संताप सोक के । प्रिय पालक परलोक लोक के ॥
 सचिव सुभट भूपति विचार के । कुंभज लोभउदधि अपार के ॥
 काम कोह कलिमल करिगन के । केहरिसावक जनमन बन के ॥
 अतिथि पूज्य प्रियतम पुरारि के । कामद घन दारिद दवारि के ॥
 मंत्र महामनि विषयव्याल के । मेढत कठिन कुञ्जक भाल के ॥
 हरन मोहतम दिनकरकर से । सेवकसालिपाल जलधर से ॥
 अभिमत दानि देवतरुवर से । सेवत सुलभ सुषद हरि हर से ॥
 सुकवि सरद नम मन उडगन से । रामभगत जन जीवनधर से ॥
 सकल सुकृत फल भूरिभोगसे । जगहित निरुपधि साधु लोग से ॥
 सेवकमनमानस मराल से । पावन गंगतरंगमाल से ॥

दोहा

कुपथ कुतरक कुवाल कलि कपटदंभ पाषंड ।
दहन रामगुनग्राम जिमि इंधन अनल प्रचंड ॥
रामचरित राकेसकर सरिस सुपद सब काहु ।
सज्जनकुमुद चकोर चित हित विसेपि बड़लाहु ॥

चौपाई

कीन्ह प्रश्न जेहि भांति भवानी । जेहिबिधि शंकर कहा बषानी ॥
सो सब हेतु कहब मैं गाई । कथा प्रबंध विचित्र बनाई ॥
जेहि यह कथा सुनी नहि होई । जनि आचरज करैं सुनि सोई ॥
कथा अलौकिक सुनहिं जे ग्यानी । नहिं आचरज करहिं अस जानी ॥
राम कथा कै मिति जग नाही । अस प्रतीति तिनके मनमाहीं ॥
नाना भांति रामअवतार । रामायन सतकोटि अपार ॥
कलपभेद हरिचरित सुहाये । भांति अनेक मुनीसन्ह गाये ॥
करिय न संसय अस उर आनी । सुनिअ कथा सादर रति मानी ॥

दोहा

राम अनंत अनंतगुन अमित कथा विस्तार ।
सुनि आचरजु न मानिहहिं जिनके विमल विचार ॥

चौपाई

येहिबिधि सब संसय करि दूरी । सिरधरि गुरपदपंकजधूरी ॥
पुनि सबही बिनवौं कर जोरी । करत कथा जेहि लागु न घोरी ॥
सादर शिवहिं नाइ अब माथा । बरनउं विसद रामगुनगाथा ॥
संबत सोरह सै इकतीसा । करौं कथा हरिपद धरि सीसा ॥
नौमी भौमवार मधु मासा । अवधपुरी यह चरित प्रकासा ॥
जेहि दिन रामजनम श्रुति गावहिं । तीरथ सकल तहां चलि आवहिं ॥
असुर नाग षग नर मुनि देवा । आय करहिं रघुनायकसेवा ॥
जन्ममहोत्सव रचहिं सुजाना । करहिं रामकलकीरति गाना ॥

दोहा

मज्जहिं सज्जनवृन्द बहु पावन सरजूनीर ।

जपहि राम धरि ध्यान उर सुंदर स्याम सरीर ॥

चौपाई

दरस परस मज्जन अरु पाना । हरै पाप कह वेद पुराना ॥
नदी पुनीत अमित महिमा अति । कहि न सकै सारदा विमलमति ॥
रामधामदा पुरी सुहावनि । लोक समस्त विदित जगपावनि ॥
चारि पानि जगजीव अपारा । अवध तजे तनु नहि संसारा ॥
सब विधि पुरी मनोहर जानी । सकलसिद्धिप्रद मंगलपानी ॥
विमल कथा कर कीन्ह अरंभा । सुनत नसाहि काममददंभा ॥
रामचरितमानस यहि नामा । सुनत श्रवन पाइय विश्रामा ॥
भनकर विषय अनल बन जरई । होइ सुषी जो यहि सर परई ॥
रामचरितमानस मुनिभावन । बिरचेउ संभु सुहावन पावन ॥
त्रिविधदोषदुषदारिद दावन । कलिकुचाल कलिकलुषनसावन ॥
रचि महेस निज मानस राषा । पाइ सुखमउ सिवा सन भाषा ॥
ताते रामचरितमानस वर । धरेउ नाम हिअ हेरि हरषि हर ॥
कहौ कथा सोइ सुषद सुहाई । सादर सुनहु सुजन मन लाई ॥

दोहा

जस मानस जेहि विधि भयो जग प्रचार जेहि हेतु ।

अब सोइ कहौ प्रसंग सब सुमिरि उमा वृषकेतु ॥

चौपाई

संभुप्रसाद सुमति हिअ हुलसी । राम चरितमानस कवि तुलसी ॥
करइ मनोहर मति अनुहारी । सुजन सुचित सुनि लेहु सुधारी ॥
सुमति भूमिथल हृदय अगाधू । वेद पुरान उदधि घन साधू ॥
बर्षहि राम सुजस वर वारी । मधुर मनोहर मंगलकारी ॥
लीलासगुन जो कहहि बषानी । सोइ स्वच्छता करै मलहानी ॥
प्रेम भगति जो बरनि न जाई । सोइ मधुरता सुसीतलताई ॥
सो जल सुकृतसालि हित होई । रामभगति जन जीवन सोई ॥
मेधा महिगत सो जल पावन । सकलि श्रीवणमगु चलेउ सुहावन ॥
अरेउ सुमानस सुथल थिराना । सुषद सीत रुचि चारु चिराना ॥

दोहा

सुठि सुन्दर संबादवर बिरचेउ बुद्धि विचारि ।
तेई यहि पावन सुभग सर घाट मनोहर चारि ॥

चौपाई

सप्त प्रबंध सुभग सोपाना । ग्याननयन निरषत मनमाना ॥
रघुपतिमहिमा अगुन अबाधा । बरनब सोइ वरवारि अगाधा ॥
रामसीयजस सलिल सुधासम । उपमा वीचिविलास मनोरम ॥
पुरइनि सवन चारु चौपाई । जुगुति मंजु मनि सीप सुहाई ॥
छन्द सोरठा सुंदर दोहा । सोइ बहुरंग कमलकुल सोहा ॥
अरथ अनूप सुभाव सुभासा । सोइ पराग मकरन्द सुबासा ॥
सुकुतपुंज मंजुल अलिमाला । ग्यान विराग विचार मराला ॥
धुनि अवरेव कवित गुनजाती । मीन मनोहर ते बहु भांती ॥
अर्थ धर्म कामादिक चारी । कहब ग्यान विग्यान विचारी ॥
नवरस जपतप जोग विरागा । ते सब जलचर चारु तड़ागा ॥
सुकुती साधु नाम गुनगाना । ते विचित्र जलविहंग समाना ॥
सन्तसभा चहुँदिसि अँबराई । श्रद्धा रितु वसंत सम गाई ॥
भगति निरूपन विविध विधाना । छमा दया दम लता विताना ॥
सम यम नियम फूलफल ग्याना । हरिपद रस बर वेद बषाना ॥
औरौ कथा अनेक प्रसंगा । तेइ सुक पिक बहु वरन विहंगा ॥

दोहा

पुलक वाटिका बागवन सुष सुविहंग विहार ।
माली सुपन सनेहजल सींचत लोचन चारु ॥

चौपाई

जे गावहि यह चरित सँभारे । तेइ यहि ताल चतुर रषवारे ॥
सदा सुनहि सादर नर नारी । ते सुरवर मानस अधिकारी ॥
अतिषल जे विषयी वक कागा । यहिसरनिकट न जाहि अभागा ॥
संशुक भेक सिवार समाना । इहां न विषयकथारस नाना ॥
तेहि कारन आवत हिअंहारे । कामी काक बलाक विचारे ॥

आवन यहि सर अति कठिनाई । रामरूपा बिनु आई न जाई ॥
 कठिन कुसंग कुपंथ कराला । तिन के बचन बाध हरि व्याला ॥
 गृहकारज नाना जंजाला । तेइ अतिदुर्गम सैल विसाला ॥
 बन बहु विषय मोह मदमाना । नदी कुतर्क भयंकर नाना ॥

दोहा

जे श्रद्धासंबल रहित नहि संतन्ह कर साथ ।
 तिनकहँ मानस अगम अति जिनहि न प्रिय रघुनाथ ॥

चौपाई

जो करि कष्ट जाइ पुनि कोई । जातहि नीद जुडाई होई ॥
 जडता जाड विषम उर लागा । गयहु न मज्जन पाव अमागा ॥
 करि न जाइ सर मज्जन पाना । फिरि आवहि समेत अभिमाना ॥
 जो बहोरि कोउ पूछन आवा । सर निंदा करि ताहि बुझावा ॥
 सकल विघ्न व्यापहि नहि तेही । राम सुकृपा विलोकहि जेही ॥
 सोइ सादर सर मज्जन करई । महाघोर त्रयताप न जरई ॥
 ते नर यह सर तजहि न काऊ । जिन्ह के रामचरण भलभाऊ ॥
 जो नहाइ चह यहि सर भाई । सो सतसंग करै मन लाई ॥
 अस मानस मानसचष चाही । भइ कविबुद्धि विमल अवगाही ॥
 भयो हृदय आनंद उछाहू । उमगेउ प्रेम प्रमोद प्रवाहू ॥
 चली सुभग कविता सरिता सो । राम विमलयश जलभरिता सो ॥
 सरजू नाम सुमंगल मूला । लोक वेद मत मंजुल कूला ॥
 नदी पुनीत सुमानसनंदिनि । कलिमलत्रिनतरुमूलनिकंदिनि ॥

दोहा

श्रोता त्रिविध समाजपुर ग्रामनगर दुहुंकूल ।
 सन्तसभा अनुपम अवध सकल सुमंगल मूल ॥

चौपाई

रामभगति सुरसरितहि जाई । मिली सुकीरति सरजू सुहाई ॥
 सानुज राम समर जस पावन । मिलेउ महानदु सोन सुहावन ॥
 जूग बिच भगति देवधुनिधारा । सोहति सहित सविरति बिचारा ॥

त्रिविध ताप त्रासक त्रिमुहानी । रामसरूप सिंधु समुहानी ॥
 मानस मूल मिली सुरसरिही । सुगत सुजनमन पावन करही ॥
 बिच बिच कथा विचित्रविभागा । जनु सरितीर तीरवन बागा ॥
 उमा महेस विवाह बराती । ते जलचर अगनित बहु भाँती ॥
 रघुवर जनम अनंद बधाई । भँवर तरंग मनोहरताई ॥

दोहा

बालचरित चहुँ बंधुके वनज विपुल बहुरंग ।
 नृप रानी परिजन सुकृत मधुकर वारिविहंग ॥

चौपाई

सीयस्वयंवर कथा सुहाई । सरित सुहावनि सो छवि छाई ॥
 नदी नाव पटु प्रश्न अनेका । केवट कुसल उतर सविवेका ॥
 सुनि अनुकथन परस्पर होई । पथिकसमाज सोह सरि सोई ॥
 धार धार भृगुनाथ रिसानी । घाट सुबद्ध रामबरवानी ॥
 सानुज रामविवाह उछाहू । सो सुम उमग सुषद सबकाहू ॥
 कहत सुनत पुलकत हरषाहीं । ते सुकृती मन मुदित नहाहीं ॥
 राम तिलकहित मंगल साजा । परब जोग जनु जुरे समाजा ॥
 काई कुमति केकयी केरी । परो जासु फल विपति घनेरी ॥

दोहा

समन अमित उतपात सब भरत चरित जपयाग ।
 कलिअथ षलअवगुनकथन ते जलमल वक काग ॥

चौपाई

कीरति सरित छहं ऋतु रूरी । समय सुहावनि पावनि भूरी ॥
 हिम हिमसैलसुता सिवव्याहू । सिसिरसुषद प्रभुजनमउछाहू ॥
 बरनव राम विवाह समाजू । सो मुदमंगलमय रितुराजू ॥
 श्रीषम दुसह रामवनगवनू । पंथकथा पर आतप पवनू ॥
 वर्षा घोर निसाचररारी । सुरकुलसालि सुमंगलकारी ॥
 रामराजसुष विनय बड़ाई । विसद सुषद सोइ सरद सुहाई ॥
 सतीसिरोमनिसिय गुनगाथा । सोइ गुन अमल अनूपम पाथा ॥

भरत सुभाउ सुसीतलताई । सदा एकरस बरनि न जाई ॥

दोहा

अवलोकनि बोलनि मिलनि प्रीति परसपरहास ।

भायष भलि चहुँ बंधु की जलमाधुरी सुबास ॥

चौपाई

आरति विनय दीनता मोरी । लघुता ललित सुवारि न षोरी ॥

अद्भुत सलिल सुनत सुषकारी । आस पियास मनोमलहारी ॥

राम सुप्रेमहिं पोषत पानी । हरत सकल कलिकलुषगलानी ॥

भवस्रमसोषक तोषक तोषा । शमन दुरित दुष दारिद दोषा ॥

काम क्रोध मद मोह नसावन । विमल विवेक विराग बढ़ावन ॥

सादर मज्जन पान किये ते । मिटत पाप परिताप हिये ते ॥

जिन यहि वारि न मानस धोये । ते कायर कलिकाल विगोये ॥

तृषित निरषि रविकरभववारी । फिरहिं मृग जिमि जीवदुषारी ॥

दोहा

मति अनुहारि सुवारिगुनगन गनि मन अन्हवाइ ।

सुमिरि भवानी संकरहि कह कवि कथा सुहाइ ॥

रामठ्याह

चौपाई

चले राम लछ्मिन मुनि संग । गये जहां जगपावनि गंगा ॥

गाधिसूनु सब कथा सुनाई । जेहि प्रकार सुरसरि महि आई ॥

तब प्रभु ऋषिन्ह समेत नहाये । विविधदान महिदेवन पाये ॥

हरषि चले मुनिवृंद सहाया । वेगि विदेहनगर नियराया ॥

। पुररम्यता राम जब देखी । हरषे अनुज समेत विशेषी ॥

बापी कूप सरित सर नाना । सलिल सुधासम मनिसोपाना ॥

गुंजत मंजु मत्त रस भृंगा । कूजत कल बहु वरन विहंगा ॥

घरन घरन विकसे बनजाता । त्रिविधि समीर सदा सुषदाता ॥

दोहा

सुमन घाटिका घाग बन विपुल विहंगनिवास ।

फूलत फलत सुपल्लवित सोहत पुर चहुं पास ॥

चौपाई

बनै न बरनत नगरनिकाई । जहाँ जाई मन तहई लुभाई ॥
 चारु बजार विचित्र अंवारी । मनिमय विधि जनु स्वकर सँवारी ॥
 धनिक वनिक घर धनद समाना । बैठे सकल वस्तु लिये नाना ॥
 चौहट सुन्दर गली सुहाई । संतत रहहि सुगंध सिंचाई ॥
 मंगलमय मंदिर सब केरे । चित्रित जनु रतिमाथ चितेरे ॥
 पुर नर नारि सुभग सुचि संता । धर्मसील ज्ञानी गुनवंता ॥
 अति अनूप जहँ जनकनिवास । विश्वकहि विबुध विलोकि विलास ॥
 होत चकित चित कोट विलोकी । सकलभुवन सोभा जनु रोकी ॥

दोहा

धवल धाम मनि पुरटपट सुघटित नाना भांति ।

सियनिवास सुन्दरसदन सोभा किमि कहि जाति ॥

चौपाई

सुभग द्वार सब कुलिसकपाटा । भूप भीर नट मागध भाटा ॥
 बनी विसाल वाजिगजसाला । हयगजरथ संकुल सब काला ॥
 सूर सचिव सेनप बहुतेरे । नृपगृह सरिस सदन सब केरे ॥
 पुरबाहिर सर सरित समीपा । उतरे जहँ तहँ विपुल महीपा ॥
 देषि अनूप एक अमराई । सब सुपास सब भांति सुहाई ॥
 कौसिक कहेउ मोर मन माना । यहाँ रहिय रघुवीर सुजाना ॥
 भलेहि नाथ कहि कृपानिकेता । उतरे तहँ मुनिवृंद समेता ॥
 विश्वामित्र महामुनि आये । समाचार मिथिलापति पाये ॥

दोहा

संग सचिव सुचि भूरि भट भूसुर वर गुरु ज्ञाति ।

बले मिलन मुनिनाथकहि मुदित राउ यहि भांति ॥

चौपाई

कान्ह प्रनाम चरन धरि माथा । दीन्ह असीस मुदिन मुनिनाथा ॥
 विप्रवृंद सब सादर बंदे । जानि भाग्य बडि राउ अनंदे ॥
 कुसलप्रश्न कहि बारहिं वारा । विश्वामित्र राउ बैठारा ॥
 होहि अवसर आये दोउ भाई । गये रहे देखन फुलवाई ॥
 श्याम गौर मृदु वयस किसोरा । लोचन सुखद विश्वचितचोरा ॥
 छटे सकल जय रघुपति आये । विश्वामित्र निकट बैठाये ॥
 भे सब सुषी देखि दाउ भ्राता । वारि विलोचन पुलकित गाता ॥
 मूरति मधुर मनोहर देखी । भये विदेह विदेह विशेषी ॥

दोहा

प्रेममगन मन जानि नृप करि विवेक मतिधीर ।
 बोलेउ मुनिपद नाइ सिर गदगद गिरा गंभीर ॥

चौपाई

कहेहु नाथ सुन्दर दोउ बालक । मुनिकुलतिलक कि नृपकुलपालक ॥
 ब्रह्म जो निगम नेति कहि गावा । उभय वेष धरि सोइ कि आवा ॥
 सहज विरागरूपमन मोरा । थकित होत जिमि चंद्र चकोरा ॥
 ताते प्रभु पूछौ सतिभाऊ । कहेहु नाथ जनि करहु दुराऊ ॥
 इनहिं विलोकत अति अनुरागा । बरबस ब्रह्मसुषहि मन त्यागा ॥
 कह मुनि विहंसि कहेहु नृपनीका । वचन तुम्हार कि होइ अलीका ॥
 ये प्रिय सबहिं जहां लगि प्रानी । मन मुसुकाहिं राम सुनि बानी ॥
 रघुकुलमनि दसरथ के जाये । मम हित लागि नरेस पठाये ॥

दोहा

राम लषन दोउ बन्धुवर रूप शील बलधाम ।
 मष राखेउ सब साधि जग जीति असुर संग्राम ॥

चौपाई

मुनि तव चरन देखि कह राऊ । कहि न सकौं निज पुन्य प्रभाऊ ॥
 सुन्दर स्याम गौर दोउ भ्राता । आनंदहु के आनंददाता ॥
 इनकी प्रीति परस्पर पावनि । कहि न जाय मन भाव सुहावनि ॥

सुनहु नाथ कह मुदित विदेह । ब्रह्म जीव इव सहज सनेह ॥
 पुनि पुनि प्रभुहि चितव नरनाह । पुलकगात उर अधिक उछाह ॥
 मुनिहि प्रससि माइ पद सीसू । चले लिवाय नगर अवनीसू ॥
 सुंदर सदन सुषड सब काला । तहां वास लै दीन्ह भुआला ॥
 करि पूजा सब विधि सेवकाई । गयउ राउ गृह बिदा कराई ॥

दोहा

ऋषय संग रघुवंशमनि करि भोजन विश्राम ।
 बैठे प्रभु भ्राता सहित दिवस रहा भरि जाम ॥

चौपाई

लषनहृदय लालसा विशेषी । जाय जनकपुर आइय देशी ॥
 प्रभुभय बहुरि मुनिहिं सकुचाहीं । प्रकट न कहहिं मनहिं मुसुकाहीं ॥
 राम अनुजमन की गति जानी । भगतबल्लता हिय हुलसानी ॥
 परम विनीत सकुचि मुसुकाई । बोले गुरुअनुसासन पाई ॥
 नाथ लषन पुर देखन चहहीं । प्रभु सकोच डर प्रकट न कहहीं ॥
 जो राउर आयस मैं पाऊं । नगर दिवाय तुरत लै आऊं ॥
 सुनि मुनीस कह वचन सप्रोती । कस न राम तुम राषहु नीती ॥
 धर्मसेतुपालक तुम ताता । प्रेमविवस सेवकसुपदाता ॥

दोहा

[जाइ देषि आवहु नगर सुषनिधान दोउ भाइ ।
 करहु सफल सबके नयन सुन्दर वदन दिखाइ ॥

चौपाई

मुनिपदकमल बंदि दोउ भ्राता । चले लोकलोचनसुष दाता ॥
 बालक वृंद देषि अति सोभा । लगे संग लोचन मनु लोभा ॥
 पीत बसन परिकर कटि भाथा । चारु चाप सर सोहत हाथा ॥
 तबु अनुहरत सुचन्दन षोरी । ह्यामल गौर मनोहर जोरी ॥
 केहरि कंधर बाहु बिसाला । उर अति रुचिर नागमनिमाला ॥
 सुभग श्रौन सरसीरुह लोचन । वदनमयंक तापत्रयमोचन ॥
 कानन्हि कनकफूल छुबि देही । चितवत चितै बोरि चित लेही ॥

चितत्रनि चारु भृकुटिवर बाँकी । तिलकरेष सोभा जनु चाँकी ॥

दोहा

रुचिर चौतनी सुभग सिर मेचक कुंचित केस ।

नष सिष सुन्दर बंधु दोउ सोभा सकल सुदेस ॥

चौपाई

देषन नगर भूपसुत आये । समाचार पुरवासिन्ह पाये ॥

धाये धाम काम सब त्यागा । मनहुं रंक निधि लूटन लागा ॥

निरषि सहज सुन्दर दोउ भाई । होहिं सुषी लोचन फल पाई ॥

जुवती भवन भरोखनि लागी । निरषहिं रामरूप अनुरागी ॥

कहहिं परस्पर बचन सप्रीती । सषि इन कोटि काम छुबि जीती ॥

सुर नर असुर नाग मुनि माहीं । सोभा असिकहुं सुनियन नाहीं ॥

विष्णु चारिभुज बिधि मुष चारी । बिकट वेष मुष पंच पुरारी ॥

अपर देव अस को जग आही । यहि छुबि सषि पटतरिये जाही ॥

दोहा

वय किसोर सुषमासदन स्याम गौर सुषधाम ।

अंग अंग पर वारिये कोटि कोटि सत काम ॥

चौपाई

कहहु सषी अस को तनुधारी । जो न मोह यह रूप निहारी ॥

कोउ सप्रेम बोली मृदु वानी । जो मैं सुना सो सुनहु सयानी ॥

ये दोऊ दसरथ के ढोटा । बाल मरालन के कल जोटा ॥

मुनिकौसिक मष के रषवारे । जिन रनअजिर निसाचार मारे ॥

स्यामगात कलकज विलोचन । जोमारीच सुभुजमदमोचन ॥

कौसल्यासुत सो सुषषानी । नामु रामु धनु सायक पानी ॥

गौर किसोर वेष घर काछे । कर शर चाप राम के पाछे ॥

लङ्घिमनु नामु रामलघुआता । सुनु सषि तामु सुमित्रा माता ॥

दोहा

विप्रकाज करि बन्धु दोउ मग मुनिबधू उधारि ।

आये देषन चापमष सुनि हरषी सब नारि ॥

चौपाई

देखि रामछवि कोउ इक कहई । जोगु जानकिहि यह वर अहई ॥
जा सषि इनहि देखि नरनाह । पनु परिहरि हठ करहि विवाह ॥
कोउ कह ए भूपति पहिचाने । मुनि समेत सादर सनमाने ॥
सषि परंतु पनु राउ न तजई । विधि बस हठि अविवेकहि भजई ॥
कोउ कह जो भल अहै विधाता । सब कहँ सुनिअ उचित फलदाता ॥
तौ जानकिहि मिलिहि वर येह । नाहिं आलि इहां सन्देह ॥
जो विधिवश यह बनै संजोगू । तौ कृतिकृत्य होहिं सब लोगू ॥
सषि हमरे अति आरति ताते । कबहुंक ये आवहिं यहि नाते ॥

दोहा

नाहित हमकहँ सुनहु सषि इनकर दर्शन दूरि ।
यह संघट तब होइ जब पुन्य पुराकृत भूरि ॥

चौपाई

बोली अपर कहेउ सषि नोका । यह विवाह अतिहित सबही का ॥
कोउ कह शंकरचाप कठोरा । ये स्यामल मृदुगात किसोरा ॥
सब अन्नमंजस अहै सयानी । यह सुनि अपर कहै मृदुबानी ॥
सषि इन कहँ कोउको अस कहहीं । बड़ प्रभाव देषत लघु अहहीं ॥
परसि जासु पदपंकजधूरी । तरी अहल्या कृतअघभूरी ॥
सो कि रहै बिनु शिवअनुतोरें । यह प्रतीति परिहरिय न भोरें ॥
जेहि विरंचि रचि सीय सँवारी । तेहि श्यामल वर रचेउ विचारी ॥
तासु वचन सुनि सब हरषानी । ऐसेइ होउ कहई मृदु बानी ॥

दोहा

हिय हरषहिं वरषहिं सुमत सुमुषि सुलोचनिवृंद ।
जहँ जहँ जाहिं बन्धु दोउ तहँ तहँ परमानंद ॥

चौपाई

पुर पूरबदिशि गे दोउ भाई । जहाँ धनुषमण भूमि बनाई ॥
अति विस्तार चारु गच ढारी । विमल वेदिका रुचिर सँवारी ॥
बहुंदिशि कंचनमंच विसाला । रचे जहाँ बैठहिं महिपाला ॥

तेहि पाछे समीप चहुं पासा । अपर मच मंडली विलासा ॥
 कछुक ऊंच सब भाँति सुहाई । बैठीं नगर लोग जहाँ जाई ॥
 तिनके निकट विसाल सुहाये । धवल धाम बहु वरन बनाये ॥
 जहाँ बैठी देशहिं सब नारी । यथा जोग निजकुल अनुहारी ॥
 पुरबालक कहि कहि मृदु वचना । सादर प्रभुहिं देशावहिं रचना ॥

दोहा

सब सिसु इहि मिसु प्रेमवस परसि मनोहर गात ।
 तनुपुलकहिं अतिहरष हिय देषि देषि दोउ भ्रात ॥

चौपाई

सिसु सब राम प्रेमवस जाने । प्रीति समेत निकेत बषाने ॥
 निज निज रुचि सब लेहिं बुलाई । सहित सनेह जाहिं दोउ भाई ॥
 राम देशावहिं अनुजहि रचना । कहि प्रिय मधुर मनोहर वचना ॥
 लव निमेष महँ भुवननिकाया । रचै जासु अनुसासन माया ॥
 भगत हेतु सोइ दीनदयाला । चितवत चकित धनुष मषशाला ॥
 कोतुक देषि चले गुरु पाहीं । जानि विलंब त्रासु मनमाहीं ॥
 जासु त्रास डरकहँ डर होई । भजनप्रभाव देशावत सोई ॥
 कहि बातें मृदुमधुर सुहाई । किये बिदा बालक बरिआई ॥

दोहा

सभय सप्रेम विनीत अति सकुच सहित दोउ भाइ ॥
 गुरुपदपंकज नाइ सिर बैठे आयसु पाइ ॥

चौपाई

निसिप्रवेस मुनि आयतु दीन्हा । सबही संध्यावंदन कीन्हा ॥
 कहत कथा इतिहास पुरानी । रुचि रजनी जुगजाम सिरानी ॥
 मुनिवर सयन कीन्ह तब जाई । लगे चरन चापन दोउ भाई ॥
 जिनके चरनसरोरुह लागी । करत विविध जपजोग विरागी ॥
 तें दोउ बन्धु प्रेम जनु जीते । गुरुपदकमल पलोडत प्रीते ॥
 बार बार मुनि अग्या दीन्हा । रघुबर जाइ सयन तब कीन्हा ॥
 आपत चरन लषन उर लाये । सभय सप्रेम परम सबु पाये ॥

हाथ नि प्रभु कह सोवहु ताता । पौढ़े धरि उर पद जलजाता ॥

दोहा

उठे लषन निसि विगत सुनि अरुनशिषाधुनि कान ।

गुरु ते पहिले जगतपति जागे राम सुजान ॥

चौपाई

सकल सौच करि जाय नहाये । नित्य निबाहि मुनिहिं सिर नाये ॥

समय जानि गुरु आयसु पाई । लेन प्रसून चले दोउ भाई ॥

भूप बाग बर देषेउ जाई । जहँ वसंतऋतु रहै लुभाई ॥

लागे विटप मनोहर नाना । वरन वरन वर बेलिविताना ॥

नव पल्लव फल सुमन सुहाये । निजसंगति सुररूप लजाये ॥

चातक कोकिल कीर चकोरा । कूजत विहग नचत कल मोरा ॥

मध्यबाग सर सुभग सुहावा । मनि सोपान विचित्र बनावा ॥

विमल सलिल सरसिज बहुरंगा । जलपग कूजत गुजत भृंगा ॥

दोहा

बागतडाग विलोकि प्रभु हरषे बन्धु समेत ।

परमरम्य आराम यह जो रामहिं सुष देत ॥

चौपाई

बहुं दिसि चितै पूछि मालोगन । लगे लेन दल फूलि मुदित मन ॥

तेहि अवसर सीता तहँ आई । गिरिजा पूजन जननिपठाई ॥

संग सषी सब सुभग सयानी । गावहिं गीत मनोहर बानी ॥

सरसमोप गिरिजा गृह सोहा । वरनि न जाय देषि मन मोहा ॥

मज्जन करि सर सषिन समेता । गई मुदित मन गौरिनिकेता ॥

पूजा कीन्ह अधिक अनुरागा । निज अनुरूप सुभग वर माँगा ॥

एक सखी सिय संग विहाई । गई रही देषन फुलवाई ॥

ते दोउ बन्धु विलोकेउ जाई । प्रेम विवस सीता पहुँ आई ॥

दोहा

तासु दसा देषी सषिन पुलकगात जलनैन ।

कहु कारन निज हरषकर पूछहि सब मृदुबैन ॥

चौपाई

देषन बाग कुंवर दुइ आये । वयकिसोर सब भांति सुहाये ॥
 स्याम गौर किमि कहौ बषानी । गिराअनयन नयन विनुवानो ॥
 सुनि हरषीं सब सषी सयानी । सियहिय अति उतकंठा जानो ॥
 एक कहहिं नृपसुत ते आली । सुने जे मुनि सँग आये काली ॥
 निज निजरूप मोहनी डारो । कीन्हे स्ववश नगर नरनारी ॥
 बरनत छवि जहँ तहँ सब लोगू । अवसि देखिये देषनजोगू ॥
 तासु वचन अति सियहि सुहाने । दरसलागि लोचन अकुलाने ॥
 चली अग्रकरि प्रिय सषि सोई । प्रीति पुरातनि लषै न कोई ॥

दोहा

सुमिरि सीय नारदवचन उपजी प्रीति पुनीत ।
 चकित विलोकति सकल दिशि जनु सिसुमृगीसभोत ॥

चौपाई

कंकन किंकिनि नूपुरधुनि सुनि । कहत लषन सन राम हृदय गुनि ॥
 मानहुं मदनदुंदुभो दीन्ही । मनसा विश्वविजय कहँ कीन्ही ॥
 अस कहि फिरि चितए तेहि ओरा । सियमुषससि भए नयन चकोरा ॥
 भये विलोचन चारु अचंचल । मनहुं सकुचिनिमि तजेउ दगंचल ॥
 देखि सीयसोभा सुष पावा । हृदय सराहत वचन न आवा ॥
 जनु विरंचि सब निज निपुनाई । विरचि विश्व कहँ प्रकट दिखाई ॥
 सुन्दरता कहँ सुन्दर करई । छविगृह दीपसिषा जनु बरई ॥
 सब उपमा कवि रहे जुठारी । किहि पटतरिय विदेहकुमारी ॥

दोहा

सियसोभा हिय बरनि प्रभु आपनि दसा विचारि ।
 बोले सुचिमन अनुजसन वचन समय अनुहारि ॥

चौपाई

तात जनकतनया यह सोई । धनुषजग्य जेहि कारन होई ॥
 पूजन गौरि सषी लै आई । करति प्रकास फिरति फुलवाई ॥
 जासु विलोकि अलौकिक सोभा । सहज पुनीत मोर मन छोभा ॥

सो सब कारन जान विधाता । फरकहिँ सुभग अंग सुनु भ्राता ॥
 रघुवंसिन कर सहज सुभाऊ । मन कुपंथ पग धरै न काऊ ॥
 मोहिँ अतिसय प्रतीति मन केरी । जेहि सपनेहु परनारि न हेरी ॥
 जिनके लहहिँ न रिपु रन पीठी । नहिँ लावहिँ परतिय मनुदीठी ॥
 मंगन लहहिँ न जिनके नाहीं । ते नरवर थोरे जगमाहीं ॥

दोहा

करत बतकही अनुज सन मन सियरूप लुभान ।
 मुखसरोजमकरन्द छवि करत मधुप इव पान ॥

चौपाई

चितप्रत चकित चहुँ दिसि सीता । कहूँ गये नृपकिसोर मनचीता ॥
 जहूँ विलोक मृगसावकनैनी । जनु तहूँ वरप कमलसितश्रेनी ॥
 लता ओट तब सपिन लषाये । स्यामल गौर किसोर सुहाये ॥
 देषि रूप लोचन ललचाने । हरषे जनु निज निधि पहिँचाने ॥
 थके नयन रघुपतिछवि देषी । पलकनहूँ परिहरी निमेषी ॥
 अधिक सनेह देह भइ भोरी । सरदससिहि जनु चितव चकोरी ॥
 लोचनमगु रामहिँ उर आनी । दीन्हे पलककपाट सयानी ॥
 जब सिय सपिन प्रेमवस जानी । कहिन सकहिँ कछु मन सकुचानी ॥

दोहा

लताभवन ते प्रगट भे तेहि अवसर दोउ भाइ ।
 निकसे जनु जुग विमल विधु जलदपटल बिलगाइ ॥

चौपाई

सोभासीव सुभग दोउ बीरा । नील पीत जलजात सरीरा ॥
 काकपद्म सिर सोहत नीके । गुब्छा बिचबिच कुसुमकलीके ॥
 भालतिलक श्रमविंदु सुहाये । श्रवनसुभग भूषन छवि छाये ॥
 विकट भृकुटि कच घूंघरवारे । नव सरोज लोचन रतनारे ॥
 चारु चिबुक नासिका कपोला । हासविलास लेत मन मोला ॥
 मुषछवि कहि न जाति मोहिँ पाहीं । जेहि विलोक बहु काम लजाहीं ॥
 उर मनिमाल कम्बुकलश्रीवा । कामकलभकर भुज बलसीवा ॥

सुमन समेत घाम कर दोना । सांवर कुंवर सखी सुठि लोना ॥

दोहा

केहरि कटि पटपीतधर सुषमासीलनिधान ।

देखि भानुकुलभूषनहि बिसरा सखिन अपान ॥

चौपाई

धरि धीरज इक सपी सयानी । सीता सन बोली मृदु बानी ॥
बहुरि गौरि कर ध्यान करेहु । भूपकिसोर देखि किन लेहु ॥
सकुचि सीय तब नयन उवारे । संमुख दोउ रघुवीर निहारे ॥
नषसिष देखि राम की सोभा । सुमिरिपितापन मन अति छोभा ॥
परधस सखिन लषी जय सीता । भयउ गहुरु सब कहहि समीता ॥
पुनि आउव इहि विरियां काली । असकहि मन विहँसो इक आली ॥
गूढ़ गिरा सुनि सिय सकुचानी । भयउ विलंब मातुभय मानी ॥
धरि बड़ धीर राम उर आनी । फिर आपनपौ पितुवस जानी ॥

दोहा

देषन मिसु नृग दिहग तरु फिरै बहोरि बहोरि ।

निरषि निरषि रघुवीरछवि बाढ़ी प्रीति न थोरि ॥

चौपाई

जानि कठिन सिवचाप विसूरति । चली राषि उर श्यामल मूरति ॥
प्रभु जब जात जानकी जानी । सुष सनेह सोभा की षानी ॥
परमप्रेममय मृदु मसि कीन्ही । चारु चित्र भीतर लिषि लीन्ही ॥
गई भवानीभवन बहोरी । धन्दि चरन बोली कर जोरी ॥
जय जय जय गिरिराजकिसोरी । जय महेसमुखचद्रचकोरी ॥
जय गजवदन षडानन माता । जगत जननि दामिनि द्युतिगाता ॥
नहि तव आदि मध्य अवसाना । अमित प्रभाव वेद नाहि जाना ॥
भव भव विभव पराभवकारिनि । विश्वविमोहनि स्ववस विहारिनि ॥

दोहा

पतिदेवता सुतीय महुँ मातु प्रथम तव रेष ।

महिमा अमित न कहि सकहि सहस सारदा सेष ॥

चौपाई

सेवत तोहिं सुलभ फलचारी । वरदायिनि त्रिपुरारिपियारी ॥
 देवि पूजि पदकमल तुम्हारे । सुर नर मुनि सब होहिं सुषारे ॥
 मोर मनोरथ जानहु नीके । बसहु सदा उरपुर सबही के ॥
 कीन्हें उँ प्रकट न कारन तेही । अस कहि चरन गहे वैदेही ॥
 विनयप्रेमवस भई भवानी । षसीमाल मूरति मुसुकानी ॥
 सादर सिय प्रसाद उर धरेऊ । बोली गौरि हरष उर भरेऊ ॥
 सुनु निय सत्य असीस हमारी । पूजिहिं मन कामना तुम्हारी ॥
 नारद वचन सदा सुचि संचा । सोर वर मिलिहि जाहि मनरांचा ॥

छंद

मन जाहि रांचो मिलिहि सो वर सहज सुंदर सांवरो ।
 करुनानिधान सुजान लील सनेह जानत रावरो ॥
 यहि भांति गौरि असीस सुनि सिय सहित हिय हरषिति अली ।
 तुलसी भवानिहि पूजि पुनि पुनि मुदितमन मंदिर चली ॥

सोरठा

जानि गौरि अनुकूल सियहियहरष न जाय कहि ।
 मजुल मंगलमूल वाम अंग फरकन लगे ॥

चौपाई

हृदय सराहत सीयलुनाई । गुरु समीप गवने दोउ भाई ॥
 राम कहा सब कौशिक पाहीं । सरल सुभाव खुवा छल नाही ॥
 सुमन पाई मुनि पूजा कीन्हीं । पुनि असीस दोउ भाइन्ह दीन्हीं ॥
 सुफल मनोरथ होहिं तुम्हारे । राम लषन सुनि भये सुषारे ॥
 करि भोजन मुनिवर विद्यानी । लगे कहन कछु कथा पुरानी ॥
 विगत दिवस गुरुआयसु पाई । संध्या करन चले दोउ भाई ॥
 प्राची दिशि ससि उगेउ सुहावा । सियहुष सरिस देषि मन भावा ॥
 बहुरि विचार कीन्ह मन माहीं । सीयवदन सम हिमकर नाही ॥

दोहा

जन्मसिंधु पुनि बंधु विष दिन मलीन सकलंक ।
 सियमुषसमता पाव किमि चंद बापुरो रंक ॥

चौपाई

घटै । बड़ै विरहिनिदुषदाई । असै राहु निज संधिहि पाई ॥
 कोकशोकप्रद पंकजद्रोही । अवगुन बहुत चंद्रमा तोही ॥
 धैदेहीमुष पटतर दीन्हे । होइ दोष बड़ अनुचित कीन्हे ॥
 सियमुष छबि विधुव्याज बषानी । गुरुपहि चले निशा बड़ि जानी ॥
 करि मुनिचरनसरोज प्रनामा । आयेसु पाइ कीन्ह विश्रामा ॥
 विगत निशा रघुनायक जागे । बंधु विलोकि कहन अस लागे ॥
 उगेउ अरुन अवलोकहु ताता । पंकज कोक लोक सुषदाता ॥
 बोले लषन जोरि युग पानी । प्रभुप्रभावसूचक मृदुबानी ॥

दोहा

अरुनोदय सकुचे कुमुद उडगन ज्योतिमलीन ।
 तिमि तुम्हार आगमन सुनि भये नृपति बलहीन ॥

चौपाई

नृप सब नषत करहिं उजियारी । टारि न सकहिं चापतम भारी ॥
 कमल कोक मधुकर पग नाना । हरषे सकत निसाअवसाना ॥
 ऐसहि प्रभु सब भगत तुम्हारे । होइहहिं दूटे धनुष सुगारे ॥
 उयेभानु बिनु ; भ्रम तम नासा । दुरे नषत जग तेज प्रकासा ॥
 रवि निज उदयव्याज रघुराया । प्रभुप्रताप सब नृपन दिषाया ॥
 तब भुजबल महिमा उदघाटी । प्रकटी धनुविघटन परिपाटी ॥
 बंधुगचन सुनि प्रभु मुसुकाने । होइ शुचि सहजपुनीत नहाने ॥
 नित्यक्रिया करि गुरु पहाँ आये । चरनसरोज सुभग सिरनाये ॥
 शतानंद तब जनक बुलाये । कौसिक मुनि पहाँ तुरत पठाये ॥
 जनक चिनय तिनि आय सुनाई । हरषे बोलि लिये दोउ भाई ॥

दोहा

शतानंदपद बंदि प्रभु बैठे गुरु पहाँ जाइ ।
 चलहु तात मुनि कहेउ तब पठवा जनक बुलाइ ॥

चौपाई

सीयस्वयंवर देषिय जाई । ईश काहि धौं देइ बड़ाई ॥

लषन कहा जसभाजन सोई । नाथ कृपा तब जा पर होई ॥
 हरषे सुनि सब मुनिवर वानी । दीन्ह असीस सबहिं सुष मानी ॥
 पुनि मुनिवृन्द समेत कृपाला । देषन चले धनुषमषसाला ॥
 रंगभूमि आये दोउ भाई । अस सुधि सब पुरवासिन पाई ॥
 चले सकल गृहकाज बिसारी । बालक युवा जरठ नर नारी ॥
 देषा जनक भीर भइ भारी । सुचि सेवक सब लिये हँकारी ॥
 तुरत सकल लोगन पहुँ जाहू । आसन उचित देहु सब काहू ॥

दोहा

कहि मृदु वचन विनीत तिन बैठारे नर नारि ।
 उत्तम मध्यम नीच लघु निज निज थल अनुहारि ॥

चौपाई

राजकुंवर तेहि अवसर आये । मनहुं मनोहरता तन छुये ॥
 गुनसागर नागर बरवीरा । सुंदर श्यामल गौर सरीरा ॥
 राज समाज विराजत रूरे । उडगन महुँ जनु युग विधु पूरे ॥
 जिनके! रही भावना जैसी । प्रभुमूरति देषी तिन तैसी ॥
 देषहिं भूप महा रनध्रीरा । मनहुं वीररस धरे शरीरा ॥
 डरे कुटिल नृप प्रभुहिं निहारी । मनहुँ भयानक मूरति भारी ॥
 रहे असुर छलछोनिपवेषा । तिन प्रभु प्रकट काल सम देषा ॥
 पुरवासिन देषे दोउ भाई । नरभूषन लोचनसुषदाई ॥

दोहा

नारि विलोकहिं हरषि हिय निज निज रुचिअनुरूप ।
 जनु सोहत शृङ्गार धरि मूरति परम अनूप ॥

चौपाई

विदुषन प्रभु विराटमय दीशा । बहुमुष कर पग लोचन शीशा ॥
 जनकजाति अवलोकहिं कैसे । सजन सगे प्रिय लागहिं जैसे ॥
 सहित विदेह विलोकहिं रानी । शिशुसम प्रीति न जाय बषानी ॥
 योगिन परम तत्त्वमय भासा । शान्तशुद्ध मन सहजप्रकासा ॥
 हरिभक्तन देषे दोउ आता । इष्टदेव इव सब सुषदाता ॥

रामहि चितव भाव जेहि सीया । सो सनेहसुष नहि कथनीया ॥
 उर अनुभवति न कहि सक सोऊ । कवन प्रकार कहै कवि कोऊ ॥
 यहि विधि रहा जाहि जस भाऊ । तेहि तस देषेउ कोशलराऊ ॥

दोहा

राजत राज समाज महँ कोशलराजकिशोर ।
 सुंदर श्यामल गौरतन विश्वविलोचनचोर ॥

चौपाई

सहज मनोहर मूरति दोऊ । कोटिकामउपमा लघु सोऊ ॥
 शरद चंद निंदक मुष नीके । नीरज नयन भावते जीके ॥
 चितवनि चार माँमदहरनी । भावत हृदय जाय नहि बरनी ॥
 कलकपोल श्रुतिकुंडल लोला । चिबुक अधर सुंदर मृदु बोला ॥
 कुमुदबन्धुकर निंदक हासा । भृकुटी विकट मनोहर नासा ॥
 भालविशाल तिलक भलकाहीं । कचविलोकिअलिअवलिलजाहीं ॥
 पीत चौतनी शिरन सुहाई । कुसुमकली बिचबीच बनाई ॥
 रेषा रुचिर कंबुकलग्रीवां । जनु त्रिभुवनसुषमाकी सीवां ॥

दोहा

कुंजरमनि कंठा कलित उर तुलसी की माल ।
 वृषभकंध केहरिठवनि बलनिधि बाहु विशाल ॥

चौपाई

कटि तूनीर पीत पट बांधे । कर शर धनुष बामवर कांधे ॥
 पीत यज्ञउपवीत सुहाई । नषशिष मंजु महाछवि छाई ॥
 देषि लोग सब भये सुषारे । इकटक लोचन टरत न टारे ॥
 हरषे जनक देषि दोउ भाई । मुनिपदकमल गहे तब जाई ॥
 करि विनती निज कथा सुनाई । रंगअवनि सब मुनिहिं दिषाई ॥
 जहँ जहँ जाहि कुंवरवर दोऊ । तहँ तहँ चकित चितव सब कोऊ ॥
 निज निज रुचि रामहि सब देषा । कोउ न जान कछु मर्म विशेषा ॥
 अलि रचना नृपसन मुनि कहेऊ । राजा मुदित महासुष लहेऊ ॥

दोहा

सब मंचन ते मंच इक सुंदर विशद विशाल ।
मुनि समेत दोउ बन्धुवर बैठारे महिपाल ॥

चौपाई

प्रभुहिं देषि सब नृप हिय हारे । जनु राकेशउदय भए तारे ॥
अस प्रतीति तिनके मन माहीं । राम चाप तोरब शक नाही ॥
बिनु भंजेहु भवधनुष विशाला । मेलिहि सोय रामउर माला ॥
अस विचारि गवनहु घर भाई । जस प्रताप बल तेज गँवाई ॥
विहँसे अपर भूप सुनि वानी । जे अविवेकअंय अभिमानी ॥
तोरेउ धनुष व्याह अवगाहा । बिनु तोरे को कुंवरि विवाहा ॥
एक बार कालहु किन होई । सिय हित समर जितब हम सोई ॥
यह सुनि अपर भूप मुसुकाने । धर्म शील हरिभगत सयाने ॥

सोरठा

सीय विवाहब राम, मर्व कूरि करि नृपन कर ।
जीति को सक संग्राम, दशरथ के रनबांकुरे ॥

चौपाई

बृथा मरहु जनि गाल बजाई । मनमोदक नहिं भूष वुताई ॥
सिष हमारि सुनि परम पुनीता । जगदम्बा जानहु जिय सीता ॥
जगतपिता रघुपतिहि विचारी । भरि लोचन छवि लेहु निहारी ॥
सुंदर सुषद सकल गुनरासी । ये दोउ बंधु शंभुउवासी ॥
सुधासमुद्र समीप बिहाई । मृगजल निरख मरहु कतधार्ई ॥
करहु जाय जा कहँ जोई भावा । हम तो आजु जनमफल पावा ॥
अस कहि भले भूप अनुरागे । रूप अनूप विलोकन लागे ॥
देषहि सुर नभ चढ़े विमाना । वरषहिं सुमन करहिं कल गाना ॥

दोहा

जानि सुअवसर सीय तब पठई जनक बुलाय ।
अतुर सषी सुंदर सकल सादर चलीं लिवाय ॥

चौपाई

सियशोभा नहि जाइ बषानी। जगदम्बिका रूपगुनषानी ॥
 उपमा सकल मोहिं लघुलागी। प्राकृत नारिअंग अनुरागी ॥
 सीय वरनि तेहि उपमा देई। कुकबि कहाइ अयश को लेई ॥
 जो पटतरिय तियन सम सीया। जग अस युवति कहां कमनीया ॥
 गिरा मुषर तनु अर्ध भवानी। रति अति दुषित अतनु पति जानी ॥
 विष वारुनी बंधु प्रिय जेही। कहिय रमासम किमि वैदेही ॥
 जो छविमुधा पयोनिधि होई। परमरूपमय कच्छप सोई ॥
 शोभा रज्जु मंदर शृंगारू। मथै पानिपंकज निज मारू ॥

दोहा

यहि विधि उपजै लच्छि जब सुंदरतासुषमूल।
 तदपि सकोच समेत कवि कहहिं सीयसम तूल ॥

चौपाई

चली संग लै सषी सयानी। गावत गीत मनोहर बानी ॥
 सोह नवलतन सुंदर सारी। जगत जननि अतुलितछवि भारी ॥
 भूषन सकल सुदेश सुहाये। अंग अंग रचि सजिन बनाये ॥
 रंगभूमि जब सिय पगु धारी। देषि रूप मोहे नर नारी ॥
 हरषि सुरन दुंदुभी बजाई। घरषि प्रसून अप्सरा गाई ॥
 पानिसरोज सोह जयमाला। औचक चितये सकल भुपाला ॥
 सीय चकितचित रामहिं चाहा। भये मोहवश सब नरनाहा ॥
 मुनि समीप बैठे दोउ भाई। लगे ललकि लोचन निधि पाई ॥

दोहा

गुरुजन लाज समाज बड देषि सीय सकुचानि।
 लगी विलोकन सषिनतन रघुबीरहि उर आनि ॥

चौपाई

रामरूप अरु सियछवि देषी। नर नारिन परिहरी निमेषी ॥
 शोचहिं सकल कहत सकुचाहीं। विधिसन विनय करहिं मन माहीं ॥
 हरु विधि बेगि जमक जड़ताई। मति हमारि असि देहु सुहाई ॥

बिनु विचारि पन तजि नरनाहू । सीय राम कर करइ विवाहू ॥
जगभल कहहि भाव सब काहू । हठ कीन्हे उर अन्तर दाहू ॥
यहि लालसा मगन सब लोगू । वर सांवरो जानकी जोगू ॥
सब बंदीजन जनक बुलाये । बिरदावली वदत चलि आये ॥
कह नृप जाइ कहहु पन मोरा । चले भाट हिअ हर्ष न थोरा ॥

दोहा

बोले बन्दी घचनवर सुनहु सकल महिपाल ।

पन विदेह कर कहहिँ हम भुजा उठाइ विशाल ॥

चौपाई

नृपभुजबल बिधु शिवधनु राहू । गरुअ कठोर विदित सब काहू ॥
रावन बान महाभट भारे । देषि शरसन गवहिँ सिधारे ॥
सो पुरारिकोदंड कठोरा । राजसमाज आज जेह तोरा ॥
त्रिभुवनजय समेत वैदेही । विना विचार बरै हठि तेही ॥
सुनि पन सकल भूप अभिलाषे । भटमानी अतिशय मन माषे ॥
परिकर बाँधि उठे अकुलाई । चले इष्टदेवन शिर नाई ॥
तमकि तमकि तकि शिवधनु धरहीं । उठै न कोटि भांति बल करहीं ॥
जिन्ह के कहु विचार मनमाहीं । चाप समीप महीप न जाहीं ॥

दोहा

तमकि धरहिँ धनु मूढ़ नृप उठै न चलहिँ लजाइ ।

मनहु पाइ भट बाहुबल अधिक अधिक गरुआइ ॥

चौपाई

भूप सहस दस एकहि बारा । लगे उठावन टरै न टारा ॥
डिगै न संभुसरासन कैसे । कामीवचन सतीमन जैसे ॥
सब नृप भए जोग उपहासी । जैसे बिनु विराग सन्यासी ॥
कीरति विजय धीरता भारी । चले चापकर बरबस हारी ॥
श्रीहत भये हारि सब राजा । बैठे निज निज जाइ समाजा ॥
नृपन विलोकि जनक अकुलाने । बोले बचन रोष जनु साने ॥
दीप दीप के भूपति नाना । आप सुनि हम जो पन डाना ॥

देव दनुज धरि मनुज शरीर। विपुल वीर आए रनधीरा ॥

दोहा

कुंवरी मनोहरि विजय बड़ि कीरति अति कमनीय ।

पावनहार धिरंछि जनु रचेउ न धनुदमनीय ॥

चौपाई

कहहु काहि यह लाभ न भावा । काहु न संकरचाप चढ़ावा ॥
रहा चढ़ाउब तोरब भाई । तिल भरि भूमि न सके लुड़ाई ॥
अब जनि कोउ माषै भटमानी । वीरबिहीन मही में जानी ॥
तजहु आस निज निज गृह जाहु । लिषा न विधि वैदेहिविवाह ॥
सुकुत जाय जो पन परिहरऊं । कुंआरि कुंआरि रहौ का करऊं ॥
जो जनतेऊं विनुभट महि भाई । तौ पनकरि होत्यो न हँसाई ॥
जनकवचन सुनि सब नर नारी । देखि जानकिहि भए दुषारी ॥
भाषे लषन कुटिल भाई भाँहैं । रदपुट करकत नयन रिसौहैं ॥

दोहा

कहि न सकत रघुवीरडर लगे बचन जनुवान ।

नाइ रामपद कमल सिर बोले गिरा प्रमान ॥

चौपाई

रघुवंसिन महँ जहँ कोउ होई । तेहि समाज अस कहै न कोई ॥
कही जनक जस अनुचित बानी । विद्यमान रघुकुलमनि जानी ॥
सुनहु भानुकुलपंकजभानू । कहौ सुभाव न कछु अभिमानू ॥
जो तुम्हार अनुसासन पावौ । कन्दुक इव ब्रह्मांड उठावौ ॥
काचे घट जिमि डारौ फोरी । सकौ मेरु मूलक इव तोरी ॥
तब प्रताप महिमा बलवाना । का बापुरो पिनाक पुराना ॥
नाथ जानि अस आयसु होऊ । कौतुक करौ किलोकिय सोऊ ॥
कमलनाल इमि चाप चढ़ावौ । योजन शत प्रमान लै धावौ ॥

दोहा

तोरो छत्रकदंड जिमि तब प्रताप बल नाथ ।

जो न करौ प्रभुपदशपथ कर न धरौ धनुहाथ ॥

चौपाई

लषन सकोप वचन जब बोले । डगमगानि महि दिग्गज डोले ॥
 सकल लोक सब भूप डेराने । सिखहिय हर्ष जनक सकुचाने ॥
 गुर रघुपति सब मुनि मन माहीं । मुदित भए पुनि पुनि पुलकाहीं ॥
 सैनहिं रघुपति लषन निवारें । प्रेम समेत निकट बैठारे ॥
 बिस्वामित्र समथ शुभ जानी । बोले अति सनेहमथ वानी ॥
 उठहु राम भंजहु भवचापा । मेठहु तात जनकपरितापा ॥
 मुनि गुरु वचन चरन सिर नावा । हर्ष बिषाद न कछु उर आवा ॥
 ठाढ़ भये उठि सहज सुहाए । ठवनि जुवा मृगराज खजाए ॥

दोहा

उदितउदयगिरिमंथ पर रघुवरबालपतंग ।
 विंगसे संतसरोज सब हरषे लोचनभृंग ॥

चौपाई

नृपन केरि आसा निसि नासी । वचन नषतअवली न प्रकासी ॥
 मूढ़ महीप कुनुद सकुचाने । कपटी भूप उलूक लुकाने ॥
 भए विशोक कोक मुनिदेवा । बरषहिं सुमन जनाबहिं सेवा ॥
 गुरुपद वंदि सहित अनुराग । राम मुनिनसन आयसु मांगा ॥
 सहजहि चले सकलजगस्वामी । मत्त मंजु कुंजर वर गामी ॥
 चलत राम सब पुर नर नारी । पुलकपूरि तन भए सुषारी ॥
 वंदि पितर सुर सुकृत सँभारे । जो कछु पुन्य प्रभाव हमारे ॥
 तौ सिवधनु मृनाल की नाई । तोरहिं राम गनेस गुसाई ॥

दोहा

रामहिं प्रेम समेत लषि सखिन समीप बुलाइ ।
 सीतामातु सनेह बस वचन कहै बिलषाइ ॥

चौपाई

सखि सब कौतुक देपनहारे । जेउ कहावत हितू हमारे ॥
 कोउ न बुझाई कहइ नृप पाहीं । ए बालक अस हठ भल नाहीं ॥
 खवन बान छुआ नहिं चापा । हारे सकल भूप करि दापा ॥

सो धनु राजकुँवर कर देहीं। बाल मराल कि मंदर लेहीं ॥
 भूपसयानप सकल सिरानी। सषि विधिगतिकछु जाय न जानी ॥
 बोली चतुर सषी मृदु वानी। तेजवंत लघु मनिय न रानी ॥
 कहँ कुंभज कहँ सिन्धु अपारा। सोषेउ सुयश सकल संसारा ॥
 रविमंडल देषत लघु लग्गा। उदय तासु त्रिभुवनतम भागा ॥

दोहा

मंत्र परमलघु जासु वस विधि हरि हर सुर सर्व ।

महा मत्त गजराज कहँ बस कर अंकुस पर्व ॥

चौपाई

काम कुसुम धनु सायक लीन्हे । सकल भुवन अपने बस कीन्हे ॥
 देवि तजिय संसय अस जानी । भंजब धनुष राम सुनु रानी ॥
 सषी वचन सुनि भइ परतीती । मिटा विषाद बढ़ी अति प्रीती ॥
 तव रामहि विलोकि वैदेही । सभय हृदय विनवति जेहि तेही ॥
 मनहीं मन मनाव अकुलानी । होउ प्रसन्न महेश भवानी ॥
 करहु सुफल आपनि सेवकाई । करि हित हरहु चाप गरुआई ॥
 गननायक घरदायक देवा । आजु लगे कीन्हेउ तव सेवा ॥
 बार बार सुनि बिनती मोरी । करहु चाप गरुता अतिथोरी ॥

दोहा

देवि देवि रघुवीर तन सुर मनाव धरि धीर ।

भरे विलोचन प्रेमजल पुलकावली सरीर ॥

चौपाई

नोके निरवि नयन भरि शोभा । पितुपन सुमिरि बहुरि मन छोभा ॥
 अहह तात दारुन हठ ठानी । समुझत नहिं कछु लाभ न हानी ॥
 सचिव सभय सिष देइ न कोई । बुव समाज बड़ अनुचित होई ॥
 कहँ धनु कुलिसहु चाहि कठोरा । कहँ श्यामल मृदु गात किसोरा ॥
 विधि केहि भांति घरों उर धीरा । सिरस सुमनकन बेधिहि हीरा ॥
 सकल सभा कै मति भइ भोरी । अब मोहिं शंभुचाप गति तोरी ॥
 निज जड़ता लोगन पर डारी । होहु हरुश रघुपतिहि निहारी ॥

अति परिताप सीयमन माहीं । लवनिमेष जुगसय सम जाहीं ॥

दोहा

प्रभुहि चितै पुनि चितै महि राजत लोचन लोल ।

बेजत मनसिजमीन जुग जनु विधुमंडल डोल ॥

चौपाई

गिराअलिन मुषपंकज रोकी । प्रकट न लाजनिसा अवलोकी ॥
लोचनजल रह लोचन कोना । जैसे परम कृपन कै सोना ॥
सकुची व्याकुलता बड़ि जानी । धरि धीरज प्रतीति उर आनी ॥
तन मन वचन मोर मन सांचा । रघुपतिपदसरोज चित रांचा ॥
तौ भगवान सकलउरवासी । करिहि मोहिं रघुवर की दासी ॥
जेहि के जेहि पर सत्य सनेह । सो तेहि मिलइ न कछु संदेह ॥
प्रभु तन चितै प्रेमपथ ठाना । कृपानिधान राम सब जाना ॥
सियहि विलोकि तकेउ धनु कैसे । चितव गरुड़ लघुब्यालहि जैसे ॥

दोहा

लषन लषेउ रघुवंशमनि ताकेउ हरकोदंड ।

पुलकिगात बोले बचन चरन चापि ब्रह्मंड ॥

चौपाई

दिशिकुंजरहु कमठ अहि कोला । धरहु धरनिधरि धीर न डोला ॥
राम चहहिं संकर धनु तोरा । होहु सजग सुनि आयसु मोरा ॥
चाप समीप राम जब आये । नर नारिन सुर सुकृत मनाये ॥
सब कर संसय अरु अग्यानू । मंद महीपन कर अभिमानू ॥
भृगुपति केरि गर्व गुरुआई । सुरि मुनिवरन्ह केरि कदराई ॥
सियकर सोच जनकपछिताया । रानिन्ह कर दारुन दुषदावा ॥
शम्भुचाप बोहित बड पाई । चढे जाइ सब संग बनाई ॥
रामसिन्धु धनवाह अपारू । चाहत पार महि कोउ कनहारू ॥

दोहा

राम विलोके लोग सब चित्र लिषे से देखि ।

चितई सीय कृपायतन जानी विकल विशेषि ॥

चौपाई

देशी विपुल विकल वैदेही । निमिष बिहात कल्प सम तेही ॥
 तृषित वारि बिनु जो तनु त्यागा । मुए करै का सुधातडागा ॥
 का वर्षा जब कृषी सुषाने । समै चुके पुनि का पछिताने ॥
 अस जिय जानि जानकिहि देशी । प्रभु पुलके लषि प्रीति विशेषी ॥
 गुरुहि प्रनाम मनहि मन कीन्हा । अति लाघव उठाय धनु लीन्हा ॥
 दमकैउ दामिनि जिमि जब लयऊ । पुनि धनु नभमंडल सम भयऊ ॥
 लेत चढ़ावत बैचत गाढ़े । काहु न लषा देषि सब ठाढ़े ॥
 तेहि छन राम मध्य धनु तोरा । भरेउ भुवन धुनि घोर कठोरा ॥

छंद

भरि भुवन घोर कठोर रव रविवाजि तजि मारग चले ।
 चिक्करहि दिग्गज डोल महि अहि कोल कूरम कलमले ॥
 सुर असुर मुनि कर कान दीन्हे सकल विकल विचारहीं ।
 कोदंड भंजेउ राम तुलसी जयति बचन उचारहीं ॥

सोरठ

संकरचाप जहाज सागर रघुवरबाहुबल ।
 बूड सु सकल समाज चढ़े जे प्रथमहि मोहबश ॥

चौपाई

प्रभु दोउ चापखंड महि डारे । देषि लोग सब भए सुषारे ॥
 कौशिकरूप पयोनिधि पावन । प्रेमवारि अवगाह सुहावन ॥
 रामरूपराकेश निहारी । बढ़त वीचि पुलकावलि भारी ॥
 बाजे नभ बहगहे निशाना । देववधू नाचहि करि गाना ॥
 ब्रह्मादिक सुर सिद्ध मुनीमा । प्रभुहि प्रसंसहि देहि असीसा ॥
 बरषहि सुमन रंग बडु माला । गावहि किन्नर गीत रसाला ॥
 रही भुवन भरि जयजय वानी । धनुषभंग धुनि जात न जानी ॥
 मुदित कहहि जहँ तहँ सब नारी । भंजेउ राम शम्भुधनु भारी ॥

दोहा

वंदी मागध सूतगन बिरद वदहि मतिधीर ।
 करहि निझावरि लोग सब हय गय मनि धन चीर ॥

चौपाई

भांभ मृदंग शंष सहनाई । भेरि ढोल डिंडिभी सुहाई ॥
 बाजहिं बहु बाजने सुहाये । युवतिन जहँ तहँ मङ्गल गाये ॥
 सधिन सहित हरषित सब रानी । सूषत धान परा जनु पानी ॥
 जनक लहेउ सुष सोच विहाई । पैरत थके थाह जनु पाई ॥
 श्रीहत भये भूप धनु दूटे । जैसे दिवस दीप छवि छूटे ॥
 सीयसुषहि बरनिय केहि भांती । जनु चातकी पाय जल स्वाती ॥
 रामहि लषन विलोकत कैसे । शशिहि चकोरकिसोरक जैसे ॥
 सतानन्द तब आयसु दीन्हा । सीता गमन राम पहुँ कीन्हा ॥

दोहा

संग सषी सुंदरि चतुर गावहिं मंगलचार ।
 गवनी बालमरालगति सुषमा अग अपार ॥

चौपाई

सधिन मध्य सिय सोहति कैसी । छवि गन मध्य महा छवि जैसी ॥
 करसरोज जयमाल सुहाई । विश्वविजय सोभा जनु छाई ॥
 तन सकोच मन परम उछाह । गूढ़ प्रेम लषि परै न काह ॥
 जाइ समीप रामछवि देशी । रहि जनु कुंवरी चित्रअवरेषी ॥
 चतुर सषी लषि कहा बुझाई । पहिरावहु जयमाल सुहाई ॥
 सुनत जुगल कर माल उठाई । प्रेमविवश पहिराइ न जाई ॥
 सोहत जनु जुगजलज सनाला । शशिहि समीत देत जयमाला ॥
 गावहिं छवि अवलोकि सहेली । सिय जयमाल रामउर मेली ॥

सोरठा

रघुवरउर जयमाल देखि देव वरषहिं सुमन ।
 सकुचे सकल भुआल जनु विलोकि रवि कुमुदगन ॥

चौपाई

पुर अरु व्योम बाजने बाजे । षल भे मलिन साधु सब गाजे ॥
 सुर किन्नर नर नाग मुनीशा । जयजय सब कहि देहिं अशीशा ॥
 नाचहिं गावहिं बिहुधवधूटी । बारबार कुसुमावलि छूटी ॥

जहँ तहँ विप्र वेदधुनि करहीं । बंदी विरदावलि उच्चरहीं ॥
 महि पाताल नाक जस व्यापा । राम वरी सिय भंजैउ चापा ॥
 करहिं अरती पुर नर नारी । देहिं निछावरि वित्त बिसारी ॥
 सोहत सिया राम कै जोरी । छवि सुंगार मनहुं इक ठोरी ॥
 सषी कहहिं प्रभुपद गहु सीता । करति न चरनपरस अति भीता ॥

दोहा

गौतमतियगति सुरति करि नहिं परसति पद पानि ।

मन विहँसे रघुवशमनि प्रीति अलौकिक जानि ॥

चौपाई

तव सिय देषि भूप अभिलाषे । कूर कपूत मूढ़ मन माषे ॥
 उठि उठि पहिरि सनाह अभागे । जहँ तहँ गाल बजावन लागे ॥
 लेहु छड़ाइ सीय कहँ कोऊ । धरि मारहु नृपबालक दाँऊ ॥
 तोरेउ धनुष चाड नहिं सरई । जीवत हमहिँ कुंवरी को बरई ॥
 जो विदेह कछु करै सहाई । जीतहु समर सहित दोउ भाई ॥
 साधु भूप बोले सुनि बानी । राजसमाजहि लाज लजानी ॥
 बल प्रताप वीरता बड़ाई । नाक पिनाकहि संग सिधाई ॥
 सोइ शूरता कि अथ कहँ पाई । अस बुधि तौ विधि मुंह मसिलाई ॥

दोहा

देषहु रामहिं नयन भरि तजि ईर्षा मद मोहु ।

लषनरोषपावक प्रबल जानि शलभ जनि होहु ॥

चौपाई

वैनतेयबलि जिमि चह कागा । जिमि शश चहहि नागअरि भागा ॥
 जिमि चह कुशल अकारन कोही । सुषसम्पदा चहै शिवद्रोही ॥
 लोभी लोभुष कीरति चहई । निकलंकता कि कामी लहई ॥
 हरिपद विमुष परमगति चाहा । तस तुम्हार लालच नरनाहा ॥
 कोलाहल सुनि सीय सकानी । सषी लिवाय गई जहँ रानी ॥
 राम सुभाय चले गुरु पाहीं । सियसनेह वरमत मनमाहीं ॥
 रानिन सहित शोचबश सीया । अवधौं विधिहि कहा करनीया ॥

भूषवचन सुनि इत उत तकहीं । लषन रामडर बोलि न सकहीं ॥

दोहा

अरुननयन भृकुटी कुटिल चितवत नृपन सकोप ।

मनहुँ मत्तगजगन निम्षि स्निहकिसोरहि चोप ॥

चौपाई

षरभर देषि विकल नरनारी । सब मिलि देहिं महीपन गारी ॥

तेहि अवसर सुनि शिवधनुभंगा । आये भृगुकुलकमलपतंगा ॥

देषि महीप सकल सकुचाने । बाजभूषट जनु लवा लुकाने ॥

गौर शरीर भूति भलि भ्राजा । भाल विशाल त्रिपुंड विराजा ॥

शीशजटा शशिवदन सुहावा । रिसिवश कछुक अरुन होइ आवा ॥

भृकुटी कुटिल नयन रिस राते । सहजहु चितवत मनहुँ रिसाते ॥

बृषभकंध उर बाहु विशाला । चारु जनेउ माल मृगछाला ॥

कटि मुनिवसन तून दुइ बांधे । धनु शर कर कुठार कल कांधे ॥

दोहा

साधु वेष करनी कठिन वरनि न जाय सरूप ।

धरि मुनितन जनु वीररस आये जहँ सब भूप ॥

चौपाई

देषत भृगुपतिवेष कराला । उठे सकल भयविकल भुआला ॥

पितु समेत निज निज कहि नामा । लगे करन सब दंड प्रनामा ॥

जेहि सुभाव चितवहिं हित जानी । सो जानै जनु आयु षोडानी ॥

जनक बहोरि आय शिर नावा । सीय बुलाय प्रनाम करावा ॥

आशिष दीन सषी हरषानो । निज समाज लै गई सयानी ॥

विस्वामित्र मिले तब आई । पद सरोज मेले दोउ भाई ॥

राम लषन दशरथ के ढोटा । देषि असीस दीन्ह भल जोटा ॥

राम्हि चितै रहे भरि लोचन । रूप अपार मारु मद मोचन ॥

दोहा

बहुरि विलोकि विदेह सन कहहु कहा अति भीर ।

पूछत जानि अज्ञान जिमि व्यापेउ कोप शरीर ॥

चौपाई

समाचार कहि जनक सुनाये । जेहि कारन महीप सब आये ॥
 सुनत बचन तब अनत निहारे । देषे चापषंड महि डारे ॥
 अतिरिस बोले बचन कठोरा । कहु जड़ जनक धनुष केहि तोरा ॥
 वेगि देषाउ मूढ़ नतु आजू । उलटौं महि जहँ लगि तव राजू ॥
 अति डर उतर देत नृप नाही । कुटिल भूप हरषे मन माहीं ॥
 सुर मुनि नाग नगर नर नारी । सोचहि सकल त्रास उर भारी ॥
 मन पछिताति सोयमहतारी । बिधि सँवारि सब बात बिगारी ॥
 भृगुपति कर सुभाव सुनि सीता । अर्ध निमेष कल्प सम बीता ॥

दोहा

सभय विलोके लोग सब जानि जानकीभीर ।
 हृदय न हर्ष विषाद कछु बोले श्रीरघुवीर ॥

चौपाई

नाथ शंभुधनुभंजनिहारा । होइहि कोउ इक दास तुम्हारा ॥
 आयसु कहा कहिय किन मोही । सुनि रिसाय बोले मुनि कोही ॥
 सेवक सो जो करै सेवकाई । अरिकरनी करि करिय लराई ॥
 सुनहु राम जेहि शिवधनु तोरा । सहसबाहु सम सो रिपु मोरा ॥
 सो बिलगाउ बिहाउ समाजा । नतु मारे जैहै सब राजा ॥
 सुनि मुनिबचन लषन मुसुकाने । बोले परशुधरहि अपमाने ॥
 बहु धनुही तोरेउँ लरिकाई । कबहुँ न अस रिस कीन्ह गुसाई ॥
 पहि धनु पर ममता केहि हेतू । सुनि रिसाय कह भृगुकुलकेतू ॥

दोहा

रे नृपबालक कालबस बोलत तोहि न सँभार ।
 धनुही सम त्रिपुरारिधनु विदित सकल संसार ॥

चौपाई

लषन कहा हँसि हमरे जाना । सुनहु देव सब धनुष समाना ॥
 का छति लाभ जीर्न धनु तोरे । देषा राम नष्ट के भोरे ॥
 छुवत दूद रघुपतिहि न दोषू । मुनि बिनुकाज करिय कत रोषू ॥

बोले चितय परशु की ओरा । रे शठ सुने प्रभाव न मोरा ॥
 बालक बोलि बधौं नहिं तोहीं । केवल मुनि जड़ जानेसि मोहीं ॥
 बाल ब्रह्मचारी अति कोही । विश्वविदित छत्रीकुलद्रोही ॥
 भुजबल भूमि भूप बिनु कीन्ही । विपुल बार महिदेवन दीन्ही ॥
 सहसबाहुभुजछेदनहारा । परशु विलोकु महीपकुमारा ॥

दोहा

मातु पितहि जनि सोच वश करसि महीपकिसोर ।

गर्भन के अर्भक दलन परशु मोर अति घोर ॥

चौपाई

बिहँसि लषन बोले मृदुबानी । अहो मुनीश महाभट मानी ॥
 पुनि पुनि मोहिं देषाव कुठारू । चहत उड़ावन फूँकि पहारू ॥
 इहां कुम्हड़बतिया कोउ नाहीं । जो तरजनी देषि मरि जाहीं ॥
 देषि कुठार शरासन बाना । मैं कछु कहें सहित अभिमाना ॥
 भृगुकुल समुक्ति जनेउ विलोकी । जो कछु कहहु सहौं रिस रोकी ॥
 सुर महिसुर हरिजन अरु गाई । हमरे कुल इन पर न सुराई ॥
 बधे पाप अपकीरति हारे । मारतहु पां परिय तुम्हारे ॥
 कोटिकुलिस सम वचन तुम्हारा । व्यर्थ धरहु धनु बान कुठारा ॥

दोहा

जो बिलोकि अनुचित कहेउँ छमहु महामुनि धीर ।

मुनि सरोष भृगुवंशमनि बोले गिरा गँभीर ॥

चौपाई

कौशिक सुनहु मंद यह वालक । कुटिल कालवस निजकुलघालक ॥
 मानुवंश राकेश कलंकू । निपट निरंकुश अलुध अशंकू ॥
 कालकवर होइहि छन माहीं । कहाँ पुकारि घोरि मोहिं नाहीं ॥
 तुम हटकहु जो चहहु उवारा । कहि प्रताप बल रोष हमारा ॥
 लषन कहेउ मुनि सुजस तुम्हारा । तुमहिं अछुत को बरनै पारा ॥
 अपने मुष तुम आपनि करनी । बार अनेक भांति बहु बरनी ॥
 नहिं संतोष तो पुनि कछु कहइ । जनि रिसि रौंकि दुसह दुष सहइ ॥

धीरव्रती तुम धीर अछोभा। गारी देत न पावहु शोभा ॥

दोहा

सूर समर करनी करहि कहि न जनावहि आप ।

विद्यमान रिपु पाइ रनि कायर करहि प्रलाप ॥

चौपाई

तुम तौ काल हाँकि जनु लावा । बार बार मोहि लागि बुलावा ॥
सुनत लषन के बचन कठोरा । परशु सुधारि धरेउ कर घोरा ॥
अब जनि दोष देखि मोहि लोगू । कटुवादी बालक वयजोगू ॥
घाल विलोकि बहुत मै बाँचा । अब यह मरनहार भा साँचा ॥
कौशिक कहा छुमिय अपराधू । बालदोषगुन गनहि न साधू ॥
कर कुठार मैं अकरन कोही । आगे अपराधी गुरुद्रोही ॥
उतर देत छाँड़ौ बिनु मारे । केवल कौशिक शील तुम्हारे ॥
नतु यहि काटि कुठार कठोरे । गुरुहि उरिन होतेउँ श्रम थोरे ॥

दोहा

गाधिसुबन कह हृदय हँसि मुनिहि हरिअरे सूभ ।

अजगव षंडेउ ऊष जिमि अजहुं न बूझ अबूझ ॥

चौपाई

कश्यो लषन मुनि शील तुम्हारा । को नहि जान विदित संसारा ॥
मस्तहि पितहि उरिन भय नीके । गुरुरिन रहा सोच बड़ जीके ॥
सो जनु हमरे माथे काढ़ा । दिन चलि गयउ व्याज बहु बाढ़ा ॥
अब आनिय व्यवहरिया बोली । तुरत देउ मैं थैली पोली ॥
मुनि कटुबचन कुठार सुधारा । हाय हाय सब सभा पुकारा ॥
भृगुवर परशु देषावहु मोही । विप्र विचारि बचौ नृपद्रोही ॥
मिले न कबहुं सुभट रनगाढ़े । द्विज देवता घरहि के बाढ़े ॥
अनुचित कहि सब लोग पुकारे । रघुपति सैनहि लषन निवारे ॥

दोहा

लषन उतर आहुति सरिस भृगुवरकोप कृशान ।

बढ़त देषि जलसम बचन बोले रघुकुलभान ॥

चौपाई

नाथ करहु बालकपर छोह । सूध दूधमुष करिय न कोह ॥
 जो पै प्रभु प्रभाव कछु जाना । तौ कि बराबरि करत अजाना ॥
 जो सरिका कछु अचगर करहीं । गुरु पितु मातु मोद मन भरहीं ॥
 करिअ कृपा शिशु सेवक जानी । तुम सम शील धीर मुनि ज्ञानी ॥
 रामवचन सुनि कछुक जुड़ाने । कहि कछु लषन बहुरि मुसुकाने ॥
 हँस्त देषि नष शिष रिस ब्यापी । राम तोर भ्राता बड़ पापी ॥
 गौर शरीर श्याम मन माहीं । कालकूटमुष पयमुष नाहीं ॥
 सहज टेढ़ अनुहरै न तोही । नीच मीच सम देषि न मोहीं ॥

दोहा

लषन कहेउ हँसि सुनहु मुनि क्रोय पाप कर मूल ।
 जेहि बस जन अनुचित करहिं चरहिं विश्वप्रतिकूल ॥

चौपाई

मैं तुम्हार अनुचर मुनिराया । परिहरि कोप करिअ अब दाया ॥
 दूट चाप नहिं जुरहिं रिसाने । बैठिय होइहिं पांय पिगाने ॥
 जो अतिप्रिय तौ करिय उपाई । जोरिय कोउ बड़ गुनी बुलाई ॥
 बोलत लषनहिं जनक डराहीं । मष्ट करहु अनुचित भल नाहीं ॥
 थर थर कांपहिं पुर नर नागी । छोड कुमार षोट अति भारी ॥
 भृगुपति सुनि सुनि निरभय वानी । रिस तनु जयै होय बलहानी ॥
 बोले रामहिं देइ निहोरा । बचौ विचारि बंधु लघु तोरा ॥
 मनमन्त्रीन तनु सुंदर कैसे । विषरस भरा कनकघट जैसे ॥

दोहा

सुनि लछिमन बिहँसे बहुरि नयन तरेरे राम ।
 गुरु समीप गवने तुरत परिहरि वानी वाम ॥

चौपाई

अति विनीत मृदु शीतल वानी । बोले राम जोरि जुग पानी ॥
 सुनहु नाथ तुम सहज सुजाना । बालक वचन करिअ नहिं काना ॥
 बरैं बालक एक स्वभाऊ । इनहिं न विदुष विदूषहिं काऊ ॥

तेह नाही कछु काज विगारा । अपराधी मैं नाथ तुम्हारा ॥
 कृपा कोप बन्ध वंश गुसाई । मोपर करिअ दास की नाई ॥
 कहिअ वेगि जेहि विधि रिसि जाई । मुनिनायक सोइ करिअ उपाई ॥
 कह मुनि राम जाइ रिस कैसे । अजहुं अनुज तव चितव अनैसे ॥
 यहि के कंठ कुठार न दोन्हा । तौ मैं काह कोष करि कीन्हा ॥

दोहा

गर्भ स्रवहिं अवनिपरमनि सुनि कुठारगति घोर ।

परशु अछुत देखौं जियत वैरी भूपकिसोर ॥

चौपाई

बहै न हाथ दहै रिस छाती । भा कुठार कुंठित नृपघाती ॥
 भयउ वामविधि फिरेउ सुभाऊ । मोरे हृदय कृपा कस काऊ ॥
 आछु दैव दुषु दुसह सहा ॥ सुनि सौमित्र बहुरि सिर नाथा ॥
 बाउ कृपा मूरति अनुकूला । बलत वचन भरत जनु फूला ॥
 जो पै कृपा जरै मुनिगाता । क्रोध भये तनु राषु विधाता ॥
 देषु जनक हठि बालक येह । कीन्ह चहत जड़ जमपुर गेह ॥
 बेगि करहु किन आंषिन ओटा । देषत छोट षोट नृपढोटा ॥
 बिहँसे लषन कहा मुनि पाहीं । मूंदे आंषि कतहुं कोउ नाही ॥

दोहा

परशुराम तब रामप्रति बोले वचन सक्रोध ।

शम्भुशरासन तोरि शठ करसि हमार प्रबोध ॥

चौपाई

बंधु कहै कटु सम्मत तोरे । तू छल विनय करसि कर जोरे ॥
 कर परितोष मोर संग्रामा । नाहित छांडु कहाउव रामा ॥
 छलतजि समर करहु शिवद्रोही । बंधुसहित नतु मारौं तोही ॥
 भृगुपति बकहिं कुठार उठाये । मन मुसुकाहिं राम सिर नाये ॥
 गुनहु लषन कर हम पर रोष । कतहुँ सुधाइहु ते बड़ दोष ॥
 टेढ़ जानि शङ्का सब काह । वक्र चन्द्रमहिं प्रसै न राह ॥
 राम कहेउ रिस तजहु मुनिशा । कर कुठार आगे यह शोशा ॥

जेहि रिस जाइ करिअ सोइ स्वामी । मोहि जानि आपन अनुगामी ॥

दोहा

प्रभुहिं सेवकहिं समर कस तजहु विप्रवर रोष ।

वेष विलोकि कहेसि कछु बालकहु नहिं दोष ॥

चौपाई

देखि कुठार वान धनुधारी । भय लरिकहि रिस वीर विचारी ॥

नाम जान पै तुमहिं न चोन्हा । वंश सुभाव उतरु तेइ दीन्हा ॥

जो तुम अवतेउ मुनिकी नाई । पदरज शिर शिशु धरत गुसाई ॥

छमहु चूक अनजानत केरी । चाहिय विप्रउर कृपा घनेरी ॥

हमहिं तुमहिं सरिवरि कस नाथा । कहहु तो कहां चरन कहँ माथा ॥

राममात्र लघु नाम हमारा । परशु सहित बड़ नाम तुम्हारा ॥

देव एक गुन धनुष हमारे । नव गुन परमपुनोत तुम्हारे ॥

सब प्रकार हम तुम सन हारे । छमहु विप्र अपराध हमारे ॥

दोहा

बार बार मुनि विप्रवर कहा राम सन राम ।

बोले भृगुपति सरुष होइ तुहँ बंधु सम वाम ॥

चौपाई

निपटहि द्विजकरि जाने मोहीं । मैं जस विप्र सुनावौ तोहीं ॥

चाप खुवा शर आहुति जानू । कोप मोर अतिघोर कुशानू ॥

समिध सेन चतुरंग सुहाई । महामहीष भये पशु आई ॥

मैं यहि परशु काटि बल दीन्ह । समरजग्य जग कोटिन कीन्ह ॥

मोर प्रभाव विदित नहिं तोरे । बोलसि निदरि विप्र के भोरे ॥

भंजेउ चाप दाप बड़ बाढ़ा । अहमिति मनहु जीति जग ठाढ़ा ॥

राम कहा मुनि कहहु विचारी । रिस अति बड़ि लघु चूक हमारी ॥

खुवतहि दूट पिनाक पुराना । मैं केहि हेतु करौ अभिमाना ॥

दोहा

जो हम निदरहिं विप्र बदि सत्य सुनहु भृगुनाथ ।

तौ अस जग को सुभट जेहि भयवस नावहिं माथ ॥

चौपाई

देव दनुज भूपति भट माना । समबल अधिक होउ बलवाना ॥
 जो रन हमहि प्रवारै कोऊ । लरहिं सुषेन काल किन होऊ ॥
 छत्रियतनु धरि समर सकाना । कुलकलंक तेहि पांघर जाना ॥
 कहौ सुभाव न कुलहिं प्रसंसी । कतहु डरहिं न रन रघुवंसी ॥
 विप्रवंश कै अस प्रभुताई । अभय होइ जो तुमहिं डराई ॥
 सुनि मृदु वचन गूढ़ रघुपति के । उघरे पटल परशुधरमति के ॥
 राम रमापति कर धनु लेहू । पैचहु मोर मिटै सदेहू ॥
 वेत चाप आपुहि चढ़ि गयऊ । परशुराममन विस्मय भयऊ ॥

दोहा

जाना राम प्रत्नप तब पुलक प्रफुल्लितगात ।
 जोरि पानि बोले वचन प्रेम न हृदय समात ॥

चौपाई

जय रघुवंशधनजवन भानू । गहनदनुजकुल दहन कुशानू ॥
 जय सुर विप्र धेनु हितकारी । जय मद मोह कोह भ्रमहारी ॥
 विनयशीलकरुना गुनसागर । जयति वचनरचना अतिआगर ॥
 सेवकपुषद सुमग सब अंगा । जय शरीर छवि कोटि अनंगा ॥
 करौ कहा मुष एक प्रशंसा । जय महेशमनमानसहंसा ॥
 अनुचित बहुत कहैंउ अग्याता । छुमहु छुमामन्दिर दोउ आता ॥
 कहि जय जय जय रघुकुलकेतू । भृगुपति गण्ड वनहिं तप हेतू ॥
 अपभय सकल महीप डराने । जहँ तहँ कायर गबहिं पराने ॥

दोहा

देवन दीन्ही दुंदुभी प्रभु पर वरषहिं फूल ।
 हरषे पुर नर नारि सब मिटा मोह भय सूल ॥

चौपाई

अति गहगहे बाजने बाजे । सबहिं मनोहर मंगल साजे ॥
 जुथ जुथ मिलि सुमुषि सुनयनी । करहिं गान कलकौकिलबयनी ॥
 सुष बिदेहकर धरनि न जाई । जनम दरिद्र मनहुं निधि बाई ॥

विगत ब्रास भई सीय सुषारी । जिमि विधुउदय चकोरकुमारी ॥
 जनक कीन्ह कौशिकहि प्रनामा । प्रभुप्रसाद धनु भंजेउ, रामा ॥
 मोहि कृतकृत्य कीन्ह दुहुँ भाई । अब जो उचित सो कहिय गुसाँई ॥
 कह मुनि सुनु नरनाथ प्रवीना । रहा विवाह चापआधीना ॥
 दूदतहो धनु भयउ विवाह । सुरनरनाग विदित सब काह ॥

दोहा

तदपि जाइ तुम करहु अब यथा वंशव्यवहार ।

बूझि विप्र कुल वृद्ध गुरु वेदविदित आचार ॥

चौपाई

दूत अवधपुर पठवहु जाई । आनौ नृप दशरथहिं बुलाई ॥
 मुदित राउ कहि भलहि कृपाला । पठये दूत अवध तेहि काला ॥
 बहुरि महाजन सकल बुलाये । आइ सबनि सादर सिर नाये ॥
 हाट वाट मन्दिर सुरवासा । नगर सँवारहु चारिहु पासा ॥
 हरषि चले निज निज गृह आप । पुनि परिचारकनिकर बोलाप ॥
 रचहु विचित्र वितान बनाई । सिर धरि वचन चले सचुपाई ॥
 पठप बोलि गुनी तिन्ह नाना । जे वितानविधिकुशल सुजाना ॥
 विधिहि वंदि तिन्ह कीन्ह अरम्भा । बिरचे कनककेदलि के पंभा ॥

दोहा

हरित मनिन के पत्र फल पद्मराग के फूल ।

रचना देषि विचित्र अति मन विरंचि कर भूल ॥

चौपाई

वेनु हरितमनिमय सब कीन्हे । सरस सपर्न परहिं नहिं चीन्हे ॥
 कनक कलित अहिबेलि बनाई । लखि नहिं परै सपरनसुहाई ॥
 तेहि के रचि पचि बंय बनाये । बिचबिच मुकतादाम सुहाये ॥
 मानिक मरकत कुलिश पिरोजा । चोरि कोरि पचि रचे सरोजा ॥
 किये भृंग बहु रंग विहंगा । गुंजहिं कुंजहिं पवन प्रसंगा ॥
 सुरप्रतिमा बंभन गढ़ि काढ़ी । मंगल द्रव्य लिये सब ठाढ़ी ॥
 चौकै भांति अनेक पुराई । सिंदुरमनिमय सहज सुहाई ॥

दोहा

सौरभ पल्लव सुभग सुठि किये नीलमनि कोरि ।

हेम बौर मरकत घबरि लसत पाटमय डोरि ॥

चौपाई

रचे रुचिर वर बंदनवारे । मनहुँ मनोभवफंद सँवारे ॥
मंगल कलश अनेक बनाये । ध्वज पताक पट चमर सुहाये ॥
दीप मनोहर मनिमय नाना । जाइ न वरनि विचित्र विताना ॥
जेहि मंडप दुलहिनि वैदेही । सो वरनै अस मति कवि केही ॥
दूलह राम रूपगुनसागर । सो वितान तिहुँ लोक उजागर ॥
जनकभवन कै शोभा जैसी । गृह गृह प्रति पुर देषिय तैसी ॥
जेहि तिरहुति तेहि समय निहारी । तेहि लघु लगे भुवन दसचारी ॥
जो संपदा नीच गृह सोहा । तेहि विलोकि सुरनायक मोहा ॥

दोहा

बसै नगर जेहि लच्छि करि कपटनारिवरवेष ।

तेहि पुर कै शोभा कहत सकुचहि शारद शेष ॥

चौपाई

षडुंचे दूत रामपुर पावन । हरषे नगर विलोकि सुहावन ॥
भूपद्वार तिन षडरि जनार्द । दशरथ नृप सुनि लिये बोलाई ॥
करि प्रनाम तिन्ह पाती दीन्ही । मुदित महीप आप उठि लीन्ही ॥
वारि बिलोचन बांचत पाती । पुलकिगात आई भरि छाती ॥
राम लषन उरकरवर चीठी । रहिगये कहत न षाटी मीठी ॥
पुनि धरि धीर पत्रिका बांची । हरषो सभा बात सुनि सांची ॥
षेलत रहे तहां सुधि पाई । आये भरत सहित लघु भाई ॥
पूछत अति सनेह सकुचार्द । तात कहां ते पाती आई ॥

दोहा

कुशल प्रानप्रिय बंधु दोउ अहहिं कहहु केहि देश ।

सुनि सनेह साने वचन बांची बहुरि नरेश ॥

चौपाई

सुनि पाती पुलके दोउ भ्राता । अधिक सनेह समात न गाता ॥
 प्रीति पुनीत भरत कै देषी । सकल सभा सुष लहेउ विशेषी ॥
 तब नृप दूत निकट बैठारे । मधुर मनोहर बचन उचारे ॥
 भैया कहहु कुशल दोउ बारे । तुम नीके निज नैन निहारे ॥
 श्यामल गौर धरे धनु भाथा । वय किशोर कौशिक मुनि साथ ॥
 पहिचानेउ तुम कहहु सुभाऊ । प्रेम बिबस पुनि पुनि कह राऊ ॥
 जा दिन ते मुनि गएउ लवाई । तब ते आज्ञा सांचि सुधि पाई ॥
 कहहु विदेह कवन विधि जाने । सुनि प्रिय वचन दूत मुसुकाने ॥

दोहा

सुनहु महीपति मुकुटमनि तुमसम धन्य न कोउ ।

राम लषन जाके तनय विखविभूषन दोउ ॥

चौपाई

पूँछन जोग न तनय तुम्हारे । पुरुषसिंह तिहुं पुर उजियारे ॥
 जिनके जसु प्रताप के आगे । शशि मलीन रवि शीतल लागे ॥
 तिनकहँ कहिय नाथ किमि चीन्हे । देषिय रविहि कि दीपक लीन्हे ॥
 सखिखंवर भूप अनेका । सिमिटे सुभट एक ते एका ॥
 शंभुशरासन वाहु न टार । हारे सकल भूप बरियारा ॥
 तीन लोक महँ जे भट मानी । सबकी शक्ति शंभुधनु भानी ॥
 सकइ उठाइ सुरासुर मेरू । सो हिय हारि गए कर फेरू ॥
 जेहि कौतुक शिवशैल उठावा । सोउ तेहि सभा पराभव पावा ॥

दोहा

तहां राम रघुवंसमनि सुनिय महामहिपाल ।

भंजेउ चाप प्रयास बिनु जिमि गज पंकजनाल ॥

चौपाई

सुनि सरोष भृगुनायक आष । बहुत भांति तिन आँधि दिषाँष ॥
 देखि रामबल निज धनु दीन्हा । करि बहु विनय गवन बन कीन्हा ॥
 राजन राम अतुलबल जैसे । तेजनिधान लषन पुनि तैसे ॥

कंपहिं भूप विलोकत जाके । जिमि गज हरिकिशोर के ताके ॥
 देव देषि तब बालक दोऊ । अवनि आंषि तर आव न कोऊ ॥
 दूत बचनरचना प्रिय लागी । प्रेम प्रताप वीररस पागी ॥
 सभा समेत राउ अनुरागे । दूतन्ह देन निछावरि लागे ॥
 कहि अनीति ते मूदेउ काना । धर्म विचारि सबहिं सुषु माना ॥

दोहा

तब उठि भूप वसिष्ठ कहँ दीन्ह पत्रिका जाइ ।

कथा सुनाई गुरुहिं सब सादर दूत बुलाइ ॥

चौपाई

सुनि बोले मुनि अति सुषु पाई । पुण्यपुरुष कहुं महि सुष छुआई ॥
 जिमि सरिता सागर महुं जाहीं । यद्यपि ताहि कामना नाही ॥
 तिमि सुषसंपति विनहिं बुलाए । धर्मशील पहुँ जाहिं सुभाए ॥
 तुम गुर विप्र धेनु सुरसेवी । तसि पुनीत कौशल्या देवी ॥
 सुरुती तुम समान जग माहीं । भयउ न है कोउ होनेउ नाही ॥
 तुम ते पुण्य अधिक बड़ काके । राजन राम सरिस सुत जाके ॥
 वीर विनीत धर्म व्रतधारी । गुनसागर वरबालक चारी ॥
 तुमकहँ सर्व काल कल्याणा । सजहु बरात बजाइ निशाना ॥

दोहा

चलहु वेगि सुनि गुरुवचन भलेहि नाथ सिर नाइ ।

भूपति गवने भवन तब दूतन्ह वास दिवाइ ॥

चौपाई

राजा सब रनिवास बुलाई । जनकपत्रिका बांछि सुनाई ॥
 सुनि संदेस सकल हरषानी । अपरकथा सब भूप बषानी ॥
 प्रेम प्रफुल्लित राजा रानी । मनहुं शिषिन सुनि वारिदबानी ॥
 मुदित असीस देहिं गुरुनारी । अति आनंद मगन महतारी ॥
 लेहिं परस्पर अति प्रिय पाती । हृदय लगाइ जुड़ावहिं छाती ॥
 रामलखन कै कीरति करनी । बारहिं बार भूपधर वरनी ॥
 सुनिप्रसाद कहि द्वार सिधाए । रानिन तब महिदेव बुलाए ॥

दिये दान आनंद समेता । चले विप्रवर आशिष देता ॥

सोरठ

याचक लिये हँकारि दिये निछावरि कोटि विधि ।

चिरजीवहु सुत चारि चक्रवर्ति दशरथके ॥

चौपाई

कहत चले पहिरे पट नाना । हरषि हने गहगहे निसाना ॥

समाचार सब लोगन पाये । लागे घर घर होन बधाये ॥

भुवन चारि दश भरेउ उछाह । जनकसुता रघुवीर विवाह ॥

सुनि शुभ कथा लोग अनुरागे । मग गृह गली सँवारन लागे ॥

यद्यपि अवध सदैव सुहावनि । रामपुरी मंगलमय पावनि ॥

तदपि प्रीति की रीति सुहाई । मंगल रचना रची बनाई ॥

ध्वज पताक पट चामर चारू । छावा परम विचित्र बजारू ॥

कनककलश तोरन मनिजाला । हरद दूध दधि अच्छत माला ॥

दोहा

मंगलमय निज निज भवन लोगनु रचे बनाइ ।

बीथी सींची चतुर सब चौकै चारु पुराइ ॥

चौपाई

जहँ तहँ यूथ यूथ मिलि भामिनि । सजिनव सप्त सकल द्युतिदामिनि ॥

विधुवदनी मृगशावकलोचनि । निज सरूप रतिमानविमोचनि ॥

गावहि मंगल मंजुल बानी । सुनि कलरव कलकंठ लजानी ॥

भूपभवन किमि जाइ बषाना । विश्वविमोहन रचेउ बिताना ॥

मंगल द्रव्य मनोहर नाना । राजत बाजत विपुल निसाना ॥

कतहुं बिरद वंदी उच्चरहीं । कतहुं वेदधुनि भूसुर करहीं ॥

गावहि सुंदरि मंगल गीता । लै लै नाम राम अरु सीता ॥

बहुत उछाहु भवन अति थोरा । मानहुँ उमंगि चला चहुँ ओरा ॥

दोहा

शोभा दशरथ भवन कै को कवि वरनै पार ।

जहां सकल सुरशीशमनि राम लीन्ह अवतार ॥

चौपाई

भूप भरत पुनि लिये बुलाई । हय गज स्यन्दन साजहु जाई ॥
 चलहु बेगि रघुबीरबराता । सुनत पुलक पूरे दोउ भ्राता ॥
 भरत सकल साहनी बुलाये । आयसु दीन्ह मुदित उठि धाये ॥
 रचि रुचि जीन तुरंग तिन साजे । बरन बरन बर वाजि बिराजे ॥
 सुभग सकल सुठि चंचलकरनी । अवं इव जरत धरत पगु धरनी ॥
 नाना भांति न जाहिं बषाने । निदरि पवन जनु चहत उड़ाने ॥
 तिन्ह सब छयल भये असवारा । भरत सरिस सब राजकुमारा ॥
 सब सुन्दर सब भूषनधारी । कर सर चाप तून कटि भारी ॥

दोहा

छुरे छबीले छयल सब शूर सुजान नवीन ।
 जुग पदचर असवार प्रति जे असिकलाप्रवीन ॥

चौपाई

बांधे बिरद वीर रतगाढ़े । निकसि भये पुर बाहेर ठाढ़े ॥
 फेरहिं चतुर तुरगगति नाना । हरषहिं सुनि सुनि पनव निशाना ॥
 रथ सारथिन विचित्र बनाये । ध्वज पताक मनि भूषन छाये ॥
 चंवरचारुं किंकिनि ध्वनि करहीं । भानुजान शोभा अपहरहीं ॥
 श्यामकरन अगनित हय होते । ते तिन रथन सारथिन जोते ॥
 सुन्दर सकल अलंकृत सोहैं । जिनहिं विलोकत मुनि मन मोहैं ॥
 जे जल चलहिं थलहिं की नाई । टाप न बूड़ वेग अधिकारि ॥
 अख शस्त्र सब साज बनाई । रथी सारथिन लिये बुलाई ॥

दोहा

चढ़ि चढ़ि रथ बाहेर नगर लागी जुरन बरात ।
 होत सगुन सुंदर सबहि जो जेहि कारज जात ॥

चौपाई

कलित करिवरन परी अँवारी । कहि न जाहि जेहि भाँति सँवारी ॥
 चले मत्त गज घंट विराजे । मनहुँ सुभग सावनघन गाजे ॥
 बाहन अपर अनेक विधाना । सिबिका सुभग सुषासन जाना ॥

तिन चढ़ि चले विप्रवर बृंदा । जनु तनु धरे सकल श्रुति छंदा ॥
 मागध सूत बंदि गुनगायक । चले जान चढ़ि जो जेहि लायक ॥
 बेसर ऊंट वृषभ बहु जाती । चले वस्तु भरि अगनित भांती ॥
 कोटिन कांवरि चले कहारा । विविध वस्तु को बरनै पारा ॥
 चले सकल सेवक समुदाई । निज निज साज समाज बनाई ॥

दोहा

सबके उर निर्भर हरष पूरित पुलकशरीर ।
 कबहुँ देषिबे नयन भरि राम लषन दोउ वीर ॥

चौपाई

गरजहि गजघंटा धुनि घोरा । रथरव बाजिहींस चहुँ ओरा ॥
 निदरि घनहि घुस्मरहि निशाना । निज पराव कछु सुनिय न काना ॥
 महाभीर भूपति के द्वारे । रज होइ जाइ पषान पवारे ॥
 चढ़ी अटारिन देषिहि नारी । लिये आरती मंगल थारी ॥
 गावहि गीत मनोहर नाना । अति अनंद नहि जाइ बषाना ॥
 तब सुमंत दुइ स्यन्दन साजी । जोते रविहयनिंदक वाजी ॥
 दोउ रथ रुचिर भूप पहाँ आने । नहि शारद पहि जाहि बषाने ॥
 राजसमाज एक रथ भ्राजा । दूसर तेजपुंज अति राजा ॥

दोहा

तेहि रथ रुचिर वसिष्ठ कहँ हरषि चढ़ाइ नरेश ।
 आपु चढ़यो स्यंदन सुमिरि हर गुरु गौरि गनेश ॥

चौपाई

सहित वशिष्ठ सोह नृप कैसे । सुरगुरु संग पुरंदर जैसे ॥
 करि कुलरीति वेदविधि राऊ । देषि सबहि सब भांति बनाऊ ॥
 सुमिरि राम गुरुआयसु पाई । चले महीपति शंख बजाई ॥
 हरषे विबुध विलोकि बराता । वरषहि सुमन सुमंगलदाता ॥
 भयउ कोलाहल हय गज गाजे । व्योम बरात बाजने बाजे ॥
 सुर नर नारि सुमंगल गाई । सरस राग बाजहि सहनाई ॥
 घंट घंटी धुनि बरनि न जाई । सरोँ करे पायक फहराई ॥

करहिं विदूषक कौतुक नाना । हास कुशल कलगानसुजाना ॥

दोहा

तुरग नचावहिं कुंवरवर अकनि मृदंग निशान ।

नागरनट चितवहिं चकित डिगहिं न ताल विधान ॥

चौपाई

बनै न बरनत बनी बराता । होहिं सगुन सुंदर शुभ दाता ॥
 चारा चाष वाम दिशि लेई । मनहुँ सकल मंगल कहि देई ॥
 दाहिन काग सुषेत सुहावा । नकुलदरश सब काहू पावा ॥
 सानुकूल बह त्रिविध बयारी । सघट सवाल आव बरनारी ॥
 लोवा फिरि फिरि दरश दिषावा । सुरभी सनमुष शिशुहि पियावा ॥
 मृगमाला फिरि दाहिनि आई । मंगलगन जनु दीइ दिषाई ॥
 छेमकरी कह छेम विशेषी । श्यामा वाम सुतरु पर देषी ॥
 सम्मुख आयउ दधि अरु मीना । कर पुस्तक दुइ विप्र प्रवीना ॥

दोहा

मंगलमय कल्याणमय अभिमत फलदातार ।

जनु सब सांचे होन हित भए सगुन इक बार ॥

चौपाई

मंगल सगुन सुगम सब ताके । सगुन ब्रह्म सुन्दर सुत जाके ॥
 रामसरिस घर दुलहिनि सीता । समधी दशरथ जनक पुनीता ॥
 सुनि अस ब्याहु सगुन सब नाचे । अब कीन्हें विरंचि हम सांचे ॥
 यहि विधि कीन्ह बरात पयाना । हय गय गाजहि हनहिं निशाना ॥
 आवत जानि भानुकुलकेतू । सरितन जनक बँधाये सेतू ॥
 बीच बीच वर वास बनाये । सुरपुर सरिस संपदा छाये ॥
 अशन शयन बर बसन सुहाए । पावहिं सब निज निज मन भाए ॥
 नितनूतन सुष लषि अनुकूले । सकल बरातिन मंदिर भूले ॥

दोहा

आवत जानि बरात वर सुनि गहगहे निशान ।

सजि गज रथ पदचर तुरग लेन चले अगवान ॥

चौपाई

कनक कलश कोपर भरि थारा । भाजन ललित अनेक प्रकारा ॥
 भरे सुवासम सब पकवाना । भांति भांति नहिं जाई बषाना ॥
 फल अनेक वर वस्तु सुहाई । हरषि भेंट हित भूप पठाई ॥
 भूषन वसन महामनि नाना । षग मृग हय गय बहु विधि याना ॥
 मंगल सगुन सुगंध सुहाये । बहुत भांति महिपाल पठाये ॥
 दधि चिउरा उपहार अपारा । भरिभरि कांवरि चले कहारा ॥
 अगवानिन्ह जब दीष बराता । उर आनंद पुलक भरि गाता ॥
 देषि बनाव सहित अगवाना । मुदित बरातिन हने निशाना ॥

दोहा

हरषि परसपर मिलन हित कछुक चले बगमेल ।
 जनु आनंदनमुद्र दुइ मिलत विहाय सुबेल ॥

चौपाई

वरषि सुमन सुरसुंदरि गावहिं । मुदित देव दुंदुभी बजावहिं ॥
 वस्तु सकल राषी नृप आगें । विनय कीन्ह तिन अति अनुरागें ॥
 प्रेमसमेत राय सब लीन्हा । भइ बकशीश जाचकन्ह दीन्हा ॥
 करि पूजा मान्यता बड़ाई । जनवासे कहुँ चले लिवाई ॥
 वसन विचित्र पांवड़े परहीं । देषि धनद धनमद परिहरही ॥
 अति सुन्दर दीन्हेउ जनवासा । जहँ सब कहँ सब भांति सुपासा ॥
 जानो सिय बरात पुर आई । कछु निज महिमा प्रगट जनाई ॥
 हृदय सुमिरि सब सिद्धि बुलाई । भूप पहुनई करन पठाई ॥

दोहा

सिधि सब सिय आयसु अकनि गई जहां जनवास ।
 लिये संपदा सकल सुष सुरपुरभोगविलास ॥

चौपाई

निज निज वास विलोकि बराती । सुर सुष सकल सुलभ सब भांती ॥
 विभवभेद कछु कोउ न जाना । सकल जनक कर करहिं बषाना ॥
 सियमहिमा रघुनायक जानी । हरषे हृदय हेतु पहिचानी ॥

पितु आगमन सुनत दोउ भाई । हृदय न अति आनंदु अमाई ॥
 सकुचत कहि न सकत गुरुपाही । पितुदरशन लालचु मन माहीं ॥
 विश्वामित्र विनय बड़ि देषी । उपजा उर आनंद विशेषी ॥
 हरषि बंधु दोउ हृदय लगाए । पुलकि अंग अंबक जल छाप ॥
 चले जहां दशरथ जनवासैं । मनहुं सरोवर तकेउ पिआसैं ॥

दोहा

भूप विलोके जबहिं मुनि आवत सुतन समेत ।
 उठेउ हरषि सुषसिंधु महुँ चले थाह सी लेत ॥

चौपाई

मुनिहि दंडवत कीन्ह महीशा । बारबार पदरज घरि शीशा ॥
 कौशिक राउ लिये उर लाई । कहि अशीश पूंछी कुशलाई ॥
 पुनि दंडवत करत दोउ भाई । देषि नृपति उर सुष न समाई ॥
 सुत हिय लाइ दुसह दुष मेटे । मृतक शरीर प्रान जुनु भेटे ॥
 पुनि वसिष्ठपद शिर तिन नाये । प्रेम मुदित मुनिवर उर लाये ॥
 विप्रवृद्ध बंदे दुहुं भाई । मन भावतैं अशीशै पाई ॥
 भरत सहानुज कीन्ह प्रनामा । लिण उठाइ लाइ उर रामा ॥
 हरषे लषन देषि दोउ आता । मिले प्रेमपरिपूरन गाता ॥

दोहा

पुरजन परिजन जातिजन जाचक मंत्री मीत ।
 मिले यथाविधि सबहिं प्रभु परम कृपालु विनीत ॥

चौपाई

रामहिं देषि बरात जुड़ानी । प्रीति कि रीति न जाय बषानी ॥
 नृप समीप सोहहिं सुत चारी । जुनु धन धरमादिक तनुधारी ॥
 सुतन समेत दशरथहिं देषी । मुदित नगर नर नारि विशेषी ॥
 सुमन वरषि सुरहनहिं निशाना । नाकनटी नाचहिं करि गाना ॥
 शतानन्द अरु विप्र सचिवगन । मागध सूत विदुष दंडीजन ॥
 सहित बरात राउ सनमाना । आयसु माँगि फिरे अगवाना ॥
 प्रथम बरात लगन ते आई । ताते पुर प्रमोद अधिकारी ॥

ब्रह्मानन्द लोग सब लहहीं । बढ़हु दिवस निशि विधि सन कहहीं ॥

दोहा

राम सीय शोभाश्रवधि सुकृतश्रवधि दोउ राज ।

जहँ तहँ पुरजन कहहिँ अस मिलि नरनारिसमाज ॥

चौपाई

जनकसुकृतमूरति वैदेही । दशरथसुकृत राम धरै देही ॥

इनसम काहु न शिवआराधे । काहु न इन समान फल साधे ॥

इनसम कोउ न भयउ जगमाहीं । है नहिँ कतहुँ होनेहु नाहीं ॥

हम सब सकल सुकृत कै रासी । भये जग जनमि जनकपुरुवासी ॥

जिन जानकी राम छवि देषी । को सुकृती हम सरिस विशेषी ॥

पुनि देषव रघुवीर विवाह । लेब भली विधि लोचन लाह ॥

कहहिँ परसपर कोकिलबयनी । यहि विवाह बड़लाहु सुनयनी ॥

बड़े भाग विधि बात बनाई । नयन अतिथि होइहैं दोउ भाई ॥

दोहा

बारहिँवार सनेहबस जनक बोलाउब सीय ।

लेन आइहैं बधु दोउ कोटिकामकमनीय ॥

चौपाई

विविध भांति होइहिँ पहुनाई । प्रिय न काहिँ अस सासुर माई ॥

तब तब राम लषनहिँ निहारी । होइहहिँ सब पुरुलोग सुषारी ॥

सषि जस रामलषन कर जोटा । तैसेइ भूप संग दुइ ढोटा ॥

श्याम गौर सब अंग सुहाये । ते सब कहहिँ देषि जे आये ॥

कहा एक मैँ आजु निहारे । जनु विरंचि निज हाथ सँवारे ॥

भरत रामही की अनुहारी । सहसा लषि न सकहिँ नरनारी ॥

लषन शत्रुसूदन इक रूपा । नषशिष ते सब अग अनूपा ॥

मन भावहिँ मुष घरनि न जाहीं । उपमा कहुँ त्रिभुवन कोउ नाहीं ॥

छंद

उपमा न कोउ कह दासतुलसी कतहुँ कवि कोविद कहैं ।

बल विनय विद्या शील शोभासिन्धु इन सम यह अहैं ॥

पुरनारि सकल पसारि अंचल विधिहि वचन सुनावहीं ।
ब्याहियहुँ चारिउ भाइ यहि पुर हम सुमंगल गावहीं ॥

सोरठा

कहहिं परसपर नारि वारि विलोचन पुलक तन ।
सषि सब करब पुरारि पुन्यपयोनिधि भूप दोउ ॥

चौपाई

यहिविधि सकल मनोरथ करहीं । आनँद उमँगि उमँगि उर भरहीं ॥
जे नृप सीयस्वयंवर आये । देषि बंधु तिन सब सुष पाये ॥
कहत रामजस विशद विशाला । निज निज भवन गण महिपाला ॥
गण बीति कछु दिन यहि भांती । प्रमुदित पुरजन सकल बराती ॥
मंगल मूल लगनदिन आवा । हिमच्छतु अगहनमास सुहावा ॥
ग्रह तिथि नषत योग वर वारू । लगन शोधि विधि कीन्ह विचारू ॥
पठै दीन नारद सन सोई । गनी जनकके गनकन्हि जोई ॥
सुनी सकल लोगन यह बाता । कहहिं जोतिषी आहिं बिधाता ॥

दोहा

धेनुधूलि बेला विमल सकलसुमंगल मूल ।
विप्रन कहेउ विदेह सन जानि सगुन अनुकूल ॥

चौपाई

उपरोहितहि कहेउ नरनाहा । अब विलंब कर कारन काहा ॥
शतानंद तब सचिव बुलाए । मंगल सकल साजि सब ल्याए ॥
शंष निशान पनव बहु बाजे । मंगल कलश सगुन सब साजे ॥
सुभग सुआसिनि गावहिं गीता । करहिं वेदधुनि विप्र पुनीता ॥
लेन चले सादर यहि भांती । गये जहां जनवास बराती ॥
कोशलपति कर देषि समाजू । अतिलघु लगे तिनहिं सुरसाजू ॥
भयउ समय अब धारिय पाऊ । यह सुनि परा निशानहि घाऊ ॥
गुहहिं पूछि करि कुलविधि राजा । चले संग मुनि साजि समाजा ॥

दोहा

भाग्य विभव अवधेश कर देषि देव ब्रह्मादि ।
लगे सराहन सहस्रमुष जानि जनम निज बादि ॥

चौपाई

सुरन सुमंगल अवसर जाना । वरषहिं सुमन बजाइ निशाना ॥
 शिव ब्रह्मादिक विबुधवरूथा । चढ़े विमानीन्ह नाना जूथा ॥
 प्रेमपुलक तन हृदय उछाह । चले विलोकन रामविवाह ॥
 देषि जनकपुर सुर अनुरागे । निज निज लोक सबहिं लघु लागे ॥
 चितवहिं चकित विचित्र विताना । रचना सकल अलौकिक नाना ॥
 नगर नारि नर रूपनिधाना । सुघर सुधरम सुशील सुजाना ॥
 तिनहिं देषि सब सुर सुरनारी । भये नषत जनु विधुउजियारी ॥
 विधिहिं भयउ आचरजु विशेषी । निज करनी कछु कतहुँ न देषी ॥

दोहा

शिव । समुभाये देव सब जनि आचरज भुलाहु ।
 हृदय विचारहु धीर धरि सियरघुवीर विवाहु ॥

चौपाई

जिनकर नाम लेत जगमाहीं । सकल अमंगलमूल नशाहीं ॥
 करतल होहिं पदारथ चारी । तेइ सियराम कहेउ कामारी ॥
 यहिविधि शशु सुरन समुभावा । पुनि आगे वर बसह चलावा ॥
 देवन देषे दशरथ जाता । महामोदमन पुलकित गाता ॥
 साधु समाज संग महिदेवा । जनु तनु धरे करहि सुर सेवा ॥
 सोहत साथ सुभग सुत चारी । जनु अपवरग सकल तनुधारी ॥
 मरकत कनक वरन वर जंरी । देषि सुरन भइ प्रीति न थोरी ॥
 पुनि रामहिं विलोकि हिय हरषे । नृपहिं सराहि सुमन तिन्ह वरषे ॥

दोहा

रामरूप नषशिष सुभग बारहिं बार निहारि ।
 पुलकगात लोचन सजल उमा समेत पुरारि ॥

चौपाई

केकिंकठ द्युति श्याममल अंगा । तडितबिनिन्दक वसन सुरंगा ॥
 व्याह विभूषन विविध बनाए । मंगलमय सब भांति सुहाए ॥
 शरद विमल विधुवदन सुहावन । नयन नवलराजीवलजावन ॥

सकल अलौकिक सदरताई । कहि न जाय मनहीं मन भाई ॥
 बंधु मनाहर सोहहिं सगा । जान नचावत चपल तुरंगा ॥
 राजकुंघर वरवाजि देषावहिं । वंशप्रशंसक विरद सुनावहिं ॥
 जेहि तुरंग पर राम विराजे । गति विलोकि षगनायक लाजे ॥
 कहि न जाइ सब भांति सुहावा । वाजिवेष जनु काम बनावा ॥

छंद

जनु वाजिवेष बनाइ मनसिज राम हित अति सोहई ।
 आपने वय बल रूप गुन गति सकल भुवन विमोहई ॥
 जगमगति जीन जराव जोति सुभोति भनिमानिक लगे ।
 किंकिनि ललाम लगाम ललित विलोकि सुरनर मुनि ठगे ॥

दोहा

प्रभुमनसहि लय लीन मन चलत वाजि छुवि पाव ।
 भूषित उडुगन तड़ितघन जनु वर बरहि नचाव ॥

चौपाई

जेहि वर वाजि राम असवारा । तेहि शारदहु न वरनै पारा ॥
 शंकर राम रूप अनुरागे । नयन पंचदश अतिप्रिय लागे ॥
 हरि हित सहित राम जब जांहे । रमा समेत रमापनि मोहे ॥
 निरषि रामछुवि विधि हरषाने । आठहि नयन जानि पछिताने ॥
 सुरसेनप उर बहुत उझाह । विधि ते डेवदे लोचनलाह ॥
 रामहिं चितव सुरेश सुजाना । गौतमशाप परमहित माना ॥
 देव सकल सुरपतिहिं सिहाही । आजु पुरंदरसम कोउ नाही ॥
 मुदित देवगन रामहिं देषी । नृपसमाज दुहुँ हरष विशेषी ॥

छंद

अति हरषु राज समाज दुहुं दिशि दुंदुभी वाजहिं घनी ।
 वरषहिं सुमन सुर हरषि कहि जय जयति जय रघुकुलमनी ॥
 यहि भांति जानि बरात आवत बाजने बहु बाजहीं ।
 रानी सुआसिनि बोलि परिछन हेतु मंगल साजहीं ॥

दोहा

सजि आरती अनेक विधि मंगल सकल सँवारि ।
चलीं मुदित परिछन करन गजगामिनि वरनारि ॥

चौपाई

विभुगदनी सब सब मृगलोचनि । सब निज तनछवि रतिमदमोचनि ॥
पहिरे वरन वरन वर चीरा । सकल विभूषन सजे शरीरा ॥
सकल सुमंगल अंग बनाये । करहि गान कलकंठ लजाये ॥
कंकन किंकिनि नूपुर बाजहि । चाल विलोकि कामगज लाजहि ॥
बाजहि बाजन विविध प्रकार । नभ अरु नगर सुमंगल चारा ॥
शची शारदा रमा भवानी । जे सुरतिय शुचि सहज सयानी ॥
कपटनारि वर वेष बनाई । मिली सकल रनिवासिनि जाई ॥
करहि गान कल मंगल वानी । हरषविवश सब काहु न जानी ॥

छंद

को जान केहि आनंदवश सब ब्रह्मवर परिछन चलीं ।
कलगान मधुर निशान वरषहि सुमन सुरशोभा भलीं ॥
आनंदकंद विलोकि दूलह सकल हिय हरपित भई ।
अमोजअंबक अंबु उमंगि सुअंग पुलकावलि छई ॥

दोहा

जो सुष भा सियमातुमन देखि रामवग्नेप ।
सो न सकहि कहि कलपशत सहस शारदा शेष ॥

चौपाई

नयननीर हठि मंगल जानी । परिछनि करहि मुदितमन रानी ॥
वेदविहित अरु कुलआचारू । कीन्ह भलीविधि सब व्यवहारू ॥
पंचसबदधुनि मंगल गाना । पट पांवड़े परहि विधि नाना ॥
करि आरती अरघ तिन्ह दीन्हा । राम गमन मंडप तब कीन्हा ॥
दशरथ सहित समाज विराजे । विभव विलोकि लोकपति लाजे ॥
समय समय सुर वरषहि फूला । शांति पढ़हि महिसुर अनुकूला ॥
नभ अरु नगर कोलाहल होई । आपन पर कछु सुनै न कोई ॥

यहि विधि राम मंडपहि आये । अरघ देइ आसन बैठाये ॥

छंद

बैठारि आसन आरती करि निरषि वर सुष पावहीं ।
मनि वसन भूषन भूरि वारहि नारि मंगल गावहीं ॥
ब्रह्मादि सुर वर विप्रवेष बनाइ कौतुक देषहीं ।
अवलोकित रविकुलकमलरविछवि सुफल जीवन लेषहीं ॥

दोहा

नाऊ बारी भाट नट रामनिछावरि पाइ ।
मुदित अशोशहिं नाइ शिर हरष न हृदय समाइ ॥

चौपाई

मिले जनक सादर अति प्रीती । करि वैदिक लौकिक सब रीती ॥
मिलत महा दोउ राज विराजे । उपमां षोजि षोजि कवि लाजे ॥
लही न कतहुँ हारि हिय मानी । इन सम यह उपमा उर आनी ॥
सामग्र्य देषि देव अनुरागे । सुमन वरषि जस गावन लागे ॥
जग विरंचि उपजावा जब ते । देषे सुने व्याह बहु तब ते ॥
सकल भांति सब साज समाजू । सम समधी देषे हम आजू ॥
देवगिरा सुनि सुंदरि सांचो । प्रीति अलौकिक दुहुँ दिशि मांची ॥
देत पांवड़े अरघ सुहाये । सादर जनक मंडपहिं ल्याये ॥

छंद

मंडप विलोकि विचित्र रचना रुचिरता मुनिमन हरे ।
निजपानि जनक सुजान सब कहँ आनि सिंहासन धरे ॥
कुलइष्ट सरिस वशिष्ठ पूजे विनय करि आशिष लही ।
कौशिकहि पूजत परमप्रीति कि रीति तौ न परै कही ॥

दोहा

वामदेव आदिक ऋषय पूजे मुदित महीश ।
दिये दिव्य आसन सबहिं सब सन लही अशीश ॥

चौपाई

बहुनि कीन्ह कोशलपतिपूजा । जानि ईश सम भाव न दूजा ॥

कीन्ह जोरि कर विनय बड़ाई । कहि निज भाग्यविभव बहुताई ॥
 पूजे भूपति सकल बरातो । समधी सम सादर सब भांती ॥
 आसन उचित दिये सब काहू । कहौ कहा मुष एक उछाहू ॥
 सकल बरात जनक सनमानी । दान मान बिनती घर बानी ॥
 बिधि हरि हर दिशिपति दिनराऊ । जे जानहि रघुवीरप्रभाऊ ॥
 कपट विप्रवर वेष बनाये । कौतुक दिषहि अति सच्चुपाये ॥
 पूजे जनक देव सम जाने । दिये सुआसन बिनु पहिंचाने ॥

छंद

पहिंचान को केहि जान सबहि अपान सुधि भोरी भई ।
 आनंदकंद विलोकि दूलहु उभय दिशि आनंदमई ॥
 सुर लषे राम सुजान पूजे मानसिक आसन दये ।
 अवलोकि शील सुभाव प्रभु को विबुध मन प्रमुदित भये ॥

दोहा

रामचंदमुषचंदछवि लोचन चारु चकोर ।
 करत पान सादर सकल प्रेम प्रमोद न थोर ॥

चौपाई

समय विलोकि वसिष्ठ बुलाये । सादर शतानंद पुनि आये ॥
 वेगि कुँवरि अब आनहु जाई । चले मुदित मन आयसु पाई ॥
 रानी सुनि उपरोहित धानी । प्रमुदित सपिन समेत सयानी ॥
 विप्रवधू कुलवृद्ध बुलाई । करि कुलरीति सुमंगल गाई ॥
 नारिवेष जे सुरवर वामा । सकल सुभाय सुंदरी श्यामा ॥
 तिनहिं देषि सुष पावहि नारी । बिनु पहिंचान प्रान ते प्यारी ॥
 बार बार सनमानहिं रानी । उमा रमा शारद समजानी ॥
 स्त्रीय सँवारि समाज बनाई । मुदित मंडपहिं चली लवाई ॥

छंद

चलि ल्याइ सीतहिं सषी सादर सजि सुमंगल भामिनी ।
 नवसप्त साजे सुंदरी सब मत्तकुंजरगामिनी ॥
 कलगान सुनि मुनि ध्यान त्यागहिं कामकोकिल लाजहीं ।

मंजीर नूपुर कलित कंकन तालगति घर बाजहीं ॥

दोहा

सोहति बनिताबुंद महाँ सहज सुहावनि सीय ।
छविललनागनमध्य जनु सुषमा अति कमनीय ॥

चौपाई

सियसुंदरता बरनि न जाई । लघु मति बहुत मनोहरताई ॥
आवत दीष बरातिन सीता । रूपराशि सब भांति पुनीता ॥
सबहिं मनहिं मन कीन्ह प्रनामा । देषि राम भये पूरनकामा ॥
हरषे दशरथ सुतन समेता । कहि न जाइ उर आनँद जेता ॥
सुर प्रनाम करि वर्षहिं फूला । मुनिअशीश धुनि मंगल मूला ॥
गान निशान कोलाहल भारी । प्रेम प्रमोद मगन नर नारी ॥
यहि विधि सीय मंडपहि आई । प्रमुदित शांति पढ़हिं मुनिराई ॥
तेहि अवसर करि विधिव्यवहारू । दुहुँकुलगुरु सब कीन्ह अचारू ॥

छंद

आचार करि गुरु गौरि गनपति मुदित विप्रपुजोवहीं ।
सुर प्रगटि पूजा लेहिं देहि अशीश अति सुष पावहीं ॥
मधुपर्क मंगल द्रव्य जो जेहि समय मुनि मन महुं चहैं ।
भरि भरि कनक कोपर कलश सब लिये परिचारक रहैं ॥
कुलरोति प्रीतिसमेत रवि कहि देत सब सादर किये ।
यहि भांति देव पुजाइ सीतहि सुभग सिंहासन दिये ॥
सिय राम अवलोकनि परस्पर प्रेम काहु न लषि परै ।
मनबुद्धि वरवानी अगोचर प्रगट कवि कैसे करै ॥

दोहा

होमसमय तनुधरि अनल अतिहित आहुति लेहिं ।
विप्रवेष धरि वेद सब कहि विवाह विधि देहिं ॥

चौपाई

जनकपाटमहिषी जग जानी । सीयमातु किमि जाइ बषानी ॥
सुजस सुकृत सुष सुदरताई । सब समेटि विधि रची बनाई ॥

समय जानि मुनिवरन बुलाई । सुनत सुआसिनि सादर ल्याई ॥
 जनकवामदिशि सोह सुनयना । हिमगिरि संग बनी मनु मयना ॥
 कनक कलश मनि कोपर रूरे । शुचि सुगंध मंगल जल पूरे ॥
 निजकर मुदित राउ अरु रानी । धरे राम के आगे आनी ॥
 पढ़हिं वेद मुनि मंगलवानी । गगन सुमन भरि अवसर जानी ।
 वर विलांकि दंपति अनुरागे । पाय पुनीत पषारन लागे ॥

छंद

लागे पषारन पांय पंकज प्रेम तनुपुलकावली ।
 नभ नगर गान निशान जयधुनि उमंगि जनु चहुँ दिशि चली ॥
 जे पदसरोज मनोजअरिउरसर सदैव विराजहीं ।
 जे सुकृत मूरति विमलता मन सकल कलमल भाजहीं ॥
 जे परसि मुनिवनिता लही गति रही जो पातकमई ।
 मकरंद जिनको शंभुशिर शुचिता अवधि सुर बरनई ॥
 करि मधुपमन योगीशजन जे सेइ अभिमत गति लहैं ।
 ते पद पषारत भाग्यभाजन जनक जय जय सब कहैं ॥
 घर कुंअरि करतल जोरि शापोच्चार दोउ कुलगुरु करें ।
 भयो पानिग्रहनु विलोकि विधि सुर मनुजमुनि आनंद भरैं ॥
 सुषमूलदूलहु देखि दंपति पुलक तनु हुलस्यो हियो ।
 करि लोक वेद विधान कन्यादान नृपभूषन दियो ॥
 हिमवत जिमि गिरिजा महेशहिं हरिहिं श्री सागर दई ।
 तिमि जनक सिय रामहिं समर्पी विश्वकलकीरति नई ॥
 क्यों करै विनय विदेह कियो विदेहु मूरति साँवरी ।
 करि होम विधवत गांठि जोरी होन लागीं भाँवरी ॥

दोहा

जयधुनि वंदी वेदधुनि मंगल गान निशान ।
 सुनि हरषहिं बरषहिं विबुध सुरतरु सुमन सुजान ॥

चौपाई

कुँअरि कुँअर कल भाँवरि देहीं । नयनलाभ सब सादर लेहीं ॥

जाइ न बरनि मनोहर जोरी । जो उपमा कछु कहिव सो थोरी ॥
 राम सीय सुंदरि परिछाहीं । जगमगाति मनि बंभन माहीं ॥
 मनहुँ मदन रति धरि बहुरूपा । देषहिं रामविवाह अनूपा ॥
 दरश लालसा सकुच न थोरी । प्रकटत दुरत बहोरि बहोरी ॥
 भय मगन सब देषनहारे । जनक समान अपान विसारे ॥
 प्रमुदित मुनिन भांवरी फेरी । नेग सहित सब रीति निवेरी ॥
 राम सीयशिर सिंदुर देहीं । शोभा कहि न जात विधि केहीं ॥
 अरुन पराग जलज भरि नीके । शशिहिं भूषि अहि लोभ अमीके ॥
 बहुरि वसिष्ठ दीन्ह अनुशासन । वर दुलहिनि बैठे इक आसन ॥

छंद

बैठे वरासन राम जानकि मुदितमन दशरथ भये ।
 तनु पुलकि पुनि पुनि देषि अपने सुकृतसुरतरु फल नये ॥
 भरि भुवन रहा उछाह रामविवाह भा सबही कहा ।
 केहि भांति वरनि सिरात रसना एक एहु मंगल महा ॥
 तब जनक पाइ वसिष्ठ आयसु व्याहसाज सँवारिकै ।
 मांडवी श्रुतिकीरति उरमिला कुँवरि लई हँकारकै ॥
 कुशकेतुकन्या प्रथम जो गुनशील सुष शोभामई ।
 सब रीति प्रीतिसमेत करि सो व्याहि नृप भरतहि दई ॥
 जानकीलघुभगनि जो सुंदरि शिरोमनि जानि कै ।
 सो जनक दीन्ही व्याहि लषनहि सकल विधिसनमानि के ॥
 जेहि नाम श्रुतिकीरति सुलोचनि सुमुषि सब गुन आगरी ।
 सो दई रिपुसूदनहिं भूपति रूपशील उजागरी ॥
 अनुरूप वर दुलहिनि परसपर लषि सकुचि हिय हरषहीं ।
 सब मुदित सुंदरता सराहहिं सुमन सुरगन वरषहीं ॥
 सुंदरी सुंदर बरन सह सब एक मंडप राजहीं ।
 जनु जीव अरु चारिउ अवस्था विभुन सहित विराजहीं ॥

दोहा

मुदित अवधपति सकल सुत बधुन समेत निहारि ।

जनु पाये महिपालमनि क्रियन सहित फल चारि ॥

चौपाई

जस रघुवीर व्याहविधि घरनी । सकल कुंअर व्याहे तेहि करनी ॥
कहि न जाइ कछु दाइज भूरी । रहा कनकमनि मंडपपूरी ॥
कंबल वसन विचित्र पटोरे । भांति भांति बहु मूल न थोरे ॥
गज रथ तुरग दास अरु दासी । धेनु अलकृत कामदुहा सी ॥
वस्तु अनेक करिअ किमि लेषा । कहि न जाइ जानहिं जिन देषा ॥
लोकपाल अवलोकि सिहाने । लोन्ह अवधपति अति सुष माने ॥
दीन्ह जाचकन जो जेहि भावा । उबरा सो जनवासहि आवा ॥
तब कर जोरि जनक मृदु बानी । बोले सब बरात सनमानी ॥

छंद

सनमानि सकल बरात सादर दान विनय बढ़ाइकै ।
प्रमुदित महामुनिवृंद वंदे पूजि प्रेम लड़ाइकै ॥
शिर नाइ देव मनाइ सब सन कहत करसंपुट किये ।
सुरसाधु चाहत भावसिन्धु कि तोष जलअंजलि दिये ॥
कर जोरि जनक बहोरि बंधु समेत कोशलराय सों ।
बोले मनोहर बैन सानि अनेह शील सुभाय सों ॥
संबंध राजन रावरे हम बड़े अब सब बिधि भये ।
यह राज साज समेत सेवक जानबी बिनु गथ लये ॥
ये दारिका परिचारिका करि पालबी करुनामयी ।
अपराध छुमिबो बोलि पठये बहुत हौं ढीठी दयी ॥
पुनि भानुकुलभूषन सकल सनमान विधि समधी किये ।
कहि जात नहिं विनती परसपर प्रेमपरिपूरन हिये ॥
बृंदारकागन सुमन वरषहिं राउ जनवासहि चले ।
दुंदुभीजयधुनि वेदधुनि नभ नगर कौतूहल भले ॥
तब सषो मंगल गान करत मुनीश आयसु पाइकै ।
दुलह दुलहिनिन सहित सुंदरि चलीं कोहबर ल्याइकै ॥

दोहा

पुनि पुनि रामहिं चितव सिय सकुचति मन सकुचै न ।
हरति मनोहर मीन छवि प्रेमपियासे नैन ॥

चौपाई

श्याम शरीर सुभाय सुहावन । शोभा कोटि मनोजलजावन ॥
जावकजुत पदकमल सुहाये । मुनिमनमधुप रहत जहाँ छाये ॥
पीत पुनीत मनोहर धोनी । हरत बालरवि दामिनि जोती ॥
कलकिंकिनि कटिसूत्र मनोहर । बाहु विशाल विभूषन सुंदर ॥
पीत जनेउ महाछवि देई । कर मुद्रिका चोरि चित लेई ॥
सोहत व्याहसाज सब साजे । उर आयत उरभूषन राजे ॥
पीत उपरना कांषासोती । दुहुँ आंचरन्ह लगे मनिमोती ॥
नयनकमल कल कुंडल काना । वदन सकल सौंदर्य निधाना ॥
सुंदर भृकुटि मनोहर नासा । भाल तिलक शुचि रुचिर निवासा ॥
सोहत भौर मनोहर माथे । मंगलमय मुकतामनि गाथे ॥

छंद

गाथे महामनि भौर मंजुल अंग सब चित चोरहीं ।
पुरनारि सुरसुंदरी बरहि विलोक सब तन तोरहीं ॥
मनि बसन भूषन वारि आरति करहिं मंगल गावहीं ।
सुर सुमन वरषहिं सूत मागध वंदि सुजस सुनावहीं ॥
कोहबरहिं आने कुंअर कुंअरि सुआसनिन्ह सुष पाइकै ।
अति प्रीति लौकिकरीति लागीं करन मंगल गाइकै ॥
लहकौरि गौरि सिषाव रामहिं सीय सन शारद कहैं ।
रनिवास हास विलास रस बस जनम को फल सब लहैं ॥
निज पानिर्मान महँ देषि प्रतिमूरति सुरूपनिधानकी ।
चालति न भुजवल्ली विलोकनि विरहभय बस जानकी ॥
कौतुक विनोद प्रमोद प्रेम न जाइ कहि जानहिं अलीं ।
वर कुंअरि सुंदरि सकल सषी लवाइ जनवासहिं चलीं ॥
तेहि समय सुनिय अशीश जहँतहँ नगर नभ आनंद महा ॥

चिरजियहु जोरी चारु चारिउ मुदितमन सबही कहा ॥
जोगिंद सिद्ध मुनीश देव विलोकि प्रभु दुंदुभि हनी ।
चले हरषि बरषि प्रसून निज निज लोक जय जय जय भनी ॥

दोहा

सहित वधूटिन कुंआर सब तब आये पितु पास ।
शोभा मंगल मोद भरि उमंगेउ जनु जनवास ॥

चौपाई

पुनि जेवनार भई बहु भांती । पठये जनक बुलाइ बराती ॥
परत पांचड़े बसन अनूपा । सुतन समेत गवन कियो भूपा ॥
सादर सब के पांच पषारे । जथाजोग पीढ़न बैठारे ॥
धोये जनक अवधपतिचरना । शीलसनेह जाइ नहिं बरना ॥
बहुनि रामपदपंकज धोये । जे हरहृदयकमल महँ गोये ॥
तीनों भाइ राम सम जानी । धोये चरन जनक निज पानी ॥
आसन उचित सबहिं नृप दीन्हें । बोलि सूपकारो सब लीन्हें ॥
सदर लगे परन पनवारे । कनककील मनि पान सँवारे ॥

दोहा

सूपोदन सुरभी सरपि सुंदर स्वादु पुनीत ।
छनमहँ सबके परसि गे चतुर सुआर विनीत ॥

चौपाई

पंचकौर करि जेवन लागे । गारि गान सुनि अति अनुरागे ॥
भांति अनेक परे पकवाना । सुधा सरिस नहिं जाहिं बषाना ॥
परसन लगे सुआर सुजाना । व्यंजन विविध नाम को जाना ॥
चारि भांति भोजन विधि गाई । एक एक विधि बरनि न जाई ॥
छरस रुचिर व्यंजन बहु जाती । एक एक रस अगनित भांती ॥
जैवत देहिं मधुर धुनि गारी । लै लै नाम पुरुष अरु नारी ॥
समय सुहावन गारि बिराजा । हँसत राव सुनि सहित समाजा ॥
यहि विधि सबही भोजन कीन्हा । आदरसहित आचमन लीन्हा ॥

दोहा

देइ पान पूजे जनक दशरथ सहित समाज ।
जनवासे गवने मुदित सकलभूपशिरताज ॥

चौपाई

जनक सनेह शील करतूती । नृप सब भांति सराह विभूती ॥
दिन उठि विदा अवधपति मांगा । राषहिं जनकसहित अनुरागा ॥
नित नूतन आदर अधिकाई । दिन प्रति सहस्र भांति पहुँनाई ॥
नित नव नगर अनंद उल्लाह । दशरथगवन सुहाइ न काहू ॥
बहुत दिवस बीते यहि भांती । जनु सनेहरजु बँधे बराती ॥
कौशिक शतानंद तब जाई । कहा विदेह नृपहिं समुभाई ॥
अब दशरथ कहँ आयसु देह । यद्यपि छाँड़ि न सकहु सनेह ॥
भलेहि नाथ कहि सचिव बुलाये । कहि जयजीव शीश तिन नाये ॥

दोहा

अवधनाथ चाहत चलन भीतर करहु जनाव ।
भये प्रेमवश सचिव सुनि विप्र सभासद राव ॥

चौपाई

पुरवासी सुनि चली बराता । पूछत विकल परसपर बाता ॥
सत्य गवन सुनि सब बिलषाने । मनहुं साँझ सरसिज सकुचाने ॥
जहँ जहँ आवत बसे बराती । तहँ तहँ सीध चला बहु भांती ॥
विविध भांति मेवा पकवाना । भोजन साज न जाइ बषाना ॥
भरि भरि बसह अपार कहारा । पठये जनक अनेक सुसारा ॥
तुरग लाष रथ सहस्र पचीसा । सकल सँवारे नष अरु सीसा ॥
मत्त सहस्र दश सिंधुर साजे । जिनहिं देषि दिशिकुंजर लाजे ॥
कनकवसन मनि भरि भरि जाना । महिषी धेनु वस्तु विधि नाना ॥

दोहा

दायज अमित न जाय कहि दीन्ह विदेह बहोरि ॥
जो अवलोकत लोकपति लोकसंपदा थोरि ।

चौपाई

सब समाज यहि भांति बनाई । जनक अवधपुर दीन्ह पठाई ॥
 चलिहि बरात सुनत सब रानी । विकल मीनगन जिमि लघु पानी ॥
 पुनि पुनि सोय गोद करि लेही । देई अशीश सिषावन देही ॥
 होयहु सतत पियहि पियारी । चिरअहिवात अशीश हमारी ॥
 सासु ससुर गुर सेवा करेह । पतिरुष लषि आयसु अनुसरेह ॥
 अतिसनेह बस सषी सयानी । नारिधरम सिषवहि मृदु वानी ॥
 सादर सकल कुंअरि समुभाई । रानिन बार बार उर लाई ॥
 बहुरि बहुरि भेंटहि महतारी । कहहि विरंचि रची कत नारी ॥

दोहा

तेहि अवसर भाइन सहित राम भानुकुलकेतु ।
 चले जनकमदिर मुदित बिदा करावन हेतु ॥

चौपाई

चारिउ भाइ सुभाय सुहाये । नगर नारि नर देषन धाये ॥
 कोउ कह चलन चहत हहि आजू । कीन्ह विदेह बिदा कर साजू ॥
 लेहु नयन भरि रूप निहारी । प्रिय पाहुने भूपसुत चारी ॥
 को जानै केहि सुकृत सयानी । नयनअतिथि कीन्हें विधि आनी ॥
 मरनशील जिमि पाव पियूषा । सुरतरु लहै जनम कर भूषा ॥
 पाव नारकी हरिपद जैसे । इन कर दासनु हम कहँ तैसे ॥
 निरषि रामशोभा उर धरह । निज मनफनि मूरति मनि करह ॥
 यहि विधि सबहि नयनफल देता । गये कुंअर सब राजनिकेता ॥

दोहा

रूपसिंधु सब बंधु लषि हरषि उठी रनिवासु ।
 करहि निछावरि आरती महामुदित मन सासु ॥

चौपाई

देषि रामछवि अति अनुरागी । प्रेम विविश पुनि पुनि पद लागी ॥
 रही न लाज प्रीति उर छाई । सहजसनेह वरनि किमि जाई ॥
 भाइन सहित उग्रटि अन्हवाये । छरस अशन अतिहेतु जिंवाये ॥

बोले राम सुअवसर जानी । शील सनेह सकुचमय बानी ॥
 राउ अवधपुर चहत सिधाये । विदा होन हम इहां पठाये ॥
 मातु मुदितमन आयसु देह । बालक जानि करब नित नेह ॥
 सुनत वचन बिलषेउ रनिवासू । बोलि न सकहिं प्रेमवश सासू ॥
 हृदय लगाइ कुंअरि सब लीन्हीं । पतिन सौं पि विनती अति कीन्हीं ॥

छंद

करि विनय सिय रामहिं समर्पी जोरि कर पुनि पुनि कहै ।
 बलि जाउ तात सुजान तुम कहूँ बिदित गति सबकी अहै ॥
 परिवार पुरजन मोहि राजहिं प्रानप्रिय सिय जानबी ।
 तुलसी सुशील सनेह लखि निज किंकरी कर मानबी ॥

सोरठ

तुम परिपूरन काम जानशिरोमनि भाव प्रिय ।
 जन गुनगाहक राम दोषदलन करुनायतन ॥

चोपाई

अस कहि रही चरन गहि रानी । प्रेमपंक जनु गिरा समानी ॥
 सुनि सनेहसानी, वर वानी । बहु विधि राम सासु सनमानो ॥
 राम बिदा मांगा कर जोरी । कीन्ह प्रनाम बहोरि बहोरी ॥
 पाइ अशोश बहुरि शिर नाई । भाइन सहित चले रघुराई ॥
 मंजु मधुर मूरति उर आनी । भई सनेहशिथिल सब रानी ॥
 पुनि धीरज धरि कुंअरि हँकारी । बार बार भेटहिं महतारी ॥
 पहुँचावहिं फिरि मिलहिं बहोरी । बढी परसपर प्रीति न थोरी ॥
 पुनि पुन मिलति सपिन बिलगाई । बाल वच्छ जनु धेनु लवाई ॥

दोहा

प्रेमविवश नर नारि सब सपिन सहित रनिवास ।
 मानहुँ कीन्ह विदेहपुर करुनाविरह निवास ॥

चोपाई

शुक सारिका जानकी न्याये । कनक पींजरन राषि पढ़ाये ॥
 ग्याकुल कहहिं कहां वैदेही । सुनि धीरज परिहरै न केही ॥

भये विकल षण मृग यहि भांती । मनुजदशा कैसे कहि जाती ॥
 बहु समेत जनक तब आये । प्रेमउमँगि लोचन जल छाये ॥
 सीय विलोकि धीरता भागी । रहे कहावत परम विरागी ॥
 लीन्ह गय उर लाइ जानकी । मिट्टी महा मरजाद ग्यानकी ॥
 समुभावत सब सचिव सयाने । कीन्ह विचार अनवसर जाने ॥
 बारहिं बार सुता उर लाई । सजि सुंदरि पालकी मंगई ॥

दोहा

प्रेमविवश परिवार सब जानि सुलगन नरेश ।
 कुंवरी चढ़ाई पालकिन सुमिरे सिद्धि गनेश ॥

चौपाई

बहु विधि भूप सुता समुझाई । नारि धर्म कुलरीति सिपाई ॥
 दासी दास दिये बहुतेरे । शुचि सेवक जे प्रिय सियकरे ॥
 सीय चलत व्याकुल पुरवासी । होहिं सगुन शुभ मंगलरासी ॥
 भूसुर सचिव समेत समाजा । संग चले पहुंचावन राजा ॥
 समय विलोकि बाजने बाजे । रथ गज वाजि बरातिन साजे ॥
 दशरथ विप्र बोलि सब लोन्हे । दान मान परिपूरन कीन्हे ॥
 चरन सरोज धूरि धरि शीशा । मुदित महीपति पाइ अशोशा ॥
 सुमिरि गजानन कीन्ह पयाना । मगलमूल सगुन भे नाना ॥

दोहा

सुर प्रसून वरषहिं हरषि करहिं अपसरा गान ।
 चले अवधपति अवधपुर मुदित बजाइ निशान ॥

चौपाई

नृप करि विनय महाजन फेरे । सादर सकल मांगने टेरे ॥
 भूषन वसन वाजि गज दोन्हे । प्रेम पोषि ठाढ़े सब कीन्हे ॥
 बार बार विरदावलि भाषी । चले सकल रामहिं उर राषी ॥
 बहुरि बहुरि कोशलपति कहहीं । जनक प्रेमवश फिरै न चहहीं ॥
 पुनि कह भूपति बचन सुहाए । फिरिय महीप दूरि बड़ि आप ॥
 राउ बहोरि उतरि भए ठाढ़े । प्रेमप्रवाह विलोचन बाढ़े ॥

तब विदेह बोले कर जोरी । वचन सनेहसुधा जनु बोरी ॥
करौं कवन विधि विनय सुहाई । महाराज मोहिं दीन्ह बड़ाई ॥

दोहा

कोशलपति समधी सजन सनमाने सब भांति ।

मिलन परस्पर विनय अति प्रीति न हृदय समाति ॥

चौपाई

मुनिमंडलिहि जनक शिर नावा । आशिरवाद सबहिं सन पावा ॥
सादर पुनि भेंटे जामाता । रूपशीलगुननिधि सब भ्राता ॥
जोरि पकरुह पानि सुहाये । बोले वचन प्रेम जनु जाये ॥
राम करौं केहि भांति प्रशंसा । मुनिमहेशमन मानसहंसा ॥
करहि जोग जोगी जेहि लागी । कोह मोह ममता मद त्यागी ॥
व्यापक ब्रह्म अलष अविनाशी । चिदानन्द निर्गुन गुनराशी ॥
मन समेत जेहि जान न वानी । तरकि न सकहि सकल अनुमानी ॥
महिमा निगम नेति निज कहहीं । जो तिहुँ काल एकरस रहहीं ॥

दोहा

नयनविषय मो कहँ भयउ सो समस्त सुषमूल ।

सबहि लाभ जग जीव कहँ भये ईश अनुकूल ॥

चौपाई

सबहि भांति मोहिं दीन्ह बड़ाई । निज जन जानि लीन्ह अपनाई ॥
होहि सहस दस शारद शेष । करहि कलप कोटिक भरि लेषा ॥
मोर भाग राउर गुनगाथा । कहि न सिराहिं सुनहु रघुनाथा ॥
मैं कछु कहाँ एक बल मोरे । तुम रीझहु सनेह सुठि थोरे ॥
बार बार मांगौं कर जोरे । मन परिहरै चरन जनि भोरे ॥
सुनि वर वचन प्रेम जनु पोषे । पूरन काम राम परितोषे ॥
करि वर विनय ससुर सनमाने । पितु कौशिक वशिष्ठ सम जाने ॥
बिनती बहुरि भरत सन कीन्हा । मिलि सप्रेम पुनि आशिष दीन्हा ॥

दोहा

मिले लषन रिपुसूदनहिं दीन्ह अशीश महीश ।

भये परसपर प्रेमवश फिरि फिरि नावहिं शीश ॥

चौपाई

बार बार करि विनय बड़ाई । रघुपति चले संग सब भाई ॥
जनक गहे कौशिकपद जाई । चरनरेनु शिर नयनन लाई ॥
सुनु मुनीश वर दरशन तोरे । अगम न कछु प्रतीति मन मोरे ॥
जो सुष सुयश लोकपति चहहीं । करत मनोरथ सकुचत अहही ॥
सो सुष सुयश सुलभ मोहि स्वामी । सब बिधि तव दरशन अनुगामी ॥
कीन्ह विनय पुनि पुनि शिर नाई । फिरे महीप आशिषा पाई ॥
चली बरात निशान बजाई । मुदित छोट बड़ सब समुदाई ॥
रामहि निरखि ग्राम नर नारी । पाइ नयनफल होहि सुषारी ॥

दोहा

बीच बीच वरवास करि मंगलोगन सुष देत ।
अवध समीप पुनोत दिन पहुची आय जनेत ॥

चौपाई

हने निशान पनव बहु बाजे । भेरि शंष धुनि हय गय गाजे ॥
भांभ भेरि डिमडिमो सुहाई । सरसराग बाजहिं सहनाई ॥
पुरजन आवत अकनि बराता । मुदित सकल पुलकावलि गाता ॥
निज निज सुदर सदन सँवारे । हाट बाट चौहट पुर द्वारे ॥
गली सकल अरगजा सिचाई । जहँ तहँ चौकें चारु पुराई ॥
बनी बजार न जात बषाना । तोरन केतु पताक बिताना ॥
सुफल पूगफल कदलि रसाला । रोपे बकुल कदम्ब तमाला ॥
लगे सुभगतद परसत धरनी । मनिमय आलबाल कल करनी ॥

दोहा

विविध भांति मंगल सकल गृह गृह रचे सँवारि ।
सुर ब्रह्मादि सिहाहिं सब रघुवरपुरी निहारि ।

चौपाई

भूपभवन तेहि अवसर सोहा । रचना देषि मदनमन मोहा ॥

मंगल शकुन मनोहरताई । रिधि सिधि सुष संपदा सोहाई ॥
 जनु उछाह सब सहज मुहाये । तनु धरि धरि दशरथ गृह आये ॥
 देषन हेतु राम बैदेही । कहहु लालसा होहि न केही ॥
 जूथ जूथ मिलि चलीं सुवासनि । निज छवि निदरहि मदन विलासिनि ॥
 कलस सुमंगल सजी आरती । गावहिं जनु बहु वेष भारती ॥
 भूपतिभवन कुलाहल होई । जाइ न बरनि समउ सुष सोई ॥
 कौशल्यदि राममहतारी । प्रेमविवश तनुदशा विसारी ॥

दोहा

दिये दान विप्रन विपुल पूजि गनेश पुरारि ।
 प्रमुदित परम दरिद्र जनु पाइ पदारथ चारि ॥

चौपाई

प्रेम प्रमोद विवश सब माता । चलहिं न चरन शिथिल भए गाना ॥
 रामदरश हित अति अनुरागी । परिछनसाज सजन सब लागी ॥
 विविध विधान बाजने बाजे । मंगल मुदित सुमित्रा साजे ॥
 हरद दूब दधि पल्लव फूला । पान पुंगफल मंगल मूला ॥
 अछुत अंकुर रोचन लाजा । मंजुल मजरि तुलसि विराजा ॥
 छुहे पुरट घट सहज मुहाये । मदनशकुनि जनु नीड़ बनाये ॥
 शकुन सुगंध न जाहिं बषानी । मंगल सकल सजहिं सब रानी ॥
 रची आरती बहुत विधाना । मुदित करहिं कल मंगल गाना ॥

दोहा

कनकधार भरि मंगलहिं कमल करहि लिये मात ।
 चलीं मुदित परिछनकरन पुलकपल्लवित गात ॥

चौपाई

धूपधूम नभ मेचक भयउ । सावनघन घमंड जनु ठयऊ ॥
 सुरतरुसुमनमाल सुर वरषहिं । मनहुं बलाकअवलि मन करषहिं ॥
 मंजुल मनिमय बंदनवारे । मनहुं पाकरिपुचाप सँवारे ॥
 प्रकटहिं दुरहिं अटन्ह पर भामिनि । चारु चपल जनु दमकहिं दामिनि ॥
 दुंदुभिभुनि घन गरजहिं घोरा । याचक चातक दादुर मोरा ॥

सुर सुगंध शुचि वरषहिं वारी । सुषी सकल शशि पुरनरनारी ॥
 समय जानि गुरु आयसु दीन्हा । पुरप्रवेश रघुकुलमनि कीन्हा ॥
 सुमिरि शम्भु गिरिजा गनराजा । मुदित महीपति सहितसमोजा ॥

दोहा

होहिं सगुन वरषहिं सुमन सुर दुंदुभी बजाइ ।
 विवुधबधू नाचहिं मुदित मंजुल मगल गाइ ॥

चौपाई

मागध सूत बंदि नट नागर । गावहिं जस तिहुं लोक उजागर ॥
 जयधुनि विमल वेदवरवानी । दशदिशि सुनिय सुमंगलसानी ॥
 विपुल बाजने बाजन लागे । नभ सुर नगर लोग अनुरागे ॥
 बने बराती वरनि न जाही । महामुदित मन सुष न समाहीं ॥
 पुरवासिन तब राउ जुहारे । देषत रामहिं भये सुषारे ॥
 करहिं निछावरि मनि गन चीरा । वारि विलोचन पुलकशरीरा ॥
 आरति करहिं मुदित पुरनारी । हरषहिं निरषि कुंअरवर चारी ॥
 शिविका सुभग उधार उधारी । देखि दुलहिनिन्ह होहिं सुषारी ॥

दोहा

यहि विधि सबही देत सुष आये राजदुआर ।
 मुदित मातु परिछन करहिं वधुनसमेत कुमार ॥

चौपाई

करहिं आरती बारहिं बारा । प्रेम प्रमोद कहै को पारा ॥
 भूषन मनि पट नाना जाती । करहिं निछावरि अगनित भांती ॥
 बधुन समेत देषि सुत चारी । परमानंद भगन महतारी ॥
 पुनि पुनि सीयरामछबि देषी । मुदित सुफल जगजीवन लेषी ॥
 सषी सीयसुष पुनिपुनि चाही । गान करहि निज सुकृत सराही ॥
 वरषहिं सुमन छनहि छन देवा । नाचहिं गावहिं लावहिं सेवा ॥
 देषि मनोहर चारिउ जोरी । शारद उपमा सकल ढँढोरी ॥
 देत न बनहि निपट लघु लागी । इकटक रही रूपअनुरागी ॥

दोहा

निगम नीति कुलरीति करि अरघ पांवड़े देत ।
वधुनसहित सुत परछि सब चलीं लिवाय निकेत ॥

चौपाई

चारि सिंहासन सहज सुहाये । जनु मनोज निज हाथ बनाये ॥
तिनपर कुँअरि कुँअर बैठारे । सादर पांय पुनीत पषारे ॥
धूप दीप नैवेद्य वेदविधि । पूजे वरदुलहिनि मंगलनिधि ॥
बारहिं बार आरती करहीं । व्यजन चारु चामर शिर ढरहीं ॥
वस्तु अनेक निछावरि होही । भरीं प्रमोद मातु सब सोही ॥
पावा परमतत्त्व जनु जोगी । अमिय लह्यो जनु सन्ततरोगी ॥
जनमरंक जनु पारस पावा । अग्रहि लोचनलाभ सुहावा ॥
मूक बदन जस शारद छार्ई । मानहुं समर शूर जय पाई ॥

दोहा

यहि सुषते शतकोटि गुन पावहिं मातु अनंद ।
भाइन सहित वियाहि घर आये रघुकुलचंद ॥
लोकरीति जननी करहिं वर दुलहिनि सकुचाहिं ।
मोदविनोद विलांकि बड़ राम मनहिं मुसुकाहि ॥

चौपाई

देव पितर पूजे विधि नीकी । पूजी सकल वासना जीकी ॥
सर्वहिं वंदि मांगहिं वरदाना । भाइन सहित रामकल्याना ॥
अन्तरहित सुर आशिष देहीं । मुदित मातु अंचल भरि लेहीं ॥
भूपति बोखि बगतिन्ह लीन्हे । जान वसन मनि भूषन दीन्हे ॥
आयसु पाइ राषि उर रामहि । मुदित गए सब निज निज धामहि ॥
पुर नर नारि सकल पहिराये । घर घर बाजन लगे बधाये ॥
जाचक जन जाचहिं जोइ जोई । प्रमुदित राउ देई सोइ सोई ॥
सेवक सकल बजनियां नाना । पूरन किये दान सनमाना ॥

दोहा

देहिं अशीश जुहारि सब गावहिं गुन गन गाथ ।

तब गुरु भूसुरसहित गृह गमन कीन्ह नरनाथ ॥

चौपाई

जो वसिष्ठ अनुशासन दीन्हा । लोकवेदविधि सादर कीन्हा ॥
भूसुरभीर देषि सब रानी । सादर उठीं भाग्य बड़ जानी ॥
पायँ पषारि सकल अन्हवाये । पूजि भली विधि भूप जैवाये ॥
आदर दान प्रेम परिपोषे । देत अशीश चले मन तोषे ॥
बहुविधि कीन्ह गाधिसुतपूजा । नाथ मोहिं सम धन्य न दूजा ॥
कीन्ह प्रशंसा भूपति भूरी । रानिन्ह सहित लीन्ह पगधूरी ॥
भीतर भवन दीन्ह वरवास् । मन जुगवत रह नृप रनिवास् ॥
पूजे गुरुपदकमल बहोरी । कीन्ह विनय उर प्रीति न थोरी ॥

दोहा

बधुन समेत कुमार सब रानिन्ह सहित महीश ।
पुनि पुनि बंदत गुरुचरन देत अशीश मुनीश ॥

चौपाई

विनय कीन्ह उर अति अनुरागे । सुत संपदा राषि सब आगे ॥
नेग मांगि मुनिनायक लीन्हा । आशिरवाद बहुत विधि दीन्हा ॥
उर धरि रामहि सीय समेता । हरषि कीन्ह गुर गमन निकेता ॥
विप्रवधू सब भूप बुलाई । चैल चारु भूषन पहिराई ॥
बहुरि बुलाई सुआसिनि लीन्ही । रुचि विचारि पहिरावनि दीन्ही ॥
नेगी नेग जोग सब लेईं । रुचि अनुरूप भूपमनि देहीं ॥
प्रिय पाहुने पूज्य जे जाने । भूपति भली भांति सनमाने ॥
देव देषि रघुवीरविवाह । वरषि प्रसून प्रशंसि उछाह ॥

दोहा

चले निशान बजाइ सुर निज निज पुर सुष पाइ ।
कहत परसपर रामजस प्रेम न हृदय समझ ॥

चौपाई

सबविधि सबहि समदि नरनाह । रहा हृदय भरि पूरि उछाह ॥
जहँ रनिवास तहां पगु धारे । सहित वधूटिन कुंअर निहारे ॥

लिये गोद करि मोद समेता । को कहि सकै भैया सुषु जैता ॥
 बधू सप्रेम गोद बैठारी । बार बार हिय हरषि दुलारी ॥
 देखि समाज मुदित रनिवासू । सबके उर आनँदु किय बासू ॥
 कह्यो भूप जिमि भयउ विवाह । सुनि सुनि हरष होत सब काह ॥
 जनकराज गुन शील बड़ाई । प्रीति रीति संपदा सुहाई ॥
 बहुविधि भूप भाट जिमि वरनी । रानी सब प्रमुदित सुनि करनी ॥

दोहा

सुतन समेत नहाइ नृप बोलि विप्र गुरु ग्याति ।
 भोजन कीन्ह अनेक विधि-घरी पांच गइ राति ॥

चौपाई

मंगलगान करहिं वरभामिनि । भइ सुषमूल मनोहर यामिनि ॥
 अँचै पान सब काहू पाये । स्नगसुगन्ध भूषित छवि छाये ॥
 रामहिं देषि रजायसु पाई । निज निज भवन चले शिर नाई ॥
 प्रेम प्रमोद विनोद बड़ाई । समय समाज मनोहरताई ॥
 कहि न सकहिं शत शारद शेरू । वेद विरंचि महेश गनेशू ॥
 सो मैं कहौं कवन विधि वरनी । भूमिनाग शिर धरै कि धरनी ॥
 नृप सब भांति सबहि सनमानो । कहि मृदु वचन बुलाई रानी ॥
 बधू लरिकिनी परघर आई । राषेहु नयनपलक की नाई ॥

दोहा

लरिका श्रमित उनीदवश शयन करावहु जाइ ।
 असकहि गे विश्रामगृह । रामचरन चितलाइ ॥

चौपाई

भूपवचन सुनि सहज सुहाये । जड़ित कनक मनि पलंग डसाये ॥
 सुभग सुरभि पयफेनु समाना । कोमल कलित सुपेती नाना ॥
 उपवरहन बर वरनि न जाहीं । स्नगसुगन्ध मनिमन्दिर माहीं ॥
 रतनदीप सुठि चारु चँदोवा । कहत न बनै जान जेहि जोवा ॥
 सेज हचिर रचि राम उठाये । प्रेम समेत पलंग पौढ़ाये ॥
 आह्वा पुनि भाइन कहँ दीन्ही । निजनिज सेज शयन सब कीन्ही ॥

देखि श्याम मृदु मंजुल गाता । कहहि सप्रेम बचन सब माता ॥
मारग जात भयावनि भारी । केहि विधि तात ताड़का मारी ॥

दोहा

घोर निशाचर विकट भट समर गनै नहिं काहु ।

मारै सहित सहाय किमि षल मारीच सुबाहु ॥

चौपाई

मुनिप्रसाद बलि तात तुम्हारी । ईश अनेक करवरै टारी ॥
मग रषवारी करि दुहुँ भाई । गुरुप्रसाद सब विद्या पाई ॥
मुनितिय तरी लगत पगधूरी । कीरति रही भुवनभरि पूरी ॥
कमठरीठ पविकूट कठोरा । नृपसमाज महँ शिवधनु तोरा ॥
विश्वविजय जस जानकि पाई । आप भवन व्याहि सब भाई ॥
सकल अमानुष कर्म तुम्हारे । केवल कौशिककृपा सुधारे ॥
आजु सफल जगजन्म हमारा । देषि तात विधुवदन तुम्हारा ॥
जे दिन गये तुमहिं बिनु देषे । ते विरंचि जनि पारहिं लेषे ॥

दोहा

राम प्रतोगी मातु सब कहि विनीत वर बैन ।

सुमिरि शंभु गुरु विप्रपद किये नींदवश नैन ॥

चौपाई

उनिंदे वदन सोह सुठिलोना । मनहुँ सांझ सरसीरुह सोना ॥
घर घर कहिं जागरन नारी । देहिं परस्पर मंगल गारी ॥
पुरी बिराजति राजत रजनी । रानी कहिं विलोकहु सजनी ॥
सुंदर वधुन सासु लै सोई । फनिरुहिं जनु शिर मनि उरगोई ॥
प्रात पुनीत काल प्रभु जागे । अरुनचूड़वर बोलन लागे ॥
चंदी मागत्र गुन गन गाए । पुरजन द्वार जुहारन आए ॥
चंदि बिप्र सुर गुरुपितु माता । पाइ अशीश मुदित सबभ्राता ॥
जननी सादर वदन निहारे । भूपति संग द्वार पगुधारे ॥

दोहा

कीन्ह शौच सब सहजशुचि सरित पुनीत नहाइ ।

प्रातःक्रिया करि तात पहुँ आप चारिउ भाइ ॥

चौपाई

भूप विलोकि लिये उर लाई । बैठे हरषि रजायसु पाई ॥
 देषि रामसब सभा जुड़ानी । लोचनलामअवधि अनुमानी ॥
 पुनि वसिष्ठ मुनि कौशिक आये । आसन सुभग मुनिन बैठाये ॥
 सुतन समेत पूजि पद लागे । निरपि राम दोउ गुर अनुरागे ॥
 कहहिं वसिष्ठ धर्म इतिहासा । सुनहिं महीप सहित रनिवासा ॥
 मुनिमनअगम गाधिसुत करनी । मुदित वसिष्ठ विपुल विधि वरनी ॥
 बोले वामदेव सब साँची । कीरति कलित लोक तिहुँ माची ॥
 सुनि आनंद भयउ सब काहू । रामलपनउर अतिहि उछाहू ॥

दोहा

मंगलमोद उछाह नित जाहिं दिवस यहि भांति ।
 उमँगी अवध अनंद भरि अधिक अधिक अधिकाति ॥

चौपाई

सुदिन शोधि करकंकन छोरे । मंगल मोद विनोद न थोरे ॥
 नितनव सुष सुर देषि सिहाहीं । अवध जनम जाचहिं विधिपाहीं ॥
 विश्वामित्र चलन नित चहहीं । रामसनेह विनयवश रहहीं ॥
 दिनदिन सयगुन भूपतिभाऊ । देषि सराह महामुनिराऊ ॥
 मांगत विदा राउ अनुरागे । सुतन समेत ठाढ़ भए आगे ॥
 नाथ सकल संपदा तुम्हारी । मैं सेवक समेत सुत नारी ॥
 करब सदा लरिकन पर छोहू । दर्शन देत रहब मुनि मोहू ॥
 अस कहि राउ सहित सुत रानी । परेउ चरन मुष आव न वानी ॥
 दीन्ह अशीश विप्र बहु भांती । चले न प्रीतिरीति कहि जाती ॥
 राम सप्रेम संग सब भाई । आयसु पाइ फिरे पहुँचाई ॥

दोहा

रामरूप भूपतिभगति ब्याहउछाह अनंद ।
 जात सराहत मनहिं मन मुदित गाधिकुलचंद ॥

चौपाई

वामदेव रघुकुलगुरु ग्यानी । बहुरि गाधिसुत कथा वषानी ॥
 सुनि मुनि सुजस मनहिं मन राऊ । बरनत आपन पुन्य प्रभाऊ ॥
 बहुरे लोग रजायसु भयऊ । सुतनसमेत नृपति गृह गयऊ ॥
 जहँ तहँ रामब्याह जस गावा । सुजस पुनीत लोक तिहुँ छावा ॥
 आए ब्याहि राम घर जब ते । बसे अनंद अवध सब तब ते ॥
 प्रभुविवाह जस भयउ उछाह । सकहिं न बरनि गिरा अहिनाह ॥
 कविकुलजीवनपावन जानी । रामसीयजस मंगलषानी ॥
 तेहि ते मैं कछु कहा वषानी । करन पुनीत हेतु निज घानी ॥

छंद

निज गिरा पावन करन कारन रामजस तुलसी कह्यो ।
 रघुवीरचरित अपार वारिधि पार कवि कवने लह्यो ॥
 उपवीत ब्याहउछाह मंगल सुनहिं सादर गावहीं ।
 वैदेहिरामप्रसाद ते जन सर्वदा सुष पावहीं ॥

सौठा

सियरघुवीरविवाह जे सप्रेम सादर सुनहिं ।
 तिन कहँ सदा उछाह मंगलायतन रामजस ॥



अयोध्याकांड

रामवनगमन ।

दोहा

श्रीगुरुचरनसरोजरज निज मनुमुकुर सुधारि ।
बरनौ रघुवरधिमलजसु जो दायकु फलचारि ॥

चौपाई

जब ते रामु व्याहि घर आए । नित नव मंगल मोद बधाए ॥
भुवन चारिदस भूवर भारी । सुकृत मेघ वर्षहि सुषवारी ॥
रिधि सिधि संपतिनदी सुहाई । उमगि अवयअंगुधि कहुं आई ॥
मनिगन पुरनरनारि सुजाती । सुचि अमोल सुंदर सब भांती ॥
कहि न जाइ कछु नगरबिभूती । जनु येतनिअ बिरंचि करतूती ॥
सब बिधि सब पुरलोग सुषारी । रामचंदमुषचंदु निहारी ॥
मुदित मातु सब सषी सहेली । फलित बिलोकि मनोरथबेली ॥
रामरूप गुन सीलु सुभाऊ । प्रमुदित होइ देषि मुनिराऊ ॥

दोहा

सब के उर अभिलाषु अस कहहि मनाइ महेसु ।
आप अछुत युवराजपद रामहिं देउ नरेसु ॥

चौपाई

एक समय सब सहित समाजा । राजसभा रघुराजु विराजा ॥
नृप सब रहहिं कृपाअभिलाषे । लोकप करहिं प्रीति रुषराषे ॥
तिभुवन तीनिकाल जगमाहीं । भूरि भाग दसरथसम नाहीं ॥
मंगलमूल रामु सुत जासु । जो कछुकहिअ थोर सबु तासु ॥

राय सुभाय मुकुरु कर लीन्हा । वननु विलोकि मुकुटु सम कीन्हा ॥
 स्रवन समीप भये सित केसा । मनहुं जरठपनु अस उपदेसा ॥
 नृप जुवराजु राम कहुं देह । जीवन जनम लाहु किन लेह ॥

दोहा

यह बिचारु उर आनि नृप, सुदिन सुश्रवसरु पाइ ।
 प्रेम पुलकि मन मुदित मन, गुरहिं सुनायेउ जाइ ॥

चौपाई

कहइ भुआलु सुनिअ मुनिनायक । भये राम सब विधि सब लायक ॥
 सेवक सचिव सकल पुरबासी । जे हमार अरि मित्र उदासी ॥
 सबहिं रामु प्रिय जेहिं विधि मोही । प्रभुअसीस जनु तनु धरि सोही ॥
 बिप्र सहित परिवार गोसाईं । करहिं छोडु सब रौरिहि नाई ॥
 जे गुरचरनरेनु सिर धरहीं । ते जनु सकल विभव बस करहीं ॥
 मोहि सम यहु अनुभयेउ न दूजें । सवु पायेंउँ रज पावनि पूजें ॥
 अब अभिलाषु एकु मन मोरें । पूजिहि नाथ अनुग्रह तोरें ॥
 मुनि प्रसन्न लषि सहज सनेह । कहेउ नरेस रजा यसु देह ॥

दोहा

राजन राउर नामु जसु सब अभिमतदातार ।
 फल अनुगामी महिपमनि मनअभिलाषु तुम्हार ॥

चौपाई

सब विधि गुरुप्रसन्न जिय जानी । बोलेउ राउ रहँसि मृदुवानी ॥
 नाथ रामु करिअहिं जुवराजू । कहिअ कृपा करि करिअ समाजू ॥
 मोहि अछुत यहु होइ उछाह । लहहिं लोग सब लोचनलाह ॥
 प्रभुप्रसाद सिव । सबइ निबाहीं । एह लालसा एक मन माहीं ॥
 पुनि न सोच तनु रहउ कि जाऊ । जेहि न होइ पाछे पछिताऊ ॥
 सुनि मुनि दसरथबचन सुहाए । मंगलमोदमूल मन भाए ॥
 सुनु नृप जासु बिमुष पछिताहीं । जासु भजन विनु जरनि न जाहीं ॥
 भयेउतुम्हार तनय सोइ स्वामी । रामु पुनोतप्रेमअनुगामी ॥

दोहा

बेगि बिलंबु न करिअ नृप साजिअ सबुइ समाजु ।
सुदिनु सुमंगलु तबहिं जब रामु होहिं जुबराजु ॥

चौपाई

मुदिन महीपति मदिर आप । सेवक सचिव सुमंत्रु बोलाए ॥
कहि जय जीव सीस तिन्ह नाए । भूपसुमंगल वचन सुनाए ॥
जौ पांचहि मत लागइ नीका । करहु हरषि हियरामहिं टीका ॥
मन्त्री मुदित सुनत प्रियवानी । अभिमत बिट व परेउ जनु पानी ॥
बिनती सचिव करहिं करजोरी । जिअहु जगत पति बरिस करोरी ॥
जगमंगल भज काजु बिवारा । बेगिअ नाथ न लाइअ बारा ॥
नृपहि मोहु सुनि सचिवसुभाषा । बढत बाँड जनु लही सुसाषा ॥

दोहा

कहेउ भूप मुनिराज कर जोइ जोइ आयुस होइ ।
रामराजअभिषेक हित बेगि करहु सोइ सोइ ॥

चौपाई

हरषि मुनीस कहेउ मृदुबानी । आनहु सकल सुतीरथ पानी ॥
औषध मूल फूल फल पाना । कहे नाम गनि मंगल नाना ॥
चामर चरम बसन बहु भांती । रोम पाट पट अगनित जाती ॥
मनिगन मंगलवस्तु अनेका । जो जग जोगु भूपअभिषेका ॥
बेद बिदित कहि सकल बिधाना । कहेउ रचहु पुर विविध बिताना ॥
सफल रसाल पूगफल केरा । रोपहु बीथिन्ह पुर चहुं फेरा ॥
रचहु मजुमनि चौकइ चारु । कहहु बनावन बेगि बजारु ॥
पूजहु गनपति गुर कुलदेवा । सब बिधि करहु भूमिसुरसेवा ॥

दोहा

ध्वज पताक तोरन कलस सजहु तुरग रथ नाग ।
सिरधरि मुनिबरवचन सबु निज निज काजहि लाग ॥

चौपाई

जो मुनीस जेहि आयसु दीन्हा । सो तेहि काजु प्रथम जनु कीन्हा ॥

बिप्र साधु सुर पूजत राजा । करत रामहित मंगल काजा ॥
 सुनत रामअभिषेक सुहावा । बाज गहागह अवध बधावा ॥
 राम सीय तन सगुन जनाए । फरकहिं मंगल अग सुहाए ॥
 पुलकि सप्रेम परसपर कहही । भरतआगमनुसूचक अहही ॥
 भये बहुत दिन अति अवसेरी । सगुन प्रतीति भेट प्रिय केरी ॥
 भरतसरिस प्रिय को जग माहीं । इहइ सगुनफलु दूसर नाहीं ॥
 रामहिं बंधुसोच दिन राती । अडन्हि कमठ हृदउ जेहि भांती ॥

दोहा

एहि अवसर मंगलु परम , सुनि रहसेउ रनिवासु ।
 सोभत लषि बिधु बढत जनु, बारिधिवीचिविलासु ॥

चौपाई

प्रथम जाइ जिन्ह बचन सुनाए । भूषन बसन भूरि तिन्ह पाए ॥
 प्रेम पुलकि तन मन अनुरागी । मंगल कलस सजन सब लागी ॥
 चौकइ चारु सुमित्रा पूरो । मनिमय विविध भांति अति रूरी ॥
 आनंदमगन राममहतारो । दिये दान बहु बिप्र हंकारी ॥
 पूजो ग्रामदेवि सुर नागा । कहेउ बहोरि देन बलिभागा ॥
 जेहि विधि होइ । रामकल्यानू । देहु दया करि सो बरदानू ॥
 गावहिं मंगल कांकिलबयनी । बिधुबदनी मृगसावकनयनी ॥

दोहा

रामराजअभिषेकु सुनि, हिय हरषे नर नारि ।
 लगे सुमंगल सजन सब, विधि अनुकूल बिचारि ॥

चौपाई

तब नरनाह वसिष्ठ बोलाये । रामग्राम सिष देन पठाये ॥
 गुरआगमन सुनत रघुनाथा । द्वार आई पद नायेउ माथा ॥
 सादर अरघ देइ घर आने । सोरह भांति पूजि सनमाने ॥
 गहे चरन सिय सहित बहोरी । बोले रामु कमलकर जोरी ॥
 सेवकसदन स्वामिआगमनू । मंगलमूल अमंगलदमनू ॥
 तदपि उचित जनु बोलि सप्रीती । पठइअ काज नाथ असि नोती ॥

प्रभुता तजि प्रभु कीन्ह सनेह । भयउ पुनीत आजु यहु गैह ॥
आयसु होइ सो करउं गोसाईं । सेवकु लहइ स्वामिसेवकाईं ॥

दोहा

मुनि सनेहसाने वचन मुनि रघुवरहि प्रसंस ।

राम कस न तुम्ह कहहु अस हंसबंसअवतंस ॥

चौपाई

बरनि राम गुन सीलु सुभाऊ । बोले प्रेम पुलकि मुनिराऊ ॥
भूप सजेउ अभिषेकसमाजू । चाहत देन तुम्हहिं जुवराजू ॥
राम करहु सब संजम आजू । जौं विधि कुसल निवाहइ काजू ॥
गुरु सिप देइ राय पहिं गयेऊ । राम हृदय अस विसमउ भयेऊ ॥
जनमे एक संग सब भाई । भोजन सयन केलि लरिकारै ॥
करन बेध उपवीत बिआहा । संग संग सब भये उच्चाहा ॥
बिमल बंस यहु अनुचित एकू । बंधु बिहाइ बडेहिं अभिषेकू ॥
प्रभु सप्रेम पछितानि सुहाई । हरउ भगतमन कै कुटिलाई ॥

दोहा

तेहि अवसर आप लपन मगन प्रेमआनंद ।

सनमाने प्रिय वचन कहि रघुकुलकैरवचंद ॥

चौपाई

बाजहिं बाजन विविध विधाना । पुरप्रमोदु नहिं जाइ बषाना ॥
भरतआगमनु सकल मनावहिं । आवहु बेगि नयनफल पावहि ॥
हाट बाट घर गली अथाई । कहहिं परसपर लोग लोगारै ॥
कालि लगन भलि केतिक बारा । पूजिहि विधि अभिलापु हमारा ॥
कनकसिंघासन सीयसमेता । बैठहिं रामु होइ चित चेता ॥
सकल कहहिं कव होइहि काली । बिघन मनावहिं देव कुचाली ॥
तिन्हहि सोहाइ न अवधबधावा । चोरहिं चदिनिराति न भावा ॥
सारद बोलि बिनय सुर करहीं । बारहिं बार पाय लै परहीं ॥

दोहा

बिपति हमारि बिलोकि बडि मातु करिअ सोइ आजु ।

रामु जाहिं बन राजु तजि होइ सकल सुरकाजु ॥

चौपाई

सुनि सुरबिनय ठाढि पछिताती । भइउं सरोजविपिन हिमराती ॥
 देषि देव पुनि कहहिं निहोरी । मातु तोहि नहिं थोरिउ षोरी ॥
 विसमय हरष रहित रघुराऊ । तुम्ह जानहु सब रामप्रभाऊ ॥
 जीव करमवस सुष दुष भागी । जाइअ अवय देवहित लागी ॥
 बार बार गहि चरन सकोची । चली बिचारि बिबिधमति पोची ॥
 ऊंच निवासु नीचि करतूती । देषि न सकहिं पराइ बिभूती ॥
 आगिल काजु बिचारि बहोरी । करिहहिं चाह कुसल कवि मोरी ॥
 हरषि हृदय दसरथपुर आई । जनु ग्रहदसा दुसह दुषदाई ॥

दोहा

नामु मंथरा मंझमति चेरी कैकै केरि ।
 अजसपेटारी ताहि करि गई गिरा मति फेरि ॥

चौपाई

दीष मंथरा नगरबनावा । मंजुल मंगल बाज बधावा ॥
 पूछेसि लोगन्ह काह उछाहू । रामतिलकु सुनि भा उरदाहू ॥
 करइ बिचारु कुबुद्धि कुजाती । होइ अकाजु कवनि बिधि राती ॥
 देषि लागि मधु कुटिल किराती । जिमि गवं तकइ लेउं केहि भांती ॥
 भरतमातु पहिं गई बिलपानी । का अनमनि हसि कहहंसि रानी ॥
 ऊतर देइ न लेइ उसासू । नारिचरित करि ढारइ आंसू ॥
 हंसि कह रानि गालु बड तोरें । दोन्ह लषन सिष अस मन मोरें ॥
 तबहुं न बोल चेरि बडि पापिनि । छाडइ स्वास कारि जनु सांपिनि ॥

दोहा

सभय रानि कह कहसि किन कुसल राम महिपालु ।
 लषनु भरतु रिपुदमनु सुनि भा कुबरीउर सालु ॥

चौपाई

कत सिष देइ हमहिं कोउ माई । गालु करब केहि कर बलु पाई ॥
 रामहिं छाडि कुसल केहि आजू । जेहि जनेसु देइ जुबराजू ॥
 भयउ कौसिलहि विधि अति दाहिन । देषत गरब रहत उर नाहिन ॥

देखहु कस न जाइ सब सोभा । जौ अवलोकि मोर मनु छोभा ॥
 पूत बिदेस न सोचु तुरहारे । जानतिहहु बस नाहु हमारें ॥
 नोद बहुत प्रिय सेज तुराई । लषहु न भूपकपट चतुराई ॥
 सुनि प्रियवचन मलिनमनु जानी । झुकी रानि अवरहु अरगानी ॥
 पुनि अस कबहुं कहसि घरफोरी । तब धरि जीभ कढावौ तोरी ॥

दोहा

काने पोरे कूबरे, कुटिल कुचाली जानि ।

तियबिसेपि पुनि चेरिकहि, भरतमातु सुसुकानि ॥

चौपाई

प्रियथादिनि सिप दीन्हिउं तोही । सपनेहु तोपर कोपु न मोही ॥
 सुदिनु सुमंगलदायकु सोई । तोर कहा फुर जेहि दिन होई ॥
 जेठ स्वामि सेवक लघु भाई । येह दिनरकुलरीति सुहाई ॥
 रामतिलकु जो सांचेहुं काली । देउं मागु मनभावत आली ॥
 कौसल्यासम सब महतारी । रामहिं सहज सुभाय पिआरी ॥
 मो पर करहिं सनेहु बिसेषी । मैं करि प्रीतिपरीछा देषी ॥
 जौ विधि जनमु देख करि छोह । होहुं राम सिय पूत पुतोह ॥
 प्रान तैं अधिक रामु प्रिय मोरें । तिन्हके तिलक छोभु कस तोरें ॥

दोहा

भरतसपथ तोहि सत्य कहु परिहरि कपट दुराउ ।

हरष समय विसमउ करसि कारन मोहि सुनाउ ॥

चौपाई

एकहि बार आस सब पूजी । अब कछु कहब जीभ करि दूजी ॥
 फेरैजोगु कपारु अभागा । भलेउ कहन दुप रौरेहिं लागा ॥
 कहहिं झूठि फुरि बात बनाई । ते प्रिय तुम्हहिं करइ मैं माई ॥
 हमहुं कहबि अब ठकुरसोहाती । नाहित मौन रहब दिन राती ॥
 करि कुरु प विधि परबस कीन्हा । ववा सो लुनिअलहिअ जो दीन्हा ॥
 कोउ नृप होउ हमहिं का हानी । चेरि छाडि अब होब कि रानी ॥
 जारइ जोग सुभाउ हमारा । अनभज देखि न जाइ तुम्हा रा ॥

तातें कल्लुक बात अनुसारी । छमिअ देवि बडि चूक हमारी ॥

दोहा

गूढ कपट प्रिय बचन सुनि तीय अवरबुधि रानि ।

सुरमाया बस बैरिनिहि सुहृद जानि पतिआनि ॥

चौपाई

सादर पुनि पुनि पूंछति ओही । सबरींगान मृगी जनु मोही ॥

तसि मति फिरी अहइ जसि भाबी । रहसी चेरि घात जनु फाबी ॥

तुम्ह पूंछहु मै कहत डेराऊं । धरेहु मोर घरफोरी नाऊ ॥

सजि प्रतीति बहुविधि गढि छोली । अवधसाढसाती तब बोली ॥

प्रिय सिय रामु कहा तुम्ह रानी । रामहिं तुम्ह प्रिय सो फुरि बानी ॥

रहा प्रथम अव ते दिन बीते । समउ फिरैं रिपु होहिं पिरिीते ॥

भानु कमलकुल पोषनिहारा । बिनु जल जारि करइ सोइ छारा ॥

जरि तुम्हारि चह सवति उषारी । रूत्रहु करि उपाउ बर बारी ॥

दोहा

तुम्हहिं न सोचु सोहाग बल निज बस जानहु राउ ।

मन मलीन मुहु मीठ नृपु राउर सरल सुभाउ ॥

चौपाई

चतुर गंभीर राममहतारी । बीचु पाइ निज बात संवारी ॥

पठये भरतु भूप ननिऔरैं । राममातु मत जानव रौरैं ॥

सेवहिं सकल सवति मोहि नीकैं । गरवित भरतमातु बल पी कैं ॥

सालु तुम्हार कौसिलहि माई । कपट चतुर नहिं होइ जनाई ॥

राजहि तुम्ह पर प्रेमु विसेषी । सवतिसुभाउ सकइ नहिं देषी ॥

रवि प्रपंचु भूपहिं अपनाई । रामतिलक हित लगन धराई ॥

येहु कुल उचित राम कहं टीका । सबहि सोहाइ मौहि सुठि नीका ॥

आगिल बात समुझि डर मोही । देउ दैउ फिरि सो फलुओही ॥

दोहा

रवि पवि कोटिक कुटिलपन कीन्हेलि कपट प्रबोधु ।

- काहेसि कथा सत सवतिकै जेहि बिधि बाढ बिरोधु ॥

चौपाई

भावीबस प्रतीति उर आई । पूंछु रानि पुनि सपथ देवाई ॥
 का पूछहु तुम्ह अबहुं न जाना । निज हिन अनहित पसु पहिचाना ॥
 भयेउ पाषु दिन सजत समाजू । तुम्ह पाई सुधि मोहि सन आजू ॥
 षाइअ पहिरिअ राज तुम्हारें । सत्य कहें नहिं दोषु हमारें ॥
 जौं असत्य कछु कहव बनाई । तौ विधि देखहि हमहिं सजाई ॥
 रामहि तिलक कालि जौं भयेऊ । तुम कहुं बिपतिबीजु विधि बयेऊ ॥
 रेष षचाइ कहउं बलु भाषी । भमिनि भइहु दूध कइ माषी ॥
 जौं सुत सहित करहु सेवकाई । तौ घर रहहु न आन उपाई ॥

दोहा

कद्रु बिनतहि दीन्ह दुषु तुम्हहि कौसिला देव ।
 भरतु बंदिगृह सेइहहिं लषनु राम के नेव ॥

चौपाई

कैकयसुता सुनत कटु बानी । कहि न सकइ कछु सहमि सुषानी ॥
 तन पसेउ कदली जिमि कांपो । कुबरी दसन जीभ तब चांपी ॥
 कहि कहि कोटिक कपट कहानी । धीरजु धरहु प्रबोधिसि रानी ॥
 फिरा करमु प्रिय लागि कुचाली । बकिहि सराहइ मानि मराली ॥
 सुनु मंथरा बात फुरि तोरी । दहिनि आंषि नित फरकइ मोरी ॥
 दिन प्रति देखहुं राति कुसपने । कहउं न तोहि मोहबस अपने ॥
 काह करौं सषि सूध सुभाऊ । दाहिन बांम न जानउं काऊ ॥

दोहा

अपने चलत न आजु लागि अनभल काहुक कीन्ह ।
 केहि अघ एकहि बार मोहि दैअ दुसह दुषु दीन्ह ॥

चौपाई

नैहर जनम भरब बरु जाई । जियत न करबि सवति सेवकाई ॥
 अरि बस दैउ जियावत जाही । मरनु नीक तेहि जीव न चाही ॥
 दीन बचन कह बहु बिधि रानी । सुनि कुबरीं तियमाया ठानी ॥
 अस कस कहहु मानि मन ऊना । सुषु सोहागु तुम्ह कहुं दिन दूना ॥

जेहिं राउर अति अनभल ताका । सोइ पाइहि येहु फलुपरिपाका ॥
जवतें कुमत सुना मैं स्वामिनि । भूप न वासर नोद न जामिनि ॥
पूंछेउं गुनिन्ह रेष तिन्ह पांची । भरत भुआल होंहि यह सांची ॥
भामिनि करहु त कहउं उपाऊ । हइ तुम्हरीं सेवावस राउ ॥

दोहा

परउं कूप तुअ बचन पर सकौं पूत पति त्यागि ।
कहसि मोर दुषु देषि बड कस न करब हित लागि ॥

चौपाई

कुबरीं करि कबुली कैकेई । कपटछुरी उरपाहन टेई ॥
लषइ न रानि निकट दुषु कैसैं । चरइ हरित तिन बलिपसु जैसैं ॥
सुनत बात मृदु अंतकठोरी । देति मनहु मधु माहुर घोरी ॥
कहइ चेरि सुधि अहइ कि नाहीं । स्वामिनि कहिहु कथा मोहि पाहीं ॥
दुइ बरदान भूप सन थाती । मांगहु आजु जुड़ावहु छाती ॥
सुतहिं राजु रामहिं बनवासू । देहु लेहु सब सवतिहुलासू ॥
भूपति रामसपथ जब करई । तब मांगेहु जेहि बचनु न टरई ॥
होइ अकाजु आजु निसि बीते । बचनु मोर प्रिय मानेहु जी ते ॥

दोहा

बड कुघातु करि पातकिनि कहेसि कोपगृह जाहु ।
काज संवारेहु सजग सबु सहसा जनि पतियाहु ॥

चौपाई

कुबरिहि रानि प्रानप्रियजानी । बार बार बडि बुद्धि बषानी ॥
तोहि सम हित न मोर संसारा । बहे जात कइ भइसि अधारा ॥
जौं विधि पुरव मनोरथु काली । करउं तोहि चषपूतरि आली ॥
बहुबिधि चेरिहि आदरु देई । कोपभवन गवनी कैकेई ॥
विपतिबीजु बरषारितु चेरी । भुइं भइ कुमति कैकई केरी ॥
पाइ कपटजलु अंकुर जामा । बर दोउ दल दुष फल परिनामा ॥
कोपसमाजु साजि सबु सोई । राजु करत निज कुमति बिगोई ॥
राउरनगर कोलाहलु होई । यह कुचालि कछु जान न कोई ॥

दोहा

प्रमुदिन पुर नर नारि सब सजहि सुमंगल चार ।
एक प्रविजहि एक निर्गमहि भीर भूपदरवार ॥

चौपाई

बालसषा सुनि हिय हरपाही । मिलि दस पांच रामपहि जाहीं ॥
प्रमु आदरहि प्रेमु पहिचानी । पूंछहि कुसल बेम मृदुबानी ॥
फिरहि भवन प्रिय आयेसु पाई । करत परसपर रामबड़ाई ॥
को रघुवीर सरिस संसारा । सीलु सनेहु निबाहनिहारा ॥
जेहि जेहि जोनि करमवस भ्रमही । तहं तहं ईसु देउ यह हमही ॥
सेवक हम स्वामी सियनाहू । होउ नात येह ओर निबाहू ॥
अस अभिलाषु नगर सब काहू । कैकयसुता हृदय अतिदाहू ॥
को न कुसंगति पाइ नसाई । रहइ न नीचमते चतुराई ॥

दोहा

सांझ समय सानंद नृपु गयेउ कैकईगेह ।
गवजु निठुरता निकट किये जनु धरि देह सनेह ॥

चौपाई

कोपभवन सुनि सकुचेउ राज । भयवस अगहुड परइ न पाऊ ॥
सुरपति बसइ बाहबल जाके । नरपति सकल रहहि रुष ताके ॥
सो सुनि तियरिस गयउ सुषाई । देषहु कामप्रताप बडाई ॥
सूल कुलिस असि अंगवनिहारे । ते रतिनाथ सुमनसर मारे ॥
सभय नरेसु प्रिया पहि गयेऊ । देषि दसा दुषु दारुन भयेऊ ॥
भूमिसयन पटु मोट पुराना । दिये डारि तन भूषन नाना ॥
कुमतिहि कसि कुबेषता फावो । अनअहिबातु सूच जनु भाबी ॥
जाइ निकट नृपु कह मृदुबानी । प्रानप्रिया केहि हेतु रिसानो ॥

छंद

केहि हेतु रानि रिसानि परसत पानि पतिहि नेवारई ।
मानहुं सरोष भुअंगभामिनि बिषम भांति निहारई ॥
दोउ बासना रसना दसन वर मरम ठाहरु देषई ।

तुलसी नृपति भवतव्यतावस, कामकौतुक लेषई ॥

सोरठ

बार बार कह राउ सुमुषि सुलोचनि पिकवचनि ।

कारन मोहि सुनाउ गजगामिनि निज कोपकर ॥

चौपाई

अनहित तोर प्रिया केइ कीन्हा । केहि दुइसिर केहि जमु चह लीन्हा ॥

कहु केहि रंकहि करउं नरेसू । कहु केहि नृपहि निकासउं देसू ॥

सकों तोर अरि अमरउ मारी । काह कीट बपुरे नर नारी ॥

जानसि मोर सुभाउ बरोरू । मनु तव आननचंदचकोरू ॥

प्रिया प्रान सुत सरबसु मोरें । परिजन प्रजा सकल बस तोरें ॥

जौं कलु कहउं कपटु करि तोहीं । भामिनि रामसपथ सत मोही ॥

बिहंसि मांगु मनभावति बाता । भूषन सजहिं मनोहर गाता ॥

घरी कुवरी समुझि जिय देखू । बेगि प्रिया, परिहरहि कुबेषू ॥

दोहा

येह सुनि मन गुनि सपथ बडि बिहंसि उठी मतिमंद ।

भूषन सजति बिलोकि मृगु मनहुं किरातिनि फंद ॥

चौपाई

पुनि कह राउ सुहृद जिअ जानो । प्रेमपुलकि मृदु मंजुल बानी ॥

भामिनि भयेउ तोर मन भावा । घरघर नगर अनंद बधावा ॥

रामहिं देउं कालि जुवराजू । सजहि सुलोचनि मंगलसाजू ॥

दलकि उठेउ सुनि हृदय कठोरू । जनु छुइ गयेउ पाक बरतोरू ॥

ऐसिउ पीर बिहंसि तेहि गोई । चोर नारि जिमि प्रगटि न रोई ॥

लषहि न भूप कपट चतुराई । कोटिकुटिलमनि गुरू पढाई ॥

जद्यपि नीतिनिपुन नरनाह । नारिचरित जलनिधि अवगाह ॥

कपट सनेहु बढाइ बहोरी । बोली बिहंसि नयन मुहु मोरी ॥

दोहा

मांगु मांगु पै कहहु पिय कबहुं न देहु न लेहु ।

देन कहेहु बरदान दुइ तेउ पावत सदेहु ॥

चौपाई

जानेउं मरम राउ हंसि कहई । तुम्हहिं कोहाब परम प्रिय अहई ॥
 थाती राषि न मांगिहु काऊ । बिसरि गयेउ मोहि भोर सुभाऊ ॥
 भूठेहु हमहिं दोसु जनि देह । दुइ कै चारि मांगि मकु लेह ॥
 रघुकुलरीति सदा चलि आई । प्रान जाहुं बरु बचनु न जाई ॥
 नहिं असत्य सम पातकपुंजा । गिरि सम होहि कि कोटिक गुंजा ॥
 सत्यमूल सब सुकृत सुहाये । बेदपुरानविदित मनु गाये ॥
 तेहि पर रामसपथ करि आई । सुकृत सनेहअवध रघुराई ॥
 बात दढाइ कुमति हंसि बोली । कुमतकुबिहंगकुलह । जनु पोली ॥

दोहा

भूपमनोरथ सुभगवतु सुष सुविहंगसमाजु ।
 भिल्लिनि जिमि छाडन चहति, बचनु भयंकर बाजु ॥

चौपाई

सुनहुं प्रानप्रिय भावत जीका । देहु एक बर भरतहि टीका ॥
 मार्गौ दूसर बर कर जोरी । पुरवहु नाथ मनोरथ मोरी ॥
 तापसवेष विलेखि उदासी । चौदह बरिस रामु बनबासी ॥
 सुनि मृदुबचन भूपहिय सोकू । ससिकर लुअत बिकल जिमि कोकू ॥
 गयेउ सहमि नहिं कछु कहि आवा । जनु सचान बन भपटेउ लावा ॥
 बिबरन भयेउ निपट नरपालू । दामिनि हनेउं मनहु तर तालू ॥
 माथे हाथ मूँदि दोउ लोचन । तनु धरि सोचु लाग जनु सोचन ॥
 मोर मनोरथ सुरतरफूला । फरत करिनि जिमि हतेउ समूला ॥
 अवध उजारि कीन्हि कैकेई । दीन्हिसि अचल बिपति कै नेई ॥

दोहा

कवनें अवसर का भयेउ गणउं नारिविस्वास ।
 जोग सिद्धिफलसमयजिमि जतिहि अविद्यानास ॥

चौपाई

एहि बिधि राउ मनहिं मन भांषा । देखि कुभांतिकुमति मनु मांषा ॥
 भरतु कि राउर पूत न होहीं । आनेहु मोल बेसाहि कि मोहीं ॥

जो सुनि सरु अस लाग तुम्हारें । काहे न बोलहु बचनु संभारें ॥
 देहु उतरु अरु करहु कि नाही । सत्यसंघ तुम्ह रघुकुल माहीं ॥
 देन कहेहु अब जनि बरु देह । तजहु सत्य जग अपजसु लेह ॥
 सत्य सराहि कहेहु बरु देना । जानेहु लेइहि मांगि चबेना ॥
 सिवि दधीचि बलि जो कछु भाषा । तनु धनु तजेउ बचन पनु राषा ॥
 अति कटु बचन कहति कैकेई । मानहु लोन जरे पर बेई ॥

दोहा

धरमधुरं धरि धरि नयन उगारे राय ।

सिरु धुनि लीन्ह उसास असि भारेसि मोहि कुठाय ॥

चौपाई

आगें दीषि जरत । रिस भारी । मनहु रोष तरवारि उगारी ॥
 मूठि कुबुद्धि धार निठुराई । धरो कूबरीं सान बनाई ॥
 लषी महीप कराल कठोरा । सत्य कि जीबनु लेइहि मोरा ॥
 बोले राउ कठिन करि छाती । बानी सबिनय तासु सोहाती ॥
 प्रिया बचन कस कहसि कुभांती । भीर प्रतीति प्रीति करि हाती ॥
 मोरें भरतु रामु दुइ आंषी । सत्य कहउं करि संकह साषी ॥
 अबसि दूतु मैं पठइव प्राता । अइहहि बेगि सुनत दोउ भ्राता ॥
 सुदिन सोधि सबु साजु सजाई । देउं भरत कहु राजु बजाई ॥

दोहा

लोभु न रामहिं राजुकर बहुत भरत पर प्रीति ।

मैं बड छोट बिचारि जिय करत रहेउं नृपमीति ॥

चौपाई

रामसपथ सत कहउं सुभाऊ । राममातु कछु कहेउ न काऊ ॥
 मैं सबु कीन्ह तोहि विनु पूंछें । तेहि ते परेउ मनोरथ छूँछें ॥
 रिस परिहरु अब मंगल साजु । कछु दिन गए भरत जुवराजु ॥
 एकहिं बात मोहि दुषु लागा । बर दूनर असमंजस मागा ॥
 अजहं ह्वउं जरत तेहि आंचा । रिस परिहास कि सांचेहु सचा ॥
 कहु तजि रोषु रामअपराधु । सबु कोउ कहइ रामु सुठि साधु ॥

तुहँ सराहसि करसि सनेह । अब सुनि मौंहि भयेउ संदेह ॥
जासु सुभाउ अरिहि अनुकूला । सो किमि करिहिमातुप्रतिकूला ॥

दोहा

प्रिया हास रिस परिहरहि मागु बिचारि बिबेकु ।
जँहि देषौ अब नयन भरि भरतराजअभिषेकु ॥

चौपाई

जिअइ मीन बरु वारि बिनीना । मनि बिनु फनिकु जिअ दुषदीना ॥
कहउं सुभाउ न छल मन माहीं । जीवनु मोर राम बिनु नाहीं ॥
समुझि देषु जिय प्रिया प्रबीना । जीवनु रामदरसआधीना ॥
सुनि मृदुवचन कुमति अति जरई । मनहु अनल आहुति घृत परई ॥
कहइ करहु किन कोटि उपाया । इहां न लागिहि राउरि माया ॥
देहु कि लेहु अजसु करि नाही । मौंहि न बहुत प्रपंच सोहाहीं ॥
रामु साधु तुम्ह साधु सयानें । राममातु भलि सब पहिचानें ॥
जस कौसिला मोर भल ताका । तस फलु उन्हहि देउं करि साको ॥

दोहा

होत प्रातु मुनिवेष भरि जौं न रामु बन जाहि ।
मोर मरनु राउरअजसु नृप समुझिय मन माहि ॥

चौपाई

अस कहि कुटिल भई उठि ठाढी । मानहु रोषतरंगिनि बाढी ॥
पापपहार प्रगट भई सोई । भरी क्रोधजल जाइ न जोई ॥
दोउ बरकूल कठिन हठधारा । भवरं कूबरी वचन प्रचारा ॥
दाहत भूपरूप तरुमूला । चली बिपतिवारिधि अनुकूला ॥
लषी नरेस बात फुरि सांची । तिय मिस मीचु सीस पर नांची ॥
गहि पद बिनय कीन्ह बैठारी । जनि दिनकरकुल होसि कुठारी ॥
माणु माथ अवहीं देउं तोहीं । रामबिरह जनि मारसि मोही ॥
राषु राम कहुं जेहि तेहि भांती । नाहिं जरिहि जनम भरि छाती ॥

दोहा

देखी व्याधि असाधि नृप परेउ धरनि धुनि माथ ।

कहन परम आरनबचन राम राम रघुनाथ ॥

चौपाई

व्याकुल राउ सिथिल सब गाता । करिनि कलपतरु मनहु निपाता ॥
कंठु सूष मुख आव न वानी । जनु पाठीनु दीनु विनु पानी ॥
पुनि कह कटु कठोर कैकई । मनहुं घाय महुं माहुर देई ॥
जौं अंतहु अस करतवु रहेऊ । मांगु मांगु तुम्ह केहि बल कहेऊ ॥
दुइ कि होइ एक समय भुआला । हंसब ठठाइ फुलाउब गाला ॥
दानि कहाउब अरु कृपनाई । होइ कि घेम कुसल रौताई ॥
छांडहु बचनु कि धीरजु धरहू । जनि अबला जिमि करुना करहू ॥
तनु तिय तनय धामु धनु धरनी । सत्यसंध कहुं तृन सम वरनी ॥

दोहा

मरम बचन सुनिराउ कह कहु कछु दोषु न तोर ।
लागेउ तोहि पिसाच जिमि कालु कहावत मोर ॥

चौपाई

चहत न भरत भूपतहि भोरें । विधिबस कुमति बसी जिय तोरे ॥
सो सबु मोर पापपरिनामू । भयेउ कुठाहर जेहि विधि बामू ॥
सुबस बसिहि फिरि अवध सुहाई । सब गुनधाम रामप्रभुताई ॥
करिहहि भाइ सकल सेवकाई । होइहि तिहुं पुर रामबडाई ॥
तोर कलंकु मोर पछिनाऊ । मुयेहु न मिटिहि न जाइहि फाऊ ॥
अब तोहि नीक लाग कर सोई । लोचन ओट बैठु मुहु गोई ॥
जव लगि जिअउं कहउं कर जोरी । तबलोग जनि कछु कहेसि बहोरी ॥
फिरि पछितैहसि अंत अभागी । मारसि गाइ नहारू लागी ॥

दोहा

परेउ राउ कहि कोटि विधि काहे करसि निदान ।
कपट सयानि न कहति कछु जागति मनहुं मसानु ॥

चौपाई

राम राम रट विकल भुआलू । जनु विनु पंष बिहंग बेहालू ॥
हृदय मनाव भोरु जनि होई । रामहिं जाइ कहइ जनि कोई ॥

उदउ करहु जनि रवि रघुकुलगुर । अवध विलोकि मूल होइहि उर ॥
 भूपप्रीति कैकइ कठिनार्ह । उभय अवधि विधि रची बनार्ह ॥
 बिनपत नृपहि भयेउ भिनुसार । बीना बेनु संघ धुनि द्वारा ॥
 पढहि भाट गुन गावहि गायक । सुनत नृपहि जनु लागहि सायक ॥
 मंगल सकल सोहार्हि न कैसैं । सङ्गामिनिहि विभूषन जैसैं ॥
 तेहि निसि नींद परी नहि काहु । रामदरस लालसा उझाहु ॥

दोहा

द्वार भीर सेवक सचिव कहहि उदित रवि देखि ।
 जागेउ अजहुं न अवधपति कारनु कवनु बिसेषि ॥

चौपाई

पछिले पहर भूपु नित जागा । आजु हमहि बड अचरजु लागा ॥
 जाहु सुमंत्र जगावहु जार्ह । कीजिअ काजु रजायसु पार्ह ॥
 गये सुमंत्र तब राउर पार्हीं । देखि भयावन जात डेराहीं ॥
 धाइ पाइ जनु जाइ न हेरा । मानहुं बिपति बिषाद बसेरा ॥
 पूछे कोउ न ऊतर देई । गय जेहि भवन भूप कैकेई ॥
 कहि जय जीव बैठ सिर नार्ह । देखि भूपगति गयेउ सुषार्ह ॥
 सोच बिकल बिबरन महि परेऊ । मानहुं कमल मूलु परिहरेऊ ॥
 सचिव समीत सकै नहि पूछी । बोली असुभभरी सुभङ्गूछी ॥

दोहा

परी न राजहि नींद निसि हेतु जान जगदीसु ।
 रामु रामु रति भोरु किय कहहि न मरमु महीसु ॥

चौपाई

आनहुं रामहि बेगि बुलार्ह । समाचार तब पूछेहु आर्ह ॥
 चलेउ सुमंत्र रायरुष जानी । लषी कुचालि कीन्हि कछु रानी ॥
 सोच बिकल मग परइ न पाऊ । रामहि बोलि कहिहि का राज ॥
 उर घरि धीरजु गयउ दुआरैं । पूछिहि सकल देखि मनु मारैं ॥
 समाधानु करि सो सबहीका । गयेउ जहां दिनकरकुलटीका ॥
 राम सुमंत्रहि आवत देखा । आदरु कीन्ह पिता सम लेखा ॥

निरपि बदनु कहि भूपरजार्ई । रघुकुलदीपहिं चलेउ लेवाई ॥
 रामु कुभांति सचिव संग जाहीं । देपि लोग जहं तहं बिलपाहीं ॥

दोहा

जाइ दीष रघुवंशमनि नरपति निपट कुसाजु ।
 सक्षमि परेउ लपि सिंधिनिहि मनहुं वृद्ध गजराजु ॥

चौपाई

सूपहिं अघर जइं सब अंगू । मनहुं दीन मनिहीन भुअंगू ॥
 सरुष समीप दीषि कैकेई । मानहुं मीचु घरी मनि लेई ॥
 करुनामय मृदु रामसुभाऊ । प्रथम दीष दुष सुना न काऊ ॥
 तदपि धीर धरि समउ विचारी । पूंछी मधुर बचन महतारी ॥
 मोहि कहु मातु तातदुष कारन । करिअ जतन जेहि होइ निवारन ॥
 सुनहु राम सब कारनु पढ़ । राजहिं तुम्ह पर बहुत सनेहु ॥
 देन कहेन्हि मोहिं दुइ बरदाना । मांगेउं जो कछु मोहिं सोहाना ॥
 सो सुनि भयउ भूपउर सोचू । छाडि न सकहिं तुम्हार संकोचू ॥

दोहा

सुतसनेहु इत बचनु उत संकट परेउ नरेसु ।
 सकहु त आयसु धरहु सिर मेटहु कठिन कलेसु ॥

चौपाई

निधरक बैठि कहै कहु बानी । सुनत कठिनता अति अकुलानी ॥
 जीभ कमान बचन सर नाना । मनहुं महिप मृदु लब्ध समाना ॥
 जनु कठोरपनु धरै सरीरु । सिषइ धनुषविद्या बर बीरु ॥
 सब प्रसंगु रघुपतिहि सुनाई । बैठि मनहुं तनु धरि निठुराई ॥
 मन मुसुकाइ भानुकुलभानू । रामु सहज आनंदनिधानू ॥
 बोले बचन बिगतसब दूषन । मृदु मंजुल जनु बागविभूषन ॥
 सुनु जननी सोइ सुतु बडभागी । जो पितु मातु बचन अनुरागी ॥
 तनय मातु पितु तोषनिहारा । दुर्लभ जननि सकल संसारा ॥

दोहा

मुनिगनमिलनु बिसेषि बन सबहि भांति हित मोर ।

तेहि महं पितुआयसु बहुरि संमत जननी तोर ॥

चौपाई

भरतु प्रानप्रिय पावहिं राजू । बिधिसबविधि मोहिं सनमुख आजू ॥
जौं न जाउ बन अैसेहु काजा । प्रथम गनिय मोहि मूढसमाजा ॥
सेवहिं अरंडु कलपतरु त्यागी । परिहरि अमृत लेहि बिषु मांगी ॥
तेउ न पाइअ समउ चुकाहीं । देषु बिचारि मातु मन माहीं ॥
अंब एक दुषु मोहि बिसेयी । निपट बिकल नरनायकु देशी ॥
थोरिहि बात पितहि दुष भारी । होति प्रतीति न मोहि महतारी ॥
राउ धीरु गुनउदधि अगाधू । भा मोहि तैं कछु बड अपराधू ॥
जातैं मोहि न कहत कछु राजू । मोरि सपथ तोहि कहु सतिभाऊ ॥

दोहा

सहज सरल रघुबरबचन कुमति कुटिल करि जाम ।

चलइ जौंक जल बक्रगति जद्यपि सलिलु समान ॥

चौपाई

रहसी रानि रामरुष पाई । बोली कपटसनेहु जनार्ई ॥
सपथ तुम्हार भरत कै आना । हेतु न दूसर में कछु जाना ॥
तुम्ह अपराधजोगु नहिं ताता । जननी जनक बंधु सुवदाता ॥
राम सत्य सवु जो कछु कहइ । तुम्ह पितु मातुबचनरत अहइ ॥
पितहिं बुझाइ कहहु बलि सोई । चौथेपन जैहि अजसु न होई ॥
तुम्ह सम सुअन सुकृत जैहि दीन्है । उचित न तासु निरादर कीन्है ॥
लागहिं कुमुष बचन सुभ कैसे । मगह गयादिक तीरथ जैसे ॥
रामहिं मातुबचन सब भाण । जिमि सुरसरिगत सलिल सुहाण ॥

दोहा

गइ मुखड़ा रामहिं सुमिरि नृप फिरि करवट लीन्ह ।

सचिव रामआगमन कहि बिनय समयसम कीन्ह ॥

चौपाई

अवनिप अकनि रामु पगु धारे । धरि धीरजु तब नयन उघारे ॥
सचिव संभारि राउ बैठारे । चरन परत नृपु रामु निहारे ॥

लिप सनेहबिकल उर लाई । गै मनि मनहुं फनिक फिरि पाई ॥
 रामहिं चितइ रहेउ नरनाहू । चला बिलोचनवारिप्रवाहू ॥
 सोकबिबस कछु कहइ न पारा । हृदयं लगावत वारहिं बारा ॥
 विधिहि मनाव राउ मन माहीं । जैहि रघुनाथ न कानन जाहीं ॥
 सुमिरि महेसहि कहइ निहोरो । बिनती सुनहुं सदासिव मोरी ॥
 आसुतोष तुम्ह अवढर दानी । आरति हरहु दोन जनु जानी ॥

दोहा

तुम्ह प्रेरक सब के हृदयं सो मति रामहिं देहु ।
 बचन मोर तजि रहहिं घर परिहरि सीलु सनेहु ।

चौपाई

अजस होउ जग सुजसु नसाऊं । नरक परौं बरु सुरपुर । जाऊं ॥
 सब दुष दुसह सहावउ मोहीं । लोचनओट रामु जनि होहीं ॥
 अस मन गुनइ राउ नहिं बोला । पीपर पात सरिस मनु डोला ॥
 रघुपति पितहि प्रेम बस जानी । पुनि कछु कहिहि मातु अनुमानी ॥
 देस काल अवसर अनुसारी । बोले बचन विनीत बिचारी ॥
 तात कहौं कछु करौं ढिठाई । अनुचित छुमब जानि लरिकाई ॥
 अति लघु बात लागि दुष पावा । काहु न मोहि कहि प्रथम जनावा ॥
 देषि गोसाइहिं पूंछिउ माता । सुनि प्रसंगु भये सीतल गाता ॥

दोहा

मंगलसमय सनेह बस सोच परिहरिअ तात ।
 आयसु देखिअ हरषि हिय कहि पुलके प्रभुगात ॥

चौपाई

धन्य जनमु जगतीतलतासू । पितहि प्रमोदु चरित सुनि जासू ॥
 चारि पदारथ करतल ताकैं । प्रिय पितु मातु प्रानसम जाकैं ॥
 आयेसु पालि जनमफल पाई । औहउं बेगिहि होउ रजाई ॥
 बिदा मातु सन आवौं मांगी । चलिहौ बनहिं बहुरि पग लागी ॥
 अस कहि रामु गवनु तब कीन्हा । भूप सोकबस उतरु न दीन्हा ॥
 नगर व्यापि गइ बात सुनीछी । छुवन चढी जनु सब तन बीछी ॥

सुनि भये विकल सकल नर नारी । बेलि बिटप जिमि देखि दवारी ॥
जो जहं सुनइ धुनइ सिरु सोई । बड बिषाद नहिं धीरजु होई ॥

दोहा

मुप सुषाहिं लोचन श्रवहिं सोकु न हृदयं समाइ ।
मनहुं करनरसकटकई उतरी अथ बजाइ ॥

चौपाई

मिलेहि मांझ विधि बात बिगारी । जहं तहं देखिं कैकइहि गारी ॥
एहि पापनिहि बूझि का परेऊ । छाइ भवन पर पावकु धरेऊ ॥
निजकर नयन काढि चह दीषा । डारि सुधा बिषु चाहत चीपा ॥
कुटिल कठोर कुबुद्धि अभागी । भइ रघुवंशबेनुवन आगी ॥
पालव बैठि पेडु येहि काटा । सुष महु सोक ठाडु धरि ठाटा ॥
सदा रामु येहि प्रान समाना । कारन कवन कुटिलपनु ठाना ॥
सत्य कहहिं कबि नारिसुभाऊ । सब विधि अगहु अगाध दुराऊ ॥
निज प्रतिबिंबु बरकु ! गहि जाई । जानि न जाइ नारिगति भाई ॥

दोहा

काह न पावकु जारि सक का न समुद्र समाइ ।
का न करइ अबला प्रबल केहि जग कालु न षाइ ॥

चौपाई

का सुनाइ विधि काह सुनावा । का देषाइ चह काह देषावा ॥
एक कहहिं भल भूप न कीन्हा । बरु विचारि नहिं कुमतिहि दीन्हा ॥
जो हठि भयेउ सकल दुषभाजनु । अबलाविवस ग्यानु गुनु गा जनु ॥
एक धरमपरमिति पहिचानै । नृपहि दोसु नहिं देखिं सयानै ॥
सिविदधीच हरिचंद कहानी । एक एक सन कहहिं बषानी ॥
एक भरत कर संमत कहहीं । एक उदासभाय सुनि रहहीं ॥
कान मूँदि कर रद गहि जीहा । एक कहहिं यह बात अलीहा ॥
सुकुत जाहिं अस कहत तुम्हारै । राम भरत कहुं प्रान पियारै ॥

दोहा

चंडु चवइ बरु अनलकन सुधा होइ बिषतूल ।

सपनेहुं कबहुं न करहिं किलु भरतु रामप्रतिकूल ॥

चौपाई

एक बिधातहि दूषन देहीं। सुधा देषाइ दीन्ह बिषु जेहीं ॥
परमरु नगर सोचु सव काहू। दुसह दाहु उर मिटा उछाहू ॥
बिप्रवधू कुलमान्य जठेरी। जे प्रिय परम कैकई करी ॥
लगीं देन सिष सीलु सराही। बचन वान सम लागहिं ताही ॥
भरतु न मोहिं प्रिय राम समाना। सदा कहहु येहुं सबु जगुजाना ॥
करहु राम पर सहज सनेहू। केहि अपराध आहु वनु देखू ॥
कबहुं न किएहु सवतिआरेखू। प्रीति प्रतीति जान सबु देखू ॥
कौसल्या अब काह बिगारा। तुम्ह जेहि लागि बज्र पुर पारा ॥

दोहा

सीय कि पिय संगु परिहरिहि लषनु कि रहिहहिं धाम ।
राजु कि भूंजव भरत पुर नृपु कि जिइहि बिनु राम ॥

चौपाई

अस बिचारि उर छाडहु कोट्ट। सोककलंककोठि जनि होहू ॥
भरतहिं अवसि देहु जुवराजू। कानन कह राम कर काजू ॥
नाहिन रामु राजके भूषे। धरमधुरीन विषयरस रूपे ॥
गुरुगृह बसहुं रामु तजि गेहू। नृपसन अस वर दूसर लेहू ॥
जौ नहि लगिहहु कहैं हमारैं। नहिं लागिहि कछु हाथ तुम्हारैं ॥
जौ परिहास कीन्हि कछु होई। तौ कहि प्रगट जनावहु सोई ॥
रामसरिस सुत काननजोगू। काह कहिहि सुनि तुम्ह कहुं लोगू ॥
उठहु बेगि सोई करहु उपाई। जेहि बिधि सोकु कलंकु नसाई ॥

छंद

जेहि भांति सोकु कलंकु जाइ उपाय करि कुल पालही ।
हठि फेर रामहिं जात बन जनि बात दूसरि चालही ॥
जिमि भानु बिनु दिनु प्रान बिनु तनु चंदु बिनु जिमि जामिनी ।
तिमि अवध तुलसीदासप्रभु बिनु समझि धौं जिय मामिनी ॥

सौरठा

सबिन्ह सिपावनु दीन्ह सुनत मधुर परिनामहित ।

तेइ कछु कान न कीन्ह कुटिल प्रबोधी कूबरी ॥

चौपाई

उतरु न देइ दुसह रिस रूपी । मृगिन्ह चितव जनु वाधिनि भूषी ॥
व्याधि असाधि जानि तिन्ह त्यागी । चली कहत मतिमंद अभागी ॥
राजु करत येह देंअं बिगोई । कीन्हेसि अस जस करइ न कोई ॥
एहिविधि बिलपहिं पुरनरनारी । देहिं कुचाजिहिं कोटिक गारी ॥
जरहिं विषमजर लेहिं उसासा । कवनि राम विनुजीवन आसा ॥
बिपुल वियोग प्रजा अकुलानी । जनु जलचरगन सूपत पानी ॥
अति विपाद बस लोग लोगार्ह । गये मातुपहिं रामु गोसांई ॥
मुषुप्रसन्न चित चौगुन चाऊ । मिटा सोखु जनि राषइ राऊ ॥

दोहा

नव गयंदु रघुबीरमनु राजु अलान समान ।

छूट जानि बनगवनु सुनि उर अनंदु अधिकान ॥

चौपाई

रघुकुलतिलक जोरि दोउ हाथा । मुदित मातुपद नायेउ माथा ॥
दीन्हि असीस लाइ उरलीन्हे । भूषनबसन निछावरि कीन्हे ॥
बारबार मुष चुंबति माता । नयननेह जनु पुलकित गाता ॥
गोद राषि पुनि हृदय लगाये । श्रवत प्रेमरस पयद सुहाए ॥
प्रेमुप्रमोदु न कछु कहि जाई । रंक धनदपदवी जनु पाई ॥
सादर सुंदरबदनु निहारी । बोली मधुखचन महतारी ॥
कहहु तात जननी बलिहारी । कबहिं लगन मुदमंगलकारी ॥
सुकुन सील सुषसीव सुहाई । जनमलाभ कह अवधि अघाई ॥

दोहा

जेहि चाहत नरनारि सब अति आरत एहि भांति ।

जिमि चातक चातकि त्रिषित वृष्टि सरदरितुखाति ॥

चौपाई

तात जाउं बलि वेगि नहाह । जो मनभाव मधुर कछु षाह ॥
 पितुसमीप तब जायेहु भैया । भइ बडि बार जाइ बलि मैआ ॥
 मातुबचन सुनि अतिअनुकूता । जनु सनेहसुरतर के फूला ॥
 सुषमकरंद भरे अियमूला । निरषि राममनभवंर न भूला ॥
 धरमधुरीन धरमगति जानी । कहेउ मातु सन अनि मृदु बानी ॥
 पिता दीन्ह मोहि काननराजू । जह सब भाँति मोर बड काजू ॥
 आयेसु देहि मुदितमन माता । जँहि मुदमंगल कानन जाता ॥
 जनि सनेह बस डरपसि भोरे । आतंदु अंब अनुग्रह तोरें ॥

दोहा

वरष चारिदस बिपिन वसि करि पितुबचन प्रमान ।
 आइ पाय पुनि देषिहौं मन जनि करसि मलान ॥

चौपाई

बचन विनीत मधुर रघुबर के । सर सम लगे मातुउर करके ॥
 सहमि सूषि सुनि सीतलि बानी । जिमि जवास परे पावस पानी ॥
 कहि न जाइ कछु हृदय बिषादू । मनहुं मृगी सुनि केहरिनादू ॥
 नयन सजल तन थरथर कांपी । मांजहि षाइ मीन जनु मांपी ॥
 धरि धीरजु सुतबदनु निहारी । गदगद बचन कहति महतारी ॥
 तात पितहि तुम्ह प्रानपियारे । देषि मुदित नित चरित तुम्हारे ॥
 राजु देन कहुं सुभ दिन साधा । कहेउ जान बन केहि अपराधा ॥
 तात सुनावहु मोहि निदानू । को दिनकरकुल भयउ कसानू ॥

दोहा

निरषि रामरुष सचिवसुत कारन कहेउ बुझाइ ।
 सुनि प्रसंगु रहि मूक जिमि दसा बरनि नहिं जाइ ॥

चौपाई

राषि न सकइ न कहि सक जाह । दुहं भाँति उर दारुन दाह ॥
 लिषत सुधाकर गा लिषि राह । बिधिगति वाम सदा सब काह ॥
 धरम सनेह उभय मति घेरी । भइ गति सांप छुछुदरि केरी ॥

रापों सुनहि करों अजुगोधू । धरमु जाइ अरु बंधु विरोधू ॥
 कहौ जान बन तौ बडि हानी । संकट सोच बिबस भइ रानी ॥
 बहुरि समुझि तियवरमु सयानी । रामु भरतु दोउ सुत समजानी ॥
 सरल सुभाउ राममहतारी । बोली वचन धीरधरि भारी ॥
 तात जाउँ बलि कीन्हेउ नीका । पितु आयेसु सब धरम क टीका ॥

दोहा

राजुदेन कहि दीन्ह बन मोहि न सो दुषलेसु ।

तुम्ह विन भरतहि भूपतहि प्रजहि प्रचड कलेसु ॥

चौपाई

जौं केवल पितुआयेसु ताता । तौ जनि जाहु जानि बडि माता ॥
 जौं पितु मातु कहेउ बन जाना । तौ कानन सत अवध समाना ॥
 पितु बनदेव मातु बनदेवी । षग मृग चरनसरोरुहसेवी ॥
 अंतहुं उचित नृपहि बनवासू । बय बिलोकि हियं होइ हरांसू ॥
 बडभागी बन अवध अभागी । जो रघुबशतिलक तुम्ह त्यागी ॥
 जौं सुत कहौ संग मोहि लेहू । तुम्हरैं हृदय होइ संदेहू ॥
 पूत परमप्रिय तुम्ह सबही के । प्रान प्रान के जीवन जीके ॥
 ते तुम्ह कहहु मातु बन जाऊं । मै सुनि वचन बैठि पछिताऊं ॥

दोहा

एह बिचारि नहिं करउं हठ भूठ सनेहु बढाइ ।

मानि मातु कर नात बलि सुरति बिसरि जनि जाइ ॥

चौपाई

देव पितर सब तुम्हहिं गोसाईं । रापहु पलकनयन की नाई ॥
 अवधि अंबु प्रिय परिजन मीना । तुम्ह करुनाकर धरमधुरीना ॥
 अस बिचारि सोइ करहु उपाई । सबहि जिअत जेहि भेंटहु आई ॥
 जाहु सुषेन बनहिं बलि जाऊं । करि अनाथ जन परिजन गाऊं ॥
 सबकर आज सुकलफल बीता । भयेउ करालु कालु बिपरीता ॥
 बहु बिधि बिलपि चरन लपटानी । परम अभागिनि आपुहि जानी ॥
 दारुन दुसह दाहु उर व्यापा । बरनि न जाहिं बिलापकलाप ॥

राम उठाइ मातु उर लाई । कहि मृदुबचन बहुरि समझाई ॥

दोहा

समाचार तेहि समय सुनि सीय उठी अकुलाइ ।

जाइ सासुपद कमलजुग बदि बैठि सिरु नाइ ॥

चौपाई

दीन्ह असीस सासु मृदुबानी । अति सुकुमारि देषि अकुलानी ॥
बैठि नमित मुष सोचति सीता । रूपरासि पतिप्रेमपुनीता ॥
चलन चहत बन जीवननाथू । केहि सुकृती सन होइहि साथू ॥
की तनु प्रान कि केवल प्राना । विधिकरतबु बलु जाइ न जाना ॥
चारु चरननष लेषति धरनी । नृपुर मुषर मधुर कवि बरनी ॥
मनहुं प्रेमबस विनती करहीं । हमहिं सोयपद जनि परिहरहीं ॥
मंजु बिलोचन मोचति बारी । बोली देषि राममहतारी ॥
तात सुनहुं सिय अति सुकुमारी । सासु ससुर परिजनहिं पियारी ॥

दोहा

पिता जनक भूपालमनि ससुर भानुकुलभानु ।

पति रविकुल कैरव बिपनविधु गुनरूपनिधानु ॥

चौपाई

मैं पुनि पुत्रबधू प्रिय पाई । रूपरासि गुनसील सुहाई ॥
नयनपुतरि करि प्रीति बढाई । राषेउं प्रान जानकिहिं लाई ॥
कलपबेलि जिमि बहु विधि लाली । सीचि सनेहसलिल प्रतिपाली ॥
फूलत फलत भयेउ विधि बामा । जानि न जाइ काह परिनामा ॥
फलंगर्पाठ तजि गोद हिंडोरा । सिय न दीन्ह पगु अवनि कठोरा ॥
जिअनमूरि जिमि जोगवत रहऊं । दीपवाति नहि टारन कहऊं ॥
सोइ सिय चलन चहति बन साथी । आयेसु काह होइ रघुनाथा ॥
चंदकिरन रस रसिक चकोरी । रविरुष नयन सकै किमि जोरी ॥

दोहा

करि केहरि निसिचर चरहिं दुष्ट जंतु बन भूरि ।

बिषबाटिका कि सोह सुत सुभग सजीवनिमूरि ॥

चौपाई

बनहित कोल किरातकिसोरी । रची बिरंभि बिषय सुष भोरी ॥
 पाहन कृमि जिमि कठिन सुभाऊ । तिन्हहिं कलेसु न कानन काऊ ॥
 कै तापसतिय काननजोगू । जिन्ह तपहेतु तजा सब भोगू ॥
 सिय बनबसिहि तात केहि भांती । चित्रलिषित कपि देषि डेराती ॥
 सुरसर सुभग बनजबन चारी । डाबर जोगु कि हंसकुमारी ॥
 अस बिचारि । जस आयेसु होई । मै सिष देउं जानकिहि सोई ॥
 जौ सिय भवन रहई कह अंबा । मोहि कहं होई बहुत अवलंबा ॥
 सुनि रघुवीर मातुप्रियबानी । सील सनेह सुधाजनु सानी ॥

दोहा

कहि प्रियबचन बिबेकमय कीन्हि मातुपरितोष ।
 लगे प्रबोधन जानकिहि प्रगटि बिपिन गुनदोष ॥

चौपाई

मातुसमीप कहत सकुचाहीं । बोले समउ समुझि मन माहीं ॥
 राजकुमारि सिषावनु सुनहुं । आन भांति जियं जनि कछु गुनहुं ॥
 आपन मोर नीक जौ चहहू । बचनु हमार मानि गृह रहहू ॥
 आयसु मोर सासुसेवकाई । सब बिधि भामिनि भवन भलाई ॥
 पहिते अधिकु धरमु नहि दूजा । सादर सासुससुरपद पूजा ॥
 जब जब मातु करिहि सुधि मोरी । होइहि प्रेमबिकल मति भोरी ॥
 तब तब तुम्ह कहि कथा पुरानी । सुंदरि समुझायेहु मृदु बानी ॥
 कहाँ सुभाय सपथ सत मोही । सुमुषि मातुहित राषों तोही ॥

दोहा

गुरभ्रुतिसंमत धरमफलु पाइअ विनहिं कलेस ।
 हठबस सब संकट सहे गालव नहुष नरेस ॥

चौपाई

मैं पुनि करि प्रवान पितुबानी । बेगि फिरब सुनु सुमुषि सयानी ॥
 दिवस जात नहिं लागिहि वारा । सुंदरि सिषवनु सुनहुं हमारा ॥
 जौ हठ करहु प्रेमबस बामा । तौ तुम्ह दुषु पाउब परिनामा ॥

काननं कठिन भयंकर भारी । घोर घासु हिम बारि बयारी ॥
 कुस कंटक मग कांकर नाना । चलव पयादेहि बिनु पदत्राना ॥
 चरनकमल मृदु मंजु तुम्हारे । मारग अगम भूमिधर भारे ॥
 कंदर पोह नदी नद नारे । अगम अगाध न जाहिं निहारे ॥
 भालु बाध वृक केहरि नागा । करहिं नाद सुनि धीरजु भागा ॥

दोहा

भूमिसयन बलकलवसन असनु कंद फल मूल ।
 ते कि सदा सव दिन मिलहिं सबुइ समय अनुकूल ॥

चौपाई

नरअहार रजनीचर चरहीं । कपटवेष विधि कोटिक करहीं ॥
 लागइ अति पहार कर पानी । बिपिन बिपति नहिं जाइ बयानी ॥
 घ्याल कराल बिहंग बन घोरा । निसिचरनिकर नारिनरचोरा ॥
 डरपहिं धीर गहन सुधि आपं । मृगलोचनि तुम्ह भीरु सुभापं ॥
 हंसगवनि तुम्ह नहि बनजोगू । सुनि अपजसु मोहि देइहि लोगू ॥
 मानससलिलसुधा प्रतिपाली । जिअइ कि लवनपयोधि मराली ॥
 नवरसालबन बिहरनसोला । सोह कि कोकिल बिपिन करोला ॥
 रहहु भवन अस हृदय बिचारी । चदबदनि दुषु कानन भारी ॥

दोहा

सहज सुहृद गुर स्वामि सिष जो न करइ सिर मानि ।
 सो पछिताइ अघाइ उर अवसि होइ हितहानि ॥

चौपाई

सुनि मृदुबचन मनोहर पिअके । लोचन ललित भरे जल सियके ॥
 सीतल सिष दाहक भइ कैसैं । चक्रइहि सरदचंदनिसि जैसैं ॥
 उतरु न आव बिकल बैदेही । तजन चहत सुचि स्वामि सनेही ॥
 बरबस रोकि बिलोचनबारी । धरि धीरजु उर अवनिकुमारी ॥
 लागि सासुपग कह कर जोरी । छुमबि देवि बडि अबिनय मोरी ॥
 दोन्हि प्रानगति मो हे सिष साई । जेहि विधि मोर परम हित होई ॥
 मैं पुनि समुझि दीषि मन माही । पियबियोग सम दुषु जग नाहीं ॥

दोहा

प्राननाथ करुनायतन सुंदर सुषद सुजान ।
तुम्ह बिनु रघुकुलकुमुदबिधु सुरपुर नरक समान ॥

चोपाई

मातु पिता भगिनी प्रिय भाई । प्रिय परिवार सुहृदसमुदाई ॥
सासु ससुर गुर सजन सहार्ई । सुत सुंदर सुसील सुषदाई ॥
जहं लगि नाथ नेह अरु नातैं । पियबिनु तियहि तरनिहुं ते ताते ॥
तनु धनु धामु धरनि पुरराजू । पतिबिहीन सबु सोक समाजू ॥
भोग रोग सम भूषन भारू । जम जातना सरिस संसारू ॥
प्राननाथ तुम्ह बिनु जग माहीं । मोकहुं सुषद कतहुं कछु नाहीं ॥
जिय बिनु देह नदी बिनु बारी । तैसिअ नाथ पुरषबिनु नारी ॥
नाथ सकल सुष साथ तुम्हारैं । सरदबिमलबिधु बदनु निहारैं ॥

दोहा

षग मृग परिजन नगरु वनु बलकल बिमल दुकूल ।
नाथसाथ सुरसदन सम परनसाल सुषमूल ॥

चोपाई

बनदेवी बनदेव उदारा । करिहहिं सासु ससुर समसारा ॥
कुस किसलय साथरी सुहाई । प्रभुसंग मंजु मनोज तुराई ॥
कंद मूल फल अमिअ अहारू । अवधसौंध सत सरिस पहारू ॥
छिनु छिनु प्रभुपदकमल बिलोकी । रहिहौं मुदित दिवसि जिमि कोकी ॥
बन दुष नाथ कहे बहुतेरे । भय बिषाद परिताप घनेरे ॥
प्रभुवियोग लव लेस समाना । सब मिलि होहि न कृपानिधाना ॥
अस जिय जानि सुजानसिरोमनि । लेइअ संग मोहि ॥छाडिअ जनि ॥
बिनती बहुत करौं का स्वामी । करुनामय उरअंतरजामी ॥

दोहा

राषिअ अवध जौ अवधि लगि रहत न जानिअ प्रान ।
दीनबंधु सुंदर सुषद सोलसनेहनिधान ॥

चौपाई

मोहि मग चलत न होइहि हारी । छिनुछिनु चरनसरोज निहारी ॥
 सबहि भांति पियसेवा करिहौं । मारगजनिन सकल श्रम हरिहौं ॥
 पाय पगारि बैठि तरु छाहीं । करिहौं बाउ मुदित मन माहीं ॥
 श्रमकनसहित स्यामतनु देखें । कहं दुष समउ प्रानपति पेखें ॥
 सम महि तृन तरुपल्लव डासी । पाय पलोटिहि सब निसि दासी ॥
 बारबार मृदु मूरति जोही । लागिहि ताति बयारि न मोही ॥
 को प्रभु संग मोहि चितवनिहारा । सिंगवधुहिं जिमि ससक सियारा ॥
 मैं सुकुमारि नाथ बनजोगू । तुम्हहिं उचित तप मो कहूं भोगू ॥

दोहा

अैसेउ वचन कठोर सुनि जौं न हृदय बिलगान ।
 तौ प्रभु विषम बियोगदुख सहिहहिं पावँर प्रान ॥

चौपाई

अस कहि सीय बिकल भइ भारी । वचन बियोगु न सकी संभारी ॥
 देखि दसा रघुपति जिय जाना । हठि राखे नहि राखिहि प्राणा ॥
 कहेउ कृपाल भानुकुलनाथा । परिहरि सोचु चलहु बन साथा ॥
 नहिं विषाद कर अवसरु आजू । बेगि करहु बनगवन समाजू ॥
 कहि प्रिय वचन प्रिया समुझाई । लगे मातुपद आसिष पाई ॥
 बेगि प्रजादुष मेटव आई । जननी निकुर बिसरि जनि जाई ॥
 फिरिहि दसा बिधि बहुरि कि मोरी । देखिहौं नयन मनोहर जोरी ॥
 सुदिनु सुधरी तात कब होइहि । जननी जिअन बदनबिधु जोइहि ॥

दोहा

बहुरि बछ कहि लालु कहि रघुपति रघुवर तात ।
 कबहिं बोलाइ लगाइ हियं हरपि निरषिहौं गात ॥

चौपाई

लषि सनेहकातरि महतारी । वचनु न आव बिकल भइ भारी ॥
 राम प्रबोधु कीन्ह बिधि नाना । समउ सनेहु न जाइ बषाना ॥
 तब जानकी सासुपग लागी । सुनिय माय मैं परम अभागी ॥

सेवासमय दैश्र बन दीन्हा । मोर मनोरथ सफल न कीन्हा ॥
 तजब छोभु जनि छाडिअ छोड्हा । करमु कठिग कछु दोसु न मोह्हा ॥
 सुनि सियवचन सासु अकुनानी । दसा कवनि विधि कहौ बपानी ॥
 बारहिं बार लाइ उर लीन्ही । धरि धीरजु सिष आसिष दीन्ही ॥
 अचल होउ अहिवातु तुम्हारा । जब लगि गग जमुन जलधारा ॥

दोहा

सीतहिं सासु असीस सिष दीन्ह अनेक प्रकार ।

चली नाइ पदपदुम सिरु अतिहित बारहिं बार ॥

चौपाई

समाचार जब लछिमन पाये । व्याकुल बिलषि बदन उठि धाये ॥
 कंप पुलक तन नयन सनीरा । गहे चरन अतिप्रेम अधीरा ॥
 कहि न सकत कछु चितवत ठाढे । मीनु दीनु जनु जलतैं काढे ॥
 सोचु हृदय विधि का होनिहारा । सब सुषु सुकृनु सिरान हमोरा ॥
 मो कहुं काह कहब रघुनाथा । रषिहहिं भवन कि लेहहिं साथा ॥
 राम बिलोकि बंधु कर जोरैं । देह गेह सब सन तनु तोरे ॥
 बोले बचनु राम नयनागर । सील सनेह सरल सुषसागर ॥
 तात प्रेमबस जनि कदराहू । समुकिं हृदयं परिनाम उछाहू ॥

दोहा

मातु पिता गुरु स्वामि सिष सिरधरि करहिं सुभायं ।

लहेउ लाभु तिन्ह जनम कर न तरु जनमु जग जायं ॥

चौपाई

अस जियं जानि सुनहु सिष भाई । करहु मातुपितुपद सेवकाई ॥
 भवन भरतु रिपुमूदन नाहीं । राउ वृद्ध मम दुष मन माहीं ॥
 मै बन जाउं तुम्हहिं लेइ साथा । होइ सबहि बिधि अवध अनाथा ॥
 गुरु पितु मातु प्रजा परिवारू । सब कहुं परइ दुसइ दुषभारू ॥
 रहहु करहु सबकर परितोषू । न तरु तात होइहि बड दोषू ॥
 जासु राज प्रिय प्रजा दुषारी । सो नृप अवसि नरकअधिकारी ॥
 रहहु तात असि नीति बिचारी । सुनत लषनु भये व्याकुल भारी ॥

सिगरे वचन सूषि गये कैसें । परसत तुहिन तामरसु जैसें ॥

दोहा

उनरु न आवत प्रेम बस गहे चरन अकुलाइ ।

नाथ दासु मईं स्वामि तुम्ह तजहु न कहा बसाइ ॥

चौपाई

दीन्हि मोहि सिय नीकि गोनाई । लागि अगम अपनी कदराई ॥

नरबर धीर धरमुधुरधारी । निगम नीति कहुं ते अधिकारी ॥

मैं सिसु प्रभुसनेहप्रतिपाला । मंदरु मेरु कि लेहि मराला ॥

गुर पितु मातु न जानउं काहू । कहउं सुभाउ नाथ पतिआहू ॥

जहं लगि जगत सनेह सगाई । प्रीति प्रतीति निगम निजुगाई ॥

मोरें सबइ एक तुम्ह स्वामी । दीन बंधु उरअंतरजामी ॥

धरम नीति उपदेसिअ ताही । कीरति भूति सुगति प्रिय जाही ॥

मन क्रम वचन चरनरत होई । कृपासिंधु परिहरिअ कि सोई ॥

दोहा

करुनासिंधु सुबंधु के सुनि मृदुवचन विनीत ।

समुभाए उर लाइ प्रभु जानि सनेह समीत ॥

चौपाई

मांगहु बिदा मातु सन जाई । ग्रावहु बेगि चलहु बन भाई ॥

मुदित भये सुनि रघुवरुवानी । भयेउ लाभ बड गइ बडि हानी ॥

हरषित हृदय मातु पहिं आए । मनहुं अंध फिरि लोचन पाए ॥

जाइ जननिपग नायेउ माथा । मनु रघुनंदन जानकि साथी ॥

पूछे मातु मलिन मन देखी । लषन कही सब कथा बिसेषी ॥

गई सहमि सुनि वचन कठोरा । मृगी देषि दव जनु चहुं ओरा ॥

लषन लषेउ भा अनरथ आजू । पहिं सनेहबस ! करब अकाजू ॥

मांगत बिदा सभय सकुचाहीं । जाइ संग बिधि कहिहि कि नाहीं ॥

दोहा

समुक्ति सुमित्रा राम सिय रूपु सुसीलु सुभाउ ।

नृप सनेह लषि धुनेउ सिरु पापिनि दीन्ह कुदाउ ॥

चौपाई

धीरजु धरेउ कुअवसर जानी । सहज सुहृद बोली मृदु बानी ॥
 तात तुम्हारि मातु वैदेही । पिता रामु सब भांति सनेही ॥
 अवय तहां जहं रामनिवासू । तहई दिवसु जहं भानु प्रकासू ॥
 जौपै सीय रामु बन जाहीं । अवध तुम्हार काजु कछु नाहीं ॥
 गुर पितु मातु वंधु सुर साई । सेइअहिं सकल प्रानकी नाई ॥
 रामु प्रानप्रिय जीवन जीके । स्वारथ रहित सषा सबही के ॥
 पूजनीय प्रिय परम जहां तैं । सब मानिअहिं रामके नातैं ॥
 असु जिय जानि सग बन जाहू । लेहु तात जग जीवनलाहू ॥

दोहा

भूरि भाग भाजनु भयेहु मोहि समेत बलि जाउं ।
 जौ तुम्हरें मन छांडि छलु कीन्ह रामपद ठाउं ॥

चौपाई

पुत्रवती जुवती जग सोई । रघुपतिभगतु जासु सुतु होई ॥
 नतर बांझ भलि वादि बिआनी । रामबिमुख सुततैं हित जानी ॥
 तुम्हरेहि भाग रामु बन जाहीं । दूसर हेतु तात कछु नाहीं ॥
 सकल सुकृत कर बडफल एहू । रामसीयपद सहज सनेहू ॥
 रागु रोषु इरिषा मदु मोहू । जनि सपनेहुं इन्हके बस होहू ॥
 सकल प्रकार विकार बिहाई । मन क्रम वचन करेहु सेवकाई ॥
 तुम्ह कहुं बन सब भांति सुपासू । संग पितु मातु रामु सिय जासू ॥
 जेहि न रामु बन । लहहिं कलेसू । सुत सोइ करेहु इहइ उपदेसू ॥

छंद

उपदेसु येहु जेहि तात तुम्हरें रामु सिय सुष पावहीं ।
 पितु मातु प्रिय परिवार पुर सुष सुरति बन बिसरावहीं ॥
 तुलसी प्रभुहिं सिष देइ आयसु दीन्ह पुनि आसिष दई ।
 रति होउ अबरिल अमल सियरघुबीरपद नित नित नई ॥

सोरठ

मातुचरन सिरु नाइ चले तुरत संकित हृदय ।

चांगुर विषम तोराइ मनहुं भाग मृगु भाग वस ॥

चौपाई

गये लषनु जहं जानकिनाथू । भे मनमुदित पाइ प्रिय साथू ॥
 बंदि रामसियचरन सुहाए । चले संग नृपमंदिर आए ॥
 कहहिं परसपर पुरनरनारी । भलि बनाइ विधि बात बिगारी ॥
 तन कस मन दुषु बदन मलीने । विकल मनहुं माषी मधु छीनें ॥
 कर मीजहिं सिरु धुनि पछिताहीं । जनु बिनु पत्र बिहग अकुलाही ॥
 भइ बडि भीर भूपदरबारा । बरनि न जाइ विषादु अपारा ॥
 सचिव उठाइ राउ वैठारे । कहि प्रिय वचन रामु पगुधारे ॥
 सिय समेत दोउ तनय निहारी । ब्याकुल भएउ भूमिपति भारी ॥

दाहा

सीय सहित सुत सुभग दोउ देषि देषि अकुलाइ ।
 बारहि बार सनेह बस राउ लेइ उर लाइ ॥

चौपाई

सकइ न बोलि विकल नरनाहू । सोकजनित उर दारुन दाहू ॥
 नाइ सीसु पद अति अनुरागा । उठि रघुवीर बिदा तब मांगा ॥
 पितु असीसु आयसु मोहि दीजै । हरष समय विसमउ कत कीजै ॥
 तात किये प्रियप्रेमप्रमादू । जसु जग जाइ होइ अपवादू ॥
 सुनि सनेह बस उठि नरनाहां । बैठारे रघुपति गहि बाहां ॥
 सुनहु तात तुम्ह कहुं मुनि कहहीं । राम चराचरनायक अहंहीं ॥
 सुभ अरु असुभ करम अनुहारी । ईसु देइ फलु हृदय बिचारी ॥
 करइ जो करम पाव फल सोई । निगम नीति असि कह सबु कोई ॥

दोहा

और करै अपराधु कोउ और पाव फल भोगु ।
 अतिविचित्र भगवतगति को जग जानइजोगु ॥

चौपाई

राय - रामराषन हित लागी । बहुत उपाय किये छलु त्यागी ॥
 लषी रामरुष रहत न जाने । धरमधुरंधर धीर सयाने ॥

तब नृप सीय लाइ उर लीन्ही । अनिहित बहुतम ति सिष दीन्ही ॥
 कहि बन के दुष दुसह सुनाए । साजु ससुर पितु सुष समभाये ॥
 सियमनु रामचरन अनुरागा । घरु न सुगमु बन विषमु न लागा ॥
 औरउ सबहि सीय समुभाई । कहि कहि बिपिनबिपति अघिकाई ॥
 सचिवनारि गुरनारि सयानो । सहित सनेह कहहि मृदु बानी ॥
 तुम्ह कहुं तौ न दीन्ह बनवासू । करहु जो कहहि ससुर गुर सासू ॥

दोहा

सिप सीतलि हित मधुर मृदु सुनि सीतहि न सोहानि ।
 सरदचंदवदनि लगत जनु चकई अकुलानि ॥

चौपाई

सीय सकुच बस उतर न देई । सो सुनि तमकि उठी कैकेई ॥
 मुनिपट भूषन भाजन आनी । आगे धरि बोली मृदु बानी ॥
 नृपहि प्रानप्रिय तुम्ह रघुबीरा । सील सनेह न छाडिहि भीरा ॥
 सुकृत सुजसु परलोकु नसाऊ । तुम्हहि जान बन कहिहि न काऊ ॥
 अस विचारि सोइ करहु जो भावा । राम जननिसिष सुनि सुप पावा ॥
 भूपहि बचन वान सम लागे । कहहि न प्रान पयान अभागे ॥
 लोग बिकल मुरुझित नरनाहू । काह करिय कछु सूझ न काहू ॥
 राम तुरत मुनिबेषु बनाई । चले जनक जननी सिरु नाई ॥

दोहा

सजि बनि साजु समाजु सब बनिता बंधु समेत ।
 बंदि बिप्र गुरचरन प्रभु चले करि सबहि अचेत ॥

चौपाई

निकसि बसिष्ठद्वार भये ठाढे । देखे लोग बिरहदवदढे ॥
 कहि प्रिय बचन सकल समुभाए । बिप्रबुंद । रघुबीर बोलाए ॥
 गुरसन कहि बरषासन दीन्हे । आदर दान बिनय बस कीन्हे ॥
 जाचक दान मान संतोषे । मीत पुनीत प्रेम परितोषे ॥
 दासी दास बोलाइ बहोरी । गुरहि सौं पि बोले कर जोरी ॥
 सबकै सार संभार गोसाई । करबि जनक जननी की नाई ॥

बारहि बार जोरि जुग पानी । कहत रामु सब सन मृदु बानी ॥
सोइ सब भांति मोर हितकारी । जेहिते रहइ भुआल सुपारी ॥

दोहा

मातु सकल मोरें बिरहं जेहि न होइ दुषदीन ।
सोइ उपाउ तुम्ह करेहु सब पुरजन परम प्रवीन ॥

चौपाई

एहि बिधि राम सबहि समुभावा । गुरपदपदुम हरषि सिरु नावा ॥
गनपति गौरि गिरीसु मनाई । चले असीस पाइ रघुराई ॥
रामु चलत अति भएउ बिपादू । सुनि न जाइ पुर आरत नादू ॥
कुसगुन लंक अवध अति सोकू । हरष बिषाद बिबस सुरलोकू ॥
गइ मुरुछा तव भूपति जागे । बोलि सुमंत्रु कहन अस लागे ॥
रामु चले बन प्रान न जाहीं । केहि सुप लागि रहत तन माहीं ॥
एहि ते कवन व्यथा बलवाना । जो दुषु पाइ तजिहि तनु प्राना ॥
पुनि धरि धीर कहै नरनाह । लै रथु संग सषा तुम्ह जाह ॥

दोहा

सुठि सुकुमार कुमार दोउ जनकसुता सुकुमारि ।
रथ चढाइ देपराइ बनु फिरेहु गये दिन चारि ॥

चौपाई

जौ नहि फिरहि धीर दोउ भाई । सत्यसंध दृढव्रत रघुराई ॥
तौ तुम्ह बिनय करेहु कर जोरी । फेरिअ प्रभु मिथिले तकि सोरी ॥
जब सिय कानन देषि डेराई । कहेहु मोरि सिष अवसरु पाई ॥
सासु ससुर अस कहेउ संदेसू । पुत्रि फिरिअ बन बहुत कलेसू ॥
पितुगृह कबहुं कबहुं ससुरारी । रहेहु जहां रुचि होइ तुम्हारी ॥
एहि बिधि करेहु उपाय कदवा । फिरइ त होइ प्रान अवलंबा ॥
नाहि त मोर मरनु परिनामा । कछु न बसाइ भये बिधि बामा ॥
अस कहि मुरुछि परा महि राज । राम लपनु सिय आनि देषाऊ ॥

दोहा

पाइ रजायसु नाइ सिरु रथु अति बेग बनाइ ।

गयेउ जहां बाहेर नगर सीय सहित दोउ भाई ॥

चौपाई

तैब सुमंत्र नृपबन्धन सुनाए । करि बिनती रथ रामु चढाये ॥
चढि रथ सीय सहित दोउ भाई । चले हृदय अवधहि सिरु नाई ॥
चलत रामु लषि अवध अनाथा । बिकल लोग सब लागे साथी ॥
कुमसिंधु बहु विधि सपुष्पावहि । फिरहि प्रेमबस पुनि फिरि आवहि ॥
लागति अवध भयावनि भारी । मानहुं कालरात अंधियारी ॥
घोर जंतु सम पुरनरनारी । डरपहि एकहि एक निहारो ॥
घर मसान परिजन जनु भूता । सुतहित मीत मनहु जम दूता ॥
बागन्ह बिटप बेलि कुम्हिलाहीं । सरित सरोवर देखि न जाहीं ॥

दोहा

हय गय कोटिन्ह केलि मृग पुरपसु चातक मोर ।

पिक रथांग सुक सारिका सारस हंस चकोर ॥

चौपाई

रामबियोग बिकल सब ठाढे । जहं तहं मनहुं चित्र लिपि काढे ॥
नगर सफल बन गहवर भारी । खग मृग बिपुल सकल नरनारी ॥
बिधि कैकई किरातिनि कीन्ही । जेहि दब दुसह दसहुं दिसि दीन्ही ॥
सहि न सके रघुबरबिरहागी । चले लोग सब व्याकुल भागी ॥
सबहिं बिचार कीन्ह मन माहीं । राम लपन सिय बिनु सुषु नाहीं ॥
जहां रामु तहं सबुइ समाजू । बिनु रघुबीर अवध नहिं काजू ॥
चले साथ अस मंत्रु हढाई । सुरदुर्लभसुख सदन बिहाई ॥
रामचरनपंकज प्रिय जिन्हहीं । विषय भोग बस करहिं कि तिन्हहीं ॥

दोहा

बालक बृद्ध बिहाय गृह लगे लोग सब साथ ।

तमसातीर निवासु किय प्रथम दिवस रघुनाथ ॥

चौपाई

रघुपति प्रजा प्रेमबस देखी । सद्य हृदय दुषु भएउ बिसेषी ॥
करुनामय रघुनाथ गोसाई । बेगि पाइअहि पीर पराई ॥

कहि सप्रेम मृदु वचन सुहाए । बडु बिधि राम लोग समुझाए ॥
 किए धरमउपदेश घनेरे । लोग प्रेमबस फिरहि न फेरे ॥
 सील सनेहु छाडि नहि जाई । असमंजस बस भे रघुराई ॥
 लोग सोग भ्रमबस गए सोई । कछुक देवमाया मति मोई ॥
 जबहिं जाम जुग जामिनि बीती । राम सचिव सन कहेउ सप्रीती ॥
 पोज मारि रथु हांकहु ताता । आन उपाय बनिहि नहि बाता ॥

दोहा

राम लषणु सिय जान चढि संभुचरन सिरु नाइ ।
 सचिव चलायेउ तुरत रथु इत उन पोज दुराइ ॥

चौपाई

जागे सकल लोग भयें भोरू । गे रघुनाथ भयेउ अति सोरू ॥
 रथकर पोज कतहुं नहि पावहिं । राम राम कहि चहुंदिसि धावहिं ॥
 मनहु वारनिधि बूड जहाजू । भयेउ बिकल बड बतिक समाजू ॥
 एकहि एक देहि उपदेसू । तजे राम हम जानि कलेसू ॥
 निंदहि आपु सराहहि मीना । धिग जीवनु रघुबीरबिहीना ॥
 जौपै प्रिय बियोगु बिधि कीन्हा । तौ कस मरनु न मार्गे कीन्हा ॥
 एहि बिधि करत प्रलापकलापा । आए अवध भरे परितापा ॥
 बिषम बियोगु न जाइ बषाना । अवधिआस सब राषहिं प्राना ॥

दोहा

रामदरस हित नेम व्रत लगे करन नर नारि ।
 मनहु कोक कोकी कमल दीन बिहीनतमारि ॥

चौपाई

सीता सचिव सहित दोउ भाई । खंगबेरपुर पहुँचे जाई ॥
 उतरे राम देवसरि देषो । कीन्ह दंडवत हरषु बिसेषी ॥
 लषण सचिव सिय किये प्रनामा । सबहिं सहित सुषु पायउ रामा ॥
 गंग सकल मुदमंगलमूला । सबसुषकरनि हरनि सब सूला ॥
 कहि कहि कोटिक कथा प्रसंगा । रामु बिलोकहि गंगतरंगा ॥
 सचिवहि अनुजहि प्रियहि सुनाई । बिबुधनदीमहिमा अधिकारि ॥

मज्जनु कीन्ह पंथश्रम गयेऊ । सुचि जलु पिथन मुदित मन भयेऊ ॥
सुमिरत जाहि मिटइ श्रमभारु । तेहिं श्रम येह लौकिक व्यवहारु ॥

दोहा

सुद्ध सच्चिदानंदमयकंद भानुकुलकेतु ।
चरित करत नर अनुहरत संसृतिसागरसेतु ॥

चौपाई

एह सुधि गुह निषाद जब पाई । मुदित लिए प्रिय बंधु बोलाई ॥
लिये फल मूल भेंट भरि भारा । मिलन चलेउ हिय हरषु अपारा ॥
करि दंडवन भेंट धरि आगें । प्रगुहि बिलोकत अति अनुरागे ॥
नाथ कुसल पदपंकज देवे । भएउं भागभात्रनु जन लेपे ॥
देव धरनि धनु धामु तुम्हारा । मैं जनु नोचु सहित परिवारा ॥
कृपा करिअ पुर धारिअ पाऊ । थापिअ जनु सबु लोगु सिहाऊ ॥
कहेहु सत्य सबु सृषा सुजाना । मोहि दीन्ह पितु आयेसु आना ॥

दोहा

बरष चारिदम वासु बन मुनिव्रत वेषु अहारु ।
ग्रामवासु नहिं उचित सुनि गुहहि भएउ दुषभारु ॥

चौपाई

राम लषन सियरूप निहारी । कहहिं सप्रेम ग्रामनरनारी ॥
ते पितु मातु कहहु सपि कैसे । जिन्ह पठए बन बालक औसे ॥
एक कहहिं भल भूपति कीन्हा । लोयनलाहु हमहिं बिधि दीन्हा ॥
तब निषादपति उर अनुमाना । तरु सिंसुपा मनोहर जाना ॥
लौ रघुनाथहिं ठाउं देषावा । कहेउ राम सब भांति सुहावा ॥
पुरजन करि जोहारु घर आये । रघुबर संथा करन सियाए ॥
गुह संवारि साथरी डसाई । कुस किसलय मय मृदुल सुहाई ॥
सुचि फल मूल मधुर मृदु जानी । दोना भरि भरि राखेसि पानी ॥

दोहा

सिय सुमंत्र भ्रातः सहित कंद मूल फल पाइ ।
सयन कीन्ह रघुवंसमनि पाय पलोडत भाइ ॥

चौपाई

उठे लषनु प्रभु सोवत जानी । कहि सचिवहि सोवन मृदु बानी ॥
 कछुक दूरि सजि बान सरासन । जागन लगे बैठि बीरासन ॥
 गुह बुलाइ पाहरू प्रतीती । ठावं ठावं रापे अति प्रीती ॥
 आपु लपन पहि बैठेउ जाई । कटि भायी सर चाप नढाई ॥
 सोवत प्रभुहि निहारि निपादू । भयउ प्रेमवस हृदय विपादू ॥
 तनुपुलकित जलु लोचन बहई । बचन सप्रेम लपन सन कहई ॥
 भूपति भवन सुभाय सुहावा । सुरपति सदन न पटतरआवा ॥
 मनिमयरचित चारु चौबारे । जनु रतिपति निज हाथ संवारे ॥

दोहा

सुचि सुबिचित्र सुभोगमय सुमन सुगंध सुवास ।
 पलंग मंजु मनिदीप जहं सब विधि सकल सुपास ॥

चौपाई

विविध बसन उपधान तुराई । छींफेनमृदु विसद सुहाई ॥
 तहं सिय रामु सयन निसि करहीं । निज छवि रतिमनोजमदु हरहीं ॥
 ते सिय रामु साथरी सोए । श्रमित बसन विनु जाहिं न जोए ॥
 मातु पिता परिजन पुरबासी । सदा सुसील दास अरु दासी ॥
 जोगवहिं जिन्हहिं प्रान की नाई । महि सोवत तेइ राम गोसांई ॥
 पिता जनक जगबिदितप्रभाऊ । ससुर सुरेससपा रघुराऊ ॥
 रामचंदु पति सो बैदेही । सोवत महि विधि बाम न केही ॥
 सिय रघुवीर कि कानन जोगू । करमप्रधान सत्य कह लोगू ॥

दोहा

कैकयनंदिनि मंदमति कठिन कुटिलपनु कीन्ह ।
 जैहि रघुनंदन जानकिहि सुषम्रवसर दुषु दीन्ह ॥

चौपाई

भइ दिनकरकुलबिटपकुठारी । कुमति कीन्ह सब बिख दुषारी ॥
 भयउ बिषाद निषादहि भारी । राम सीय महिसयन निहारी ॥
 बोले लपन मधुर मृदु बानी । ग्यान बिराग भगतिरस सानी ॥

काहु न कोउ सुय दुष कर दाना । निज कृत करम भोग सबु भ्राता ॥
जोग वियोग भोग भल मंदा । हित अनहित मध्यम भ्रम फदा ॥
जनमु मरनु जहं लगि जग जातू । संपति बिपति करमु अह कालू ॥
धरनि धामु धनु पुर परिवरू । सरगु नरकु जहं लगि व्यवहारू ॥
देषिअ सुनिअ गुनिअ मन माहीं । मोहमूल परमार्थु नाही ॥

दोहा

सपने होइ भिपारि नृपु रंकु नाकपति होइ ।

जागैं लाभु न हानि कछु तिमि प्रपंच जिय जोइ ॥

चौपाई

अस बिचारि नहि कीजिय रोसू । काहुहि बादि न देख्य दोसू ॥
मोहनिसा सबु सोवनिहारा । देषिअ सपन अनेक प्रकारा ॥
एहि जगजामिनि जागहि जोगी । परमार्थी प्रपंचवियोगी ॥
जानिय तबहि जीव जग जागा । जब सब बिषयबिलासविरागा ॥
होइ विवेकु मोइ भ्रम भागा । तब रघुनाथचरनअनुरागा ॥
सषा परम परमार्थु एहू । मन क्रम बचन रामपदनेहू ॥
राम ब्रह्म परमार्थरूपा । अविगत अलष अनादि अनूपा ॥
सकल बिकाररहित गतभेदा । कहि नित नेति निरूपहि वेदा ॥

दोहा

भगत भूमि भूसुर सुरभि सुर हित लागि कृपाल ।

करत चरित धरि मनु जतनु सुनत मिटहि जगजाल ॥

चौपाई

सषा सपुकि अस परिइरि मोहू । सियरघुवीरचरनरत होहू ॥
कहत रामगुन भा भिनुसारा । जागे जगमंगलसुषदारा ॥
सकल सौच करि राम नहावा । सुचि सुजान बटछीर मगावा ॥
अनुज सहित सिर जटा बनार । देषि सुमंत्र नयनजल छाये ॥
हृदयं दाहु अति बदन मलीना । कह कर जोरि बचन अति दीना ॥
नाथ कहेउ अस कोसलनाथा । लै रथु जाहु राम के साथी ॥
बनु देषाई सुरसरि अन्हवाई । आनेहु फेरि बेगि दांड भाई ॥

लपनु रामु सिय आनेहु फेरी । संसय सकल संकोच निबेरी ॥

दोहा

नृप अस कहेउ गोसाईं जस कहइ करौ बलि सोइ ।

करि बिनती पायन्ह परेउ दोन्ह बाल जिमि रोइ ॥

चौपाई

तात कृपा करि कीजिअ सोई । जातैं अवध अनाथ न होई ॥

मंत्रिहि राम उठाइ प्रबोधा । तात धरममनु तुम्ह सनु सोधा ॥

सिवि दधीच हरिचंद नरेसा । सहे धरमहित कोटि कलेसा ॥

रंतिदेव बलि भूप सुजाना । धरमु धरेउ सहि संकट नाना ॥

धरमु न दूसर सत्य समाना । आगम निगम पुरान बषाना ॥

मै सोइ धरमु सुलभ करि पावा । तजैं तिहुं पुर अपजसु छावा ॥

संभाषित कहुं अपजस लाहू । मरनकोटि सम दाखन दाहू ॥

तुम्ह सन तात बहुत का कहऊं । दियैं उतरु फिरि पातकु लहऊं ॥

दोहा

पितुपद गहि कहि कोटि नति बिनय करब कर जोरि ।

चित्त कवनिहु बात कै तात करिअ जनि मोरि ॥

चौपाई

तुम्ह पुनि पितु सम अति हित मोरैं । बिनती करौ तात कर जोरैं ॥

सब बिधि सोइ करतव्य तुम्हारैं । दुष न पाव पितु सोच हमारैं ॥

सुनि रघुनाथ सचिव संवादू । भयउ सपरिजन विकल निषादू ॥

पुनि कछु लपन कही कटु बानी । प्रभु बरजे बड अनुचित जानी ॥

सकुचि राम निज सपथ देवाई । लपन संदेसु कहिअ जनि जाई ॥

कह सुमंत्रु पुनि भूप संदेसू । सहि न सकिहि सिय बिपिनकलेसू ॥

जेहि बिधि अवध आव फिरि सीया । सोइ रघुबरहि तुम्हहि करनीया ॥

नतर निपट अवलंबविहीना । मै न, जिअब जिमि जलबिनु मीना ॥

दोहा

मइकैं ससुरैं सकल सुष जबहि जहां ; मनुमान ।

तहूँ तब रहिहि सुषेन सिय ज्बलगि बिपतिबिहान ॥

चौपाई

बिनतो भूप कीन्ह जेहि भांती । आरति प्रीति न सो कहि जाती ॥
 पितुसदेस सुनि कृपानियाना । सिगहि दीन्ह सिष कोटि बिधाना ॥
 साजुनसुर गुर प्रिय परिवारू । फिरहु त सब कर मिटाइ बभारू ॥
 सुनि पतिबचन । कहति वैदेही । सुनहुं प्रानपति परमसनेही ॥
 प्रभु करुनामय परम विवेकी । तनु तजि रहति छहं किमि छेती ॥
 प्रभा जाइ कहं भानु बिहार्ई । कह चद्रिका चंदु तजि जाई ॥
 पतिहि प्रेममय विनय सुनार्ई । कहति सचिव सन गिरा सुहार्ई ॥
 तुम्ह पितु ससुर सरिस हितकारी । उतरु देउं फिरि अनुचित भारी ॥

दोहा

आरति बस सनमुप भइउं बिलगु न मानब तात ।
 आरजसुनपदकमल विनु बादि जहां लगि नात ॥

चौपाई

पितुबैभवविलास मै डीठा । नृपमनिमुकुटमिलित पदपीठा ॥
 सुषनियान अस पितु गृह मोरें । पियबिहीन मन भाव न भोरें ॥
 ससुर चक्रवर्ति कोसलराऊ । भुवन चारिदस प्रगट प्रभाऊ ॥
 आगे होइ जेहि सुरपति लेई । अरध सिंघासन आसनु देई ॥
 ससुर पताइस अवध निवास । प्रिय परिवार मातुनम सासू ॥
 विनु रघुपतिपदपदुमपरागा । मोहि कोउ सनेहुं सुषद न लागा ॥
 अगम पंथ बन भूमि पहारा । करि केहरि सर सरित अपारा ॥
 कोल किरात कुंग बिहंगा । मोहि सब सुषद प्रानपतिसंगा ॥

दोहा

सासु ससुर सन मोरि हुंति विनय करबि परि पायं ।
 मोरि सोचु जनि करिअ कछु मै बन सुषी सुभायं ॥

चौपाई

प्राननाथ प्रिय देवर साथ । वीरधुरीन धरें धनु भाथा ॥
 नहि मगअमु भ्रमु दुष मन मोरें । मोहि लगि सोचु करिअ जनि भोरें ॥
 सुनि सुमंत्रु सियसीनलबानी । भयउ बिकल जनु फनि मनि हानी ॥

नयन सूक्ष्म नहिं सुनई न काना । कहि न सकइ कछु अति अकुलाना ॥
 राम प्रबोधु कीन्ह बहु भांती । तदपि होति नहिं सीतलि छाती ॥
 जतन अनेक साथ हित कीन्हे । उचित उतर रघुनंदन दीन्हे ॥
 मेटि जाइ नहि रामरजाई । कठिन करमगति कछु न बसाई ॥
 राम लषन सियपद सिरु नाई । फिरेउ बनिक जिमि मूर गवाई ॥

दोहा

रथ हांकेउ हय राम तन हेरि हेरि हिहिनाहिं ।
 देषि निषाद विषादवस धुनहिं सीस पछिताहिं ॥

चौपाई

जासु बियोग विकल पसु अैसें । प्रजा मातु पितु जिइहहिं कैसैं ॥
 बरवस राम सुमंत्रु पठाये । सुरसरितीर आप तब आये ॥
 मागी नाव न केवटु आना । कहइ तुम्हार मरमु मैं जाना ॥
 चरनकमलरज कहुं सबु कहई । मानुषकरनि मूरि कछु अहई ॥
 छुवत सिला भइ नारि सुहाई । पाहन तैं न काठ कठिनाई ॥
 तरनिउं मुनिघरिनी होइ जाई । बाट परइ मोरि नाव उडाई ॥
 एहि प्रतिपालउं सबु परिवारु । नहिं जानौं कछु अउर कबारु ॥
 जौ प्रभु पार अवसि गा चहइ । मोहि पदपदुम पषारन कहइ ॥

छंद

पदकमल धोइ चढाइ नाव न नाथ उतराई चहौं ।
 मोहि राम राउरि आनदसरथसपथ सब सांची कहौं ॥
 बरु तीर मारहु लषन पै जब लगि न पाय पषारिहौं ।
 तब लगि न तुलसीदासनाथ कृपाल पारु उतारिहौं ॥

सोरठा

सुनि केवट के बयन प्रेम लपेटे अटपटे ।
 बिहसे करुनाअयन चितइ जानकी लषन तन ॥

चौपाई

कृपासिंधु बोले मुसुकाई । सोइ करु जेहि तव नाव न जाई ॥
 बेगि आनु जल पाय पषारु । होत बिलंबु उतारिहि पारु ॥

जासु नाम सुमिरत एक बारा । उतरहि नर भवसिंधु अपारा ॥
 सोइ कृपाल केवटहि निहोरा । जेहि जगु किये तिहुं पगहुं ते थोरा ॥
 पदनषनिरषि देवसरि हरषी । सुनि प्रभुबचन मोहमति करषी ॥
 केवट रामरजायतु पावा । पानि कठवत्ता भरि लेइ आवा ॥
 अति आनंद उमगि अनुरागा । चरनसरोज पषारन लाग्ग ॥
 बरषि सुमन सुर सकल सिदाहीं । एहि सम पुन्यपुज कोउ नाहीं ॥

दोहा

पद पषारि जलु पान करि आपु सहित परिवार ।
 पितर पारु करि प्रभुहि पुनि मुदित गयउ लेइ पार ॥

चौपाई

उतरि ठाढ़ भए सुरसरिरेता । सीय रामु गुह लषन समेता ॥
 केवट उतरि दंडवत कीन्ह । प्रभुहि सकुच एहि नहि कलु दीन्ह ॥
 पियहिय की सिय जाननिहारी । मुनिमुदरी मनमुदित उतारी ॥
 कहेउ कृपाल लेहि उतराई । केवट चरन गहे अकुलाई ॥
 नाथ आजु मइ काह न पावा । मिटे दोष दुष दारिददावा ॥
 बहुत काल मै कीन्ह मजूरी । आजु दीन्ह बिधि बनि भलि भूरी ॥
 अब कलु नाथ न चाहिअ मोरें । दीनदयाल अनुग्रह तोरें ॥
 फिरती बार मोहि जो देवा । सो प्रसादु मइं सिर धरि लेवा ॥

दोहा

बहुतु कीन्ह प्रभु लषन सिय नहि कलु केवटु लेइ ।
 बिदा कीन्ह करुनायतन भगतिबिमलबरु देइ ॥

चौपाई

तब मज्जनु करि रघुकुलनाथा । पूजि पारथिव नायउ माथा ॥
 सिय सुरसरिहि कहेउ कर जोरी । मातु मनोरथ पुरउवि मोरी ॥
 पतिदेवर संग कुसल बहोरी । आइ करउं जेहि पूजा तोरी ॥
 सुनि सियबिनय प्रेमरस सानी । भइ तब विमल बारिवरबानी ॥
 सुनु रघुबीरप्रिया बैदेही । तब प्रभाउ जग बिदित न केही ॥
 लोकप होंहि बिलोकत तोरें । तोहि सेवहि सब सिधि कर जोरें ॥

तुम्ह जो हमहिं बडि विनय सुनाई । कृपा कीन्हि मोहि कीन्हि बडाई ॥
तदपि देवि मइं देवि असीसा । सफल होन हित निज वासीसा ॥

दोहा

प्राननाथ देवर सहित कुसत कोसता आइ ।

पूजिहि सब मनकामना सुजसु रहिहि जग छाई ॥

चौपाई

शंगबचन सुनि मंगलमूला । सुदित सीय सुरसरि अनुकूला ॥
तब प्रभु गुहहि कहेउ घर जाइ । सुनत सूप सुषु भा उरवाइ ॥
दीन बचन गुह कह कर जोरी । विनय सुनहु रनुकुलमनि मोरी ॥
नाथ साथ रहि पंथु देषाई । करि दिन चारि चरनसेवकाई ॥
जेहि वन जाइ रहब रघुराई । परनकुटी मै करबि सुहाई ॥
तब मोहि कहं जसि देव रजाई । सोइ करिहौ रघुबीरदोहाई ॥
सहज सनेह राम लषि तासू । संग लीन्ह गुह हृदयकुलासू ॥
सुनि गुह ग्याति बोलि सब लीन्हे । करि परितोष विदा तब कीन्हे ॥

दोहा

तब गनपति सिव सुमिरि प्रभु नाइ सुरसरिहि माथ ॥

सषा अनुज सियसहित बन गवन कीन्ह रघुनाथ ॥

चौपाई

तेहि दिन भएउ बिटप तरबासू । लपन सषा सब कीन्ह सुषासू ॥
प्रात प्रातकृत करि रघुराई । तीरथराजु दोष प्रभु जाई ॥
सचिव सत्य श्रद्धा प्रियनारी । माधव सरिस मीतु हितकारी ॥
चारि पादरथ भरा भंडोरू । पुन्य प्रदेस देस अति चारू ॥
छेत्रु अगम गढु गाढ सुहावा । सपनेहुं नहि प्रतिपछिन्ह पावा ॥
सेन सकल तीरथ बरवीरा । कनुषअनीरुदलन रनवीरा ॥
संगनु सिंहासन सुठि सोहो । छत्रु अषयवटु मुनिमनु मोहो ॥
चवर जमुन अरु गंगतरंगा । देषि होहि दुष दारिद भंगा ॥

दोहा

सेवहिं सुकृती साधु सुचि पावहिं सब मनकाम ।

बंदी बेद पुरानगन कहहि विमल गुनग्राम ॥

चौपाई

को कहि सकइ प्रयागप्रभाऊ । कजुषपुंजकुंजर मृगराऊ ॥
अस तीरथपति देषि सुहावा । सुषसागर रघुबर सुष पावा ॥
कहि सिय लषनहि सषहि सुनाई । श्रीमुष तीरथराजबडाई ॥
करि प्रनामु देषत बन बागा । कहत महातम अति अनुरागा ॥
एहि बिधि आइ बिलोकी बेनी । सुमिरत सकल सुमंगलदेनी ॥
मुदित नहाइ कीन्हि सिवसेवा । पूजि जथाविधि तीरथदेवा ॥
तब प्रभु भरद्वाज पहिं आए । करत दंडवत मुनि उर लाए ॥
मुनिमनमोह न कछु कहि जाई । ब्रह्मानंदरासि जनु पाई ॥

दोहा

दीन्हि असीस मुनीस उर अति अनहुं अस जानि ।
लोचनगोचर सुकृतफल मनहुं किये विधि आनि ॥

चौपाई

कुसल प्रश्न करि आसन दीन्हे । पूजि प्रेमपरिपूरन कीन्हे ॥
कंद मूल फल अंकुर नीके । दिये आनि मुनि मनहुं अमी के ॥
सीय लषन जन सहित सुहाये । अति रुचि राम मूल फल पाये ॥
भये बिगत श्रम राम सुषारे । भरद्वाज मृदु बचन उचारे ॥
आजु सुफल तपु तीरथ त्यागू । आजु सुफल जप जोग बिरागू ॥
सफल सकल सुभ साधनसाजू । राम तुम्हहिं अवलोकत आजू ॥
लाभअवधि सुषअवधि न दूजी । तुम्हरे दरस आस सब पूजी ॥
अब करि कृपा देहु बर एहू । निज पदसरसिज सहज सनेहू ॥

दोहा

करम बचन मन छाडि छलु जब लागि जनु न तुम्हार ।
तब लागि सुषु सपनेहुं नहीं किये कोटि उपचार ॥

चौपाई

मुनि मुनिबचन राम सकुचाने । भाव भगति आनंद अघाने ॥
तब रघुबर मुनि सुजसु सुहावा । कोटि भांति कहि सषहि सुनावा ॥

सो बड सो सब गुनगनगेह । जेहि मुनीस तुम्ह आदर देह ॥
 मुनि रघुबीर परसपर नवहीं । बचनअगोचर सुषु अनुभवहीं ॥
 एह सुधि पाइ प्रयागनिवासी । बटुनापस मुनि सिद्ध उदासी ॥
 भरद्वाजआश्रम सब आये । देपन दशरथसुअन सुहाये ॥
 राम प्रनाम कीन्ह सब काहू । मुदित भये लहि लोयनलाहू ॥
 देहि असीस परम सुषु पाई । फिरे सराहन सुंदरताई ॥

दोहा

राम कीन्ह विश्राम निसि प्रात प्रयाग नहाइ ।
 चले सहित सिय लषन जन मुदित मुनिहि सिर नाइ ॥

चौपाई

राम सप्रेम कहेउ मुनि पाहीं । नाथ कहिअ हम केहि मग जाहीं ॥
 मुनि मन विहंसि राम सन कहहीं । सुगम सकल मग तुम्ह कहूं अहदी ॥
 साथ लागि मुनि सिष्य बोलाये । मुनि मनमुदित पचासक आये ॥
 सबन्हि राम पर प्रेम अपारा । सकल कहहि मगु दीष हमारा ॥
 मुनि बटु चारि संग तब दीन्हे । जिन्ह बहु जनम सुकृत सब कीन्हे ॥
 करि प्रनामु रिषि आयेसु पाई । प्रमुदित हृदय चले रघुराई ॥
 ग्राम निकट जब निकसहि जाई । देषहि दरस नारि नर धाई ॥
 हौंहि सनाथ जनमफलु पाई । फिरहि दुषित मनु संग पठाई ॥

दोहा

विदा किये बटु बिनय करि फिरे पाइ मन काम ।
 उतरि नहाये जमुनजल जो सरीर सम स्याम ॥

चौपाई

सुनत तीरबासी नर नारी । धाए निज निज काज बिसारी ॥
 लषन राम सियसुंदरताई । देषि करहि निज भाग्य बडाई ॥
 अति लालसा बसहि मन माहीं । नाउं गाउं बूझत सकुचाहीं ॥
 जे तिन्ह महुं बयबिरिध सयाने । तिन्ह करि जुगति रामु पहिचाने ॥
 सकल कथा तिन्ह सबहि सुनाई । बनहि चले पितुआयसु पाई ॥
 सुनि सबिषाद सकल पछिताहीं । रानी राय कीन्ह भल नाहीं ॥

तेहि अवसर एक ताःसु आवा । तेजपुंज लघुबयस सुहावा ॥
 कबि अलषितगति बेधु विरागी । मन क्रम बचन रामअनुरागी ॥

दोहा

सजल नयन तन पुलकि निज इष्टदेउ पहिचानि ।
 परेउ दंड जिमि धरनितल दसा न जाइ बषानि ॥

चौपाई

राम सप्रेम पुलकि उर लावा । परम रंक जनु पारसु पावा ॥
 मनहुं प्रेम परमारथु दोऊ । मिलत धरें तन कह सब कोऊ ॥
 बहुरि लषन पायन्ह सोइ लागा । लीन्ह उठाइ उमगि अनुरागा ॥
 पुनि सियचरनधूरि धरि सीसा । जननि जानि सिसु दीन्ह असीसा ॥
 कीन्ह निषाद दंडवत तेही । मिलेउ मुदित लषि राम सनेही ॥
 पिअत नयनपुट रूपियूषा । मुदित सुअसनु पाइ जिमि भूषा ॥
 ते पितु मातु कहहु सषि कैले । जिन्ह पठये वन बालक औंसे ॥
 राम लषन सिय रूपु निहारी । हौंहि सनेहभिरुल नर नारी ॥

दोहा

तब रघुबीर अनेक बिधि सषहि सिषावनु दीन्ह ।
 राम रजायसु सीस धरि भवन गवनु तैं कीन्ह ॥

चौपाई

पुनि सिय रामलषन करजोरी । जमुनहि कीन्ह प्रनामु बहोरी ॥
 चले ससीय मुदिन दोउ भाई । रवितनुजा कह करत बडाई ॥
 पथिक अनेक मिलहिं मग जाता । कहहिं सप्रेम देषि दोउ भ्राता ॥
 राज लषन सब अंग तुम्हारे । देखि सोचु अति हृदयँ हमारे ॥
 मारग चलहु पयादेहि पाएं । ज्योतिष भूँठ हमारेंहि भाएं ॥
 अगमु पंथु गिरि कानन भारी । तेहि मह साथ नारि सुकुमारी ॥
 करि केहरि वन जाइ न जोई । हम संग चलहिं जो आर्यसु होई ॥
 जाब जहां लगि तहं पहुंचाई । फिरब बहोरि तुम्हहि सिरु नाई ॥

दोहा

एहि बिधि पूंछहि प्रेमबस पुलकगात जलुनैन ।

कृपासिंधु फेरहि तिन्हहि कहि बिनीत मृदु बैन ॥

चौपाई

जे पुरगांव बसहिं मगमाहीं । तिन्हहिं नागसुरनगर सिहाहीं ॥
 केहि सुकृती केहि घरीं बसाए । धन्य पुन्यमय परम सुहाए ॥
 जह तहं रामचरन चलि जाही । तिन्ह समान अमरावति नाही ॥
 पुन्यपुंज मगनिकटनिवासी । तिन्हहि सराहहिं सुरपुरवासी ॥
 जे भरि नयन बिलोकहिं रामहिं । सोता लषन सहित घनस्यामहि ॥
 जे सर सरित राम अवगाहहिं । तिन्हहि देवससरित सराहहिं ॥
 जेहि तरु तर प्रभु बैठहि जाई । करहि कलपतरु तासु बडाई ॥
 परसि रामपदपदुमपरागा । मानति भूमि भूरि निज भागा ॥

दोहा

छांह करहिं घन बिबुधगन वरषहिं सुमन सिहाहिं ।
 देषत गिरि बन बिहग मृग रामु चले मगजाहिं ॥

चौपाई

सीता लषन सहित रघुराई । गांव निकट जब निकसहिं जाई ॥
 मुनि सब बाल वृद्ध नर नारी । चलहिं तुरत गृहकाज विसारी ॥
 राम लषनसिय रूप निहारी । पाइ नयनफलु होंहि सुषारी ॥
 सजल बिलोचन पुलक सरीरा । सब भये मगन देषि दोउ बीरा ॥
 बरनि न जाइ दसा तिन्ह केरी । लहिं जनु रंकन्ह सुरमनिढेरी ॥
 एकन्ह एक बोलि सिष देहीं । लोचनलाडु लेहु छन एहीं ॥
 रामहिं देषि एक अनुरागे । चितवत चले जांहि संग लागे ॥
 एक नयनमग छवि उर आनी । होंहि सिथिल तन मन बरबानो ॥

दोहा

एक देषि बटछांह भलि डासि मृदुल तृन पात ।
 कहहिं गंवाईअ छिउकु श्रमु गवनब अबहिं कि प्रात ॥

चौपाई

एक कलस भरि आनहिं पानी । अंचइअ नाथ कहहिं मृदु बानी ॥
 मुनि प्रियवचन प्रीति अतिदेषी । रामु कृपालु सुसील बिसेषी ॥

जानी स्मृत सीय मन माहीं । घरिक बिलंबु कीन्ह बटछाहीं ॥
 मुदित नारिनर देषहि सोभा । रूपअनूप नयन मनु लोभा ॥
 एकटक सब सोहहि चहुं ओरा । रामचंद्रमुषचंद्र चकोरा ॥
 तरुन तमालवरन तनु सोहा । देषत कोटिमदन मनु मोहा ॥
 दामिनि वरन लषन सुठि नीके । नषसिष सुभग भावते जीके ॥
 मुनिपट कटिन्ह कसे तूनीरा । सोहहि कर कमलनि धनु तीरा ॥

दोहा

जटामुकुट सीसनि सुभग उर भुज नयन बिसाल ।
 सरदपरबबिधुवदनवर लसत स्वेदकनजाल ॥

चौपाई

बरनि न जाइ मनोहर जोरी । सोभा बहुत थोरि मति मोरी ॥
 राम लषन सिय सुंदरताई । सब चितवहिं चित मन मति लाई ॥
 थके नारिनर प्रेमपियासे । मनहुं मृगीमृग देषि दिश्रा से ॥
 सीयसमीप ग्रामतिय जाही । पूंछत अति सनेह सकुचाहीं ॥
 बार बार सब लागहि पापं । कहहिं वचन मृदु सरल सुभापं ॥
 राजकुमारि विनय हम करहीं । तिय सुभाय कछु पूंछत डरहीं ॥
 स्वामिनि अविनय छमवि हमारी । बिलगु न मानब जानि गंवारी ॥
 राजकुअंर दोउ सहज सलोनें । एन्ह तें लहि दुति मरकत सोनें ॥

दोहा

स्यामल गौर किसोरबर सुंदर सुषमाअयन ।
 सरद सर्वरीनाथ मुषु सरदसरोरुह नयन ॥

चौपाई

कोटि मनोजलजावनिहारे । सुमुषि कहहु को आंहि तुम्हारे ॥
 सुनि सनेहमय मंजुल बानी । सकुची सिय मन महुं मुसुकानी ॥
 तिन्हहिं बिलोकि बिलोकति धरनीं । दुहुं सकोच सकुचति बर बरनीं ॥
 सकुचि सप्रेम बालमृगनयनी । बोली मधुर वचन पिकवयनी ॥
 सहज सुभाय सुभग तन गोरे । नामु लषनु लघु देवर मोरे ॥
 ब्रह्मुरि बदन बिधु अंचल ढांकी । पियतन चितइ भौंह करि बांकी ॥

षंजनमंजु तिरीछे नयननि । निज पति कहेउ तिन्हहि सिय सयननि ॥
भई मुदित सब ग्रमबधूटी । रंकन्ह रायरासि जनु लूटी ॥

दोहा

अनि सप्रेम सियपाय परि बहुविधि देहिं असीस ।
सदा सोहागिनि होहु तुम्ह जब लगि महि अहिसीस ॥

चौपाई

पारवतीसम पतिप्रिय होहु । देवि न हम पर छाडब छोहु ॥
पुनि पुनि विनय करिअ कर जोरी । जौं एहि मारग फिरिअ बहोरी ॥
दरसन देव जानि निज दासी । लषी सोय सब प्रेमपिआसी ॥
मधुर बचन कहि कहि परितोषी । जनु कुमुदिनी कौमुदी पोषी ॥
तबहिं लषन रघुवररुष जानी । पूछेउ मगु लोगन्हि मृदु बानी ॥
सुनत नारि नर भये दुषारी । पुलकित गात विलोचन बारी ॥
मिटा मोहु मन भये मलीने । बिधि निधि दीन्हि लेत जनु छीने ॥
समुझि करमगति धीरजु कीन्हा । सोधि सुगम मगु तिन्ह कहि दीन्हा ॥

दोहा

लषन जानकी सहित तब गवनु कीन्ह रघुनाथ ।
फेरे सब प्रिय बचन कहि लिए लाइ मन साथ ॥

चौपाई

फिरत नारि नर अति पछिताहीं । दैअहि दोषु देहिं मन माहीं ॥
सहित विषाद परसपर कहहीं । बिधिकरतव उलटे सब अहहीं ॥
निपट निरंकुस निठुर निसंकू । जौंहि ससि कीन्ह सरज सकलंकू ॥
रूषु कलपतरु सागरु पारा । तैहि पठये बन राजकुमारा ॥
जौंपै इन्हहि दीन्ह बनबासू । कीन्ह बादि बिधि भोगविलासू ॥
ए बिचरहिं मग बिनु पदत्राना । रचे बादि बिधि बाहन नाना ॥
ए महि परहिं डासि कुस पाता । सुभग सेज कत सृजत बिधाता ॥
तरुवर बास इन्हहिं बिधि दीन्हा । धवल धाम रचि रचि अमु कीन्हा ॥

दोहा

जौं ए मुनिपटधर जटिल सुंदर सुठि सुकुमार ।

विविध भांति भूषन बसन बादि किये करतार ॥

चौपाई

जौं ए कंद मूल फल पाहीं । बादि सुधादि असन जग माहीं ॥
 एक कहहिं ए सहज सुहाएं । आपु प्रगट भय बिधि न बनाएं ॥
 जहं लगि वेद कही बिधिकरनी । श्रवन नयन मन गोचर बरनी ॥
 देषहु षोजि भुअन दसचारी । कहं अस पुरुष कहां असि नारी ॥
 इन्हहि देषि बिधि मनु अनुरागा । पटतर जोग बनावइ लागा ॥
 कीन्ह बहुत श्रम औक न आये । तेंहिं इरिषा बन आनि दुराये ॥
 एक कहहिं हम बहुत न जानहिं । आपुहि परम धन्य करि मानहिं ॥
 ते पुनि पुन्यपुंज हम लेषे । जे देषहिं देषिहहिं जिन्ह देषे ॥

दोहा

एह बिधि कहि कहि बचन प्रिय लेहिं नयन भरि नीर ।
 किमि चलिहहिं मारग अगम सुठि सुकुमार सरीर ॥

चौपाई

नारि सनेह विकल बस होंही । चकई सांझ समय जनु सोही ॥
 मृदु पदकमल कठिन मगु जानी । गहवरि हृदय कहइ बर बानी ॥
 परसत मृदुल चरन अरुनारे । सकुचति महि जिमि हृदय हमारे ॥
 जौं जगदीस इन्हहिं वनु दीन्हा । कस न सुमनमय मारगु कीन्हा ॥
 जौं मांगा पाइअ बिधि पाहीं । ए रषिअहिं सषि आषिन्ह माहीं ॥
 जे नर नारि न अवसर आए । तिन्ह सिय रामु न देषन पाए ॥
 सुनि सुरुप वृक्षहिं अकुलाई । अब लगि गये कहां लगि भाई ॥
 समरथ धाइ विलोकहिं जाई । प्रमुदित फिरहिं जनमफलु पाई ॥

दोहा

अबला बालक वृद्धजन कर मीजहिं पछिताहिं ।
 होहिं प्रेमवस लोग इमि रामु जहां जहं जाहिं ॥

चौपाई

गांव गांव अस होइ अनंदू । देषि भानुकुलकैरवचंद्रू ॥
 जे कछु समाचार सुनि पावहिं । ते नृपरानिहि दोष लगावहिं ॥

कहहिं एक अति भल नरनाह । दीन्हि हमहि जेइ लोचनलाह ।
 कहहिं परसपर लोग लोगार्ह । बार्ते सरल सनेह सुहाई ॥
 ते पितु मानु धन्य जिन्ह जाए । धन्य सो नगर जहां ते आए ॥
 धन्य सो देसु सैलु वन गाऊं । जहं जह जाहिं धन्य सोइ ठाऊं ॥
 सुषु पायेउ बिरचि रचि तेही । ए जेहि के सब भांति सनेही ॥
 रामलषनपथिकथा सुहाई । रही सकल मग कानन छुआई ॥

दोहा

एहि बिधि रघुकुलकमलरवि मगलोगन्ह सुषदेत ।
 जांहि चले देशत विपिन सिय सौमित्रि समेत ॥

चौपाई

आगें रामु लषनु बनें पाछें । तापसवेष बिराजत काछें ॥
 उभय बीच सिय सोहति कैसे । ब्रह्मजीव बीच माया जैसे ॥
 बहुरि कहउं छुबि जसि मन बसई । जनु मधु मदन मध्य रति लसई ॥
 उपमा बहुरि कहउं जिय जोही । जनु बुध बिधु बिच रोहिनि सोही ॥
 प्रभुपदरेष बीच बिच सीता । धरति चरन मग चलति सभीता ॥
 सीयरामपद अंक बराणं । लषन चलहिं मगु दाहिनलाणं ॥
 राम लषन सियप्रीति सुहाई । बचन अगोचर किमि कहि जाई ॥
 षग मृग मगन देषि छुबि हौंही । लिये चोरि चित राम बढोही ॥

दोहा

जिन्ह जिन्ह देशे पथिक प्रिय सिय समेत दोउ भाइ ।
 भवमगु अगमु अनंदु तेइ बिनु श्रम रहे सिराइ ॥

चौपाई

अजहुं जासु उर सपनेहु काऊ । बसहुं लषनु सिय रामु बढाऊ ॥
 रामधामपथ पाइहि सोई । जो पथ पाव कबहुं मुनि कोई ॥
 तब रघुबीर श्रमित सिय जानी । देषि निकट बटु सीतल पानी ॥
 तहं बसि कंद मूल फल पाई । प्रात नहाइ चले रघुराई ॥
 देशत बन सर सैल सुहाए । बालमीकिआश्रम प्रभु आए ॥
 रामु दीष मुनिवास सुहावन । सुंदर गिरि काननु जलु पावन ॥

सरनि सरोज बिटप बन फूले। गुंजन मंजु मधुप रसभूले ॥
षग मृग विपुल कोलाहल करहीं। विरहितबैर मुदितमन चरही ॥

दोहा

सुचि सुंदर आश्रमु निरषि हरषे राजिवनैन ।
सुनि रघुबरआगमनु मुनि आगे आयउ लैन ॥

चौपाई

मुनि कहुं रामुदंडवत कीन्हा। आसिरबादु विप्रवर दीन्हा ॥
देषि रामछवि नयन जुडाने। करि सनमानु आश्रमहिं आने ॥
मुनिबर अतिथि प्रानप्रिय पाए। कंदमूल फल मधुर मगाए ॥
सिय सौमित्रि राम फल षाए। तब मुनि आसन दिये सुहाए ॥
बालमीकि मन आनंदु भारी। मंगलमूरति नयन निहारी ॥
तब करकमल जोरि रघुराई। बोले वचन श्रवनसुषदाई ॥
तुम्ह त्रिकालदरसी मुनिनाथा। बिस्व बदर जिमि तुम्हरे हाथा ॥
अस कहि प्रभु सब कथा बषानो। जेहि जेहि भांति दीन्ह बनु रानो ॥

दोहा

तातबचन पुनि मातुहित भाइ भरत अस राउ ।
मोकहुं दरसतुम्हार प्रभु सबु मम पुन्यप्रभाव ॥

चौपाई

देषि पाय मुनिराय तुम्हारे। भये सुकृत सब सुफल हमारे ॥
अब जहँ राउर आयसु होई। मुनि उदबेगु न पावइ कोई ॥
मुनि तापस जिन्हते दुषु लहहीं। ते नरेस विनु पावक दहहीं ॥
मंगलमूल बिप्रपरितोषू। दहइ कोटि कुल भूसुररोषू ॥
अस जिय जानि कहिअ सोइ ठाऊं। सिय सौमित्रि सहित जहँ जाऊं ॥
तहं रचि रुचिर परनतुनसाला। बासु करउं कछु काल कृपाला ॥
सहज सरल सुनि रघुबरबानी। साधु साधु बोले मुनि ग्यानी ॥
कस न कहहु अस रघुकुलकेतू। तुम्ह पालक संततश्रुतिसेतू ॥

छंद

श्रुतिसेतुपालक राम तुम्ह जगदीसमाया जानकी ।

जो सृजति जगु पालति हरति रुष पाइ कृपानिधानकी ॥
जो सहससीसु अर्हामु महिधरु लषनु सचराचरअनी ।
सुरकाज धरि नरराजतनु चले दलन पलनिसिचरअनी ॥

मोरठा

रामसरूप तुम्हार बचनअगोचर बुद्धिपर ।
अबिगत अकथ अपार नेति नेति नित निगम कह ॥

चौपाई

जगु पेषन तुम्ह देखनिहारे । बिधि हरि संभु नचावनिहारे ॥
तेउ न जानहिं मरमु तुम्हारा । और तुम्हहि को जाननिहारा ॥
सोइ जानइं जेहि देहु जनाई । जानत तुम्हहिं तुम्हइ होइ जाई ॥
तुम्हरिहि कृपा तुम्हहिं रघुनदन । जानहिं भगत भगतउरचदन ॥
चिदानंदमय देह तुम्हारी । बिगतबिकार जान अधिकारी ॥
नरतनु धरेहु संतसुरकाजा । कहहु करहु जस प्राकृत राजा ॥
राम देषि सुनि चरित तुम्हारे । जड मोहहिं बुध हौहिं सुषारे ॥
तुम्ह जो कहहु करहु सबु साचा । जस काछिअ तस चाहिअ नाचा ॥

दोहा

पूछेउ मोहि कि रहौं कहं मै पूछत सकुचाउं ।
जहं न होहु तह देहु कहि तुम्हहि देषावउं ठाउं ॥

चौपाई

सुनि मुनिबचन प्रेमरस साने । सकुचि राम मन महुं मुसुकाने ॥
बालमीकि हंसि कहहिं बहोरी । बानी मधुर अमिअरस बोरी ॥
सुनहुं राम अब कहहुं निकेता । जहां बसहु सिय लषन समेता ॥
जिन्ह के श्रवन समुद्र समाना । कथा तुम्हारि सुभग सरि नाना ॥
भरहिं निरंतर हौहिं न पूरे । तिन्ह के हिय तुम्ह कहुं गृह रूरे ॥
लोचन चातक जिन्ह करि राषे । रहहिं दरसजलधर अभिलाषे ॥
निदरहिं सरित सिंधु सर भारी । रूपबिंदु जल हौहिं सुषारी ॥
तिन्ह के हृदयसदन सुषदायक । बसहु बंधु सिय सह रघुनायक ॥

दोहा

जसु तुम्हार मानस विमल हंसिनि जीहा जासु ।

मुकताहल गुनगन चुनइ राम बसहु हिय तासु ॥

चौपाई

प्रभुप्रसादसुचि सुभग सुबासा । सादर जासु लहइ नित नासा ॥
तुम्हहिं निवेदित भोजन करहीं । प्रभुप्रसाद पट भूषन धरहीं ॥
सीस नवहि सुरगुर द्विज देषी । प्रीति सहित करि विनय बिसेषी ॥
कर नित करहिं रामपदपूजा । रामभरोस हृदय नहि दृजा ॥
चरन रामतीरथ चलि जांही । राम बसहु तिन्ह के मन माही ॥
मंत्रराज नित जपहिं तुम्हारा । पूजहिं तुम्हहि सहित परिवारा ॥
तरपन होम करहिं बिधि नाना । बिप्र जैवाइ देहिं बहु दाना ॥
तुम्हत्तैं अधिक गुरहि जिय जानी । सकल भाय सेवहिं सनमानी ॥

दोहा

सबु करि मांगहिं एकु फलु रामचरनरति होउ ।

तिन्ह के मनमदिर बसहु सिय रघुनंदन दोउ ॥

चौपाई

काम कोह मद मान न मोहा । लोभ न छोभ न राग न द्रोहा ॥
जिन्ह के कपट दभ नहि माया । तिन्ह के हृदय बसहु रघुराया ॥
सब के प्रिय सब के हितकारी । दुष सुष सरिस प्रसंसा गारी ॥
कहहिं सत्य प्रिय वचन बिचारो । जागत सोवन सरन तुम्हारी ॥
तुम्हहिं छांड़ि गति दूसरि नाहीं । राम बसहु तिन्ह के मन माहीं ॥
जननो सम जानहिं परनारी । धनु पराव बिष तैं बिष भारी ॥
जे हरषहिं परसपति देषी । दुषित हौंहि पर बिपति बिसेषी ॥
जिन्हहिं राम तुम्ह प्रानपिआरे । तिन्ह के मन सुभ सदन तुम्हारे ॥

दोहा

स्वामि सषा पितु मातु गुर जिनके सब तुम्ह तात ।

मनमंदिर तिन्ह के बसहु सीय सहित दोउ भ्रात ॥

चौपाई

अवगुन तजि सबके गुन गहहीं । विप्रधेनुहित संकट सहहीं ॥
 नीतिनिपुन जिन्ह कइ जग लीका । घर तुम्हार तिन्ह कर मनु नीका ॥
 गुन तुम्हार समुझइ निज दोसा । जेहि सब भांति तुम्हार भगोसा ॥
 रामभगत प्रिय लागहिं जेही । तेहि उर वसहु सहित वैदेही ॥
 जाति पांति धनु धरमु बडाई । प्रिय परिवार सदन सुषदाई ॥
 सब तजि तुम्हहिर इ उर लाई । तेहि के हृदय रहहु रघुराई ॥
 सरगु नरकु अपबगु समाना । जहं तहं देष धरे धनु वाना ॥
 करम वचन मन राउर चेरा । राम करहु तेहि के उर डेरा ॥

दोहा

जाहि न चाहिअ कबहुं कछु तुम्ह सन सहज मनेहु ।
 बसहु निरंतर तासु मन सो राउर निज गोहु ॥

चौपाई

एहि विधि मुनिवर भवन देषाप । वचन सप्रेम राममन भाए ॥
 कह मुनि सुनहुं भानुकलनायक । आश्रमु कहउं समय सुषदायक ॥
 चित्रकूटगिरि करहु निवासू । तहं तुम्हार सब भांति सुपासू ॥
 सैलु सुहावन कानन चारू । करि केहरि मृग बिहगविहारू ॥
 नदी पुनीत पुरान बषानी । अत्रिप्रिया निज तपबल आनी ॥
 सुरसरिधार नउं मंदाकिनि । जो सब पातकपोतकडाकिनि ॥
 अत्रि आदि मुनिवर बहु बसहीं । करहिं जोग जप तप तन कसहीं ॥
 चलहु सफल श्रम सब कर करहु । राम देहु गौरव गिरिवरहु ॥

दोहा

चित्रकूटमहिमा अमित कही महामुनि गाइ ।
 आइ नहाये सरितवर सिय समेत दोउ भाइ ॥

चौपाई

रघुबर कहेउ लषन भल घाटू । करहु कतहुं अब ठाहरठाटू ॥
 लषन दीष पयउतरकरारा । चहुंदिसि फिरेउ धनुष जिमि नारा ॥
 नदी पनच सर सम दम दाना । सकल कलुष कलि साउज नाना ॥

चित्रकूट जनु अचल अहेरी। चुकइ न घात मार मुठभेरी ॥
 अस कहि लषन ठांव देषरावा। थलु बिलोकि रघुबर सुषु पावा ॥
 रमेउ राममनु देवन्ह जाना। चले सहित सुर थपतिप्रधाना ॥
 कोल किरात वेष सय आर। रचे परनतुन सदन सुहाए ॥
 बरनि न जाहिं मंजु दुइ साला। एक ललित लघु एक बिसाला ॥

दोहा

लषन जानकी सहित प्रभु राजत रुचिर निकेत ।

सोह मदन मुनिवेष जनु रति रितुराज समेत ॥

चौपाई

अमर नाग किन्नर दिसिपाला। चित्रकूट आए तेहि काला ॥
 राम प्रनामु कीन्ह सब काहू। मुदित देव लहि लोचनलाहू ॥
 बरषि सुमन कह देवसमाजू। नाथ सनाथ भये हम आजू ॥
 करि बिनती दुष दुसह सुनाए। हरषित निज निज सदन सिधाए ॥
 चित्रकूट रघुनंदनु छाप। समाचार सुनि सुनि मुनि आए ॥
 आवत देषि मुदित मुनिबुंदा। कीन्ह दंडवत रघुकुलचंदा ॥
 मुनि रघुबरहि लाइ उर लेहीं। सुफल होन हित आसिष देहीं ॥
 सिय सौमित्रि रामछुबि देषहिं। साधन सकल सफल करि लेषहिं ॥

दोहा

जथा जोग सनमानि प्रभु विदा किये मुनिबुंद ।

करहिं जोग जप जाग तप निज आश्रमनि सुछुंद ॥

चौपाई

यह सुधि कोल किरातन्ह पाई। हरषे जनु नवनिधि घर आई ॥
 कंद मूल फल भरि भरि दोना। चले रंक जनु लूटन सोना ॥
 तिन्हमहं जिन्ह देषे दोउ भ्राता। अपर तिन्हहि पूंछुहि मगु जाता ॥
 कहत सुनत रघुबीरनिकाई। आई सबन्हि देषे रघुराई ॥
 करहिं जोहार भेट धरि आगे। प्रभुहि बिलोकहिं अति अनुरागे ॥
 चित्र लिषे जनु जहं तहं ठाढे। पुलकसरीर नयनजल बाढे ॥
 राम सनेहमगन सब जाने। कहि प्रियवचन सकल सनमाने ॥

प्रभुहि जोहारि बहोरि बहोरी। बचन विनीत कहहिं कर जोरी ॥

दोहा

अब हम नाथ सनाथ सब भए देखि प्रभुपाय ।

भाग हमारे आगमनु राउर कोसलराय ॥

चौपाई

धन्य भूमि बन पंथ पहारा । जहं जहं नाथ पाउ तुम्ह धारा ॥

धन्य बिहग मृग काननचारी । सफरजनम भये तुम्हहि निहारी ॥

हम सब धन्य सहित परिवारा । दीष दरसु भरि नयन तुम्हारा ॥

कीन्ह बासु भल ठाउं विचारी । इहां सकल रितु रहब सुपारी ॥

हम सब भांति करब सेवकाई । करि केहरि अहि बाघ बराई ॥

बन वेहड गिरिकंदर पोहा । सब हमार प्रभु पग पग जोहा ॥

तहं तहं तुम्हहि अहेर पेलाउब । सर निरभर भल ठाउं देषाउब ॥

हम सेवक परिवार समेता । नाथ न सकुचब आयसु देता ॥

दोहा

बेदबचनमुनिमनअगम ते प्रभु करुनाअयन ।

बचन किरातन्हके सुनत जिमि पितु बालकबयन ॥

चौपाई

रामहिं केवल प्रेमु पिआरा । जानि लेउ जो जाननिहारा ॥

राम सकल बनचर तब तोषे । कहि मृदु बचन प्रेम परिपोषे ॥

बिदा किये सिरु नाइ सिधाये । प्रभुगुन कहत सुनत घर आय ॥

एहि बिधि सिय समेत दोउ भाई । बसहिं बिपिन सुरमुनिसुषदाई ॥

जबतैं आइ रहे रघुनायकु । तबतैं भएउ बनु मंगलदायकु ॥

फूलहिं फलहिं बिटप बिधि नाना । मंजु बलित बरबेलि बिताना ॥

सुरतरु सरिस सुभायं सुहाए । मनहुं विविध बन परिहरि आये ॥

गुंज मंजुतर मधुकरश्रेणी । त्रिविध बयारि बहइ सुषदेनी ॥

दोहा

नीलकंठ कलकंठ सुक चातक चक्र चकोर ।

भांति भांति बोलहिं बिहग श्रवनसुषद चितचोर ॥

चौपाई

करि केहरि कपि कोल कुरंगा । विगत वैर विचरहिं सब संगी ॥
 फिरत अहेर रामछवि देषी । होंहि मुदित मृगवृंद विसेषी ॥
 विबुधविपिन जहं लगि जग माही । देषि रामवनु सकल सिहाही ॥
 सुरसरि सरसइ दिनकरकन्या । मेकलसुता गोदावरी धन्या ॥
 सब सर सिंधु नदी नद नाना । मंदाकिनि कर करहिं बषाना ॥
 उदयअस्तगिरि अरु कैलास । मंदर मेरु सकल सुरवास ॥
 सैल हिमाचल आदिक जेते । चित्रकूटजसु गांवहि तेने ॥
 बिधि मुदितमन सुषु न समाई । श्रमबिनु बिपुल बडाई पाई ॥

दोहा

चित्रकूट के बिहंग मृग बेलि बिटप तनजाति ।
 पुन्यपुंज सब धन्य अस कहहिं देव दिन राति ॥

चौपाई

नयनवंत रघुवरहि बिलोकी । पाइ जनमफल होंहि विसोकी ॥
 परसि चरनरज अचर सुपारी । भये परमपद के अधिकारी ॥
 सो बन सैलु सुभाय सुहावन । मंगलमय अति पावनपावन ॥
 महिमा कहिअ कवनि विधि तासू । सुषसागर जहं कीन्ह निवासू ॥
 पयपयोधि तजि अवध बिहाई । जहं सिय लषनु रामु रहे आई ॥
 कहि न सकहि सुषमा जसि कानन । जौं सत सहस होहि सहसानन ॥
 सो मै वरनि कहौं बिधि केही । डाबरकमठ कि मंदर लेहीं ॥
 सेवहि लषनु करम मन बानी । जाइ न सीलु सनेहु बषानी ॥

दोहा

छिनु छिनु लपि सियरामपद जानि आपु पर नेहु ।
 करत न सपनेहुं लषनु चितु बंधु मातु पितु गेहु ॥

चौपाई

रामसंग सिय रहति सुपारी । पुर परिजन गृह सुरति बिसारी ॥
 छिनु छिनु पियविधुवदनु निहारी । प्रमुदित मनहुं चकोरकुमारी ॥
 नाहनेहु नित बढत बिलोकी । हरषित रहति दिवस जिमि कोकी ॥

सियमनु रामचरनअनुरागा । अवय सहस सम बन प्रिय लागा ॥
 परनकुट्टी प्रिय प्रियतम संगी । प्रिय परिवार कुरंग बिहंगा ॥
 सासु ससुर सम मुनितिय मुनिवर । असन अमिश्र सम कंद मूल फर ॥
 नाथ साथ सांथरी सुहाई । मयनसयन सय सम सुपदाई ॥
 लोकेप होंहि बिलोकत जासू । तेहि कि मोहि सकु बिषयबिलासू ॥

दोहा

सुमिरन रामहिं तजहिं जन तृनसम विषयबिलासु ।

रामप्रिया जगजननि सिय कछु न आचरजु तासु ॥

चौपाई

सीय लषन जेहि विधि सुष लहहीं । सोइ रघुनाथ करहिं सोइ कहहीं ॥
 कहहिं पुरातन कथा कहानी । सुनहिं लषनु सिय अति सुषु मानी ॥
 जब जब रामु अवधसुधि करहीं । तब तब बारि बिलोचन भरहीं ॥
 सुमिरि मातु पितु परिजन भाई । भरतसनेहु सीलु सेवकाई ॥
 कृपासिंधु प्रभु होंहि दुषारी । धीरजु धरहिं कुसमउ बिचारी ॥
 लषि सिय लषनु बिकल होइ जाहीं । जिमि पुरुषहिं अनुसर परिछाहीं ॥
 प्रियाबंधुगति लषि रघुनदनु । धीर कृपाल भगतउरचंदनु ॥
 लगे कहन कछु कथा पुनीता । सुनि सुषु लहहि लषन अरु सीता ॥

दोहा

राम लषन सीता सहित सोहत परननिकेत ।

जिमि बासव बस अमरपुर सची जयंत समेत ॥

चौपाई

जोगवहिं प्रभु सिय लषनहि कैसैं । पलक बिलोचनगोलक जैसैं ॥
 सेवहिं लषनु सीय रघुवीरहि । जिमि अविवेकी पुरुष सरीरहि ॥
 पहि विधि प्रभु बन बसहिं सुपारी । षग मृग सुर तापसहितकारी ॥
 कहेंउ रामबनगवनु सुहावा । सुनहुं सुमंत्र अवध जिमि अवा ॥
 फिरेउ निषादु प्रभुहि पहुंचाई । सचिव सहित रथ देवैसि आई ॥
 मंत्री बिकल बिलोकि निषादू । कहि न जाइ जस भयउ बिषादू ॥
 राम राम सिय लषनु पुकारी । परेउ धरनितल व्याकुल भारी ॥

देषि दषिन दिसि हय हिहिनाहीं । जनु बिनुपंष बिहंग अकुलाहीं ॥

दोहा

नहि तून चरहिं न पिअहिं जलु मोचहिं लोचनबारि ।

व्याकुल भए निषाद सब रघुबरबाजि निहारि ॥

चौपाई

धरि धीरजु तब कहइ निषादू । अब सुमंत्र परिहरहु विषादू ॥
तुम्ह पंडित परमारथग्याता । धरहु धीर लषि बिमुष बिधाता ॥
बिबिध कथा कहि कहि मृदुवानी । रथ बैठारेउ बरवस आनी ॥
सोकसिथिल रथु सकइ न हांकी । रघुबरबिरहपीर उर बांकी ॥
चरफराहिं मग चलहिं न घोरे । वनमृग मनहु आनि रथ जोरे ॥
अदुकि परहि फिरि हेरहिं पीछें । रामबियोगबिकल दुषतीछें ॥
जो कह रामु लषनु बैदेही । हिंकरि हिंकरि हित हेरहि तेही ॥
बाजिबिरहगति कहि किमि जाती । बिनु मनि फनिक बिकल जैहि भांती ॥

दोहा

भयउ निषादु विषादवस देषत सचिव तुरंग ।

बोलि सुसेवक चारि तब दिये सारथीसंग ॥

चौपाई

गुह सारथिहि फिरे पहुंचाई । बिरहु विषाद बरनि नहि जाई ॥
चले अवच लै रथहि निषादा । होंहि छुनहि छुन मगन विषादा ॥
सोच सुमंत्र बिकल दुषदीना । धिग जीवन रघुबीरबिहीना ॥
रहिहि न अंतहु अधमु सरीरू । जसु न लहेउ बिछुरत रघुबीरू ॥
भये अजसअघभाजन प्राणा । कवन हेतु नहि करत पयाना ॥
अहह मंद मनु अवसर चूका । अजहुं न हृदय होत दुइ टूका ॥
मीजि हाथ सिरु धुनि पछिताई । मनहुं कृपन धनराशि गवाई ॥
बिरद बांधि बरबीरु कहाई । चलेउ समर जनु सुभट पराई ॥

दोहा

विप्र विवेकी बेदविद संमत साधु सुजाति ।

जिमि धोषे मद पानकर सचिव सोच तेहि भांति ॥

चौपाई

जिमि कुलीन तिय साधु सयानी । पतिदेवता करममनबानी ॥
 रहैं करमवस परिहरि नाहं । सचिव हृदय तिमि दारुन दाहं ॥
 लोचन सजल डीठि भइ थोरी । सुनइ न श्रवन बिकल मति भोरी ॥
 सूषहि अश्रर लागि मुह लाटी । जिउ न जाइ उर श्रवधिकपाटी ॥
 बिबरन भयउ न जाइ निहारी । मारेसि मनहुं पिता महतारी ॥
 हानि गलानि बिपुल मन व्यापी । जमपुरपंथ सोच जिमि पापी ॥
 बचनु न आव हृदय पछिताई । अवध काह मै देशव जाई ॥
 रामरहित रथ देषिहि जोई । सकुचिहि मोहि विलोकित सोई ॥

दोहा

धाइ पूंछिहहिं मोहि जव बिकल नगर नरनारि ।
 उतरु देव मै सबहि तब हृदय बज्रु बैठारि ॥

चौपाई

पुंछिहहिं दीनदुषित सब मोता । कहव काह मै तिन्हहि बिधाता ॥
 पूंछिहि जबहिं लषनमहतारी । कहिहौं कवन संदेस सुषारी ॥
 रामजननि जब जब आइहि धाई । सुमिरि बच्छु जिमि धेनु लवाई ॥
 पूँछत उतर देव मै तेही । गो वनु राम लषनु बैदेही ॥
 जोइ पूंछिहि तेहि ऊतरु देवा । जाइ अवध अव एहु सुषु लेवा ॥
 पूंछिहि जबहिं राउ दुषदीना । जिवनु जासु रघुनाथअधीना ॥
 देहौ उतरु कौनु मुहु लाई । आयेउं कुसल कुअंर पहुंचाई ॥
 सुनत लषन सिय राम संदेसु । तन जिमि तनु परिहरिहि नरेसु ॥

दोहा

हृदउ न बिदरेउ पंक जिमि बिछुरत प्रीतमु नीरु ।
 जानत हौ मोहि दीन्ह बिधि येहु जातना सरीरु ॥

चौपाई

एहि बिधि करत पंथ पछितावा । तमसातीर तुरत रथु आवा ॥
 बिदा किये करि बिनय निषादा । फिरे पायं परि बिकलविषादा ॥
 पैठत नगर सचिव सकुचाई । जनु मारेसि गुरु बांभन गाई ॥

बैठि बिटप तर दिवसु गवावा । सांझ समय तब अवसर पावा ॥
 अवधप्रवेशु कीन्ह अंधियारै । पैठ भवन रथ राषि दुआरै ॥
 जिन्ह जिन्ह समाचार सुनि पाये । भूपद्वार रथ देषन आए ॥
 रथ पहिचानि बिकल लषि घोरे । गरहिं गात जिमि आतप ओरे ॥
 नगर नारि नर ब्याकुल कैसे । निघटत नीर मीनगन जैसे ॥

दोहा

सचिव आगमनु सुनत सबु बिकल भएउ रनिवासु ।
 भवन भयकरु लाग तेहि मानहुं प्रेतनिवासु ॥

चौपाई

अति आरति सब पूंछुहि रानी । उतरु न आव बिकल भइ बानी ॥
 सुनइ न श्रवन नयन नहि सूझा । कहहु कहां नृपु तेहि तेहि बूझा ॥
 दासिन्ह दीष सचिव बिकलाई । कौसल्यागृह गई लवाई ॥
 जाइ सुमंत्र दीष कस राजा । अमियरहित जनु चंदु बिराजा ॥
 आसन सयन विभूषनहीना । परेउ भूमितल निपट मलीना ॥
 लेइ उसास सोच एहि भांती । सुरपुर ते जनु पसेउ जजाती ॥
 लेत सोच भरि छिनु छिनु छाती । जनु जरि पंष परेउ संपाती ॥
 राम राम कह राम सनेही । पुनि कह राम लषन बैदेही ॥

दोहा

वेषि सचिव जयजीव कहि कीन्हेउ दंडप्रनामु ।
 सुनत उठेउ ब्याकुल नृपति कहु सुमंत्र कहं रामु ॥

चौपाई

भूप सुमंत्रु लीन्ह उरलाई । बूडत कछु अधार जनु पाई ॥
 सहित सनेह निकट बैठारी । पूंछत राउ नयन भरि बारी ॥
 रामकुसल कहु सषा सनेही । कहं रघुनाथ लषनु बैदेही ॥
 आने फेरि कि बनहिं सिधाए । सुनत सचिवलोचन जल छाए ॥
 सोक बिकल पुनि पूंछ नरेखु । कहु सिय राम लषन संदेखु ॥
 रामरूप गुन सील सुभाऊ । सुमिरि सुमिरि उर सोचत राऊ ॥
 राउ सुनाय दीन्ह बनवासु । सुनि मन भएउ न हरष हरंखु ॥

सो सुत विछुरत गए न प्राना । को पापी बड मोहि समाना ॥

दोहा

सपा रामु सिय लपनु जहं तहां मोहि पहुंचाउ ।
नाहित चाहत चलन अब प्रान कहौ सति भाउ ॥

चौपाई

पुनि पुनि पूंछत मंत्रिहि राऊ । प्रियतम सुअनसंदेस सुनाऊ ॥
करहि सषा सोइ वेगि उपाऊ । रामु लपन सिय नयन देपाऊ ॥
सचिउ धीर धरि कह सृदु वानी । माहराज तुम्ह पंडित ज्ञानी ॥
बीर सुधीर धुरंधर देवा । साधु समाज सदा तुम्ह सेवा ॥
जनम मरन सब दुष सुष भोगा । हानि लाभु प्रियमिलन वियोगा ॥
काल करमबस होंहि गोसाईं । बरबस राति दिवस की नाई ॥
सुष हरषहिं जड दुष बिलषाहीं । दोउ सम धीर धरहि मन माहीं ॥
धीरज धरहु बिबेकु बिचारी । छाडिअ सोच सकलहितकारी ॥

दोहा

प्रथम बासु तमसा भएउ दूसरि सुरसरि तीर ।
न्हाइ रहे जल पानु करि सियसमेत दोउ बीर ॥

चौपाई

केवट कीन्ह बहुत सेवकाई । सो जामिनि सिंगरौर गवाई ॥
होत प्रात बटछीरु मगावा । जटामुकट निज सीस बनावा ॥
रामसषा तब नाव मगाई । प्रिया चढाइ चढे रघुराई ॥
लषन बान धनु धरे बनाई । आपु चढे प्रभु आयेसु पाई ॥
बिकल बिलोकि मोहि रघुबीरा । बोले मधुर बचन धरि धीरा ॥
तात प्रनामु तात सन कहेहू । बार बार पदपंकज गहेहू ॥
करवि पाय परि बिनय बहोरी । तात करिअ जनि चिंता मोरी ॥
बनमग मंगल कुसल हमारें । कृपा अनुग्रह पुन्य तुम्हारें ॥

ब्रह्म

तुम्हरे अनुग्रह तात कानन जात सब सुषु पाइहों ।
प्रतिपालि आयसु कुसल देषन पाय पुनि फिरि आइहों ॥

जननी सकल परितोषि परिपरि पायं करि बिनती घनी ।
तुलसी करेहु सोइ जतनु जेहि कुसली रहहि कोसलधनी ॥

सोरठा

गुर सन कहब संदेसु बार बार पदपदुम गहि ।
करव सोइ उपदेसु जेहि न सोच मोहि अवधपति ॥

चौपाई

पुरजन परिजन सकल निहोरी । तात सुनायेहु बिनती मोरी ॥
सोइ सब भांति मोर हितकारी । जातैं रह नरनाहुं सुषारी ॥
कहव सदेसु भरत के श्राप । नीति न तजिअ राजपदु पाप ॥
पालेहु प्रजहि करम मन बानी । सेएहु मातु सकल सम जानी ॥
और निबाहेहु भायप भाई । करि पितु मातु सुजनसेवकाई ॥
तात भांति तेहि राषव राऊ । सोच मोर जेहि करइ न काऊ ॥
लषन कहे कछु बचन कठोरा । बरजि राम पुनि मोहि निहोरा ॥
बारबार निज सपथ देवाई । कहवि न तात लषन लरिकवाई ॥

दोहा

कहि प्रनामु कछु कहन लिय सिय भइ सिथिलसनेह ।
थकित बचन लोचन सजल पुलकपल्लवित देह ॥

चौपाई

तेहि अवसर रघुबररुष पाई । केवट पारहि नाव चलाई ॥
रघुकुलतिलक चले एहि भांती । देखेउं ठाढ कुलिस धरि छाती ॥
मै आपन किमि कहउं कलेसू । जिअत फिरेउं लेइ रामसंदेसू ॥
अस कहि सचिव बचन रहि गयऊ । हानि गलानि सोच बस भयऊ ॥
सूतबचन सुनतहि नरनाहू । परेउ धरनि उर दारुन दाहू ॥
तलफत विषम मोह मन मापा । मांजा मनहुं मीन कहुं व्यापा ॥
करि विलाप सब रोवहि रानी । महा विपति किमि जाइ बषानी ॥
सुनि विलाप दुषह दुषु लागा । धीरजुहू कर धीरजु भागा ॥

दोहा

भयेउ कोलाहलु अवधि अति सुनि नृपराउर सोर ।

बिपुल बिहंगवन परेउ निसि मानहुं कुलिस कठोर ॥

चोपाई

प्रानकंडगत भयेउ भुआलू। मनिविहीन जनु ब्याकुल ब्यालू ॥
इंद्री सकल बिकल भई भारी। जनु सर सरसिज बन बिनुबारी ॥
कौसल्या नृपु दीष मलाना। रबिकुलरवि अंथएउ जिय जाना ॥
उर धरि धीर राममहतारी। बोली बचन समय अनुसारी ॥
नाथ समुझि मन करिअ विचारू। रामवियोग पयोधि अपारू ॥
करनधार तुम्ह अवधजहाजू। चढेउ सकल प्रिय पथिक समाजू ॥
धीरजु धरिअ त पाइअ पारू। नाहि त बूडिहि सबु परिवारू ॥
जौ जिय धरिअ विनय पिय मोरी। राम लषनु सिय मिलहि बहोरी ॥

दोहा

प्रियावचन मृदु सुनत नृप चितएउ आंषि उघारि।

तलफत मीन मलीन जनु सींचत सीतल बारि ॥

चोपाई

धरि धीरजु उठि बैठि भुआलू। कहू सुमंत्र कहँ राम कृपालू ॥
कहां लषनु कहं रामु सनेही। कहं प्रियपुत्रबधू बैदेही ॥
बिलपत राउ बिकल बहु भांती। भइ जुग सरिस सिराति न राती ॥
तापसअंधसाप सुधि आई। कौसल्यहि सब कथा सुनाई ॥
भएउ बिकल बरनत इतिहासा। रामरहित धिग जीवनआसा ॥
सो तनु राषि करव मै काहा। जेहि न प्रेमपनु मोर निबाहा ॥
हा रघुनदन प्रानपिरीते। तुम्ह बिनु जियत बहुत दिन बीते ॥
हा जानकी लषन हां रघुबर। हा पितुहित चितचातकजलधर ॥

दोहा

राम राम कहि राम कहि राम राम कहि राम।

तनु परिहरि रघुबरबिरह राउ गयेउ सुरधाम ॥



उत्तरकाण्ड

दोहा

रहा एक दिन अवधि कर , अति आरत पुरलोग ।
जहँ तहँ सोचहि नारि नर , कृततन रामविशोग ॥
सगुन होहि सुंदर सकल , मन प्रसन्न सब केर ।
प्रभुआगमन जनाव जनु , नगर रम्य चहुँ फेर ॥
कौसल्यादि मातु सब , मन अनंद अस होइ ।
आपउ प्रभु सिय अनुजजुत , कहन चहत अब कोइ ॥
भरत नयन भुज दछिन , फरकहि बारहि बार ।
जानि सगुन मन हरष अति , लागे करै विचार ॥

चौपाई.

रहैउ एक दिनु अवधिअधारा । समुझत मन दुष भएउ अपारा ॥
कारन कवन नाथ नहि आपउ । जानि कुटिल किधौमोहिबिसराएउ ॥
अहह धन्य लछिमनु बड़भागी । रामपदारविंद अनुरागी ॥
कपटी कुटिल मोहि प्रभु चीन्हा । ताते नाथ संग नहि लीन्हा ॥
जो करनी समुझै प्रभु मोरी । नहि निस्तार कलप सतकोरी ॥
जनअवगुन प्रभु मान न काऊ । दीनबंधु अति मृदुल सुभाऊ ॥
मोरे जिय भरोस दढ़ सोई । मिलिहहि रामु सगुन सुभ होई ॥
बीते अवधि रहहि जौ प्राना । अधम कवन जग मोहि समाना ॥

दोहा

रामविरहसागर महँ , भरत मगनमन होत ।
विप्ररूप धरि पवनसुत , आइ गएउ जनु पोत ॥
बैठे देषि कुसासन , जटामुकुट कृतगात ।
राम राम रघुपति जपत , स्रवत नयनजलजात ॥

चौपाई

वेषत हनुमान अति हरषेउ । पुलकगात लोचनजल बरषेउ ॥

मन महुँ बहुत भांति सुष मानी । बोलेउ श्रवनसुधा सम बानी ॥
 जासु विरह सोचहु दिनुराती । रटहु निरंतर गुनगनपांती ॥
 रघुकुलतिलक सुजनसुषदाता । आपउ कुसल देवमुनित्राता ॥
 रिपु रन जोति सुजस सुर गावत । सीता अनुज सहित पुर आवत ॥
 सुनत वचन बिसरे सब दूषा । तृषावन्त जिमि पाव पियूषा ॥
 को तुम तात कहां ते आये । मोहिं परम प्रिय वचन सुनाये ॥
 माखतसुत मैं कपि हनुमाना । नाम मोर सुनु कृपानिधाना ॥
 दीनबंधु रघुपतिकर किंकर । सुनत भरत भेंटैउ उठि सादर ॥
 मिलत प्रेमु नहिं हृदय समाता । नयन खवत जल पुलकितगाता ॥
 कपि तव दरस सकल दुष बीते । मिले आजु मोहिं रामु पिरिते ॥
 बार बार वृभी कुसलाता । तो कहूँ देउँ काह सुनु भ्राता ॥
 एहि संदेस सरिस जग माहीं । करि विचार देषेउं कछु नाहीं ॥
 नाहिंन तात उरिन मैं तोहीं । अब प्रभुचरित सुनावहु मोहीं ॥
 तब हनुमंत नाइ पद माथा । कहे सकल रघुपतिगुनगाथा ॥
 कहु कपि कबहुँ कृपालु गुसाईं । सुमिरहिं मोहिं दासकी नाई ॥

छंद

निज दास ज्यों रघुवंसभूषन कबहुँ मम सुमिरन करथो ।
 सुनि भरतवचन विनीत अति कपि पुलकि तनु चरननि परथो ॥
 रघुवीर निज मुष जासु गुनगन कहत अगजगनाथ जो ।
 काहे न होइ विनीत परम पुनीत सद्गुनसिंधु सो ॥

दोहा

रामप्रानप्रिय नाथ तुम , सत्य वचन मम तात ।
 पुनि पुनि मिलत भरत सन , हरष न हृदय समात ॥

सोरठा

भरतचरन सिर नाइ , तुरत गणउ कपि रामपहँ ।
 कही कुसल सब जाइ , हरषि चले प्रभु जान चढ़ि ॥

चौपाई

हरषि भरत कोसलपुर आए । समाचार सब गुरहिं सुनाए ॥

पुनि मंदिर महँ वात जनाई । आवत नगर कुसल रघुराई ॥
 सुनत सकल जननी उठि धाई । कहि प्रभु कुसल भरत समुभाई ॥
 समाचार पुरवासिन्ह पाए । नर अरु नारि हरषि सब धाए ॥
 दधि दूर्वा रोचन फल फूला । नव तुलसीदल मंगलमूला ॥
 भरि भरि हेमथार घर भामिनि । गावत चलीं सिंधुरागामिनि ॥
 जो जैसहिं तैसहिं उठि धावहिं । बाल वृद्ध कहुं संग न लावहिं ॥
 एक एक कहुं बूझहिं भाई । तुम देषे दयाल रघुराई ॥
 अवधपुरी प्रभु आवत जानी । भई सकल शोभा कै पानी ॥
 भइ सरजू अति निरमल नीरा । बहै सुहावनि त्रिविध समीरा ॥

दोहा

हरषित गुर पुरजन अनुज , भूसुरवृंद समेत ।
 चले भरत अति प्रेममन , सनमुष कृपानिकेत ॥
 बहुतक चढ़ीं अटारिन्ह , निरषत गगन विमान ।
 देषि मधुर सुर हरषअति , करहिं सुमंगल गान ॥
 राकाससि रघुपतिपुर , सिंधु देषि हरषान ।
 बढेउ कोलाहल करत जनु , नारि तरंग समान ॥

चौपाई

इहां भानुकुलकमलदिवाकर । कपिन्ह देषावत नगर मनोहर ॥
 सुनु कपीस अंगद लकेसा । पावन पुरी रुचिर यह देसा ॥
 जद्यपि सब वैकुंठ बषाना । वेद पुरानविदित जगजाना ॥
 अवध सरिस प्रिय मोहिं न सोऊ । एह प्रसंग जानै कोउ कोऊ ॥
 जनमभूमि मम पुरी सुहावनि । उत्तरदिसि बह सरजू पावनि ॥
 जामज्जन ते बिनिहिं प्रयासा । मम समीप पावहिं नर वासा ॥
 अतिप्रिय मोहिं इहांके वासी । ममधामदा पुरी सुषरासी ॥
 हरषे कपि सब सुनि प्रभुवानी । धन्य अवध जो राम बषानी ॥

दोहा

आवत देषि लोग सब , कृपासिंधु भगवान ।
 नगर निकट प्रभु प्रेरेउ , उतरेउ भूमि विमान ॥

उतरि कहेउ प्रभु पुष्पकहिं , तुम कुबेर पहिं जाहु ।
प्रेरित राम चलेउ सो , हरष विरह अति ताहु ॥

चौपाई

आप भरत संग सब लोगा । कसतनु श्रीरघुवीरवियोगा ॥
बामदेव वसिष्ठ मुनिनायक । देषे प्रभु महि धरि धनु सायक ॥
धाइ धरे गुरचरनसरोरुह । अनुज सहित अति पुलकतनोरुह ॥
भैंटि कुसल बूझी मुनिराया । हमरे कुसल तुम्हारिहि दाया ॥
सकल द्विजन मिलि नाणउ माथा । धरमधुरंधर रघुकुलनाथा ॥
गहे भरत पुनि प्रभुपदपंकज । नमत जिनहिं सुर मुनि शंकर अज ॥
परे भूमि नहिं उठत उठाए । बर करि कृपासिंधु उर लाये ॥
स्यामल गात रोम भये ठाढ़े । नवराजीवनयन जल बाढ़े ॥

छंद

राजीवलोचन झवत जल तनु ललित पुलकावलि बनी ।
अतिप्रेम हृदय लगाय अनुजहि मिले प्रभु त्रिभुवनधनी ॥
प्रभु मिलत अनुजहि सोह मो पहुँ जात नहिं उपमा कही ।
अनु प्रेम अरु शृंगार तनु धरि मिलत बर सुषमा ही ॥
बूझत कृपानिधि कुसल भरतहिं वचन वेगि न आवई ।
सुनि शिवा सो सुष बचन मनते भिन्न जान जो पावई ॥
अब कुसल कोसलनाथ आरत जानि जन दरसन दियो ।
बूझत विरहबारीश कृपानिधान मोहिं कर गहि लियो ॥

दोहा

पुनि प्रभु हरषित सत्रुहन , भैंटे हृदय लगाइ ।
लछिमन भरत मिले तब , परम प्रेम दोउ भाइ ॥

चौपाई

भरतअनुज लछिमन पुनि भैंटे । दुसह विरहसंभव दुष मेटे ॥
सीताचरन भरत सिर नावा । अनुज समेत परम सुषु पावा ॥
प्रभु बिलोकि हरषे पुरबासी । जनितवियोग विपति सब नासी ॥
प्रेमानुर सब लोग निहारी । कौतुक कीन्ह कृपाल घरारी ॥

अमित रूप प्रकटे तेहि काला । जथाज्ञोग मिले सबहि कृपाला ॥
 कृपादृष्टि रघुवीर विलोकी । किए सकल नर नारि विलोकी ॥
 छन महँ सबहि मिले भगवाना । उमा मरम यह काहु न जाना ॥
 यहि विधि सबहि सुगी करि रामा । आगे चले सीलगुनधामा ॥
 कौसल्यादि मातु सब धाई । निरषि बछु जनु धेनु लवाई ॥

छंद

जनु धेनु बालक बछु तजि गृह चरन वन परबस गई ।
 दिन अंत पुररुष स्रवतथन हुंकार करि धावत भई ॥
 अति प्रेम प्रभु सब मातु भेंटी वचन मृदु बहु विधि कहे ।
 गइ विषम विपति वियोगभव तिन्ह हरष सुष अगनित लहे ॥

दोहा

भेंटेउ तनय सुमित्रा, रामचरनरति जानि ।
 रामहिं मिलत कैकई, हृदय बहुत सकुचानि ॥
 लछिमन सब मातन्ह मिले, हरषे आसिष पाइ ।
 कैकई कहुं पुनि पुनि मिले मन कर छोभ न जाइ ॥

चौपाई

सासुन सबन्ह मिली वैदेही । चरनन्हि लागि हरष अति तेही ॥
 देहिं असीस बूझि कुसलाना । होइ अचल तुम्हार अहिवाता ॥
 सब रघुपतिमुषकमल विलोकहिं । मंगल जानि नयनजल रोकहिं ॥
 कनकथार आरती उतारहिं । बार बार प्रभुगात निहारहिं ॥
 नाना भांति निछावरि करहीं । परमानंद हरष उर भरहीं ॥
 कौसल्या पुनि पुनि रघुवीरहिं । चितवति कृपासिंधु रनधीरहिं ॥
 हृदय विचारति बारहिं बारा । कवन भांति लंकापति मारा ॥
 अति सुकुमार जुगल मेरे बारे । निसिचर सुभट महाबल भारे ॥

दोहा

लछिमन अरु सीता सहित, प्रभुहिं विलोकहिं मात ।
 परमानंदमगन मन, पुनि पुनि पुलकित गात ॥

चौपाई

लंकापनि कपीस नल नीला । जामवंत अंगद सुभसीला ॥
 हनुमदादि सब वानर वीरा । धरे मनोहर मनुजसरीरा ॥
 भरतसनेह सील व्रत नेमा । सादर सब वरनहि अतिप्रेमा ॥
 देषि नगरवासिन कै रीती । सकल सराहहि प्रभुपदप्रीती ॥
 पुनि रघुपति सब सषा बुलाये । मुनिपदलागनकुसल सिषाये ॥
 गुरु वसिष्ठ कुलपूज्य हमारे । इनकी कृपा दनुज रन मारे ॥
 ए सब सषा सुनहुमुनि मेरे । भए समरसागर कहूँ बेरे ॥
 मम हित लागि जनम इन हारे । भरतहु ते मौंहि अधिक पिआरे ॥
 सुनि प्रभुवचन मगन सब भए । निमिष निमिष उपजत सुष नपे ॥

दोहा

कौसल्या के चरनन्हि पुनि तिन्ह नापउ माथ ।
 आसिष दीन्ही हरषि तुम प्रिय मम जिमि रघुनाथ ॥

दोहा

सुमनवृष्टि नम संकुल, भवन चले सुषकंद ।
 चढ़े अटारिन्ह देषहीं. नगर नारिवरबृंद ॥

चौपाई

कंचनकलस विचित्र सँवारे । सबहि धरे सजि निज निज द्वारे ॥
 बंदनवार पताका केतू । सबन्हि बनाये मंगलहेतू ॥
 वीथिन सकल सुगंध सिंचाई । गजमनि रचि बहु चौक पुराई ॥
 नाना भांति सुमंगल साजे । हरषि नगर निसान बहु बाजे ॥
 जहँ तहँ नारि निछावरि करहीं । देहि असीष हरष उर भरहीं ॥
 कंचनथार आरती नाना । जुवती सजें करहि शुभ गाना ॥
 करहि आरती आरतिहरकें । रघुकुलकमलविपिनदिनकरकें ॥
 पुरशोभा संपति कल्याणा । निगम शेष सारदा बषाना ॥
 तेउ यह चरित देषि ठगि रहहीं । उमा तासु गुन नर किमि कहहीं ॥

दोहा

नारि कुमुदिनी अवध सर, रघुपतिविरह दिनेस ।

अस्त भए धिगसत भई, निरधि रामराकेस ॥
 होंहि सगुन शुभ विविध विधि, बाजहि नाक निसान ।
 पुरनर नारि सनाथ करि, भवन चले भगवान ॥

चौपाई

प्रभु जानी कैकई लज्जानी । प्रथम तासु गृह गए भवानी ॥
 ताहि प्रबोधि बहुत सुष दीन्हा । पुनि निज भवन गवनु हरि कीन्हा ॥
 कृपासिंधु जब मदिर गए । पुर नर नारि सुणी सब भए ॥
 गुरु वसिष्ठ द्विज लिये बुलाई । आजु सुघरी सुदिन सुभदाई ॥
 सब द्विज देहु हरषि अनुसासन । रामचंद बैठहि सिंहासन ॥
 मुनि वसिष्ठ के वचन सुदाये । सुनत सकल विप्रन्ह अति भाये ॥
 कहहि वचन मृदु विप्र अनेका । जगअभिराम रामअभिवेका ॥
 अब मुनिवर विलंब नहि कीजै । महाराज कहँ तिलक करीजै ॥

दोहा

तब मुनि कहेउ सुमंत्रसन, सुनत चलेउ सिरु नाइ ।
 रथ अनेक बहु घाजि गज, तुरत सँवारे जाइ ॥
 जहँ तहँ धावन पडै मुनि, मंगल द्रव्य मँगाइ ।
 हरष समेत वसिष्ठ पद, पुनि सिर नाएउ आइ ॥

चौपाई

अवधपुरी अति रुचिर बनाई । देवन सुमनवृष्टि भरि लाई ॥
 राम कहा सेवकन्ह बुलाई । प्रथम सषन अन्हवावहु जाई ॥
 सुनत वचन जहँ तहँ जन धाए । सुग्रीवादि तुरत अन्हवाए ॥
 पुनि करुनानिधि भरत हँकारे । निज कर राम जटा निरवारे ॥
 अन्हवाये पुनि तीनिउँ भाई । भगतबडल कृपाल रघुराई ॥
 भरतभाग्य प्रभुकोमलताई । सेष कोटि सत सकहिं न गाई ॥
 पुनि निज जटा राम बिंवराये । गुरअनुसासन मांगि नहाये ॥
 करि मज्जन प्रभु भूषन साजे । अंग अनंगकोटिछुबि लाजे ॥

दोहा

सासुन सादर जानकिहि, मज्जन तुरत कराइ ।

दिव्य वसन वर भूपननि, अंग अंग सजे बनाइ ॥
 रामवामदिसि सोभित, रमा रूपगुनपानि ।
 देपि मातु सब हरपी, जनम सुफल निज जानि ॥
 सुनु पगेस तेहि अवसर, ब्रह्मा शिव मुनिवृंद ।
 चढ़ि विमान आए सब, सुर देषन सुषकंद ॥

चौपाई

प्रभु विलोकि मुनिमन अनुरागा । तुरतहि दिव्य सिंघासन मांगा ॥
 रविसम तेज सो वरनि नहि जाई । बैठे राम द्विजन सिर नाई ॥
 जनकसुता समेत रघुराई । पेषि प्रहरषे मुनिसमुदाई ॥
 वेदमंत्र तब द्विजन उचारे । नभ सुर मुनि जय जयति पुकारे ॥
 प्रथम तिलक वसिष्ठ मुनि कीन्हा । पुनि सब विप्रन आयसु दीन्हा ॥
 सुत विलोकि हरपी महतारी । बार बार आरती उतारी ॥
 विप्रन दान विविधविधि दीन्है । जाचक सकल अजाचक कीन्है ॥
 सिंघासन पर त्रिभुवनसाई । देषि सुरन दुंदुभी बजाई ॥

बहु

नभ दुंदुभी बाजहि विपुल गंगरब किंनर गावहीं ।
 नाचहि अपसरावृंद परमानंद सुरमुनि पावहीं ॥
 भरतादि अनुज विभीषणांगद हनुमदादि समेत ते ।
 गहे छत्र चामर व्यजन धनु असि चर्म शक्ति विराजते ॥
 श्रीसहित दिनकरवंसभूषन काम बहु छवि सोहई ।
 नवअंबुधरवरगात अंबर पीत मुनिमन मोहई ॥
 मुकुटांगदादि विचित्र भूषन अंग अंगन प्रति सजे ।
 अंभोज नयन विसाल उर भुज धन्य नर निरपति जे ॥

दोहा

बह सोभा समाज सुष, कहत न बनै पगेस ।
 बरनै सारद शेष श्रुति, सो रस जानु महेस ॥
 भिन्न भिन्न अस्तुति करि, गे सुर निजनिज धाम ।
 बंदीवेष धरि वेद तब, आए जहँ श्रीराम ॥

प्रभु सरवग्य कीन्ह अति , आदर कृपानिधान ।
लषेउ न काहू मर्म कछु , लगे करन गुनगान ॥

छंद

जय सगुन निर्गुनरूप रूप अनूप भूपसिरोमने ।
दशकंधरादि प्रचंडनिशिचर प्रबलषल भुजबल हने ॥
अवतार नर संसार भार विभंजि दारुन दुष दहे ।
जय प्रनतपाल दयाल प्रभु संयुक्तशक्ति नमामहे ॥
तव विषममायाबस सुरासुर नाग नर अग जग हरे ।
भवपंथभ्रमित श्रमित दिवसनिसि कालकर्म गुनन भरे ॥
जेहि नाथ करि करुना विलोके त्रिविध दुष ते निर्वहे ।
भवषेदछेदनदछु हम कहँ रछु राम नमामहे ॥
जे ग्यानमानविमत्त तव भवहरनि भगति न आदरी ।
ते पाइ सुरदुलंभ पदादपि परत हम देशत हरी ॥
विश्वास करि सब आस परिहरि दास तव जे होइ रहे ।
जपि नाम तव बिन श्रम तरहिं भव नाथ सो समरामहे ॥
जे चरन शिवअजपूज्यरज सुभ परसि मुनिपत्नी तरी ।
नषनिर्गता मुनिबन्दिता त्रैलोक्यपावनि सुरसरी ॥
ध्वज कुलिस अंकुस कंजजुत बन फिरत कंटक कि न लहे ।
पदकंजद्वंद्व मुकुंद राम रमेस नित्य भजामहे ॥
अव्यक्तमूलमनादि तरु त्वच चारि निगमागम भने ।
षट्कंध साषा पंचवीस अनेक परन सुमन घने ॥
फल जुगलविधि कटुमधुर बेलि अकेलि जेहि आश्रित रहे ।
पल्लवित फूलत नवल नित संसारविटप नमामहे ॥
जे ब्रह्म अज अद्वैत मनुभवगम्य मनपर ध्यावहीं ।
ते कहहु जानहु नाथ हम तव सगुनजस नित गावहीं ॥
करुनायतन प्रभु सदगुनाकर देहु यह वर माँगहीं ।
मनवचन कर्म विकार तजि तव चरन हम अनुरागहीं ॥

दोहा

सबके देपत बेदन्ह, विनती कीन्ह उदार ।
अंतरधान भये पुनि, गण ब्रह्मआगार ॥
वैनतेय सुनु शंभु तब, आए जहँ रघुवीर ।
विनय करत गदगद गिरा, पूरित पुलक सरीर ॥

छंद

जय राम रमारमनं समनं । भवतापभयाकुल पाहि जनं ॥
अवधेस सुरेस रमेस विभो । शरनागतमागत पाहि प्रभो ॥
दससीस विनासन बीसभुजा । कृत दूरि महामहिभूरिज्जा ॥
रजनीचरवृंद पतंग रहे । सरपावक तेज प्रचंड दहे ॥
महिमंडल मंडन चारुतरं । धृत सायक चाप निषंगवरं ॥
मद मोह महा ममतारजनी । तमपुंजदिवाकर तेजअनी ॥
मनुजाद किरात निपात किये । मृगलोग कुभोग सरे न हिये ॥
हितनाथ अनाथहि पाहि हरे । विषयावन पामर भूलि परे ॥
बहु रोग वियोगहि लोग हए । भवदंघ्रि निरादर के फल ए ॥
भवसिंधु अगाध परे नर ते । पदपंकज प्रेम न जे करते ॥
अति दीन मलीन दुषी नितहीं । जिनके पदपंकज प्रीति नहीं ॥
अवलंब भवंत कथा जिन्हके । प्रिय संत अनंत सदा तिन्हके ॥
नहि राग न लोभ न मान मदा । तिन्ह के सम वैभव वा विपदा ॥
मुनि त्यागत जोगभरोस सदा । इहि ते तब सेवक होत मुदा ॥
करि प्रेम निरंतर नेम लिये । पदपंकज सेवत सुख हिये ॥
सम मान निरादर आदरही । सब संत सुषी विचरंत मही ॥
मुनिमानसपंकजभृंग भजै । रघुवीर महारनघीर अजै ॥
तब नाम जपामि नमामि हरी । भवरोग महामदमानअरी ॥
गुन सील कृपा परमायतन । प्रनमामि निरंतर श्रीरमनं ॥
रघुनंद निकंदय द्रंदघनं । महिपाल विलोकिय दीनजनं ॥

दोहा

बार बार वर माँगौं, हरषि देहु श्रीरंग ।

पद्मरोज अनपायनी, भगति सदा सतसंग ॥
 वरनि उमापति रामगुन, हरषि गये कैलास ।
 तब प्रभु कपिन दिवाये, सब विधि सुषप्रद वास ॥

चौपाई

सुनु षगपति यह कथा सुहावनि । त्रिविग्रताप भवदोष नशावनि ॥
 महाराज कर सुभ अभिषेका । सुनत लहहि नर विरति विवेका ॥
 जे सकाम नर सुनहि जे गावहि । सुष संपति नाना विधि पावहि ॥
 सुरदुर्लभ सुष करि जगमाही । अंतकाल रघुपतिपुर जाही ॥
 सुनहि विमुक्त विरत अरु विषई । लहहि भगति गति संपति नितई ॥
 षगपति रामकथा मैं वरनी । सुमतिविलास त्रासदुषहरनी ॥
 विरति विवेक भगति दृढ़करनी । मोहनदी कहँ सुंदर तरनी ॥
 नित नव मंगल कोसलपूरी । हरपिता रहहि लोग सब भूरी ॥
 नित नई प्रीति रामपदपंकज । सब के जिनहि नमत शिव मुनि अज ॥
 मंगन बहु प्रकार पहिराए । द्विजन दान नानाविधि पाए ॥

दोहा

ब्रह्मानंद मगन कपि, सब के प्रभुपदप्रीति ।
 जात न जाने दिवस तिन्ह, गए मास षट् बीति ॥

चौपाई

बिसरे गृह सपनेहु सुधि नाही । जिमि परद्रोह संत मन माहीं ॥
 तब रघुपति सब सखा बुलाये । आइ सबन्हि सादर शिर नाये ॥
 परम प्रीति समेत बैठारे । भक्तसुपद मृदु वचन उचारे ॥
 तुम अति कीन्हि मोरि सेवकाई । सुष पर केहि विधि करौ बड़ाई ॥
 ताते मोहि तुम अति प्रियलागे । मम हितलागि भवन सुषु त्यागे ॥
 अनुज राज संपति वैदेही । देह गोह परिवार सनेही ॥
 सब मम प्रिय नहि तुमहि समाना । मृषा न कहौ मोर यह वाना ॥
 सब के प्रिय सेवक ये नीती । मोरे अधिक दास पर प्रीती ॥

दोहा

अब गृह जाहु सखा सब, भजहु मोहि दृढ़ नेम ।

सदा सर्वगत सर्वहित , जानि करेहु अति प्रेम ॥

चौपाई

सुनि प्रभुवचन मगन सब भए । को हम कहाँ विसरि तनु गए ॥
एकटक रहे जोरि कर आगे । सकहि न कछु कहि अति अनुरागे ॥
परमप्रेम तिनकर प्रभु देषा । कहा विविधविधि ग्यान विसेषा ॥
प्रभुसनमुख कछु कहै न पारहि । पुनिपुनि चरनसरोज निहारहि ॥
तब प्रभु भूपन वसन मंगाए । नाना रंग अनूप सुहाए ॥
सुग्रीवहि प्रथमहि पहिराए । वसन भरत निज हाथ बनाए ॥
प्रभुप्रेरित लछिमन पहिराए । लंकापति रघुपति मन भाए ॥
अंगद बैठि रहा नहि डोला । प्रीति देषि प्रभु ताहि न बोला ॥

दोहा

जामवंत नीलादि सब , पहिराए रघुनाथ ।
हिय धरि रामरूप सब , चले नाइ पदमाथ ॥
तब अंगद उठि नाइ सिर , सजल नयन कर जोरि ।
अतिविनीत बोले वचन , मनहुँ प्रेमरस बोरि ॥

चौपाई

सुनु सर्वग्य कृपासुषसिन्धे । दीनदयाकर आरतबंधे ॥
मरती वार नाथ मोहि बाली । गएउ तुम्हारेहि कोछे घाली ॥
अशरनशरनबिरद संभारी । मोहि जनि तजहु भगतहितकारी ॥
मोरे प्रभु तुम गुरु पितु माता । जाउँ कहाँ तजि पदजलजाता ॥
तुम्हइ विचारि कहहु नरनाहा । प्रभु तजि भवन काज मम काहा ॥
बालक ग्यान बुधिवलहीना । राषहु सरन नाथ जन दीना ॥
नीच टहल गृहकै सब करिहौ । पदपंकज धिलोकि भव तरिहौ ॥
अस कहि चरन परेउ प्रभु पाहीं । अब जनि नाथ कहहु घर जाहीं ॥

दोहा

अंगदवचन विनीत सुनि , रघुपति करुनासीव ।
प्रभु उठाय उर लायऊ , सजल नयनराजीव ॥
निज उरमाल वसन मनि , बोलितनय पहिराइ ।

विदा कीन्ह भगवान तब, बहु प्रकार समुझाइ ॥

चोपाई

भरत अरुज सौमित्रि समेता । पठवन चले भगतकृतचेता ॥
 अंगदहृदय प्रेम नहि थोरा । फिरि फिरि चितव रामकी आरा ॥
 बार बार करि दंड प्रनामा । मन अस रहन कहहि मोहि रामा ॥
 रामबिलोकनि बोलनि चलनी । सुमरि सुमिरि सोचत हंसि मिलनी ॥
 प्रभुरुष देषि विनय बहु भाषी । चले हृदय पदपंकज राषी ॥
 अति आदर सब कपि पहुँचाए । भाइन सहित भरत फिरि आए ॥
 तब सुग्रीवचरन गहि नाना । भाँति विनय कीन्ही हनुमाना ॥
 दिन दस करि रघुपतिपदसेवा । पुनि तब चरन देषिहौं देवा ॥
 पुन्यपुज तुम पवनकुमारा । सेवहु जाइ कृपाआगारा ॥
 अस कहि कपि सब चले तुरंता । अंगद कहै सुनहु हनुमंता ॥

दोहा

कहेउ दंडवत प्रभु सन, तुमहि कहौं कर जोरि ।
 बार ' बार रघुनायकहि, सुरति करायहु मोरि ॥
 अस कहि चलेउ बालिसुत, फिरि आये हनुमत ।
 तासु प्रीति प्रभुसन कहौ, मगन भये भगवत ॥
 कुलिसहु चाहि कठोर अति, कामल कुसुमहु चाहि ।
 चित षगेश अस रामकर, समुक्ति परै कहु काहि ॥

चोपाई

पुनि कृपाजु लिये बोलि निषादा । दोन्हे भूषन वसन प्रसादा ॥
 जाहु भवन मम सुमिरन करहु । मनकमवचन धरम अनुसरहु ॥
 तुम मम सखा भरत सम भ्राता । सदा रहेउ पुर आवन जाता ॥
 वचन सुनत उपजा सुष भारी । परेउ चरन लोचन भरि वारी ॥
 चरननलिन उर धरि गृह आवा । प्रभुसुभाव परिजनहि सुनावा ॥
 रघुपतिचरित देषि पुरवासी । पुनिपुनि कहहि धन्य सुषरासी ॥
 राम राज बैठे त्रयलोका । हरषित भए गए सब सोका ॥
 बैर न कर काहु सन कोई । रामप्रताप विषमता षोई ॥

दोहा

घरनाश्रम निज निज धरम , निरत वेदपथ लोग ।

चलहिं सदा पावहिंसुष , नहिं भयशोक न रोग ॥

चौपाई

दैहिक दैविक भौतिक तापा । रामराज नहिं काहुहिं व्यापा ॥
सब नर करहिं परसपर प्रीती । चलहिं सुधरम निरत श्रुतिनीती ॥
चारिउ चरन धर्म जग माहीं । पूरि रहा सपनेहुँ अघ नाही ॥
रामभगतिरत नर अरु नारी । सकल परमगति के अधिकारी ॥
अलपमृत्यु नहिं कवनिउँ पीरा । सब सुंदर सब निरुजशरीरा ॥
नहिं दरिद्र कोउ दुषी न दीना । नहिं कोउ अबुध न लछनहीना ॥
सब निरदंभ धरमरतिधुनी । नर अरु नारि चतुर सब गुनी ॥
सब गुनग्य सब पंडित ग्यानी । सब कृतग्य नहिं कपट सयानी ॥

दोहा

रामराज नभगेश सुनु , सचराचर जग माहिं ।

काल करम स्वभाव गुनकृत दुष काहुहि नाहिं ॥

चौपाई

भूमि सतसागरमेषला । एक भूप रघुपति कोशला ॥
भुवन अनेक रोम प्रति जासू । यह प्रभुता कछु बहुत न तासू ॥
सो महिमा समुक्त प्रभु केरी । यह वरनत हीनता घनेरी ॥
सोउ महिमा षगेश जिन जानी । फिरि यह चरित तिनहुँ रति मानी ॥
सोउ जानेकर फल यह लीला । कहहिं महामुनिबर दमशीला ॥
रामराजकर सुष संपदा । बरनि न सकहिं फनीश शारदा ॥
सब उदार सब परउपकारी । विप्रचरनसेवक नर नारी ॥
एकनास्त्रितरन सब भारी । ते मन वच क्रम पतिहितकारी ॥

दोहा

दंड यतिनकर भेद जहँ , नर्तक नृत्य समाज ।

जीतहु मनहिं जन सुनिय अस , रामचंदके राज ॥

चौपाई

फूलहिं फलहिं सदा तरु कानन । रहहिं एकसँग गज पंचानन ॥
 षग मृग सहज वैर बिसराई । सर्बाहि परस्पर प्रीति बढ़ाई ॥
 कूजहिं षग मृग नानावृंदा । अभय चरहिं वन करहिं अनंदा ॥
 सीतल सुरभि पवन बह मंदा । गुंजत अलि लै चल मकरंदा ॥
 लता विटप मांगे मधु चुवहीं । मनभाघते धेनु पय छावहीं ॥
 ससिसंपन्न सदा रह धरनी । जेता भइ कृतयुग कै करनी ॥
 प्रकटी गिरिन विबिध मनिषानी । जगदातमा भूप जग जानी ॥
 सरिता सकल बहैं वर वारी । शीतल अमल स्वादु सुषकारी ॥
 सागर निज मरजादा रहहीं । डारहिं रतन तटनि नर लहहीं ॥
 अतिप्रसन्न दश दिशा बिभागा । सरिसज संकुल सकल तड़ागा ॥

दोहा

विधु महिपूर मयूषनि रवि तप जितनै काज ।
 मांगे बारिद देहि जल रामचंद्र के राज ॥



गीतावली

(बालकांड से)

आजु सुदिन शुभ घरी सुहाई ।
रूपसीलगुनधामराम नृप-
भवन प्रगट भये आई ॥
अति पुनीत मधुमास लगन ग्रह
बार जोग समुदाई ।
हरषवंत चर अचर भूमिसुर ,
तनुरुह पुलकि जनाई ॥
वरषहिं बिबुधनिकर कुसुमावलि
नभ दुंदुभी बजाई ।
कौमल्यादि मातु मन हरषित
यह सुषु वरनि न जाई ॥
सुनि दसरथ सुत जनम लिये सब ,
गुरु जन विप्र बोलाई ।
बेदबिहित करि क्रिया परम शुचि
आनंद उर न समाई ॥
सदन वेदधुनि करत मधुर मुनि
बहु विधि बाज बधाई ।
पुरबासिन प्रिय नाथ हेत,
निजनिज संपदा लुटाई ॥
मनितोरन बहु केतु पताकन ,
पुरी रुचिर करि छाई ॥
मागध सूत द्वार बंदीजन ,

जहँ तहँ करहिं बड़ाई ॥
 सहज सिँगार किए बनिता चलीं
 मंगल विपुल बनाई ।
 गावहिं देहिं असीस मुदित, चिर—
 जिओ तनय सुषदाई ॥
 बीथिन कुमकुम कीच अरगजा
 अगर अवीर उड़ाई ।
 नाचहिं पुरनरनारि प्रेम भरि,
 देहदसा बिसराई ॥
 अमित बसन गज तुरंग धेनु मनि
 जातरूप अधिकाई ।
 देत भूप अनुरूप जाहि जोइ
 सकल सिद्धि घर आई ॥
 सुषी भए सुरसंत भूमिसुर,
 षलगनमन मलिनाई ।
 सबहि सुमन विकसत रवि निकसन,
 कुमुदविपिन विलषाई ॥
 ओ सुष सिंधुसुकृतसीकर ते
 शिवबिरंचिप्रभुताई ।
 सो सुष अवध उमंगि रह्यो दसदिसि
 कौन जतन कहों गाई ॥
 जे रघुवीरचरनचितक तिन-
 की गति प्रगट दिषाई ।
 अविरल अमल अनूप भगति दृढ़
 तुलसिदास तब पाई ॥
 गावै विबुध विमलवर वानी ।
 भुवनकोटिकल्यानकंद जो ,
 जाये पूत कौसिला रानी ॥

मास पाप तिथि वार नषत
 ग्रह योग लगन शुभ ठानी ।
 जल थल गगन प्रसन स्नाधुमन
 दशदिश हिय हुलसानी ॥
 घरषत सुमन बधाव नगर नभ ,
 हरष न जात बषानी ।
 ज्यों हुलास रनिवास नरेसहि
 भौ जनपद रजधानी ॥
 अमर नाग मुनि मनुज सपरिजन ,
 विगत विषाद गलानी ।
 मिलहिं मांझ रावन रजनीचर ,
 लंक शंक अकुलानी ॥
 देव पितर गुरु विप्र पूजि नृप ,
 दिये दान रुचि जानी ।
 मुनिवनिता पुरनारि सुआसिनि ,
 सहस भान्ति सनमानी ॥
 पाइ अघाइ असीसत निकसत ,
 जाचक जन भये दानी ।
 ज्यों प्रसन्न केकयी सुमित्रहि ,
 होहु महेश भवानी ॥
 दिन दूसरे भूपभामिनि दोउ ,
 भई सुमंगल षानी ।
 भयो सोहिलो सोहिलो में ,
 जनु सृष्टि सोहिले सानी ।
 नाचत गावत भो मनभावत ,
 सुष सो अवध अधिकानी ।
 देत लेत पहिरत पहिरावत ,
 प्रजा प्रमोद अघानी ॥

गान निशान कुलाहल कौतुक ,
 देषन दुनी सिहानी ।
 हरि विरंचि हरपुरशोभा ,
 कुलि कोसलपुरी लोभानी ॥
 अनंद अवनि राजरवनी सब
 मांगहु कोष जुड़ानी ।
 आशिष दै दै सराहहि सादर ,
 उमा रमा ब्रह्मानी ॥
 विभवविलास बाढ़ि दशरथ की ,
 देखि न जिनहि सोहानी ।
 कीरति कुशल भूति जै रिधि सिधि ,
 तिन पर सबै कुहानी ॥
 छठी बारही लोक वेदविधि ,
 करि सो विधान विधानी ।
 राम लषन रिपुदवन भरत ,
 धरे नाम ललित गुरु ग्यानी ॥
 सुकृतसुमन तिलमोद बासि ,
 विधियतन यंत्र भरि घानी ।
 सुष सनेह सब दियो दशरथहि ,
 परि पलेल थिर थानी ॥
 अनुदिन उदय उल्लाह उमंगि ,
 जग घर घर अवध कहानी ।
 तुलसी रामजनमजस गावत
 सो समाज उर आनी ॥
 राजत शिशुरूप राम सकल गुननिकायधाम ,
 कौतुकी कृपालु ब्रह्म जानुपानिचारी ।
 नील कंज जलदपुंज मरकतमनिसदृश श्याम ,
 कामकोटिशोभा अंग अंग ऊपर वारी ॥

हाटक मनि रतनषचित रचित इंद्रमन्दिगभ ,
 इंदिरानिवास सदन विधि रच्यो सँवारी ।
 बिहरत नृपअजिर अनुज सहित बालकेलिकुशल ,
 नीलजलजलोचन हरि मोचन भयहारी ॥
 अरुन चरन अंकुश ध्वज कंज कुलिश चिन्ह रुचिर ,
 भाजत अति नूपुरवर मधुर मुपरकारी ।
 किंकिनी बिचित्र जाल कम्बुकंठ ललित माल ,
 उर विशाल केहरिनष, कंकन करधारी ॥
 चारु चिबुक नासिका कपोल भाल तिलक भृकुटि,
 धवन अधर सुंदर द्विज छवि अनूप न्यारी ।
 मनहुं अरुन कंज कोश मंजुलयुगपांति प्रसव ,
 कुंदकली जुगुल जुगुल परम शुभ्र वारी ॥
 चिक्कन चिकुरावलि मनो षडंघ्रिमंडली बनी ,
 विशेष गुंजन जनुबालक किलकारी ।
 टकटक प्रतैबिब निरषि पुलकत हरि हरषि हरषि ,
 लै उछंग जननी रसभंग जिय बिचारी ॥
 जा कहँ सनकादि शंभु नारदादि शुक मुनिंद ,
 करत विविध जोग काम क्रोध लोभ जारी ।
 दशरथगृह सोइ उदार भंजन ससारभार ,
 लीलाश्रवतार तुलसिदास त्रासहारी ॥
 ललित सुतहि लालति सच्चुपायँ ।
 कौशल्या कल कनकअजिर महँ ,
 सिषवति चलन अंगुरियां लायँ ॥
 कटि किंकिनि पैजनियां पायन ,
 बाजत रुनु झुनु मधुर रिंगायँ ।
 पहुंची करनि कंठ कठुला बन्यो ,
 केहरिनष मनिजटित जरायँ ॥
 पीत पुनीत बिचित्र भँगुलिया ,

सोहत श्यामशरीर सुहायें ।
 दँतियां द्वै द्वै मनोहर मुषळवि ,
 अरुन अश्वर चित लेत चुरायें ॥
 चिबुक कपोल नासिका सुंदर ,
 भालतिलक मसि बिन्दु बनायें ।
 राजत नयनमंजु अंजनयुत ,
 षंजन कंज मीन मद नायें ॥
 लटकन चारु भृकुटियां टेढी ,
 मेढी सुभग सुदेश सुभायें ।
 किलकि किलकि नाचत चुटकी सुनि,
 डरपत जननी पानि छुटायें ॥
 गिरि घुटुखन टेकि उठि अनुजन,
 तोतरि बोलत पूय दिखायें ।
 बाल केलि अवलोकि मातु सब,
 प्रेम मगन आनंद न अमायें ॥
 देषत नभ घन ओट चरित मुनि,
 जोग समाधि बिरति विसरायें ।
 तुलसिदास जे रसिक न यहि रस
 ते जन जड़ जीवत जग जायें ॥
 सादर सुमुषि विलोकि राम शिशु,
 रूप अनूप भूप लिये कनियाँ ।
 सुंदर श्याम सरोजवरन तन
 नष शिष सुभग सकल सुषदनियाँ ॥
 अरुन चरन नषज्योति जगमगत,
 रुनु भुन करत पाँय पैँजनियाँ ।
 कनकरतन मनि जटित रटत कटि,
 किंकिनि कलित पीत पटतनियाँ ॥
 षडुंची करन पदिक हरिनष उर,

कठुला कंठ मंजु गजमनियों ।
 रुचिर चिबुक रद अधर मनोहर,
 ललित नासिका लसत नथुनियों ॥
 विकट भृकुटि सुषमानिधि आनन,
 कळकपोल कानन नगफनियों ।
 भालतिलक मसि बिंदु बिराजत,
 सांहत सीस लाल चौतनियों ॥
 मनमाहनी तोतरी बोलनि,
 मुनिमनहरनि हँस न किलकनियों ।
 बाल सुभाय विलोल विलोचन,
 चोरत चितहि चारु चितवनियों ॥
 सुनि कुलबधू भूरोषन भांकत,
 रामचंद्रछवि चंद्रवदनियों ।
 तुलसिदास प्रभु देषि मगन भई ,
 प्रेम विवस कछु सुधि न अपनियों ॥
 सोहत मग मुनि सँग दोउ भाई ।
 तरुनतमाल चारु चंपक छवि,
 कवि सुभाव कहि जाई ।
 भूषन वसन अनुहरत अंगन,
 उमगत सुं ताई ।
 बदन मनोज सरोज लोचनन,
 रहि है लोभाई लोनाई ॥
 अंसनि धन शर कर कमलनि,
 कटि कसे हैं निषंग बनाई ॥
 सकल भुवन शोभा सरबस लघु,
 लागति निरधि निकाई ॥
 महि मृदु पथ घन छांह सुमन सुर,
 घरषि पवन सुषदाई ।

जलथलरुह फल फूल सलिल सब
 करत प्रेमपहुनाई ॥
 सकुच समीत विनोत साथ ,
 गुरु बोलनि चलनि सुहाई ।
 षग मृग चकित विलोकत ,
 बिच बिच लसत ललित लरिकाई ॥
 विद्या दई जानि विद्यानिधि ,
 विद्यहु लही बड़ाई ।
 ब्याल दली ताड़का देषि ,
 ऋषि देत अशीश अघाई ॥
 बूझत प्रभु सुरसरि प्रसंग ,
 कहि निज कुलकथा सुनाई ।
 गाधिसुवन सनेहसुषसंपति ,
 उरआश्रम न समाई ॥
 बनबासी बटु जती जोगिजन ,
 साधु सिद्ध समुदाई ।
 पूजत पेषि प्रीति पुलकिततन ,
 नैन लाभ लुट पाई ॥
 मष राख्यो षल दल दलि भुजबल ,
 बाजत बिबुध बधाई ।
 नित पथचरित सहित तुलसी ,
 चित बसत लषन रघुराई ॥
 कौशिक के मष के रखवारे ।
 नाम राम अरु लषन ललित अति ,
 दशरथराजदुलारे ॥
 मेचक पीत कमल कोमल कल ,
 काकपल्लधरवारे ।
 शोभा सकल सकेलि मदन विधि ,

स्वकर्सरोज सँवारे ॥
 सहस समूह सुवाहु सरिस षल ,
 समरशूर भट भारे ।
 केलि तून धनु बान पानि रम ,
 निदरि निशाचर मारे ॥
 ऋपितिय तारि स्वयंवर पेसन ,
 जनकनगर पगु धारे ।
 मग नर नारि निहारत सादर ,
 कहि बड़ भाग हमारे ॥
 तुलसी सुनत एक एकन सों ,
 चलत विलोकनहारे ।
 मूकन बचनलाहु मानो अंधन ,
 लहे हैं विलोचनतारे ॥
 राम लषन जब दृष्टि परे री ।
 अवलोकत सब लोग जनकपुर ,
 मानो विधि विविध विदेह करे री ॥
 धनुषजग्य कमनोय अवनितल ,
 कौतुकही भये आय परे री ।
 छुबिसुरसभा मनहुं मनसिजके ,
 कलित कलपतरु रूप फरे री ॥
 सकल काम वरषत मुष निरषत ,
 करषत चित हित हरष भरे री ।
 तुलसी सबहि सराहत भूपहि ,
 भले पैत पांसे सुढर ढरेरी ॥
 जबते राम लषन चितए री ।
 रहे थकटक नर नारि जनकपुर ,
 लागत पलक कलप बितए री ॥
 प्रेम विवश माँगत महेश सों ,

देपत ही रहिये नित ए री ।
 कै ए सदा बसैं इन नैनन ,
 की ये नैन जाहिं जित ए री ॥
 कोऊ समुभाय कहैं किन भूपहि ,
 बड़े भाग्य आये इत ए री ।
 कुलिशकठोर कहां शकरधनु ,
 मृदु मूरति किशोर कित ए री ॥
 विरचत इनहिं विरंचि भुवन सब ,
 सुंदरता षोजत रित ए री ।
 तुलसिदास ते धन्य जनम जन ,
 मनवच क्रम जिनके हित ए री ॥
 राजत राम जानकीजोरी ।
 श्यामसरोजजलदसुंदर वर,
 दुलहिनि तड़ितवरन तन गोरी ॥
 व्याह समय सोहत बितान तर ,
 उपमा कहुं न लहत मति मोरी ।
 मनहुं मदनमंजुलमंडप महैं ,
 छवि सिंगारशोभा सोउ थोरी ॥
 मंगलमय दोउ अंग मनोहर ,
 ग्रंथित चूनरि पोत पिछोरी ।
 कनककलस कहैं देत भावरी ,
 निरधि रूप शारद भइ भोरी ॥
 मुदित जनक रनिवास रहस बस ,
 चतुर नारि चितवहिं तू न तोरी ।
 गान निशान वेद धुनि सुनि सुर ,
 वरषत सुमन हरष कहै को री ॥
 नैनन को फल पाइ प्रेम वश ,
 सकल असीसत ईश निहोरी ।

तुलसी जेहि आनंद मगनमन ,
 क्यों रसना वरनै सुप सो री ॥
 दुलह रस सिया दुलही री ।
 धनदामिनिवरवरन हरनमन ,
 सुंदरता नपशिष निवही री ॥
 व्याह विभूषन धसन विभूषित ,
 सपिअवली लपि ठगि सी रही री ।
 जीवनजनमलाहु लोचन फल ,
 है इतनोइ लही आजु सहीरी ॥
 सुपमा सुरभि सिंगारझीर दुहि ,
 सैन अमीमय कियो दही री ।
 मथि माषन सियराम सँवारे ,
 सकल भुवन छवि मनहुं मही री ॥
 तुलसिदास जोरी देपत सुष ,
 शोभा अतुल न जात कहीरी ।
 रूपराशि विरची विरंचि मनो ,
 शिलालवनि रति काम लहीरी ॥

अयोध्या कांड से

रहहु भवन हमरे कहे कामिनि ।
 सादर सासुचरन सेवहु नित ,
 जो तुरहरे अति हित गृहस्वामिनि ॥
 राजकुमारि कठिन कंटक मग,
 क्यों चलिहौ मृदु पग गजगामिनि ।
 दुसह बात बरषा हिम आतप ,
 कैसे सहि हौ अगिनित दिन जामिनि ॥
 हौं पुनि पितु अग्या प्रमान करि ,

ऐहाँ बेग सुनहु छु तिदामिनि ।
 तुलसिदास प्रभुबिरहबचन सुनि ,
 सहि न सकी मुरछित भइ भामिनि ॥
 कृपानिधान सुजान प्रानपति,
 संग विपिन हूँ आवौंगी ॥
 गृह तैं कोटि गुनित सुष मारग
 चलत साथ सचुपावौंगी ॥
 थाके चरनकमल चापौंगी ,
 श्रम भये वायु डुलावौंगी ।
 नयनचकोरन मुषमयंकछवि
 सादर पान करावौंगी ॥
 जो हठि नाथ राखि हौ मो कहँ,
 तौ संग प्रान पठावौंगी ।
 तुलसिदासप्रभु बिन जीवितरहि,
 फिर क्यों बदन दिषावौंगी ॥
 ये उपही कोउ कुँवर अहेरी ।
 श्याम गौर धनु बान तून धरि,
 चित्रकूट अब आइ रहे री ॥
 इनहि बहुत आदरत महामुनि,
 समाचार मेरे नाह कहे री ।
 वनिता बंधु समेत बसत बन,
 पितु हित कठिन कलेस सहे री ।
 बचन परसपर कहत किरातिनि,
 प्रेम विवस जल नयन बहे री ।
 तुलसीप्रभुहि विलोकत यकटक
 लोचन जनु विनु पलक रहे री ॥
 ऐसो तैं क्यों कटु वचन कह्यो री ।
 राम जाहु कामन कठोर

तेरो कैसे धौं हृदय रह्यो री ॥
 दिनकरवंश पिता दशरथ से
 राम लषन से भाई ।
 जननी तू जननी तौ कहा कहौं
 विधि कहि पोरि न लाई ॥
 हौं करि हौं सुष राज मातु हूँ,
 सुत सिर छत्र धरैगो ।
 कुलकलंकमल मूल,
 मनोरथ तें विन कौन करैगो ॥
 पेहें राम सुषी सब हूँ हैं,
 ईश अजस मेरो हरि है ।
 तुलसिदास मोको बड़ शोच,
 तू जनम कौन विधि भरि है ॥
 जो पै हौं मातु मते में हूँ हौं ।
 तौ जननी जग में या सुष की
 कहां कालिमा ध्वै हौं ॥
 क्यों हौं आजु होत शुचि शपथन,
 कौन मानि हैं सांची ॥
 महिमासृगी कौन सुरुती की,
 षलवचविशिख ते बांची ॥
 गहि न जाइ रसना काहू की,
 कहौ जाहि जेहि सूझै ।
 दीनबंधु कारुण्यसिंधु विनु,
 कौन हृदय की वूझै ॥
 तुलसी रामवियोग विषमविष,
 विकल नारि नर भारी ।
 भरतसनेहसुधा सींचे सब,
 भये ते समय सुषारी ॥

शुक सो गहबर हिय कह सारो ।
 बीर कीर सिय राम लषन बिन,
 लागत जग अंधियारो ॥
 पापिन चेरि अज्ञानि रानि, नृप
 हित अनहित न बिनारो ।
 कुलगुरु सचिव साधु शोचत,
 धिधि को न बसाइ उजारो ॥
 अवलोकै न चलत भरि लोचन,
 नगर कुलाहल भारो ।
 सुने न वचन करुना करके जब,
 पुर परिवार संभारो ॥
 भैया भरत भावते के संग
 बन सब लोग सिधारो ।
 हम पर पाइ पींजरन तरसत,
 अधिक अभाग्य हमारो ॥
 सुनि षग कहत अंब मौगी रहु,
 समुक्ति प्रेम पथ न्यागे ।
 गये ते प्रभु पहुंचाय फिरे,
 पुनि करत करम गुन गारो ॥
 जीवन जग जानकी लषन को,
 मरन महीप संवारो ।
 तुलसी और प्रीति की चरचा,
 करत कहा कछु चारो ॥
 जानत हौ सब ही के मन की ।
 तदपि कृपालु करौं बिनती सोइ,
 सादर पुनहु दीनहित जनकी ॥
 ये सेवक संतन अनन्य अति,
 ज्यों चातकहिं एक गति धन की ।

यह विचारि गवनहु पुनीत पुर,
 हरहु दुसह आरति परिजन की ॥
 मेरो पुनि जीवन जानिये ऐसोइ जिय,
 जैसो अहि जासु गई मनि फन की ।
 मेंटहु कुल कलक कोशलपति,
 अग्या देहु नाथ मोंहि बन की ॥
 मो को जोइ जोइ लाइये लागै सोइ सोइ,
 जो उतपति कुमातु तैं या तनु की ।
 तुलसिदास सब दोष दूरि करि,
 प्रभु अब लाज करहु निज पन की ॥
 तात विचारो धौं हौं क्यों आवौं ।
 तुम शुचि सुहृद सुजान सकल विधि,
 बहुत कहा कहि कहि समुभावौं ॥
 निज कर पाल खैंचि या तनु की,
 जो पितुपगपानहीं करावौं ।
 हौंउ न उरिन पिता दशरथ ते,
 कैसे ताके वचन मेटि पति पावौं ॥
 तुलसिदास जाको सुजस तिहुं पुर,
 क्यों तेहि कुलहिं कालिमा लावौं ।
 प्रभु रुष निरषि निराश भरत भये,
 जान्यो हैं सबहिं भांति विधि बावौं ॥

सुंदर कांड से

देषी जानकी जब जाइ ।
 परमधीर समीरसुत के
 प्रेम उर न समाइ ॥
 कृश शरीर सुभाय शोभित,
 लगी उड़ि उड़ि धूलि ।

मनहुं मनसिज मोहनी,
 मणि गई भोरे भूलि ॥
 रटति निमिवासर निरंतर,
 राम राजिवनयन ।
 जात निकट न विरहिनी,
 अरि अकनि ताते बयन ॥
 नाथ के गुन गाय कहि,
 कपि दई मुंदरी डारि ।
 कथा सुनि उठि लई करवर,
 रुचिर नाम निहारि ॥
 हरष हृदय विषाद अति,
 पतिमुद्रिका पहिचानि ।
 दास तुलसी दशा सो,
 केहि भांति कहै बषानि ॥
 जो हौं प्रभुआयसु लै चलतो ।
 तौ यहि रिस तौहि सहित दशानन,
 यातुधानदल दलतो ॥
 रावन सो रसराज सुभट रस,
 सहित लंकषल षलतो ।
 करि पुटपाक नाकनायक हित
 घने घने घर घलतो ॥
 बड़े समाज लाजभाजन भयो,
 बड़ो काज बिन छलतो ।
 लंकनाथ रघुनाथ बैरतरु
 आजु फैलि फूलि फलतो ॥
 काल कर्म दिगपाल सकल,
 जग जाल जासु करतल तो ।
 ता रिपु सों परभूमि रारि

जीवन मरन सुथल तो ॥
 देपी मैं दशकध सभा सब,
 मोतें कोउ न सबल तो ।
 तुलसी अरि उर आनि एक अव,
 एती गलानि न गलतो ॥
 पदपदुम गरीबनिवाज के ।
 देषि हौं जाइ पाइ लोचनफल
 हित सुर साधु समाज के ।
 गईबहोरि ओरनिरबाहक,
 साजक बिगरे साज के ।
 शबरी सुषद गीध गतिदायक,
 शमन शोक कपिराज के ॥
 नाहिन मोहि और कतहूँ कछु,
 जैसे काग जहाज के ।
 आयो सरन सुषद पदपंकज,
 चोथे रावनवाज के ॥
 आरतिहरन शरन समरथ ,
 सब दिन अपने की लाज के ।
 तुलसी याहि कहत नतपालक,
 मो से निपट निकाज के ॥

लंकाकांड से

जो हौं अव अनुशासन पाऊं ।
 तौ चंद्रमहि निचोरि चैल जिमि,
 आनि अमी शिर नाऊं ॥
 कै पाताल दलों व्यालावलि,
 अमृत कुंड महि लाऊं ।

भेदि भुवन करि भातु बाहिरहि,
 तुरत राहु दै ताऊं ॥
 विबुधवैद बरबस आनौ धरि,
 तौ प्रभु अजुग कहाऊं ।
 पटकों नीच मीच मूषक जिमि
 सबहि को पाप बहाऊं ।
 तुम्हरी कृपा प्रताप तुम्हारे,
 नेक बिलंब न लाऊं ।
 दीजे सोइ आयसु तुलसीप्रभु,
 जेहि तुम्हरे मन भाऊं ॥

उत्तरकांड से

बनते आइ कै राजा राम भये भुवाल ।
 मुदित चौदह भुवन सब सुष,
 सुषी सब सब काल ॥
 मिटे कलुषकलेश कलुष न,
 कपट कुपथ कुचाल ।
 गये दारिद्र दोष दारुन,
 दंभ दुरित दुकाल ॥
 कामधुक महि कामतरु,
 तरु उपल मनिगन लाल ।
 नारि नर तेहि समय सुकृती,
 भरे भाग्य सुभाल ॥
 चर्न आश्रम धर्मरत,
 मन वचन वेष मराल ।
 राम सिय सेवक सनेही,
 साधु सुमुष रसाल ॥

रामराज समाज बरनत
 सिद्ध मुनि दिगपाल ।
 सुमिरि सो तुलसी अजहुं,
 हिय हर्ष होत विशाल ॥
 चरचा चरनि सों चरची जानमनि रघुराइ ।
 दूनमुख मुनि लोकधुनि,
 घर घरनि बूझी आई ।
 प्रिया निज अभिलाषरुचि कह,
 कहत सिय सकुचाइ ।
 तीय तनय समेत तापस,
 पूजिहौं बन जाइ ॥
 जानि करुनासिंधु भावी
 विवश विकल सहाइ ।
 धीर धरि रघुबीर भोरहिं
 लिये लपन बोलाइ ॥
 तात तुरतहिं साजि स्यंदन,
 सीय लेहु चढ़ाइ ।
 बालमीकिमुनीशआश्रम,
 आईयो पहुंचाइ ॥
 भलेहि नाथ सुहाय माथे
 राखि रामरजाइ ।
 चले तुलसी पालि सेवक-
 धर्म-अवधि अघाइ ॥
 आये लपन लै सौंपि सिय मुनीशहिं आनि ।
 नाइ शिर रहे पाइ आशिष
 जोरि पंकजपानि ॥
 बालमीकि विलोकि व्याकुल
 लपन गरत गलानि ।

सर्वविद् ब्रूभक्त न विधि की
 वामता पहिचानि ।
 जानि जिय अनुमानहीं
 सिय सहस विधि सनमानि ।
 राम सदगुनधामपरमित
 भई कलुक मलानि ॥
 दीनबन्धु दयाल देवरु
 देषि अति अकुलानि ।
 कहत बचन उदार,
 तुलसीदास त्रिभुवनरानि ॥
 तौलौ बलि आपुही कीबी विनय समुक्ति सुधारि ।
 जौ लौ हौं सिखि लेऊं वन ऋषि—
 रीति बसि दिन चारि ॥
 तापसी कहि कहा पठवत,
 नृपति को मनुहारि ।
 बहुरि तेहि विधि आइ कहिहै,
 साधु कोउ हितकारि ॥
 लषन लाल कृपाल निपटहिं
 डारिबी न बिसारि ।
 षालबी सब तापसिन ज्यों
 राजधरम बिचारि ॥
 सुनत सीताबचन मोचत
 सकल लोचनवारि ॥
 बालमीकि न सके तुलसी,
 सो सनेह संभारि ॥
 सुनि व्याकुल भये उतरु कहथो न जाइ ।
 जानि जिय विधि वाम दीन्ही ,
 मोहिं सरुष सजाइ ।

कहत हिय मेरी कठिनई ,
 लषि गई प्रीति लजाइ ।
 आजु अवसर ऐसे हूँ चले ,
 जो न प्रान बजाइ ॥
 इतहिं सीयसनेहसंकट ,
 उतहिं रामरजाइ ।
 मौनही गहि चरन गमने ,
 सिष सु आशिष पाइ ॥
 प्रेमनिधि पितु को कहो ,
 मैं परुष वचन अघाइ ।
 पाप तेहिं परिताप तुलसी ,
 उचित सहे सिराइ ॥
 गौने मौनही बारहिं बार परिपरि पाइ ।
 जात जुनु रथ रची कर ,
 लछुमन भगन पछिताइ ॥
 अशन विनु वन वरम विनु रन
 बच्यो कठिन कुघाइ ।
 दुसह सांसति सहन को ,
 हनुमान ज्यायो जाइ ॥
 हेतु हौं सियहरन को ,
 तब अजहुं भयो सहाय ।
 होत हठि मोहि दाहिनो ,
 दिन दैव दारुन दाइ ।
 तजो तन संग्राम जेहि ,
 लगि गीध जसी जटाय ।
 ताहि हौं पहुंचाइ कानन ,
 चल्यो अवध सुभाइ ॥
 घोर हृदय कठोर करतब ,

सृज्यो हों बिधि बाइ ।
 दास तुलसी जानि राख्यो ,
 कृपानिधि रघुराइ ॥
 पुत्री न शोचिये आईहौ जनकगृह जिय जानि ।
 कालिही कल्यान कौतुक
 कुशल तब कल्यानि ॥
 राजऋषि पितु श्वसुर ,
 प्रभु पति तू सुमंगलषानि ।
 ऐसेहू थल वामता बड़ि ,
 बाम विधि की बानि ॥
 बोलि मुनिकन्या सिषाई ,
 प्रीति गति पहिचानि ।
 आलसिन की देवसरि ,
 सिय सेइयो सनमानि ॥
 न्हाइ प्रातर्हि पूजियो वट ,
 विटप अभिमतदानि ।
 सुवनलाहु उछाहु दिनदिन ,
 देवि अनहितहानि ॥
 पापताप विमोचनी ,
 कहि कथा सरस पुरानि ।
 बालमीकि प्रबोधि तुलसी ,
 गई गरुव गलानि ॥
 जब तैं जानकी रही रुचिर आश्रम आई ।
 गगन जल थल विमल ,
 तब तैं सकल मंगलदाइ ॥
 निरस भुरुह सरस फूलत
 फलत अति अधिकाइ ।
 कन्द मूल अनेक अंकुर

स्वाद सुधा लजाइ ॥
 मलयमरुत मराल मधुकर ,
 मोर पिक समुदाइ ।
 मुदित मन मृग विहंग विहरत ,
 बिषम बैरु बिहाइ ॥
 रहत रबि अनुकूल दिन
 शशि रजनि सजनि सुहाइ ।
 सीय सुनि सादर सराहत ,
 सपिन भली मनाइ ॥
 मोद विपिन विनोद चितवत
 लेत चितहि चोराइ ।
 राम बिनु सिय सुषद वन
 तुलसी कहै किमि गाइ ॥
 शुभ दिन शुभ घरी नीको नषत लगन सुहाइ ।
 पूत जाये जानकी द्वै ,
 मुनिबधू उठीं गाइ ॥
 हरषि वरषत सुमन सुर ,
 गहगह बधाय बजाइ
 भुवन कानन आश्रमनि
 रहे मोद मंगल छाइ ॥
 तेहि निशा तहाँ शत्रुसूदन ,
 रहे विधि बस आइ ।
 मांगि मुनि सौं विदा गवने
 भोर ही सुष पाइ ॥
 मातु मौसी बहिनि हूते ,
 सासु ते अधिकाइ ।
 करहिं तापसतीयतनया
 सीयहित चितलाइ ॥

कियो विधिव्योहार मुनिवर ,
 विप्र बृंद बोलाइ ।
 कहत सब ऋषिकृपा को
 फल भयो आज्ञा अघाइ ॥
 सरुष ऋषि सुष सुतन को
 सिय सुषद सकल सोहाइ ।
 शूल राम सनेह को
 तुलसी न जिय ते जाइ ॥
 मुनिवर करि छुठी कीन्ही बारहे की रीति ।
 बन बसन पहिराइ तापस ,
 तोषि पोषे प्रीति ॥
 नाम करन सुअन्नप्राशन ,
 वेद बाँधी नीति ।
 समय सब ऋषिराज करत
 समाज साजि समीति ॥
 बाल लालन कहत करि हैं
 राज सब जग जीति ।
 रामसियसुत गुरु अनुग्रह ,
 उचित अचल प्रतीति ॥
 निरषि बालविनोद तुलसी
 जात वासर बीति ।
 पियचरित सिय चित चितेरी ,
 लिषत नित हितभीति ॥
 बालक सिय के विहरत मुदित मन दोउ भाइ ।
 नाम लव कुश रामसिय—
 अनुहरत सुंदरताइ ॥
 देत मुनि मुनिशिशु बिलौना,
 लेत धरत दुराइ ।

खेल खेलत नृपशिशुन के,
 बालवृंद बोलाइ ॥
 भूपभूषनवसनवाहन ,
 राजसाज सजाइ ।
 वर्म चर्म कृपान धनु शर ,
 तून लेत बनाइ ॥
 दुषी सिय पतिविरह तुलसी ,
 सुषी सुत सुषपाइ ।
 आंच पै उफनात सींचत ,
 सलिल ज्यों सकुचाइ ॥

कवितावली

बालकांड-धनुभंग

घनाक्षरी

सीय के स्वयंवर समाज जहां राजन को
 राजन के राजा महाराजा जानै नाम को ।
 पवन पुरंदर कृशानु भाजु धनद से
 गुन के निधान रूपधाम शोभाधाम को ।
 बान बलवान यातुधान पै सरीषे सूर
 जिन^{१६} गुमान सदा सालिम* सँग्राम को ।
 तहां दशरथ के समर्थ नाथ तुलसी के
 चपरि चढ़ायो चा१ चन्द्रमाललाम को ।
 मयनमहन पुरदहन गहन जानि ,
 आनि के सबै को सार धनुष गढ़ायो है ।
 जनकसदसि जेते भले भले भूमिपाल

*सालिम intact.

कियो बलहीन बल आपनो बढ़ायो है ॥
 कुलिश कठोर कूर्मपीठि ते कठिन अति ,
 हठि न पिनाक काहू चपरि चढ़ायो है ।
 तुलसी सो राम के सरोजपानि परसत ,
 दूटो मानो बारे ते पुरारि ही पढ़ायो है ॥

छप्पय

दिगति उर्वि अति गुर्वि सर्व पर्वत समुद्र सर ।
 व्याल वधिर तेहि काल विकल दिगपाल चराचर ।
 दिग्गयन्द लरपरत परत दशकंधहु मुख भर ।
 सुरविमान हिमभानु भानु संघटित परसपर
 चौंके बिरंचि शंकर सहित कोल कमठ अहि कलमल्यो ।
 ब्रह्मंडषड कियो चंड धुनि जबहि राम शिवधनु दल्यो ॥
 लोचनाभिराम घनश्याम रामरूप शिशु
 सषी कहै सषी सेां तू प्रेमपय पालि री ।
 बालक नृपालजीके प्याल ही पिनाक तोरयो ,
 मंडलीकमंडलीप्रताप दाप दालि री ।
 जनक को सिया को हमारो तेरो तुलसी को ,
 सब को भावतो हूँ है मैं जो कह्यो कालि री ।
 कौशिला की कोषि पर तोषि तन बारिये री ,
 राय दशरथ की बलाय लीजे आलि री ॥
 दूब दधि रोचना कनकधार भारि भरि ,
 आरती सँवारि वर नारि चलीं गावतीं ।
 लीन्हे जयमाल करकंज सोहैं जानकी के ,
 पहिरावो राघोजी को सपियां सिषावतीं ।
 तुलसी मुदितमन जनकनगर जन ,
 भांकती झरोखे लागी रानी शोभा पावतीं ।
 मनहुं चकोरी चारु बंठी निज निज नीड़ ,

चंद की किरनि पीवें पलक न लावती ॥^१
 भले भूप कहत भले मदेस भूपनि सों,
 लोक लपि बोलिये पुनीत रीति आरपी ।
 जगदंबा जानकी जगत पितु रामचंद
 जानि जिय जोहौ जो न लागै मुँह कारपी ।
 देपे हैं अनेक व्याह सुने हैं पुरान वेद,
 वृंभे हैं सुजान साधु नर नारि पारपी ।
 पेसे सम समधी समाज ना विराजमान,
 राम से न वर दुलही न सीय सारपी ॥
 बानी विधि गौरी हर शेरूँ गनेस कही,
 सही भरी लोमश भुशुंडि बहु वारपी ।
 चारि दश भुवन निहारि नर नारि सब,
 नारद को परदा न नारद सो पारिपी ।
 तिन कही जगमें जगमगात जोरी एक,
 दूजी को कहैया को सुनैया चष चारिपी ।
 राम रमारमन सुजान हनुमान कही,
 सीय सो न तीय न पुरुष राम सारिपी ॥
 भूपमंडली प्रचंड चंडीश कोदंड पंडथो,
 चंड बाहुदंड जाको ताही सों कहतु हौं ।
 कठिन कुठार धार धारिचे को धीरताहि,
 चीरता विदित ताकी देषिये चहतु हौं ।
 तुलसी समाज राज तजि सो विराजै आजु,
 गज्यो मृगराज गजराज ज्यों गहतु हौं ।
 छोनी में न छाँडयो छिप्यो छोनिप को छोना छोटी,
 छोनिपछपन बाँको चिरद बहतु हौं ॥
 निपट निदरि बोले वचन कुठारपानि,
 मानि त्रास औनिपन मानो मौनता गही ।
 रोषे मापे लषन अकनि अनपोही बातें,

तुलसी विनीत वानी बिहंसि ऐसी कहीं ।
 सुजस तिहारे भरे भुवननि भृगुनाथ ,
 प्रगट प्रताप आपु कह्यो सो सबै सही ।
 दूटयो सो न जुँरैगो शरासन महेशजी को ,
 रावरी पिनाक में सरीकता कहाँ रही ॥

अयोध्याकांड से

कीर के कागर ज्यों नृपचीर
 विभूषन उष्ण अंगनि पाई ।
 औध तजी मगबास के रूप ज्यों ,
 पंथ के साथ ज्यों लोग लुगाई ।
 संग सुबंधु पुनीत प्रिया ,
 मनु धर्म क्रिया धरि देह सुहाई ।
 राजिवलोचन राम चले ,
 तजि बापको राज बटाऊ की नाई ॥
 यहि घाटते थोरिक दूरि अहै ,
 कटि लौं जलथाह दिषाइ हौं जू ।
 परसे पगधूरि तरै तरनी ,
 धरनी घर का समुझाइ हौं जू ।
 तुलसी अवलंब न और कछू ,
 लरिका केहि भांति जिआइहौं जू ।
 बरु मारिये मोहिं बिना पग धोये ,
 हौं नाथ न नाव चढ़ाइ हौं जू ॥
 रावरे दोष न पाँयन को ,
 पगधूरि को भूरि प्रभाव महा है ।
 पाहन ते बरु बाहन काठ को ,
 कोमल है जल षाइ रहा है ।
 पावन पाव पषारि कै नाव ,

चढ़ाइहौं श्रायसु होत कहा है ।
 तुलसी मुनि केवट के घरबैन ,
 हँसे प्रभु जानकि ओर हहा है ॥
 जलजनयन जलजानन जटा हैं शिर ,
 जोवनउमंग अंग उदित उदार हैं ।
 साँवरे गोरे के बीच भामिनी सुदामिनी सी ,
 मुनिपट धरे उर फूलन के हार हैं ।
 करनि शरासन शिलीमुषनिषंग कटि ,
 अतिही अनूप काहू भूप के कुमार हैं ।
 तुलसी विलोकि कै त्रिलोक के तिलक तीनि,
 रहे नर नारि ज्यों चितेरे चित्रसार हैं ॥
 आगे सोहै सांवरो कुंवर गोरो पाछे आछे ,
 काछे मुनिवेष धरे लाजत अनंग है ।
 बान विशिषासन बसन बनहीं के कटि ,
 कसे हैं वनाइ नीके राजत निषंग है ।
 साथ निशिनाथमुखी पाथनाथनंदिनीसी ,
 तुलसी विलोकि चित लाइ लेत संग हैं ।
 आनंदउमंग मन जोवनउमंग तन ,
 रूप की उमंग उमगत अंग अंग हैं ॥
 सुंदर वदन सरसीरुह सुहाये नैन ,
 मंजुल प्रसून माथे मुकुट जटनिके ।
 अंशनि शरासन लसत शुचि कर शर ,
 तून कटि मुनिपट लूटक पटनिके ।
 नारि सुकुमारि संग जाके अंग उबटि कै ,
 विधि बिरच्यो बरू थ विद्युतछटनिके ।
 गोरे को बरन देषे सोनो न सलोनों लागै ,
 सांवरे बिलोके गर्व घटत घटनिके ॥
 बनिता बनी श्यामल गोरे के बीच ,

विलोकहु री सपि मोहि सी हूँ ।
 मगजोग न कोमल क्यों चलि हैं ,
 सकुचात मही पद पंकज छुवै ।
 तुलसी सुनि ग्रामवधू विथकीं ,
 पुलकीं तन औ चले लोचन चवै ।
 सब भाँति मनोहर मोहनरूप
 अनूप हैं भूप के बालक द्वै ॥
 साँवरे गोरे सलोने सुभाय ,
 मनोहरता जित मैं लियो है ।
 बान कमान निषंग कसे ,
 शिर सोहैं जटा मुनिवेष कियो है ।
 संग लिये विधु वैनी बधू
 रति को जिन रंचक रूप दियो है ।
 पायँन तौ पनही न पयादेहि ,
 क्यों चलि हैं सकुचात हियो है ॥
 रानी मैं जानी अजानी महा ,
 पवि पाहनहु ते कठोर हियो है ।
 राजहु काज अकाज न जान्यो ,
 कह्यो तिय को जेहि कान कियो है ।
 ऐसी मनोहर मूरति ये ,
 बिछुरे कैसे प्रीतम लोग जियो है ।
 आँषिन में सपि राषिवे जोग ,
 इन्है किमि कै बनबास दियो है ॥
 शीश जटा उर बाहु विशाल ,
 बिलोचन लाल तिरिछी सी भौहैं ।
 तून सराशन बान धरे ,
 तुलसी बनमारग में सुठि सोहैं ।
 सादर बारहि बार सुभाय ,

चितै तुम त्यों हमरो मन मोहैं ।
 पूंछति ग्रामवधू सिय सों कहु,
 सांवरो सो सपि रावरो को हैं ॥
 सुनि सुंदर वैन सुधारससाने,
 सयानि हैं जानकी जान भली ।
 तिरछे करि नैन दै सैन तिन्हें,
 समुभाय कलू मुसक्याय चली ।
 तुलसी तेहि औसर सोहैं सबै,
 अवलोकत लोचनलाहु अली ।
 अनुरागतड़ाग में भानु उदै,
 विकसी मानो मंजुल कंजकली ॥

सुंदरकांड से

लंकादहन

बसन बटोरि बोरि बोरि तेल तमीचर,
 पोरि पोरि धाय धाय आय बाँधत लँगूर हैं ।
 तैसो कपि कौतुकी डरात ढीलो गात के कै,
 लात के अघात सहै जी में कहैं कूर हैं ।
 बाल किलकारी कै कै तारी दै दै गारी देत,
 पाछे लागे बाजन निशान ढोल तूर हैं ।
 बालधी बढन लागी ठौर ठौर दीन्हीं आगी,
 विंध्य की द्वारि कैधों कोटि शत सूर हैं ॥
 लाइ लाइ आगि भागे बाल जात जहाँ तहाँ,
 लघु ह्वै निबुकि गिरि मेरु ते विशाल भो ।
 कौतुकी कपीश कूदि कनककंगूरा चढ़यो,
 रावनभवन चढ़ि ठाढ़ो तेहि काल भो ।
 तुलसी विराज्यो व्योम बालधी पसारि भारी,
 देषे दहरात भट कालसों कराल भो ।

तेज को निधान मानो कोटिक कृशानु भानु
 नष बिकराल मुष तैसो रिस लाल भो ॥
 बालधी विशाल बिकराल ज्वाल जाल मानो,
 लंक लीलिवे को काल रसना पसारी है ।
 कै धौं व्योमवीथिका भरे हैं भूरि धूमकेतु,
 घोररस घोर तरवारि सी उधारी है ।
 तुलसी सुरेशचाप कै धौं दामिर्नाकलाप,
 कै धौं चली मेरु ते कृशानुसरिभारी है ।
 देखैं यातुधान यातुधानी अकुलानी कहैं,
 कानन उजारयो अब नगर प्रजारी है ॥
 जहाँ तहां बुबुकि विलोकि बुबकारी देत,
 जरत निकेत धावो धावो लागि आगि रे ।
 कहैं तान मात भ्रात भगिनि भामिनी भाभी,
 ढोटा छोटे छोहरा अभागे मोंडें भागि रे ।
 हाथी छोरो घोड़ा छोरो महिष वृषभ छोरो,
 छेरी छेरो सो बैसो जगावो जागि जागि रे ।
 तुलसी विलोकि अकुलानी यातुधानी कहैं,
 बार बार कह्यो पिय कपि सेन लागि रे ॥
 देखि ज्वालाजाल हाहाकार दशकंध सुनि,
 कह्यो धरो धरो धाये वीर बलवान हैं ।
 लिये शूल शैल पाश परिघ प्रचंड दंड,
 भाजन सनीर धीर धरे धनु बान हैं ।
 तुलसी समिध सौंज लंक यज्ञकुंड लपि,
 यातुधान पुंगीफल जव तिलधान हैं ॥
 श्रुवा सो लंगूर बलमूल प्रतिकूल हवि,
 स्वाहा महा हाँकि हाँकि हुने हनुमान हैं ॥
 गाज्यो कपि गाज ज्यों विराज्यो ज्वालजाल युत
 भाज्यो वीर धीर अकुलाइ उठयो रावनो ।

धावो धावो धरो सुनि धाये यातुधानधारि,
 धारिधारा उलचै जलद जौन सावनो ।
 लपट भपट भहराने हहराने बात
 भहराने भट परयो प्रबल परावनो ।
 ढकनि ढकेलि पेलि सचिव चले ले ठेलि,
 नाथ न चलैगो बल अनल भयावनो ॥
 बड़ो विकराल वेष देषि सुनि सिंहनाद,
 उख्यो मेघनाद सविषाद कहै रावनो ।
 वेग जीतो मारुतप्रताप मारतंड कोटि,
 कालऊ करालता बड़ाई जितो बावनो ।
 तुलसी सयाने यातुधाने पछिताने कहैं,
 जाको ऐसो दूत सो तौ साहिव अबै आवनो ।
 काहे की कुशल रोषे राम वामदेवहू की,
 विषम बली सों वादि बैर को बढ़ावनो ॥
 पानी पानी पानी सब रानी अकुलानी कहैं,
 जाती हैं परानी गति जानी गजचालि है ।
 बसन बिसारे मनि भूषन संभारत न,
 आनन सुषाने कहैं क्यों हूं कोउ पालि है ।
 तुलसी मंदोवै मींजि हाथ धुनि माथ कहै,
 काहू कान कियो न मैं कह्यो केतो कालि है ।
 बापुरो विभीषन पुकारि बार बार कह्यो,
 बानर बड़ी बलाय घने घर घालि है ॥
 कानन उजारयो तौ उजारयो न बिगारयो कहु,
 बानर बिचारो बांधि आयो हठि द्वार सों ।
 निपट निडर देषि काहू न लख्यो विशेषि ,
 दीन्हो न छुड़ाय कहि कुलके कुठार सों ।
 छोटे और बड़े मेरे पूतऊ अनेरे सब ,
 सांपनि सो पेलैं मेले गरे छुराधार सों ।

तुलसी मँदोवै रोइ रोइ कै बिगोवै आपु ,
 बार बार कहयो मैं पुकारि दाढ़ीजार सों ॥
 रानी अकुलानी सब डाढ़त परानी जाहिं ,
 सकैं न विलोकि वेष केशरीकुमार को ।
 भीजि भीजि हाथ धुनि माथ दशमाथतिय ,
 तुलसी तिलो न भयो बाहिर अगार को ।
 सब असबाव डाढ़ो मैं न काढ़ो तैं न काढ़ो ,
 जिय की परी सँभारै सहन भँडार को ।
 भीभत मँदोवै सविषाद देषि मेघनाद ,
 बयो लुनियत सब याही दाढ़ीजार को ॥
 रोवन की रानी बिलषानी कहै यातुधानी ,
 हाहा कोऊ कहै वीसबाहु दसमाथ सों ।
 काहे मेघनाद काहे काहे रे महोदर तू ,
 धीरज न देत लाइ लेत क्यों न हाथ सों ।
 काहे अतिकाय काहे काहे रे अकंपन ,
 अभागे तिय त्यागे भौड़े भागे जात साथ सों ।
 तुलसी बढ़ाय बाद शाल ते विशाल बाहैं ,
 याही बल वालिशौ विरोध रघुनाथ सों ॥
 हाट बाट कोट ओट अटनि अगार पौरि ,
 घोरि घोरि दौरि दौरि दीन्हीं अति आगि हैं ।
 आरत पुकारत सँमारत न कोऊ काहू ,
 व्याकुल जहां सो तहां लोग चले भागि हैं ।
 बालधी फिरावें बार बार झहरावें झरें ,
 बुँदिया सो लंक पधिलाइ पाग पागि हैं ।
 तुलसी बिलोकि अकुलानी यातुधानी कहैं
 चित्रहू के कपि सो निशाचर न लागि हैं ॥
 लागि लागि आगि भागि भागि चले जहां तहां ,
 धीय को न माय बाप पूत न सँभारही ।

छूटे वार वसन उधारे धूमधुंध अंध ,
 कहैं वारे वूढ़े बारि बारि बार बारही ।
 हय हिहिहिनात भागे जात घहरात गज ,
 भारीभीर ठेलि पेलि रौंदि षौंदि डारहीं ।
 नाम लै चिलात बिललात अकुलात अति,
 तात तात तोसियत भौंसियत भार हीं ॥
 लपट कराल ज्वालजालमाल दहूं दिशि ,
 धूम अकुनाने पहिंचानै कौन काहि रे ।
 पानी को ललात बिललात जरे गात जात ,
 परे पायमाल जात भ्रात तू निबाहि रे ।
 प्रिया तू पराहि नाथ नाथ तू पराहि बाप ,
 बाप तू पगहिं पूत पूत तू पराहि रे ।
 तुलसी विलोकि लोक व्याकुल विहाल कहैं ,
 लेहि दशशीश अब बीस चष चाहि रे ॥
 बीथिका बजार प्रति अटन अगार प्रति ,
 पँवरि पगारि प्रति बानर विलोकिये ।
 अर्द्ध उर्द्ध वानर विदिशि दिशि बानर हैं ,
 मानहुँ रहयो है भरि बानर तिलोकिये ।
 मूँदे आँषि हीय में उधारे आँषि आगे ठाढ़ो ,
 धाइ जाइ जहां तहां और कोऊ को किये ।
 लेहु अब लेहु तब कोउ न सिषाओ मानो ,
 सोई सतराइ जाइ जाहि जाहि रोकिये ॥
 एक करें धौज एक कहैं काढ़ौ सौज एक ,
 औज पानी पीकै कहैं बनत न आवनो ।
 एक परे गाढ़े एक डाढ़त ही काढ़े एक,
 देषत हैं टाढ़े कहैं पावक भयावनो ।
 तुलसी कहत एक नीके हाथ लाये कपि ,
 अजहुं न छाँडै बाल गाल को बजावनो ।

धावरे बुझावरे कि बावरे जिआवरे हौ
 औरै आगि लागी न बुझावै सिंधुसावनो ॥
 कोपि दशकंध तब प्रलयपयोद बोले ,
 रावनरजाय धाय आये जूथ जोरिकै ।
 कहयो लंकपति लंक बरत बुताओ वेग
 बानर बहाय मारो महावारि बोरि कै ।
 भले नाथ नाथ माथ चले पाथप्रदनाथ ,
 वरषै मुशलधार बार बार धोरि कै ।
 जीवन ते जागि आगि चपरि चौगुनी लागी
 तुलसी भभरि मेघ भागे मुख मोरि कै ॥
 यहां ज्वाल जरे जात वहां ग्लानि गरे गात ,
 सूर्य सकुचात सब कहत पुकार हैं ।
 जुगषट भानु देखे प्रलयकृशानु वेषे ,
 शेषमुषअनल विलोकै बार बार हैं ।
 तुलसी सुन्यो न कान सलिलसर्पी समान ,
 अति अचरज किये केशरीकुमार हैं ।
 वारिदवचन सुनि धुने शीश सचिवन ,
 कहे दशशीसईशवामताविकार हैं ॥
 पावक पवन पानी भानु हिमवान यम ,
 काल लोकपाल मेरे डर डावाँडोल हैं ।
 साहब महेश सदा शंकित रमेश मोहि ,
 महातप साहस विरंचि लीन्हें मोल हैं ।
 तुलसी त्रिलोक आहु दूजो न बिराजै राज ,
 बाजे बाजे राजन के बेटा बेटी बोल हैं ।
 को है ईश नाम को जो वाम होत मोह से को ,
 मालवान रावरे के बावरे से बोल हैं ॥
 भूमि भूमिपाल ब्याल पालक पताल नाक-
 पाल लोकपाल जेते सुभट समाहु है ।

कहैं मालवान यातुधानपति रावरे को ,
 मनहुं अकाज आनै ऐसों कौन आजु है ।
 रामकोहपावक समीर सीयश्वास कीश ,
 ईशबामता विलोकि बानर को व्याजु है ।
 जारत प्रचारि फेरि फेरि सो निशंक लंक ,
 जहां बांको वीर तोसो शूरसिरताजु है ॥
 पान पकवान विधि नाना कै सँधानो सीधो ,
 विविध विधान धान बरत बखारही ।
 कनक किरीट कोटि पलंग पिटारे पीठ ,
 काढ़त कहार सब जरे भरे भारही ।
 प्रबल पावक बाढ़े जहां काढ़े तहां ठाढ़े ,
 भूपट लपट भरे भवन भँडारही ।
 तुलसी अगार न पगार न बजार बच्यो ,
 हाथी हथिसार जरे घोड़े घोरसारही ॥
 रावन सो राजरोग बाढ़त बिराट उर ,
 दिन दिन बिकल सकल सुषरौंक सो ।
 नाना उपचार करि हारे सुरसिद्ध मुनि ,
 होत न बिशोक औ तपावै न मनाक सो ।
 राम की रजाय ते रसायनी समीरसुनु ,
 उतरि पयोधि पार शोधि सरबाक सो ।
 यातुधानबुट पुटपाक लंक जातरूप ,
 रतन जतन जारि कियो है मृगांक सो ॥

लंकाकांड से

बड़े बिकराल भालु बानर विशाल बड़े ,
 तुलसी बड़े पहार लै पयोधि तोपि हैं ।
 प्रबल प्रचंड बरिवंड बाहुदंड षंडि ,
 मंडि मेदिनी को मंडलीकलीक लोपि हैं ।

लंकदाहु देषे न उछाहु रहयो काहुन को ,
कहैं सब सचिव पुकारि पांव रोपि हैं ।
बाचि हैं न पाछे त्रिपुरारिह मुरारि ह्व के ,
कोहै रनरारि को जो कोशलेश कोपि हैं ॥
त्रिजटा कहन बार बार तुलसीश्वरी सों ,
राघौबान एकही समुद्र सातौ सोपि हैं ।
सकुल संहारि यातुधानधारिजंबुकादि ,
योगिनीजमात कालिकाकलाप तोषि हैं ।
राज दे निवाजिबो बजाइ कै विभीषनै
बजेंगे व्योम बाजने बिबुध प्रेम पोषि है ।
कौन दशरंध कौन मेघनाद बापुरो को
कुम्भकर्णकीट जब राम रन रोषिहैं
तुलसी सबल रघुवीरजी को बालिसुत ,
वाहि न गनत बात कहत करेरी सी ।
बषशीश ईशजीकी पीश होत देषियत ,
रिस काहे लागत कहत हौ मैं तेरी सी ।
चढ़ि गढ़ मढ़ हढ़ कोट के कंगूरे कोषि ,
नेक धका दैहैं ढैहैं ढेलन की ढेरी सी ।
सुनु दसमाथ नाथ साथ के हमारे कपि,
हाथ लंका लाय हैं तो रहैगी हथेरी सी ॥
दूषन विराध पर त्रिशिरा कबंध बधे ,
तालऊ विशाल बेधे कौतुक है कालिको ।
एकही विशिष वश भये वीर बाँकुरो सो ,
तोहूँ है विदित बल महाबली बालि को ।
तुलसी कहत हित मानत न नेकु शंक ,
मेरो कहा जैहै फल पैहै तू कुचालि को ।
बीरकरिकेशरी कुठारपानि मानी हारिं ,
तेरी कहा चली बूड़े तोसे गने घालिको ॥

रोप्यो पाँव पैज कै विचारि रघुवीरवल ,
 लागे भट सिमिट न नेकु टमकतु है ।
 तज्यो धीर धरनि धरनिधर धसकत ,
 धराधर धीर भार सहि न सकतु है ।
 महाबली बालि को दवत दलकत भूमि
 तुलसी उछलि सिंधु मेरु मसकतु है ।
 कमठकठिनपीठि ढड्ढा परो मंदर को ,
 आयो सोई काम पै करेजा मसकतु है ॥
 कनकगिरिशृंग चढ़ि देपि मर्कटकटक ,
 वदत मंदोदरी परमभीता ।
 सहसभुजमत्तगजराजरनकेशरी ,
 परशुधर गर्व जेहि देपि बीता ।
 दास तुलसी समर सबल कौशलधनी ,
 प्याल ही बालि बलशालि जीता ।
 कंत तून दंत गहि शरन श्रीराम कहि ,
 अजहुं यहि भांति लै सौंपु सीता ॥
 अंग अंग दलित ललित फूटे किंशुक से ,
 हने भट लाषन लषन यातुधान के ।
 मारिकै पछारिकै उपारि भुजदंड चंड ,
 षंडि षंडि डारे ते बिंदारे हनुमान के ।
 कूदत कबंध के कदंब बंबसी करत ,
 धावत देषावत हैं लाघो राधौवान के ।
 तुलसी महेश विधि लोकपाल देवगन ,
 देषत विमान चढ़े कोतुक मशान के ।
 लोथिन सों लोह के प्रवाह चले जहां तहां ,
 मानहु गिरिन गेरुभरना भरत हैं ।
 शोनित सहित घोर कुंजर करारे भारे ,
 कूलते समूल वाजिविटप परत हैं ।

सुभट शरीर नीरचारी भारी भारी तहाँ ,
 शूरन उछाह कूर कादर डरत हैं ।
 फेरु फेरु फेरु फारि फारि पेट बात ,
 काक कंकबालक कोलाहल करत हैं ॥

उत्तरकांड से

शोक समुद्र निमज्जत काढ़ि ,
 कपीश कियो जग जानत तैसो ।
 नीच निशाचर बैरि को बंधु ,
 बिभीषन कीन्ह पुरंदर जैसो ।
 नाम लिये अपनाय लियो ,
 तुलसी सो कहौ जग कौन अनैसो ।
 आरत आरतिभंजन राम ,
 गरीबनिवाज न दूसर ऐसो ॥
 मीत पुनीत किये कपि भालु को ,
 पाल्यो ज्यों काहु न बाल तनूजो ।
 सज्जनसीव बिभीषन भो ,
 अजहं बिलसै वरबंधुबधू जो ।
 कौशलपाल बिना तुलसी ,
 सरनागत पाल कृपाल न दूजो ।
 कूर कुजाति कपूत अघी ,
 सब की सुधरै जो करै नर पूजो ॥
 तीय सिरोमनि सीय तजी ,
 जेहि पावक की कलुषाई दही है ।
 धर्म धुरंधर बन्धु तज्यो ।
 पुर लोगन की विधि बोलि कही है ।
 कीश निशाचर की करनी ,
 नसुनी न विलोकि न चित्त रही है ।
 राम सदा सरनागत की ,

अपराध अगाध भये जनते ,
 अपने उर आनत नाहिन जू ।
 गनिका गज गीध अजामिल के ,
 गनि पातक पुंज सिराहिं न जू ।
 लिये वारक नाम सुधाम दिये ,
 जेहि धाम महामुनि जाहिं न जू ॥
 तुलसी भजु दीनदयालहि रे ,
 रघुनाथ अनाथनदाहिन जू ॥
 प्रभु सत्य करी प्रह्लादगिरा ,
 प्रगटे नरकेहरि पंभ महा ।
 भूपराज ग्रस्यो गजराज कृपा ,
 ततकाल विलंब कियो न तहां ।
 सुर सापी दै रापी है पांडुवधू ,
 पट लूटत कोटिक भूप जहां ।
 तुलसी भजु सोचुविमोचन को ,
 जनको प्रन राम न राध्यों कहां ॥
 तेरे बिसाहे बिसाहत औरनि ,
 और बिसाहि कै बेचनहारे ।
 व्योम रसातल भूमि भरे नृप ,
 कूर कुसाहब से तिहुं षारे ।
 तुलसी तेहि सेवत कौन मरै ,
 रजते लघु को करै मेरु ते भारे ।
 स्वामि सुसील समर्थ सुजान सो ,
 तोसों तुहीं दशरथदुलारे ॥
 सूर सिरताज महाराजन के महागज ,
 जाको नाम लेत ही सुषेत होत ऊसरो ।
 साहब कहां जहान जानकीस सो सुजान ,
 सुमिरे कृपाल के मराल होत पूसरो ।

केवट पपान यातुधान कपि भालु तारै ,
 अपनायो तुलसी सो धींग धमधूसरो ।
 बोल को अटल बांह को पगार दीनबंधु ,
 दूबरो को दानि को दयानिधान दूसरो ॥
 नाम लिये पून को पुनीत किये पातकीश
 आरति निवारी प्रभु पाहि कहे पील की ।
 छलिन की छौड़ी सो निंगोड़ी छोटी जाति पाँति ,
 कीन्ही लीन आपु में भामिनी भौंड़े भील की ।
 तुलसीओ तारिबो बिसारिबो न अंत मोहूं
 नीके है प्रतीत रावरे सुभाव शील की ।
 देव तौ दयानिकेत देत दादि दीनन की
 मेरी बार मेरे ही अभाग नाथ ढील की ॥
 आगे परे पाहन कृपा किरात कोलिनी ,
 कपीस निसिचर अपनाये नाये माथ जू ।
 साँची सेवकाई हनुमान की सुजान राय ,
 ऋनियाँ कहाये हौ विकाने ताके हाथ जू ।
 तुलसी के षोटे षरे होत ओट नामही की ,
 म्हैगी माटी मगहू की मृगमद साथ जू ।
 बात चले बात को न मानिबो बिलग बलि ,
 काकी सेवा रीझि को निवाजो रघुनाथ जू ॥
 कौसिक की चलत पषान की परस पाइ
 टूटत धनुष बनिगई है जनक की ।
 कोल पसु शवरी बिहंग भालु रातिचर,
 रतिन के लालचिन प्रापति मनन की ।
 कोटि कला कुशल कृपाल नतपाल बाल,
 बातहू कितेक तृन तुलसी तनक की ।
 राय दशरथ के समर्थ राम राजमनि,
 तेरे हेरे लौपै लिपि बिधिहू गनक की ॥

भीत बालिवंधु पूत दूत दशकंधबंधु,
 सचिव सराध कियो श्वरी जटाय को ।
 लंक जरी जोहै जिय शोच सो विभीषन को,
 कहौ ऐसे साहब की सेवा न पटाय को ।
 बड़े एक एकते अनेक लोक लोकपाल,
 अपने अपने को तौ कहै गो घटाय को ।
 सांकरे के सेइवे सराहवे सुमिरबे को,
 राम सो न साहब न कुमतिकटाय को ॥
 भूमिपाल व्यालपाल नाकपाल लोकपाल,
 कारन कृपाल मैं सबै के जी की थाह ली ।
 कादर के आदर काहू के नाहिं देषियत,
 सबनि सुहात है सेवा सुजान टाहली ।
 तुलसी सुभाय कहै नही कछु पक्षपात,
 कौने ईस किये कीस भानु पास माहली ,
 रामही के द्वार पै बोलाय सनमानियत
 मोसे दीन दूबरो कपूत कूर काहली ॥
 सेवा अनुरूप फल देत भूप कूप ज्यों,
 बिहीन गुन पथिक पियासे जात पथ के ।
 लेषे जोषे चोखेचित तुलसी स्वारथहित,
 नीके देखे देवता देवैया घने गथ के ।
 गीध मानो गुरु कपि भानु मानो मीत कै,
 पुनीत गीत साके सब साहब समर्थ के ।
 और भूप परषि सुलाषि तौलि ताइ लेत,
 लसम के खसम तुही पै दशरथ के ॥
 रीति महाराज की निवाजिये जो माँगनो सो,
 दोष दुष दारिद दखि कै कै छोड़िये ।
 नाम जाको कामतरु देत फल चारि ताहि,
 तुलसी विहाइ कै बबूर रेंड गोड़िये ।

याचै को नरेश देस देस को कलेस करै,
 देहैं तो प्रसन्न ह्वै बड़ी बड़ाई बोड़िये ।
 कृपापाथनाथ लोकनाथनाथ सीतानाथ,
 तजि रघुनाथ हाथ और काहि जोड़िये ॥
 सो जननी सो पिता लोइ भ्रात,
 सो भामिनि सो सुत सो हित मेरो ।
 सोई सगो सो सखा सोइ सेवक,
 सो गुरु सो सुर साहब चरो ।
 सो तुलसी प्रिय प्रान समान,
 कहो लौं बनाइ कहौ बहुतेरो ।
 जो तजि देह को गेह को नेह,
 सनेह सो राम को होय सबेरो ॥
 राम हैं मातु पिता सुत बंधु
 और संगि सखा गुरु स्वामि सनेही ।
 राम की सौहैं भरोसो है राम को
 राम रंगी रुचि राचौ न केही ।
 जीवत राम मुये पुनि राम
 सदा रघुनाथहि की गति जेही ।
 सोई जिये जग में तुलसी न ते
 डोलत और मुये धरि देही ॥
 सिय-राम-स्वरूप अगाध अनूप
 बिलोचनमीनन को जलु है
 श्रुति रामकथा मुख राम को नाम
 हिये पुनि रामहि को थलु है
 मति रामहिं सो गति रामहिं सो
 रति राम सोँ रामहिं को बलु है
 सबकी न कहै तुलसी के मते
 इतनो जग जीवन को फलु है ॥

काम से रूप प्रताप दिनेस से
 सोम से सील गनेस से माने
 हरिचंद से सांचे बड़े विधि से
 मधवा से महीप विषयसुपसाने ॥
 सुक से मुनि सारद से बकता
 चिरजीवन लोमस ते अधिकाने ॥
 ऐसे भये तो कहा तुलसी
 जोपै राजिवलांचन राम न जाने ।
 भूमत द्वार अनेक मतंग
 जजार जरे मदअबु चुचाते ।
 तीपे तुरग मनो गति चचल
 पौन के गौनहुं ते बढ़ि जाते ।
 भीतर चंद्रमुखो अवलोकति
 बाहर भूप षड़े न समाते ।
 ऐसे भये तौ कहा तुलसी
 जो पै जानकोनाथ के रंग न राते ॥
 कृसगात ललात जो रोदिन को
 घर बात धरे घुरपा घरिया ।
 तिन सोने के मेरु से ढेर लहे
 मन तौ न भरो घर पै भरिया ।
 तुलसी दुष दूनो दसा दुहुं दोष
 कियो मुख दारिद को करिया ।
 तजि आस भो दास रघूगति को
 दसरथ को दानि दयादरिया ॥
 जबै यमराज रजासु ते मोहिं
 लै चलिहैं भट बांधि नटैया ।
 तात न मात न स्वामि सषा
 सुत बंधु विशाल विपत्ति बटैया ।

शामति घोर पुकारत आरत
 कौन सुनै चहुं ओर डटैया ।
 एक कृपालु तहां तुलसी
 दशरथ को नंदन बदि कटैया ॥
 जहां यमयातन घोर नदी भट
 कोटि जलच्चर दंत टेवैया ।
 जहँ धार भयंकर चार न पार
 न घोहित नाव न नीक पेवैया ।
 तुलसी जहँ मात पिता न सपा
 नहिं कोऊ कहुँ अवलंब देवैया ।
 तहाँ बिनु कारन राम कृपालु
 विशाल भुजा गहि काढ़ि लेवैया ॥
 पातक पीन कुदार्दि दीन
 मलीन धरे कथरी करवा है ।
 लोक कहै विधि हू न लिख्यो
 सपनेहुं नहीं अपने बर चाहै ।
 राम को किकर सो तुलसी
 समुझे ही भलो कहवो नरवा है ।
 ऐसे को ऐसे भयो कबहुं न
 भजे बिन वानर के चरवाहै ॥
 मात पिता जग जाय तज्यो
 विधि हू न लिखो कछु भाल भलाई ।
 नीच निरादरभाजन कादर
 कूकुरटूकन लागि ललाई ।
 रामस्वभाव सुन्यो तुलसी
 प्रभु सेां कह्यो बारक पेट खलाई ।
 स्वारथ को परमारथ को
 रघुनाथ सो साहब घोरि न लाई ॥

राग कोन साज न विराग योग याग जिय
 कायर न छुंड़ि देत ठाटिबो कुठाट को ।
 मनोराज करत अवाज भयो आहु लागि
 चाहै चारु चीर पै लहै न टूक टाट को ।
 भयौ करतार बड़े कूर को कृपालु अति
 पायौ नाम पारस हौं लालची बराट को ।
 तुलसी बनी है राम रावरे बनाये नातौ
 घोषी कैसो कूकुर न घर को न घाट को ॥
 ऊंचो मन ऊंची रुचि भाग नीचो निपटही
 लोक रीति लायक न लंगर लवारु है ।
 स्वारथ अगम परमारथ की कहा चली
 पेट की कठिन जग जीव को जवारु है ।
 चाकरी न आकरी न चेती न बनिज भीष
 जानत न कूर कछू किसम कवारु है ।
 तुलसी की बाजी राषी रामही के नाम नतु
 भेंट पितरन कौं न मूंडहू में बारु है ॥
 जाति के सुजाति के कुजाति के पेटागि वश
 पाये टूक सब के विदित बात दुनी सो
 मानस वचन काय किये पाप सतिभाय ।
 राम को कहाय दास दगाबाज पुनी सो ।
 राम नाम को प्रभाव पाव महिमा प्रताप
 तुलसी सो जग मानियत महामुनी सो ।
 अति ही अभागो अनुरागत न रामपद
 मूढ़ पनो बड़ो अचरज देशी सुनी सो ॥
 जायो कुल मगन बधायो न वजायो सुनि
 भयो परिताप पाप जननी जनक को ।
 बारे ते लल्लात बिललान द्वार द्वार दीन
 जानत हौं चारि फल चारिहि चनक को ।

तुलसी सो साहब समर्थ के सुसेवकहि
 सुनत सिहात शोच विधिहू गनक को ।
 नाम राम रावरो सयानो किधौं बावरो जो
 करत गिरी ते गरू तुन ते तनक को ॥
 बबु बहेरे को बनाय बाग लाइयत
 रूंधिवे को सोऊ सुरनरु काटियतु हैं ।
 गारी देत नीच हरिचंद दधीचहू को
 आपने चना चबाय हाथ चाटियत हैं ।
 आप महापातकी हंसत हरि हरहू को
 आपु हैं अभागी भूरि भागी डाटियतु हैं ।
 कलिकी कलुष मन मलिन किये महत
 मशक की पाँसुरी पयोधि पाटियत हैं ॥
 देवसरि सेवों वामदेव गांव रावरे ही
 नाम रामही के माँगि उदर भरत हौं ।
 दीवे योग तुलसी न लेत काहू को कछु
 लिषी न भलाई भाल पोच न करत हौं ।
 एते परहू कोऊ जो रावरे हूँ जोर करै
 ताको जोर देवदीन द्वारे गुदरत हौं ।
 पाय कै उराहनो उराहनो न दीजै मोहिं
 कालि कला काशीनाथ कहे निबरत हौं ॥
 चेरो राम राय को सुयश सुनि तेरो हर
 पायँतर आप रह्यो सुरसरितीर हौं ।
 वामदेव राम को सुभाव सील जानियत
 नातो नेह जानियत रघुवीरभीर हौं ।
 अधिभूत वेदन विषम होत भूतनाथ
 तुलसी विकल पाहि पचत कुपीर हौं ।
 मोरिये तौ अनायास कासीवास पासफल
 ज्याइये तौ रूपा करि निरुज सरीर हौं ॥

जीवे की न लालसा दयालु महादेव मोहिं
 मालुम है तोहि मरिचेई को रहत हौं ।
 कामरिपु राम के गुलामनि को कामतरु,
 अवलंब जगदंब सहित चहत हौं ।
 रोग भयो भूत सौं कुसूत भयो तुलसी को
 भूतनाथ पाहि पदपंकज गहत हौं ।
 ज्याइये तो जानकीजीवनजन जानि जिंघ
 मारिये तौ मांगी मीच सूधिये कहत हौं ॥



विनयपत्रिका

गाइये गनपति जगबंदन ।
शंकरसुवन भवानीनंदन ॥
सिद्धिसदन गजबदन विनायक ।
कृपासिंधु सुंदर सब लायक ॥
मोदकप्रिय मुदमंगलदाता ।
विद्यावारिधि बुद्धिविधाता ॥
माँगत तुलसिदास कर जोरे ।
बसहिँ राम सिय मानस मोरे ॥
कबहुँक अंब अवसर पाय ।
मेरिऊ सुधि दायबी कछु करुनकथा चलाय ॥
दीन सबअंगहीन छीन मलीन अघी अधाय ।
नाम लै भरै उदर एक प्रभुदासीदास कहाय ॥
बूझिहैं सो है कौन कहिवौ नाम दशा जनाय ।
सुनत राम कृपाल के मेरी बिगरिउ बनि जाय ॥
जानकी जगजननि जन की किये बचन सहाय ।
तरै तुलसीदास भव तव नाथ गुन गन गाय ॥
कबहुँ समय सुधि दायबी मेरी मातु जानकी ।
जन कहाय नाम लेत हौं पन
चातक ज्यों प्यास प्रेमपान की ॥
सरल प्रकृति आप जानिये,
करुनानिधान की ।
निज गुन अरिहृत अनहिती दासदोष
सुरति चित रहत न दिये दाजकी ॥
बानि बिसारनशील है,
मानद अमान की ।

तुलसिदास न विसारिये मन क्रम बचन
 जाके सपनेहुं गति नहिं श्रानकी ॥
 जयति सदसतचिन्तयापकानन्दपद,
 ब्रह्मविग्रह व्यक्त लीलावतारी ।
 विकल ब्रह्मादि सुरसिद्ध संकोच वश,
 विमल गुन ग्रहे नरदेहधारी ॥
 जयति कौशलाधीश कल्याण कोशलसुता
 कुशल कैवल्य फल चाह चारी ।
 वेदबोधित कर्म धर्म धरनीधेनु,
 विप्र सेवक साधु मादकारी ॥
 जयति ऋषिमणाल शमन सज्जनमाल,
 शापवश मुनिबधू पापहारी ।
 भंजि भवचाप दलि दाप भूपावली सहित
 भृगुनाथ नतमाथ भारी ॥
 जयति धर्मिक धुर धीर रघुवीर
 गुरु मातु पितु बन्धु बचनानुसारी ।
 चित्रकूटादि विंध्यादि दंडक विपिन,
 धन्यकृतपुण्यकाननबिहारी ॥
 जयति पाकारिसुतकाककरतूति-
 फलदानि षनि गर्वगोपितविराधा ।
 दिव्य देवीवेष देषि लषि निश्चरी,
 जनु बिडंवित करी विश्वबाधा ॥
 जयति पर त्रिशिर दूषन चतुर्दश सहस,
 सुभट मारीच संहारकर्त्ता ।
 गृद्धशबरीभक्तिविवस करुनासिंधु,
 चरित निरुपाधि त्रिविध ताप हर्ता ॥
 जयति मदग्रंथ कुकबंध बधि चालि-
 बलशालिवध करन सुग्रीव राजा ।

सुभट मर्कट भालु कटक संघट सज्जत,
 नमत पद रावनानुज निवाजो ॥
 जयति पाथोधिकृत सेतु कौतुक हेतु,
 कालमनअगम लइ ललकि लंका ।
 सकल सानुज दल दलित दशकंठ,
 रन लोक लोकप किये रहित शंका ।
 जयति सौमित्र सीता सचिव सहित चले ,
 पुष्पकारुढ़ निज राजधानी ।
 दास तुलसी मुदित अवधवासी सकल
 राम भए भूप वैदेहि रानी ॥
 जयति राजराजेन्द्र राजीवलोचन राम,
 नाम कलिकामतरु श्यामशाली ।
 अनयअंबोधिकुंभजनिशाचरनिकर-
 तिमिरघनघोर षरकिरनमाली ॥
 जयति देव मुनि देवनर देव दशरथ के,
 देवमुनिवंद्य किय अवधवासी ।
 लोकनायक कोकशोकसंकटशमन,
 भानुकुलकमलकाननविकासी ॥
 सकल सौभाग्य सौंदर्य सुषमारूप,
 मनोभव कोटि गर्वापहारी ।
 जयति सुभग सारंग सुनिषंगशायक,
 शक्ति चारु चर्मासिवरवर्मनारी ।
 जयति कलधौतमनिमुकुट कुंडल,
 तिलक छलक भलि भाल विधुवदनशोभा ।
 दिव्य भूषन वसन पीतउपवीत किये ,
 ध्यान कल्याण भाजन न कोभा ॥
 जयति भरत सौमित्र शत्रुघ्न सेवित सुमुख ,
 सचि सेवक सुषद सर्व दाता ।

अधम आरत दीन पतित पातक पीन ,
 सकुन नतमात्र कहें पाहि पाता ॥
 जयति भुवनदशचारि यश जगमत ,
 पुन्यमय धन्य जय राम राजा ।
 चरित सुरसरित कवि मुष्यगिरिनिःसरित ,
 पिवत मज्जत मुदित सह समाजा ॥
 जयति वर्नाश्रमाचारपर नारि नर ,
 सत्य शम दम दया दानशीला ।
 विगत दुख दोष संतोष सुष सर्वदा ,
 सुनत गावत रामराजलीला ॥
 जयति वैराग्यविग्यानचारांनिधे
 नमत नर्मद पापतापहर्ता ।
 दास तुलसी चरनशरन संशय-
 हरन देहि श्रवलब वैदेहिभर्ता ॥
 श्रीरामचन्द्र कृपाल भजु मन हरन भवभयदारुनं ।
 नव कंज लोचन कंज मुष कर कंज पद कंजारुनं ॥
 कंदर्प अगनिन अमित छवि नव नील नीरज सुंदरं ।
 पट पीत मानहुं तड़ित रुचि शुचि नौमि जनकसुतावरं ॥
 भजु दीनबंधु दिनेश दानवदैत्यवंशनिकंदनं ।
 रघुनद आनंदकद कौशलचंद दशरथनंदनं ।
 शिर मुकुट कुंडल तिलक चारु उदार अंग विभूषनं ।
 आजानु भुज शर चापधर संग्रामजित परदूषनं ॥
 इति वदत तुलसीदास शंकर शेषमुनिमनरंजनं
 मम हृदयकंज निवास कर कामादि षलदलगंजनं ॥
 सदा राम जपु राम जपु राम जपु राम ,
 जपु राम जपु मूढ़ मन बार बरं ।
 सकल सौभाग्य सुषषानि जिय जानि
 शठ मान विश्वास वद वेदसारं ।

कौशलेन्द्र १वनीलकंजाभतन ,
 मदनरिपुकंजहृदचंचरीकं ।
 जलकीरमन सुषभवन भुवनैकप्रभु ,
 समरभंजन परम कारुणीकं ॥
 दनुजवनधूमध्वज पीन आजातु ,
 भुजदंड कोदंडकर चंडवानं ।
 अरुन कर चरन मुष नयन राजीव ,
 गुनअयन बहु मयनशोभानिधानं ॥
 वासनावृंद कैरव दिवाकर ,
 काम क्रोध मद कंज कानन तुषारं ।
 लोभ अभिमत्त नागेंद्र पंचाननं ,
 विग्रहित हरन संसारभारं ॥
 केशवं क्लेशहं केशवंदितपदद्वन्द्व ,
 मंदाकिनीमूलभूतं ।
 सर्वदानंदसंदोह मोहापहं
 घोरसंसारपाथोधिपोतं ॥
 शोक संदोहपाथोदपटलाविलं ,
 पापपर्वतकठिनकुलिशरूपं ।
 संत जन कामधुक धेनु विश्रामप्रद
 नाम कलिकलुपभंजनमनूपं ॥
 धर्म कलपद्रुमारामहरिधामपथ ,
 सबल मूलमिदमेवमेक ॥
 भक्ति वैराग्य विग्यान समदान दम ,
 नाम आधीन साधन मेकं ॥
 तेन तप्तं हुतं दत्त मेवाषिलं ,
 तेन सर्वं कृतं कर्मजालं ।
 येन श्रीरामनामामृतं पान कृत ,
 मनिशमनवद्यमवलोककालं ॥

श्वपच पल भील यमनादि हरिलोकगत ,
 नामवल विपुल मति मलिन परसी ।
 त्याग सर्वास संत्रास भवपास असि-
 निसित हरिनाम जप दास तुलसी ॥
 देव दनुजवनदहन गुनगहन गोविंद
 नंदादिआनंददाता ऽविनाशी ।
 शंभु शिव रुद्र शंकर भयंकर भीम ,
 घोर तेजायतन क्रोधराशी ॥
 नांत भगवंत जगदंत अंतक-
 त्रास शमन श्रीरमन भुवनाभिरामं ।
 भूधराधीश जगदीश ईशान विग्यान ,
 घनग्यानकल्यानधामं ।
 वामनाव्यक्त पावन परावर विभो ,
 प्रगट परमात्मा प्रकृतिस्वामी ।
 चन्द्रशेखर शूलपानि हर अनघ ,
 अज अमित अविच्छिन्न वृषभेशगामी ।
 नील जलदाभतनु श्याम बहु काम छवि ,
 राम राजीवलोचन कृपाला ॥
 कंदुकरपूरवपु धवल निर्मल मौलि ,
 जटा सुरतटिनि सित सुमनमाला ।
 वसन किंजल्कधर चक्र सारंग दर ,
 कंज कौमोदकी अति विशाला ।
 मारकरिभक्तमृगराज त्रयनयन हर ,
 नौमि अपहरनसंसारज्वाला ॥
 कृष्ण करुणा भवन दवन कालीय ,
 षल विपुल कंशादि निरवंशकारी ॥
 ब्रह्म व्यापक अकल सकल पर
 परम हित ग्यानगोतीत गुनवृत्तिहर्ता ।

सिंधुसुतगर्वगिरिवज्र गौरीश भव
 दक्षमणअपिलविध्वंसकर्ता ॥
 भक्तिप्रिय भक्तजनकामधुकधेनु
 हरि हरन दुर्घट विकट विपति भारी ।
 सुषद नर्मदवरद विरज अनघद्य ,
 पिलविपिन आनन्द बीथिन्हविहारी ॥
 रुचिर हरिशंकरी नाम मंत्रावली ,
 ह्रंददुर्गहरनि आनंदधानी ।
 विष्णुशिवलोकसोपान सम सर्वदा ,
 वदत तुलसीदास विशद वानी ॥८॥
 देव भानुकुलकमल रविकोटिकंदर्प ,
 छुबि काल कलिव्यालमिव चैनतेयं ।
 प्रबल भुजदंड परचंड कोइंडधर ,
 तून वर विशिष बलमप्रमेयं ।
 अपिललावन्यगृह विश्वविग्रह ,
 परम प्रौढ गुनमूढ़ महिमा उदारं ॥
 दुर्द्धर्ष दुस्तर दुर्ग स्वर्ग अपवर्ग-
 पति भग्न संसारपादपकुठारं ॥
 शापवस मुनिवधू मुक्तकृत विप्रहित
 यग्यरत्ननदक्षपक्षकर्ता ।
 जनकनृपसदसि शिवचापभञ्जन ,
 उग्रभार्गवगर्वगरिमापहर्ता ॥
 गुरुगिरागौरव श्रमर सुदुस्त्यज ,
 राज्यत्यक्त सहित सौमित्र भ्राता ।
 संग जनकात्मजा मनुजमनुसृत्य अज
 दुष्ट बध निरत त्रैलोक्यत्राता ॥
 दंडकारन्य कृत पुन्यपावन ,
 चरनहरन मारीचमाया कुरंगं ।

बालि बलमत्तगजराज इव केशरी
 सुहृदसुग्रीवदुपराशिभंगं ॥
 रिच्छ मर्कट विकट सुभट उदभट समर ,
 शैलसंकास रिपुत्रासकारी ।
 बद्ध पाथोधि सुरनिकरमोचन सकुल
 दलन दसशीश भुजंबीस भारी ॥
 दुष्ट विबुधारिसंघात अपहरन
 महिभार अवतारकारन अनूपं ।
 अमल अनवद्य अद्वैत निर्मुन सगुन ,
 ब्रह्म सुभिरामि नरभूपरूपं ॥
 शेष श्रुति शारदा शंभु नारद सनक ,
 गनत गुन अंत नहि तव चरित्रं ।
 राम कामारिप्रिय अवधपति सर्वदा ,
 दासतुलसी त्रासनिधिवहित्रं ॥
 जानकीनाथ रघुनाथ रागादि तम
 तरनि तारुण्य तम तेजधामं ।
 सच्चिदानंद आनंदकंदाकरं ,
 विश्वविश्राम रामाभिरामं ॥
 नीलनववारिधरसुभग शुभकांति कर ,
 पीत कौशेयवर वसनधारी ।
 रत्नहाटकजटित मुकुट मंडित मौलि ,
 भाजु शत सदृश उद्योतकारी ॥
 श्रवन कुंडल भालतिलक भ्रू रूचिर अति,
 अरुन अंभोजलोचन विशालं ।
 बक अवलोक त्रैलोकशोकापहं,
 आरिपुहृदयमानसमरालं ॥
 नासिका चारु सुकपोल द्विज बज्रद्य ति,
 अधर बिंबोपमा मधुर हासं ।

कंठदर चिवुक वर वचन गंभीर तर ,
 सत्यसंकल्प सुरत्रासनाशं ॥
 सुमन सुविचित्र नव तुलसिकादलयुतं ,
 मृदुल वनमाल उर भ्राजमानं ।
 भ्रमत आमोद बस मत्त मधुकर निकर ,
 मधुरतर मुषर कुर्वति गानं ॥
 सुभग श्रीवत्स केयूर कंकन हार,
 किंकिनी रटति कटितट रसालं ।
 वामदिशि जनकजासीन सिंहासनं ,
 कनक मृदुबल्लिवत तरु तमालं ॥
 आजानु भुजदंड कोदंड मंडित,
 वामबाहु दक्षिण पानि वानमेकं ।
 अषिल मुनिनिकर सुर सिद्ध गंधर्ववर ,
 नमत नर जाग अवनिय अनेकं ॥
 अनघ अनल्लिख सर्वग्य सर्वेश षलु ,
 सर्वतोभद्र दाता ऽसमाकं ।
 प्रनतजन षेदविच्छेद विद्यानिपुन ,
 नौमि श्रीराम सोमित्रसाक ।
 गुगलपदपद्म सुषसन्न पद्मालयं ,
 चिन्ह कुलिशादि शोभातिभारी ॥
 हनुमन्तहृदिविमलकृतपरम मन्दिर सदा ,
 दास तुलसी शरन शोकहारी ॥
 कौशला वीश जगदीश जगदेकहित,
 अमित गुन विपुल विस्तार लीला ।
 गायंति तव चरित सुपवित्र श्रुति शेष शुक,
 शंभु सनकादि मुनि मननशीला ॥
 बारिचरवपुषधर भक्त निस्तार पर
 धरनिकृत नाव महिमातिगुर्वी ॥

सकल यज्ञांशमयउग्र विग्रह क्रोड,
 मर्दि दनुजेश उद्धरन उर्वी ।
 कमठ अति विकट तनु कठिन पृष्ठोपरी,
 भ्रमत मन्दर कंडु इव सुख मुरारी ।
 प्रगटकृत घमृत यो इन्दिरा इन्दु,
 वृन्दारकावृन्द आनन्दकारी ।
 मनुज मुनि सिद्ध सुर नाग त्रासक,
 दुष्ट दनुज द्विजधर्ममर्यादहर्ता ।
 अतुल नृगरजवपु धरित विहरित
 अरिभक्तभ्रष्टाद भ्रष्टादकर्ता ॥
 छलन पलि कपट वदुरूप वामन ब्रह्म ,
 भुवन पर्यन्त पद तीनि करनं ।
 चरननय नीर त्रैलोक्यपावन परम ,
 विबुधजननीदुसहशोकहरनं ,
 क्षत्रियाधीशकरिनिकर वर केशरी,
 परशुधर विप्रससि जलदरूपं ,
 बीसभुजदंड दसशीशपंडन चंड
 बेग शायक नौमि रामभूषं ॥
 भूमिभरभारहर प्रगट परमात्मा,
 ब्रह्म नररूपधर भक्तहेतू ।
 वृष्णिकुलकुमुद राकेश राधारमन,
 कंसघशाटवीधूमकेतू ॥
 प्रबल पापंड महिमंडलाकुल दिषि,
 निन्दित अपिल मषकर्मजालं ।
 शुद्धबोधैकघनग्यान गुनधाम
 अज बुद्ध अतार बंदे कृपालं ॥
 कालकलिजनितमलमलिनमन सर्वनर ,
 मोहनिशि निबिड यवनान्धाकरं ।

बिष्णुयशपुत्र कलकी दिवाकर उदित ,
 दास तुलसी हरन बिपतिभारं ॥
 सकल सौभाग्यप्रद सर्वतोभद्र निधि ,
 सर्व सर्वेश सर्वाभिरामं ।
 शर्वहृदिकञ्जमकरंदमधुकर रुचिर
 रूप भूपालमनि नौमि रामं ॥
 सर्व सुषधाम गुनग्राम विश्रामप्रद ,
 नाम सर्वासपदमति पुनीतं ।
 निर्मलं शान्त सुविशुद्ध बोधायतन ,
 क्रोधमदहरन करुनानिकेतं ॥
 अजित निरुपाधि गोतीतमव्यक्त ,
 बिभुमेकमनवद्यमजमद्वितीयं ।
 प्राकृतं प्रगट परमातमा परमहित ,
 प्रेरकानन्त वंदे तुरीयं ॥
 भूधरं सुन्दरं श्रीवरं मदनमद ,
 मथनसौंदर्यसीमातिरम्यम् ।
 दुःप्राप्य दुःप्रेक्ष्य दुःसंख्य दुःपार
 संसारहर सुलभ मृदु भावगम्यम् ॥
 सत्यकृत सत्यरत सत्यव्रत सर्वदा ,
 पुष्ट संतुष्ट संकष्टहारी ।
 धर्मवर्मनि ब्रह्म कर्मबोधैक ,
 द्विजपूज्य ब्रह्मण्यजनप्रिय मुरारी ॥
 नित्य निर्मम नित्यमुक्त निर्मानहरि,
 ग्यानघन सच्चिदानंद मूलं ।
 सर्वरक्षकं सर्वभक्षकाध्यक्ष ,
 कूटस्थगूढार्चि भक्तानुकूलं ॥
 सिद्धसाध्यक साध्यवाच्यवाचक ,
 कृष्णमंत्र जापक जाप्य सृष्टिस्रष्टा ।

परमकारन कंजनाभ जलदाभतनु ,
 सगुन निर्गुन सकल दृश्य द्रष्टा ॥
 व्योम व्यापक बिरज ब्रह्म वरदेश,
 वैकुण्ठ वामन विमल ब्रह्मचारी ।
 सिद्ध वृदारकावृन्द वंदित सदा ,
 षंडि पाण्डनिर्मूलकारी ।
 पूरनानंदसदोह अपहरन ,
 संमोह अग्यान गुनसन्निपातं ।
 बचनमनकर्म गत शरन ,
 तुलसीदासत्रासपाथोधि इव कुम्भजातं ॥
 देव विश्व विख्यात विश्वेस विश्वायतन ,
 विश्व मरयाद् व्यालाद्गामी ।
 ब्रह्म वरदेश वागीश व्यापक विमल ,
 विपुल बलवान् निर्वाणस्वामी ॥
 प्रकृति महत्त्वं शब्दादि गुण देवता ,
 व्योम मरुदग्निअमलांबु उर्वी ।
 बुद्धि मन इंद्रियप्रान चित्तात्मा ,
 कालपरमानु चिच्छक्ति गुर्वी ॥
 सर्वमेवात्र त्वद्रूप भूपालमनि ,
 व्यक्तमव्यक्त गतभेद विष्णो ।
 भुवनभवदंग कामारिवंदित पद्-
 मं दं मंदाकिनीजनक जिष्णो ॥
 आदि मध्यान्त भगवंत त्वं सवर्गत
 मीश पश्यन्ति ये ब्रह्मवादी ।
 यथा पट तंतु घट मृत्तिका सर्प सृग
 दारु करि कनक कटकांगद दी ॥
 गूढ गंभीर गर्वघ्न गूढार्थवित ,
 गुप्त गोतीत गुरु ग्यानगयातः ।

ग्येय ग्यानप्रिय प्रचुरगरिमागार ,
 घोरसंसारपरपारदाता ॥
 सत्यसंकल्प अतिकल्प कल्पान्तकृत ,
 कल्पनातीत अहितल्पवासी ।
 बनजलोचन बनजनाभ बनदाभवपु ,
 बनचरध्वजकोटिलावण्यरासी ।
 सुकर दुष्कर दुरागध्य दुर्व्यसनहर
 दुर्ग दुर्द्धर्ष दुर्गार्तिहर्ता ।
 वेदगर्भाभिर्कादन्न गुनगर्व ,
 अर्वाकपर गर्बनिर्वापकर्ता ॥
 भक्तअनुकूल भवशूलनिर्मूलकर ,
 तूलअघ नाम पावकसमानं ।
 तरलतृष्णातमीतरनि धरनीधरन ,
 शरन भयहरन करुनानिधानं ।
 बहुल वृन्दाख वृन्दारकावृन्द
 पदद्वन्द्व मंदारमालोरधारी ।
 पाहि मामीश संतापसंकुल सदा,
 दासतुलसी प्रनत, रावनारी ॥
 देव दनुजसूदन दयासिंधु दम्भापहन ,
 दहन दुर्दोष दुःपाप हर्ता ।
 दुष्टतादमन दमभवन दुःप्रौघहर,
 दुर्गदुर्वसनानाशकर्ता ॥
 भूरि भूषण भानुभंत भगवंत ,
 भवभंजनाभयद भुवनेश भारी ।
 भावनातीत भवबध भव भक्तहित,
 भूमिउद्धरन भूधरनधारी ॥
 वर वदन बनदाभ वागीश विश्वायतन,
 बिरज बैकुण्ठमंदिरविहारी ।

व्यापक व्योम वृन्दारु वामन विभो ,
 ब्रह्मघ्नित ब्रह्म चिन्तापहारी ॥
 सहज सुंदर सुमुप सुमन शुभ सर्वदा ,
 शुद्ध सर्वग्य स्वच्छन्दचारी ।
 सर्वजित सर्वभूत सर्वकृत सर्वहित ,
 सत्यसंकल्प कल्पान्तकारी ॥
 नित्य निर्मोह निर्गुन निरंजन,
 निजानंद निर्वाण निर्वाणदाता ।
 निर्भरानंद निष्कम्प निस्सीम
 निर्मुक्त निरुपाधि निर्मम विधाता ॥
 महामगलमूल मोदमहिमायतन,
 मुग्धमधुमथन मानद श्रमानी ।
 मदनमर्दनमदातीत मायारहित
 मंजु मानाथ पाथोजपानी ॥
 कमललोचन कलाकोश कोदंडधर,
 कोशलाधीश कल्याणराशी ।
 यातुधानप्रचुरमत्तकरिकेशरी ,
 भक्तमन पुन्य आरन्यवासी ॥
 अग्न्य अद्वैत अनवद्य अव्यक्त अज ,
 अमित अविकार आनदसिन्धो ।
 अचल अनिकेत अविरल अनामय,
 अनारम्भ अभोदनादग्नबन्धो ॥
 दास तुलसी पेदषिन्न आपन्न इह ,
 शोकसंपन्न अतिशय सभितं ।
 प्रनतपालक राम करुणाधाम,
 पाहि मामुर्विपति दुर्विनीतं ॥
 देव देहि अवलंब कर कर्मल,
 कमलारमन दमन दुषशमन संताप भारी ।

अग्यानराकेशग्रासनविधुं तुद गर्व,
 कामकरिमत्तहरि दूषनागी ।
 वपुष ब्रह्माण्ड सुप्रवृत्ति लंकादुर्ग
 रचित मन दनुजमय रूपधारी ।
 विविध कोशौघ अति रुचिर मंदिर निकर
 सत्यगुन प्रमुषत्रयकटककारी ॥
 कुनपअभिमानसागर भयंकर घोर,
 विपुल अवगाह दुस्तर अपारं ।
 नक्ररागादि सकुल मनोरथ सकल
 संग संकल्प बीचीविकारं ॥
 मोह दशमौलि तदभ्रात अहंकार,
 पाकारिजित काम विश्रामहारी ।
 लोभ अधिकाय मत्सर महोदर दुष्ट,
 क्रोध पापिष्ठ बिबुधान्तकारी ॥
 द्वेष दुर्मुष दंभ पर अकंपन कपट
 दर्प मनुजाद मद शूलपानी ।
 अमितबल परमदुर्जय निशाचरनिकर,
 सहित षड्बर्ग गो यातुधानी ॥
 जीव भवदंघ्रिसेवक बिभीषन बसत,
 मध्य दुष्टाटवी प्रसितचिन्ता ।
 नियमयम सकल सुरलोक लोकेश
 लंकेश बश नाश अत्यंत भीता ॥
 ग्यान अवधेश गृह गेहनी भक्ति शुभ,
 तत्र अवतार भू भारहर्ता ।
 भक्त संकष्ट अवलोक पितृवाक्य कृत,
 गमन किय गहन वैदेहिभर्ता ॥
 कैवल्य साधन अषिल भालु मर्कट विपुल,
 ग्यानसुग्रीवकृत जलधिसेतू ।

प्रबल वैराग्य दारुण प्रभंजनतनय ,
 विषयवनभवनमिव धूमकेतू ॥
 दुष्टदनुजेशनिर्वशकृत दासहित,
 विश्वदुषहरन वोधैकरासी ।
 अनुज निज जानकी सहित हरि सर्वदा
 दास तुलसीहृदयकमलवासी ॥
 देव दीनउद्धरन रघुवर्य करुणामवन,
 शमनसंताप पापौघहारी ।
 विमल विग्यानविग्रह अनुग्रहरूप,
 भूपवर विबुधनर्मद षरारी ॥
 संसारकान्तार अति घोर गंभीर घन ,
 गहन तरुकर्मसंकुल मुरारी ।
 वासनावल्लिपरकंटकाकुल विपुल ,
 निबिड बिटपाटवी कठिन भारी ॥
 विविध चितवृत्ति षग निकर सेनोलूक ,
 काक बक गृद्ध आमिषग्रहारी ।
 अपिल षल निपुन छलछिद्र निरपत सदा ,
 जीवजनपथिकमन षेदकारी ॥
 क्रोध करिमत्त मृगराज कंदर्प मद
 दर्प वृक भालु अति उग्रकर्मा ।
 महिष मत्सर क्रूर लोभ शूकररूप ,
 फेरु छल दंभ माजरीधर्मा ॥
 कपट मरकट बिकट व्याघ्र पाषंड
 मुष दुषद मृगशात उत्पातकर्त्ता ।
 हृदय अवलोकि यह शोक शरनागतं
 पाहि मां पाहि भो विश्वभर्त्ता ॥
 प्रबल अहंकार दुर्घट महीधर महा,
 मोह गिरिगुहा निबिडांधकारं ।

चित्त बेताल मनुजाद मन प्रेतगन
 रोगभोगौघ वृश्चिकविकारं ॥
 विषयसुषलालसा दंशमसकादि,
 षल झिल्लि रूपादि सब सर्पस्वामी ।
 तत्र आक्षिप्त तव विषम मायानाथ ,
 अंध मैं मंद व्यालादगामी ॥
 घोरअवगाह भवआपगा पाप ,
 जलपूर दुःप्रेक्ष दुस्तर अपारा ।
 मकरषडवर्ग गोनक्रचक्राकुला ,
 कूल शुभ अशुभ दुष तीव्र धारा ॥
 सकल संघट पोच शोच बस सर्वदा,
 दासतुलसी विषममहनग्रस्तं ।
 ग्राहि रघुवंशभूषण कृपाकर
 कठिनविकरालकलित्रासत्रस्तं ॥
 बंदौं रघुपति करुनानिधान ।
 जातैं छूटै भवभेदग्यान ॥
 रघुवंशकुमुद सुषप्रदनिशेष ।
 सेवित पदपंकज अज महेश ॥
 निज भक्तहृदय पाथोजभृ ग ।
 लावन्यबपुष अगनित अनंग ॥
 अति प्रबल मोहतम मारतंड ।
 अग्यानगहन पावक प्रचंड ॥
 अभिमानसिंधु कुम्भज उदार ।
 सुररजन भंजनभूमिभार ॥
 रागादि सर्पगन पन्नगारि ।
 कन्दर्पनाग मृगपति सुरारि ॥
 भवजलधि पोत चरनारविद ।
 जानकीरमन आनंदकंद ॥

हनुमंतप्रेमवापीमराल ।
 निष्काम कामधुक गो दयाल ॥
 त्रैलोक्यतिलक गुनगहन राम ।
 कह तुलसिदास भिश्रामधाम ॥
 देव, दीन को दयाल दानि दूसरौ न कोई ।
 जाहि दीनता कहों हों दीन देखों सोई ॥
 सुनि सुर नर नाग असुर साहव नौ घनेरे ।
 पै तौलों जौलों रावरे न नेकु नयन फेरे ॥
 त्रिभुवन तिहुं काल बिदित वदन बेद चारी ।
 आदि अंत मध्य राम साहिबी तिहारी ॥
 तोहि मांगि मांगनो न मांगनो कहायो ।
 सुनि स्वभाव शील सुजस याचक जन आयो ॥
 पाहन पशु बिटप बिहंग अपने करि लीन्हे ।
 महाराज दशरथ के रंक राव कीन्हे ॥
 तूं गरीब कौ निवाज हों गरीब तेरौ ।
 बारक कहिये कृपाल तुलसिदास मेरौ ॥
 देव, तू दयाल दीन हों तू दानि हों भिषारी ।
 हों प्रसिद्ध पातकी तू पापपुजहारी ॥
 नाथ तू अनाथ कौ अनाथ कौन मो सौ ।
 मो समान आरत नहि आरतिहर तो सौ ॥
 ब्रह्म तू है जीव हों तू ठाकुर हों चेरौ ।
 तात मातु गुरु सखा तू सब बिधि हित मेरौ ॥
 तोहि मोहि नाते अनेक मानिये जो भावै ।
 ज्यों त्यों तुलसी कृपाल चरनशरन पावै ॥
 देव, और काहि मांगिये जो मांगियो निवारै ।
 अभिमतदातार कौन दुष दरिद्र दारै ॥
 धर्मधाम राम कामकोटिरुपूरौ ।
 साहिब सब बिधि सुजान दानपद्म सूरौ ॥

सुसमय दिन द्वय निशान सब के द्वार बाजै ।
 कुसमय दशरथ के दानि तैं गरीबनिवाजै ॥
 सेवा विनु गुन बिहीन दीनता सुनाये ।
 जे जे तैं निहाल किये फूले फिरत पाये ॥
 तुलसिदास याचकरुचि जानि दान दीजै ।
 रामचंद चंद तू चकोर मोहि कोजै ॥
 दीन बन्धु सुषसिंधु कृपा कर कारुणीक रघु
 सुनहु नाथ मन जरत त्रिविधज्वर
 करत फिरत बौराई ॥
 कबहुं योगरत भोगनिरत शठ
 हठ बियोगवश होई ॥
 कबहुं मोहवश द्रोह करत बहु,
 कबहु दया अति सोई ॥
 कबहुं दीन मतिहीन रंक रत
 कबहुं भूप अभिमानी ।
 कबहुं मूढ़ पंडित विडंबरत,
 कबहुं धर्मरत ग्यानी ॥
 कबहुं देष जग धनमय रिपुमय,
 कबहुं नारिमय भासै ॥
 संसृतिसन्निपातदारुनदुषु,
 विनु हरिकृपा न नासै ॥
 संयम जप तप नेम धर्म व्रत ,
 बहु भोज समुदाई ।
 तुलसिदास भवरोग रामपद
 प्रेम हीन नहि जाई ॥
 मोहजनित मल लाग विविध
 विधि कोटिहुँ जतन न जाई ।
 जनम जनमअभ्यासनिरत चित

अधिक अधिक लपटाई ॥
 नयन मलिन परनारि निरषि ,
 मन मलिन विषय सग लागे ।
 हृदय मलिन वासना मानमद,
 जीव सहज सुष त्यागे ॥
 परनिंदा सुनि श्रवण मलिन भये ,
 बचन दोष पर गाये ।
 सब प्रकार मलमार लाग
 निज नाथचरन विसराये ॥
 तुलसिदास व्रत दान ग्यान ,
 तप शुद्धि हेतु श्रुति गावै ।
 रामचरनअनुरागनीर बिनु ,
 मल अति नाश न पावै ॥
 मेरौ मन हरि हठ तजै ।
 निशिदिन नाथ देउं सिषि ,
 बहु विधि करत सुभाव निजै ॥
 ज्यों युवती अनुभवतिप्रसव,
 अति दारुन दुष उपजै ।
 ह्वै अनुकूल विसारि शूल ,
 शठ पुनि पल पतिहि भजै ॥
 लोलुप भ्रमत गृहपशु ज्यों
 जहँ तहँ सिर पदत्रान बजै ।
 तदपि अधम विचरत तेउ
 मारग कबहुं न मूढ़ लजै ॥
 हौं हारथौ करि जतन विविध विधि ,
 अतिशय प्रबल अजै ।
 तुलसिदास बस होय तबहिं
 जब प्रेरक प्रभु बरजै ॥

जो पै जिय धरिहौ अवगुन जन के ।
 तौ क्यों कटत सुकृतनष तें मोपै ,
 बिपुल बृंद अघबन के ॥
 कहि है कौन कलुष मेरे कृत ,
 कर्म बचन के मन के ।
 हारहिं अमित शेष शारद श्रुति ,
 गिनत एक एक छिन के ॥
 जो चित चढ़े नाममहिमा निज ,
 गुनगन पावन पन के ।
 तौ तुलसिहि तारिहौ बिप्र ज्यों ,
 दसन तोरि यमगन के ॥
 जो पै हरि जनके अवगुन गहते ।
 तौ सुरपति कुरुराज बालि सौं ,
 कत हठि बैर बिसहते ॥
 जो जप याग योग ब्रन बर्जित ,
 केवल प्रेम न चहते ।
 तौ कत सुर मुनिवर बिहाय ,
 ब्रजगोपगेह बसि रहते ॥
 जो जहँ तहँ प्रन राषि भगन कौ ,
 भजनप्रभाव न कहते ।
 तौ कलि कठिन कर्ममारग जड़ ,
 हम केहि भांति निबहते ॥
 जो सुतहित लिय नाम अजामिल
 के अघ अमित न दहते ।
 तौ यमभट सांसतिहर हमसे ,
 वृषम षोज षोज नहते ॥
 जो जगबिदित पतितपावन ,
 अति बांकुर बिरद न बहते ।

तौ बहु कल्प कुटिल तुलसी से ,
 सपनेहु सुगति न लहते ॥
 ऐसी हरि करत दास पर प्रीति ।
 निज प्रभुता विसारि जनके ,
 बस होत सदा यह रीति ॥
 जिन बांधे सुर असुर नाग नर ,
 प्रबल कर्म की डोरी ।
 सोइ अविद्धिन्न ब्रह्म यशुमति,
 बांध्यौ हटि सकत न छांगी ॥
 जाको माया बस विरचि शिव
 नाचत पार पायौ ।
 करतल ताल बजाइ ग्वाल—
 युवतिन सोई नाच नचायौ ।
 विश्वंभर श्रीपति त्रिभुवनपति ,
 वेदविदित यह लीष ।
 बलि सों कछु न चली प्रभुता
 बरु हूँ द्विज भांगी भीष ॥
 जाके नाम लिये छूटत ,
 भवजन्ममरन दुषभार ।
 अस्वरीष हित लागि कृपानिधि ,
 सोइ जन्मौ दश वार ।
 योग विराग ध्यान जप तप करि
 जेहि षोडश मुनि ग्यानी ।
 वानर भालु चपल पशु पावर
 नाथ तहां रति मानी ॥
 लोकपाल यम काल पघन ,
 रवि शशि सब अग्याकारी ।
 तुलसिदास प्रभु उग्रसेन के

द्वार बैतकरधारी ॥
 जाऊँ कहां तजि चरन तुम्हारे ।
 का कौ नाम पतितपावन जग ,
 केहि अति दीन पियारे ॥
 कौने देव बराह बिरदहित
 हठि हठि अधम उधारे ।
 षग मृग व्याध पषान बिटप ,
 जड़ जमन कवन सुर तारे ॥
 देव दनुज मुनि नाग मनुज,
 सब माया बिबस बिचारे ।
 तिनके हाथ दासतुलसी,
 प्रभु कहा अपनपौ हारे ॥
 हरि तुम बहुत अनुग्रह कीन्हो ।
 साधनधाम बिबुधदुर्लभ'
 तनु मोहिं कृपा कर दीन्हो ॥
 कोटिहुं मुष कहि जाहि न
 प्रभु के एक एक उपकार ।
 तदपि नाथ कछु और,
 मांगिहों दीजे परम उदार ।
 बिषयवारि मनमीन भिन्न नहिं,
 होत कबहुं पल एक ।
 ताते सहिय बिपति अति दारुण,
 जन्मत योनि अनेक ॥
 कृपाडोरि बंसी पद अंकुश
 परम प्रेम मृदु चारो ।
 यह बिधि बेधि हरहु मेरौ
 दुष कौतुक राम तुम्हारो ॥
 है श्रुतिबिदित उपाय सकल

सुर केहि केहि दीन निहोरे ।
 तुलसिदास एक जीव मोहरजु,
 जोइ बांध्यो साइ छोरे ॥
 जो पै कृपा रघुपति कृपालु की
 वैर अवर के कहां सरै ।
 होय न बांकौ वार भक्त कौ,
 जो कोउ कोटि उपाय करै ॥
 तकै नीच जो मीच साधु की,
 सो पावर तेहि मीच मरै ।
 वेदविदित प्रह्लाद कथा,
 सुनि कौन भक्तपथ पावँ धरै ॥
 गज उधारि हरि थप्यौ विभीषन,
 ध्रुव अविचल कबहुँ न डरै ।
 अम्बरीष की श्राप सुरति करि,
 अजहुँ महामुनि ग्लानि गरै ॥
 सो धौ कहा जु न कियौ सुयोधन,
 अबुध आपने मान जरै ।
 प्रभुप्रसाद सौभाग्यविजय,
 यश पांडव ने बरिआइ बरै ॥
 जो जो कूप षनेगो पर कहँ,
 सो शठ फिरि तेहि कूप परै ।
 सपनेहुँ सुष न संतद्रोही कहँ,
 सुरतरु सोउ बिष फरनि फरै ॥
 है काके द्वै शीश ईश के,
 जो हरि जन की सीम चरै ।
 तुलसिदास रघुवीर बाहुबल,
 सदा अभय काहू न डरै ॥
 दीन दयाल दुरति दारिदुष

दुनी दुसह तिहुं ताप तई है ।
 देवदुआर पुकारत आरत,
 सब की सब सुषहानि भई है ॥
 प्रभु के बचन वेदबुधसम्मत,
 मम भूरति महिदेवमई है ।
 तिन्ह की मनि रिस रोग मोह,
 मद लोभ लालची लीलि लई है ॥
 राज समाज कुसाज कोटि कटु,
 कल्पत कलुष कुचाल नई है ।
 नीति प्रतीति प्रीति परमिति,
 पति हेतुबाद हठि हेरि हई है ॥
 आश्रम वर्न न, धर्मरहित जग
 लोक वेदमर्याद गई है ।
 प्रजा पतित पाषण्डपापरत,
 अपने अपने रंग गई है ॥
 शान्ति सत्य शुभ रीति गई घटि,
 बढ़ी कुरीति कपट कलई है ।
 सीदत साधु साधुता शोचति,
 षल बिलसत हुलसति षलई है ॥
 परमारथ स्वारथ साधन भये,
 अफल सकल नहिं सिद्धि सई है ।
 कामधेनु धरनी कलिगोमर
 विवश बिकल जामति न बई है ॥
 कलिकरनी बरनिये कहां लौं,
 करत फिरत बिन टहल टई है ।
 तापर दांत पीसि कर मीजत,
 को जानै चित काह टई है ॥
 ल्यों ल्यों नीच चढ़त शिर ऊपर,

ज्यों ज्यों शील वश ढील दई है ।
 सरुष वरजि तरजिये तरजनी,
 कुम्हिलैहै कौहड़े की जई है ॥
 दीजें दादि देषि नातौ बलि,
 मही मोद मगल रितई है ।
 भरे भाग अनुराग लोग कहैं
 राम अवधि चितवनि चितई है ॥
 बिनती सुनि सानंद हेरि हँसि,
 करुनावारि भूमि भिजई है ।
 रामराज भयो काज सगुन शुभ,
 राजा राम जगतविजई है ॥
 समरथ बड़ो सुजान सु साहिब
 सुकृतसैन हारत जितई है ।
 सुजन स्वभाव सराहत सादर
 अनायाम सांसति बितई है ॥
 उधपे थपन, उजारि बसावन,
 गईवहोरि बिरद सदई है ।
 तुलसी प्रभु आरत आरतिहर,
 अभयबांह केहि केहि न दई है ॥
 कहां जाउं कासों कहां और ठौर न मेरे ।
 जन्म गवायों तेरेही द्वार किंकर तेरे ॥
 में तो बिगारी नाथ सों आरति के लीन्हें ।
 तोनि कृपानिधि क्यों बनै मेरीसी कीन्हें ॥
 दिनदुरदिन दिन दुरदशा दिन दुष दिन दूषन ।
 जब लौं तू न बिलोकि है रघुबंशविभूषन ॥
 दई पीठ बिनडीठ में तुम विश्वबिलोचन ।
 तो सौं तुही न दूसरो नतशोचबिमोचन ॥
 पराधीन देव दीन हों स्वाधीन गोसाईं ।

बोलनिहारे सों करै बलि विनय कि भाँई ॥
 आपु देषि मोहि देषिये जन मानिये सांचो ।
 बड़ी श्रोत रामनाम की जेहि लयौ सो बांचो ॥
 रहनि रीति राम रावरी नित हिये हुलसी है ।
 ज्यों भावै त्यों कर कृपाल तेरो तुलसी है ॥
 पेसो को उदार जग माहीं ।
 बिनु सेवा जो द्रवै दीन पर,
 राम सरिस कोउ नाहीं ॥
 जो गति योग बिराग यतन कर,
 नहि पावत मुनि ज्ञानी ।
 सो गति देत गीध शबरी कहं,
 प्रभु न बहुत जिय जानी ॥
 जो संपति दश शीश साधि कर,
 रावन शिव पहं लीन्ही ।
 सो सम्पदा बिभीषन कहं
 अति सकुच सहित हरि दीन्ही ॥
 तुलसिदास सब भाँति सकल सुष
 जो चाहसि मन मेरो ।
 तो भजु राम, काम सब पूरन .
 करै कृपानिधि तेरो ॥
 जानत प्रीतिरीति रघुराई ।
 नाते सब हाते कर राषत,
 राम सनेहसगाई ॥
 नेह निचाहि देह तजि दशरथ,
 कीरति अचल चलाई ।
 ऐसेहुं पितु तैं अधिक गीध पर
 ममता गुनगरुआई ॥
 तिरबिरही सुग्रीव सषा लषि,

प्रानप्रिया विसराई ।

रन परधौ बन्धु विभीषन ही कौ,
शोच हृदय अधिकारि ॥

घर गुरुगृह प्रियसदन सासुरे
भई जब जहँ पहुनाई ।
तब तहँ कहे शवरी के फलनि की
रुचि माधुरी न पाई ॥

सहज स्वरूप कथा मुनि बर्नत
रहत सकुचि शिर नाई ।

केवट मीत कहत सुष मानत,
बानर वंधु बड़ाई ॥

प्रेम कनौड़ौ राम सौं प्रभु,
त्रिभुवन तिहुं काल न भाई ।
तेरौ रिनी हौं कछ्यौ कपीश सौं,
ऐसी मानि है को सेवकाई ॥
तुलसी रामसनेह शील लषि,
जो न भगति उर आई ।

तौ तोहि जन्म जाय जननी
जड़ तन तरुनता गँवाई ॥

रघुवर रावणि यहै बड़ाई ।

निदरि गनी आदर गरीब पर
करत कृपा अधिकारि ॥

थके देव साधन अनेक करि,
सपनेहुं नहिं दर्ई दिपाई ।

केवट कुटिल भालु कपि कौनप
कियौ सकुल सग भाई ॥

मिलि मुनिवृंद फिरत दंडक बन,
सो चरचौ न चलाई ।

बारहिं बार गीध शवरी की,
 बरनत प्रीति सुहाई ।
 श्वान कहैं तैं किये पुर बाहर ,
 तजो गयं चढ़ाई ।
 सियनिंदक मतिमंद प्रजा
 रज निज नय नगर बसाई ॥
 यह दरवार दीन को आदर
 रीति सदा चलि आई ।
 दीनदयाल दीन तुलसी की
 काहू न सुरत कराई ॥
 ऐसे राम दीनहितकारी ।
 अति कोमल करुनानिधान ,
 बिनु कारन परउपकारी ॥
 साधनहीन दीन निज अघबस
 शिला भई मुनिनारी ।
 गृह तैं गवनि परसि पदपावन
 घोर थाप ते तारी ॥
 हिंसारत निषाद तामसबपु,
 पशु समान बनचारी ।
 भेट्यौ हृदय लगाय प्रेमबस,
 नहिं कुल जात बिचारी ॥
 यद्यपि द्रोह कियो सुरपतिसुत,
 कहि न जाय अति भारी ।
 सकल लोक अवलोकि शोकहत,
 शरन गये भय डारी ॥
 बिहंगयोनि आमिष अहार बस,
 गीध कवन व्रतधारी ।
 जनक समान किया ताकी,

निज कर सब बात संधारी ॥
 अधम जाति श्वरी योषित शठ ,
 लोक बेद तें न्यारी ।
 जानि प्रीति है दरश कृपानिधि ,
 सोड रघुनाथ उधारी ॥
 कपि सुग्रीव बन्धु भय व्याकुल ,
 आयौ शरन पुकारी ।
 सहि न सके दारुन दुष जनके
 हत्यौ बालि सहि गारी ॥
 रिपु कौ बन्धु बिभीषन निशिवर,
 कौन भजनअधिकारी ।
 शरन गये आगे हैं लीन्हो,
 भेद्यों भुजा पसारी ॥
 अशुभ होय जिन्ह के सुमिरन ते
 बानर रीछ बिकारी ।
 वेदविदित पावन किये ते सब,
 महिमा नाथ तुम्हारी ॥
 कहँ लग कहों दीन अगनित ,
 जिन्ह की तुम विपति निवारी ।
 कलिमलप्रसित दासतुलसी,
 पर काहे कृपा बिसारी ॥
 जो पै रामचरनरति होती ।
 तौ कत त्रिविधि शूल निशि घासर,
 सहितें बिपति निसोती ॥
 जो संतोषसुधा निशि बासर,
 सपनेहुं कबहुं क पावै ।
 तौ कत विषय बिलोकि झूठ
 जल मन कुरंग ज्यों धावै ॥

जो श्रीपतिमहिमा विचार
 उर भजते भाव बढ़ाये ।
 तौ कन द्वार द्वार कूकर ,
 ज्यों फिरते पेट षलाये ॥
 जे लोलुप भये दास आस के,
 ते सबही के चेरे ।
 प्रभुविश्वास आश जीती जिन्ह,
 ते सेवक हरि करे ॥
 नहिं एकौ आचरन भजन कौ,
 बिनय करत हौं तातें ।
 कीजे कृपा दासतुलसी पर,
 नाथ नाम के नातें ॥
 जाके प्रिय न राम बैदेही ।
 सो छांडिये कोटि बैरी सम,
 यद्यपि परम सनेही ॥
 तज्यौ पिता प्रह्लाद, विभीषन
 बंधु, भरत महतारी ।
 बलि गुरु तज्यौ, कंत ब्रजबनितन्हि,
 भये जगमंगलकारी ॥
 नाते नेह राम के मनियत
 सुहृद सुसेव्य जहां लों ।
 अजन कहा आंषि जेहि फूटे,
 बहुतो कहों कहां लों ॥
 तुलसी सो सब भांति परमहित,
 पूज्य प्रान ते प्यारो ।
 जासो होय सनेह रामपद,
 एतो मतो हमारो ॥
 जो पै रहनि राम सों नाहीं ।

तौ नर षर कूकर शूकर से,
 जाय जियत जग माही ॥
 काम क्रोध मद लोभ नींद भय ,
 भूष प्यास सबही के ।
 मनुजदेह सुर साधु सराहत,
 सो सनेह सियपीके ॥
 सूर सुजान सपूत सुलक्षन,
 गनियन गुनगरुआई ।
 बिन हरिभजन इंद्रायन के फल
 तजत नहीं करुआई ॥
 कीरति कुल करतूति भूति भलि,
 शील स्वरूप सलोने ।
 तुलसी प्रभुअनुगागरहित जस,
 सालल साग अलोने ॥
 कहां जाउँ कासों कहों को सुनै दीन की ।
 त्रिभुवन तुहीं गति सब अंगहीन की ॥
 जग जगदीश घर घरनि घनेरे हैं ।
 निराधार को अधार गुनगन तेरे हैं ॥
 गजराज काज षगराज तजि धायो को ।
 मोसे दोषकोषपोसे तोसे मायजायो को ॥
 मोसे कूर कायर कपूत कौड़ी आध के ।
 किये बहु मोल तैं करैया गीधआध के ॥
 तुलसी की तेरे ही बनाए बलि बनैगी ।
 प्रभु को बिलंबअंब दोष दुष जनैगी ॥
 राम कहत चलु, राम कहत चलु ,
 राम कहत चलु भाई रे ।
 माहीं तौ भवबेगारि महँ परिहौ
 छूटत अति कठिनाई रे ॥

बांस पुरान साज सब अठकठ ,
 सरल तिकोन खटोला रे ।
 हमहिं देहल करि कुटिल कर्मचंद ,
 मंद मोल बिनु डोला रे ॥
 बिषम कहार मारमदमाते ,
 चलहिं न पाँव बटोरे रे ।
 मंद बिलंद अमेरा दलकन ,
 पाइये दुष भकभोरे रे ॥
 काँट कुराय लपेटन लोटन,
 ठाँवै ठाँवै बभाऊं रे ।
 जस जस चलिय दूरि तस तस,
 निज बास न भेंट लगाऊं रे ॥
 मारग अगम संग नहिं संवल ,
 नांव गांव कर भूला रे ।
 तुलसिदास भवत्रास हरहु अब,
 होहु राम अनुकूला रे ॥
 बलि जाऊं होय राम गुसाई ।
 कीजिये कृपा आपनी नाई ॥
 परमारथ सुरपुरसाधन सब ,
 स्वारथ सुषद भलाई ।
 कलि सकोप लोपी सुचाल, निज
 कठिन कुचाल चलाई ॥
 जहँ तहँ चित चितवत हित तहँ
 नित नव विषाद अधिकाई ।
 रुचि भावती भभरि भागहिं ,
 समुहाहिं अमित अनमाई ॥
 आधिमगन मन व्याधिविकल तन ,
 बचन मलीन भुठार्ई ।

एनेहुं पर तुमसों तुलसी की
 सकल स्नेहसगई ॥
 मन पछितैहै अवसर बीतें ।
 दुर्लभ देह पाइ हरिपद भजु,
 करम बचन अरु ही तैं ॥
 सहसबाहु दसबदन आदि नृप
 बचे न काल बली तैं ।
 हम हम करि धन धाम संवारे,
 अंत चले उठि रीतें ॥
 सुत वनितादि जानि स्वारथरत
 न करु नेह सबही तैं ।
 अंतहु तोहिं तजेंगे पामर ,
 तू न तजहि अब हीं ते ।
 अब नाथहि अनुराग जाग जड़ ,
 त्याग दुराशा जी तैं ।
 बुझै न कामअग्नि तुलसी कहुं
 विषयभोग बहु घी तैं ॥
 कबहुं रघुवंशमनि सो कृपा करहुगे ।
 जेहि कृपा व्याध गज विप्र फल नर तरे,
 तिनहि सम मानि मोहि नाथ आदरहुगे ॥
 योनि बहु जन्म किय कर्म फल विविधे विधि ,
 अधम आचरन कहु हृदय नहि धरहुगे ।
 दीनहित अजित सर्वज्ञ समरथ प्रनतपाल
 चित मृदुल निज गुननि अनुसरहुगे ॥
 मोह मद मान कामादि फलमंडली ,
 सकुल निर्मूल करि दुसह दुष हरहुगे ।
 योग जप ज्ञान विज्ञान ते अधिक अति ,
 अमल दृढ भक्ति दै परम सुष भरहुगे ॥

मंदजनमौलिमनि सकल साधनहीन ,
 कुटिल मनमलिन जिय जानि जो डरहुगे ।
 दासतुलसी वेदविदित बिरदावली
 विमल जस नाथ केहि भांति बिस्तरहुगे ॥
 ऐसी कौन प्रभु की रीति ।
 बिरद हेतु पुनीत परिहरि ,
 पांवरनि पर प्रीति ॥
 गई मारन पूतना कुच कालकूट लगाइ ।
 मातु की गति दई ताहि कृपाल यादवराइ ॥
 काम मोहित गोपिकन्हि पर कृपा अतुलित कीन्ह ।
 जगतपिता बिरचि जिन्ह के चरन की रज लीन्ह ॥
 नेम ते शिशुपाल दिन प्रति देत गनि गनि गारि ।
 कियौ लीन सो आपु में हरि राजसभा भभारि ॥
 व्याध चित दै चरन मारयो मूढमति मृग जानि ।
 सो सदेह स्वलोक पठपो प्रगट करि निज बानि ॥
 कौन तिन्ह की कहै जिन्ह के सुकृत औ अघ दोउ ।
 प्रगट पातकरूप तुलसी शरन राख्यो सोउ ॥
 श्रीरघुवीर की यह बानि ।
 नीचहूँ सों करत नेह सुप्रीति मन अनुमानि ॥
 परम अधम निषाद पांवर कौन ताकी कानि ।
 लियो सो उर लाइ सुत ज्यों प्रेम की पहिचानि ॥
 गीध कौन दयालु जो विधि रच्यो हिंसा सानि ।
 जनक ज्यों रघुनाथ ता कहँ दियौ जल निज पानि ॥
 प्रकृतिमलिन कुजाति शबरी सकल अवगुनषानि ।
 पात ताके दिये फल अति रुचि बषानि बषानि ।
 रजनिचर अरु रिपु विभीषण शरन आयौ जानि ।
 भारत ज्यों उठि ताहि भैंर्यो देह दशा भुलानि ॥
 कौन सुभग सुशील बानर जिन्हहिं सुमिरत हानि ।

किये ते सब सखा पूजे भवन अपने आनि ॥
 राम सहज कृपालु कोमल दीनहित दिनदानि ।
 भजहि ऐसे प्रभुहि तुलसी कुटिल कपट न ठानि ॥
 प्रन करिहों हठि आज ते रामद्वार परधौ हों ।
 तू मेरो यह बिन कहे उठिहों न जन्म भरि ,
 प्रभु की सों करि निबरधौ हो ॥
 दै दै भक्ता यमभट थके टारे न टरधौ हों ।
 उदर दुसह सांसति सही बहु बार ,
 जन्म जग नर्क निदरि निकरधौ हों ॥
 हों मचला लै छाड़ि हों जेहि लागि अरधौ हों ।
 तुम दयाल बनि है दिये बलि बिलंब ,
 न कीजिय जात गलानि गरधौ हों ॥
 प्रगट कहत जों सकुचिये अपराध भरधौ हों ।
 तौ मन में अपनाइय तुलसिहि कृपाकर
 कलि बिलोकि हहरधौ हों ॥
 जैसौ हों तैसौ हों राम रावरों,
 जन जनि परिहरिये ।
 क्षमासिन्धु कौशलवनी शरनागत—
 पालक ढरनि आपनी ढरिये ।
 हों तौ बिगरायल ,
 ओर कौ बिगरो न बिगरिये ।
 तुम सुधारि आये सदा सबकी सबही बिधि
 अब मेगीयो सुधरिये ॥
 जग हंस है मेरे संग रहे कत यहि डर डरिये ।
 कपि केवट कीन्हे सखा जेहि शील ,
 सरलचित तेहि सुभाव अनुसरिये ॥
 अपराधी तउँ आपनो तुलसी न बिसरिये ।
 टूटियो बांह गये परै फूटे ह्व बिलोचन

पीर होत हित करिये ॥
 तुम जानि मन मैलो करौ
 लोचन जनि फेरौ ।
 सुनहु राम बिन राघरे लोकहुं
 परलोकहुं कोउ कहुं हित मेरौ ॥
 अगुन अलायक आलसी
 जानि अधम अनेरौ ।
 स्वार्थ के साथिन्ह तज्यो तिजरा कैसो ,
 टोटक अवचट उलटि न हेरौ ॥
 भक्तिहीन बेद बाहिरौ ,
 लखि कलिमलघेरौ ।
 देवन्ह हूँ देव परिहर्यौ अन्याय न ,
 तिन्हकौ अपराधी सबकेरौ ॥
 नाम की ओट लै पेट भरत हों ,
 पै कहावत चेरौ ।
 जगतविदित बात है परी समुझिये
 धौं अपने लोक की बेद बडेरौ ॥
 हूँ है जब तब तुमझि ते
 तुलसी कौ भलेरौ ॥
 दीन दिन हूँ दिन बिगारि है बलि जाउ
 बिलंब लिये अपनाइये सबेरौ ॥
 तुम तजि हों का सों कहों
 और को हित मेरे ।
 दीन बन्धु सेवक सषा आरत अनाथ पर
 सहज छोह कहिं केरे ॥
 बहुत पतित भवनिधि
 तरे बिन तरि बिन बेरे ।
 कृपा कोप सति भायहु धोषेहुं

तिरछेहु राम तिहारेहुं हेरे ॥
 जो चितवनि सौंधी
 लगे चितइये सवेरे ।
 तुलसीदास अपनाइये कीजे न ढोल
 अब जीवनअवधि अति नेरे ॥

दोहावली

राम वाम दिसि जानकी लषन दाहिनी ओर ।
 ध्यान सकल कल्याणमय सुरतरु तुलसी तोर ॥
 सीता लषन समेत प्रभु सोहत तुलसीदास ।
 हर्षत सुर वर्षत सुमन सगुन सुमंगलवास ॥
 पंचवटी बट विटप तरु सीता लषन समेत ।
 सोहत तुलसीदासप्रभु सकल सुमंगल देत ॥
 चित्रकूट सब दिन बसत प्रभु सिय लषन समेत ।
 रामनामजप जापकहि तुलसी अभिमत देत ॥
 रामनाम मनिदीप धरु जीह देहरीद्वार ।
 तुलसी भीतर बाहिरहु जो चाहसि उजियार ॥
 हिय निर्गुन नयनन सगुन, रसना राम सुनाम ।
 मनहुं पुरट संपुट लसत तुलसी ललित ललाम ॥
 एक छत्र एक मुकुटमनि सब वर्नन पर जोइ ।
 तुलसी रघुवरनाम के बरन बिराजत दोइ ॥
 नाम राम को कल्पतरु कलि कल्याण निवास ।
 जो सुमिरत भयो भांग ते तुलसी तुलसीदास ॥
 मीठो अरु कटिवतिभरो रौताई अरु प्रेम ।
 स्वारथ परमारथ सुलभ रामनाम के प्रेम ॥
 रामनाम सुमिरत सुयशभाजन भयो कुजात ।
 कतरुकु सुरपुर राजमग लहत भुवनविख्यात ॥
 स्वारथ सुष सपनेहु अगम परमारथ परबेश ।

रामनाम सुमिरत मिटहि तुलसी कठिन कलेश ॥
 मोर मोर सब कह कहसि तू को कह निज नाम ।
 कै चुप साधहि सुनि समुझि कै तुलसी जपु राम ॥
 तुम लघु हमहि हमार लघु हम हमार के बीच ।
 तुलसी अलषहि का लषहि रामनाम जप नीच ॥
 राम नाम अवलब बिनु परमारथ की आश ।
 वर्षत वारिदबूंद गहि , चाहत चढ़न अकाश ॥
 दंपति रस रसना दशन परिजन बदन सगेह ।
 तुलसी हरहित वरन शिशु संपति सहज सनेह ॥
 वर्षाऋतु रघुपतिभगति तुलसी शालि सुदास ।
 रामनाम वर बरन युग सावन भादौ मास ॥
 राम नाम नरकेशरी कनककशिपुकलिकाल ।
 जापक जन प्रह्लाद जिमि पालहिं दलि सुरसाल ॥
 रामनाम कलि कामतरु राम भक्ति सुरधेनु ।
 सकल सुमंगलमूल जग गुरुपदपंकजरेनु ॥
 रामनामपरताप ते, प्रीति प्रतीति भरोस ।
 सो तुलसी सुमिरत सकल सगुन, सुमंगलकोस ॥
 तुलसी प्रीति प्रतीति सों रामनाम जप जागु ।
 किये होय विधि दाहिनो देइ आगेही भागु ॥
 रामनामरति रामगति रामनामविश्वास ।
 सुमिरत शुभ मंगल कुशल चहुं दिशि तुलसीदास ॥
 रामहिं सुमिरत रन भिरत देत परत गुरुपाय ।
 तुलसी जिनहिं न पुलकतनु ते जग जीवत जाय ॥
 भवै न सलिल सनेहु , तुलसी सुनि रघुबीरयश ।
 ते नयना जनिदेहु , राम करहु बरु आंधरे ॥
 तुलसी रामहिं आपुते सेवक की रुचि मीठ ।
 सीतापति से साहिबहि , कैसे दीजे पीठ ॥
 प्रभु तरु तर कपि डार पर ते किये आपु समान ।

तुलसी कहूँ न राम सेों साहिब शीलनिधान ॥
 हरो चरहिं तापहिं बरत, फरे पसारहिं हाथ ।
 तुलसी स्वारथमीत सब परमारथ रघुनाथ ॥
 स्वारथ परमारथ सकल, सुलभ एकही ओर ।
 द्वार दूसरे दीनता उचित न तुलसी तोर ॥
 रामप्रेम बिन दूबरो रामप्रेमही पोन ।
 रघुवर कबहूँ करहिंगे, तुलसी ज्यों जलमीन ॥
 जे जन रूखे विषयरस चिकने रामसनेह ।
 तुलसी ते प्रिय राम के कानन बसहिं कि गोह ॥
 यथालाभसंतोषसुख रघुवरचरनसनेह ।
 तुलसी ज्यों मन मूढ सो जस कानन तस गोह ॥
 तुलसी रामहि परिहरे निपट हानि सुनिवे उ ।
 सुरसरिगत सोई सलिल सुरासरिस गंगे उ ॥
 बिंध न ईधन पाइये, सागर जुरै न नीर ।
 पड़ै उपास कुबेरघर जो विपक्ष रघुबीर ॥
 हैं तुलसी के एक गुन अवगुननिधि कहैं लोग ।
 भलां भरोसो रावरो राम रीभिवेजोग ॥
 सत्य वचन मानस विमल कपटरहित करतूति ।
 तुलसी रघुवरसेवकहि सकै न कलियुग धूति ॥
 हित सों हित रति राम सों रिपुसों बैरतिहाऊ ।
 उदासीन सबसों सरल तुलसी सहजसुभाऊ ॥
 तुलसी राम जो आदरो षोटो षरो षरोइ ।
 दीपककाजर सिर धरो धरो सुधरो धरोइ ॥
 भक्तहेतु भगवान प्रभु राम धरो तनुभूष ।
 किय चरित्र पावन परम प्राकृत नर अनुरूप ॥
 हिरण्याक्ष भ्राता सहित मधु कैटभ बलवान ।
 जेहि मारे सो अवतरथो कृपासिधु भगवान ॥
 शुद्ध सच्चिदानंदमयकंद भानुकुलकेतु ।

चरित करत नर अनुहरत संसृतिसागरसेतु ॥
 अनुदिन अवध बधावने नित नव मंगल मोद ।
 मुदित मातु पितु लोग लषि रघुबर बालबिनोद ॥
 राजअजिर राजत रुचिर, कोशलपालकबाल ।
 जानुपानिचर चरित बर, सगुन सुमंगलमाल ॥
 नाम ललित लीला ललित ललित रूप रघुनाथ ।
 ललित बसन भूषन ललित ललित अनुज शिशु साथ ॥
 बालक कोशलपाल के सेवक बाल कृपाल ।
 तुलसी मनमानस बसत मंगल मंजु मराल ॥
 निज इच्छा प्रभु अवतरै सुर गोद्विज हित लागि ।
 सगुन उपासक संग तहँ रहे मोक्ष सब त्यागि ॥
 तुलसी दिन भल साह कहँ भली चोर कहँ राति ।
 निशि वासर ता कहँ भलो मानै रामइताति ॥
 सेवा शील सनेह बस करि परिहरि प्रिय लोग ।
 तुलसी ते सब राम सौं सुषद सुयोग वियोग ॥
 चारि चहत मानस अगम चनक चारि को लाहु ।
 चारि परिहरे चारि को दानि चारि चष चाहु ॥
 बचन वेष ते जो बनै सो बिगरै परिनाम ।
 तुलसी मनते जो बनै बनी बनाई राम ॥
 बंधुबधूरति केहि कियो बचन निरुत्तर बालि ।
 तुलसी प्रभु सुग्रीव की चितै न कछू कुचालि ॥
 कहा विभीषन लै मिलो कहा बिगारो बालि ।
 तुलसी प्रभु शरनागतहि सब दिन आयो पालि ॥
 विनहीं ऋतु तरुवर फरहिं शिला द्रवहिं जल जोर ।
 राम लषन सिय करि कृपा जब चितवहिं जेहि ओर ॥
 तुलसी बिलसत नषत निशि शरदसुधाकर साथ ।
 मुक्ता झालर झलक जनु राम सुजस शिशु हाथ ॥
 रामकथा मंदाकिनी चित्रकूट चित चारु ।

तुलसी सुभग सनेह बन सियरघुबीरविहार ॥
 श्याम सुरभि पय विशद अति गुनद करहिं तेहि पान ।
 गिराग्राम सियरामजस गावहिं सुनहिं सुजान ॥
 प्रेमसरी परपंचरुज उपजी अधिक उपाधि ।
 तुलसी भलो सबै दई बेगि बांधिये व्याधि ॥
 अंक अगुन आषर सगुन समुझिय उभय अपार ।
 बोये राषे आप भल तुलसी चारु बिचार ॥
 परमारथ पहिचानि मति लसति विषय लपटानि ।
 निकसि चिता ते अधजरति मानहुं सती परानि ॥
 शीश उधारन किन कहेउ वरजि रहे प्रिय लोग ।
 घरहीं सती कहावती जरती नाहवियोग ॥
 घर कीन्हे घर जात है घर छोड़े घर जाइ ।
 तुलसी घर बन बीचहीं रामप्रेमपुर छाइ ॥
 एक भरोसो एक बल एक आस विश्वास ।
 एक रामघनश्याम हित चातक तुलसीदास ॥
 जो घन वरषै समय सिर जो भरि जनम उदास ।
 तुलसी चातकयाचकहि तऊ तिहारी आस ॥
 चातक तुलसी के मते स्वातिहु पियै न पानि ।
 प्रेमतृषा बढ़ती भली घटे घटैगी कानि ॥
 चढ़त न चातकचित कबहुं प्रिय पयोद के दोष ।
 तुलसी प्रेमपयोधि की ताते नाप न जोष ॥
 बरषि परुष पाहन पयद पंष करौ टुक टुक ।
 तुलसी परी न चाहिये चतुर चातकहि चूक ॥
 उपल बरषि गरजत तरजि डारत कुलिश फठोर ।
 चितव कि चातक मेघ तजि कबहुं दूसरी ओर ॥
 पवि पाहन दामिनि गरज भरि भुकोर पवि प्रीति ॥
 रोष न प्रीतमदोष लषि तुलसी रागहिं रीझि ॥
 मान राषिबो मागिबो पिय सों नित नव नेहु ।

तुलसी तीनिहु तब फवै जो चातकमत लेहु ॥
 तुलसी चातक मांगनो एक एक घन दानि ।
 देत जो भूभाजन भरत लेत जो घूंटक पानि ॥
 प्रीति पपीहा पयद की प्रगट नई पहिचानि ।
 याचक जगत कनाउड़ो कियो कनौड़ो दानि ॥
 नहि याचत नहि संग्रही शीश नाइ नहि लेइ ।
 ऐसे मानी मांगनेहि को वारिद बिनु देइ ॥
 साधन सांसति सब सहत सबहि सुषद फललाहु ।
 तुलसी चातक जलद की रीति वृष्णि बुध काहु ॥
 चातक जीवनदायकहि जीवन समय सुरीति ।
 तुलसी अलप न लषि परै चातकप्रीति प्रतीति ॥
 जीव चराचर जहँ लगे है सब को हित मेह ।
 तुलसी चातकमन बस्यो घन सों सहज सनेह ॥
 डोलत विपुल विहंग बन पियत पोषरिन वारि ।
 सुयश धवल चातक नवल तुही भुवन दश चारि ॥
 मुख मीठे मानस मलिन कोकिल मोर चकोर ।
 सुयश धवल चातक नवल रह्यो भुवन भरि तोर ॥
 बास वेष बोलनि चलनि मानसमंजुमराल ।
 तुलसी चातकप्रेम की कीरति विशद विशाल ॥
 प्रेम न परषिय परुषयन पयद सिषावन एह ।
 जग कहै चातक पातकी ऊसर बरषै मेह ॥
 गरज आपनी सबन को गरज करत उर आनि ।
 तुलसी चातक चतुर भो याचक जानि सुदानि ॥
 चरगचगुगत चातकहि नेम प्रेम की पीर ।
 तुलसी परवस हाड़ पर परिहै पुहुमी नीर ॥
 बध्यो बधिक परयो पुन्य जल उलटि उठाई चौंच ।
 तुलसी चातकप्रेमपट मरतहु लगी न षौंच ॥
 अंड फोरि कियो चेदुवा तुष परयो नीर निहारि ।

गहि चंगुल चातक चतुर डारथो बाहिर वारि ॥
 तुलसी चातक देन शिष सुतहि बागही बार ।
 तात न तर्पन कीजियो विना वारिधरधार ॥

सोरठा

जियत न नाई नारि चातक घन तजि दूसरहि ।
 सुरसरिहं को वारि मगत न मांगेउ अरघजल ॥

दोहा

तुलसी के मत चातकहि केवल प्रेमपियास ।
 पियत स्वातिजल जान जग याचक बारहमास ॥
 आल बाल मुकुताहलनि हिय सनेह तरुमूल ।
 होउ हेतु चित चातकहि स्वातिसलिल अनुकूल ॥
 उष्णकाल अरु देहपित मगपंथी तन ऊष ।
 चातक बतियां ना रुचीअनजल सीचे रूप ॥
 अनजल सीचेरूप की छाया ते बरु ग्राम ।
 तुलसी चातक बहुतहै बह प्रवीन को काम ॥
 आपु बधिक को रूपधरि कियो कुरंगहि राग ।
 तुलसी जो मृगमन मुरै परै प्रेमपट दाग ॥
 ज्ञान अनभले को सबहि भलो भलेहू काउ ।
 सींग सँड़ रद लूम नष करत जीवजड़ घाउ ॥
 तुलसी जग जीवन अहित कतहूँ कोउ हित जानि ।
 शोषक भानु कृशानु महि पवन एक घन दानि ॥
 गुरुसंगति गुरु होइ सो लघुसंगति लघुनाम ।
 चारि पदारथ में गनै नरक द्वार हूँ काम ॥
 तुलसी किये कुसंग थिति होइ दाहिनो वाम ।
 कहि सुनि सकुचिय सूम षल गत हरिशंकर नाम ॥
 बसि कुसंग चह सुजनता ताकी आस निरास ।
 तीरथ हू को नाम भो गया मगह के पास ॥
 रामरूपा तुलसी सुलभ गंग सुसंग समान ।

जो जल परै जो जन मिलै कीजै आपु समान ॥
 होइ भले के अनमलो होइ दानि के सूम ।
 होइ कुपूत सुपूत के ज्यों पावक में धूम ॥
 लोक वेदहूँ लोदगी नाम भले को पोच ।
 धर्मराज यम गाज पवि कहत सकोच न शोच ॥
 लषि गयंद लै चलत भजि श्वान सुषानो हाड़ ।
 गजगुन मोल अहार बल महिमा जान कि राड़ ॥
 बड़े विबुध दरबार ते भूमि भूपदरबार ।
 जापक पूजक पेषियत सहत निरादरबार ॥
 जौं क सूधिमन कुटिलगति षल विपरीत बिचार ।
 अनहित सोनित सोष सो सो हितसोषनहार ॥
 नीच गुड़ी ज्यों जानिबो सुनि लषि तुलसीदास ।
 ढीलि दिये गिरि परत महि बैँचत चढ़त अकास ॥
 सहबासी काचो गिलहि पुरजन पाकप्रवीन ।
 कालछेप कोहि मिलि करहि तुलसी खग मृग मीन ॥
 साहसही सिष कोप वस किये कठिन परिपाक ।
 शठ संकटभाजन भये हठि कुजाति कपि काक ॥
 मधुर बचन कटु बोलिबो बिनु श्रम भाग अभाग ।
 कुहू कुहू कलकंठरव काका कररत काग ॥
 बचन कहे अभिमान के पारथ पेषत सेतु ।
 प्रभुतिय लूटत नीच नर जय न मीचु तेहि हेतु ॥
 षग मृग मीत पुनीत किय बनहु राम नरपाल ।
 कुमति बालिदशकंठघर सुहृद बधु किये काल ॥
 रवि हरि दिशि गुनरस नयन मुनि प्रथमादिक बार ।
 तिथि सब काज नसावनी होइ कुयोग बिचार ॥
 नकुल सुदर्शन दर्शनी छेमकरी चष चाष ।
 दश दिशि देषन शकुन शुभ पूजहि मन अभिलाष ॥
 सुधा साधु सुरतरु सुमन सफल सुहावनि बात ।

तुलसी सीतापतिभगति सगुन सुमंगल सात ॥
 सहि कुबोल सांसति सकल अंगइ अनट अपमान ।
 तुलसी धरम न परिहरिय कहि करि गये सुजान ॥
 दोहा चारु बिचारु चलु परिहरि बाद बिवाद ।
 सुकृतसीव स्वारथ अवधि परमारथ मरजाद ॥
 दूटहिं भिज रुचि काज करि रूठहिं काज बिगारि ।
 तीय तनय सेवक सषा मन के कंटक चारि ॥
 धाय लगै लोहा ललकि षीच लेइ नइ नीचु ।
 समरथपापी सो बयर जानि बिसाही मीचु ॥
 सोचिय गृही जो मोह वश करै कर्मपथ त्याग ।
 सोचिय यती प्रपंचरत बिगत बिवेक बिराग ॥
 जोपै मूढ उपदेश को होतो जोग जहान ।
 क्यों न सुयोधन बोधि कै आये श्याम सुजान ॥
 बहुमुष बहुरुचि बहु बचन बहु अचार व्यवहार ।
 इनको भलो मनाइबो यह अग्यानअपार ॥
 अपजसयोग कि जानकी मनि चोरी कब कान्ह ।
 तुलसी लोग रिभाइबो कर्षि कातिबो नान्ह ॥
 मांगि मधुकरी घात ते सोवत गोड़ पसारि ।
 पाप प्रतिष्ठा बढ़ि परी ताते बाढ़ी रारि ॥
 लही आँषि कब आँधरे बाँझ पूत कब ल्याय ।
 कब कोढ़ी काया लही जग बहराइच जाय ॥
 त्रिविध एक विधि प्रभु अनुग अवसर करहिं कुठाट ।
 सूधे टेढ़े सम विषम सबमहँ बारह बाट ॥
 व्यालहु ते बिकराल बड़ व्यालफेनु जिय जानु ।
 ओह के पाये मरत है ओह पाये बिनु प्रानु ॥
 काल बिलकत ईशरुष भानु कालअनुहारि ।
 रबिहिं राउ राजहि प्रजा बुध व्यवहरहिं बिचारि ॥
 बर्षत हर्षत लोग सब कर्षत लषै न कोइ ।

तुलसी प्रजासुभागते भूप भानु सो होइ ॥
 रीझि बीझि गुरु देत शिष सषा सुसाहब साथ ।
 तोरि पाय फल होइ फल तरु काटे अपराध ॥
 चढ़े बधूरे चंग ज्यों ग्यान ज्यों शोक समाज ।
 कर्म धर्म सुष सम्पदा त्यों जानिये कुराज ॥
 गोली बान सुमत्र शर समुझि उलटि मन देषु ।
 उत्तम मध्यम नीच प्रभु बचन विचारि विशेषु ॥
 रैयत राज समाज घर तन धन धर्म सभाहु ।
 शांत सुसचिवन सौंषि सुष विलसहि नित नरनाहु ॥
 सुधा सुनाज कुनाज फल आम्र अशन सम जानि ।
 सुप्रभु प्रजाहित लेहि कर सामादिक अनुमानि ॥
 पाके पकए विटपदल उत्तम मध्यम नीच ।
 फल नर लहै नरेश त्यों करि बिचार मन बीच ॥
 धरनि धेनु चारित चरित प्रज। सुबद्ध पन्हाइ ।
 हाथ कछू नहि लागिहै किये गोड़ की गाइ ॥
 कटक करि करि परत गिरि शाषा सहस षजूरि ।
 मरहि कुनृप करि करि कुनप सों कुचाल भवभूरि ॥
 सुषिया सुष सो चाहिये पान पान को एक ।
 पालै पोषै सकल अंग तुलसी सहित विवेक ॥
 साषी शब्दी दोहरा कहि केहनी उपषान ।
 भगति निरूपहि भगत कलि निंदहि बेदपुरान ॥
 बीज राम गुनगन नयन, जल, अंकुर पुलकालि ।
 सुकृती सुतन सुषेतवर विलसत तुलसी सालि ॥
 पुरषारथ स्वारथ सकल परमारथ परिनाम ।
 सुलभ सिद्ध सब साहिबी सुमिरत सीताराम ॥

